


The background of the image is a traditional marbled paper pattern, often called a 'stone' or 'shell' pattern. It consists of large, irregular, rounded shapes in shades of yellow, ochre, and dark blue or black, set against a dark, almost black, background. The pattern is dense and covers the entire surface. In the center of the image is a white rectangular label with a thin black border. Inside this label, the text 'PERKINS LIBRARY' is printed in a serif font, followed by 'Duke University' and 'Rare Books' in a smaller serif font.

PERKINS LIBRARY

Duke University

Rare Books





Digitized by the Internet Archive
in 2011 with funding from
Duke University Libraries

<http://www.archive.org/details/operaposthumaviz0102batt>

R. Bradley

E. Dono: J. Wood

F. A. Newington.

1854 about


ANTIQUITATES

Rutupinæ.

A U T O R E
JOANNE BATTELY S.T.P.
Archidiacono CANTUARIENSI.

EDITIO SECUNDA.

Castri & Portus Rutupini ab Austro Prospectus



Mr. Geo. J. Lewis A.M. Historix Tanolis Autor delin. 1726.

O X O N I Æ,
E THEATRO SHELDONIANO,
A. D. MDCCXLV.

F
M
8335

JOANNIS BATTELY

S. T. P.

Archidiaconi CANTUARIENSIS

Opera Posthuma.

V I Z.

Antiquitates Rutupinæ

E T

Antiquitates S. *Edmundi* Burgi

A D

Annum 1272 Perductæ.

O X O N I Æ,
E THEATRO SHELDONIANO,
A. D. MDCCXLV.

ON Æ A

Imprimatur,

E U S. I S H A M,

Vice-Can. O X O N.

Dec. 3. 1745.

INDEX RERUM.

Numerus paragraphum denotat.

O Ccassio Dialogi, & aditus ad eum, qui inibi habetur, de	
Antiquitatibus Rutupinis sermonem	1, 2, 3.
Tanatis insula. Castrum Rutupinum, Regulbinum. Rutu-	
piæ geminæ, quarum alteræ Regulbium dictæ	4.
Portûs Rutupini situs. Fluvius Wantsumu	5.
Portus Sandwicensis. Northmuthæ situs. Pepernessa	6, 7.
Lapis tituli, sive <i>Stone-end</i> . Estanora	8.
Tumulus SS. Crispini & Crispiniani	9.
Rutupiarum urbis situs	10.
Rutupini castrî situs, figura, magnitudo	11, 12.
Rutupiarum celebritas	13, 14.
Portus Trutulensis	15.
Inscriptio Amerbachiana. Triputium	16.
Cantii situs, promontorium. Itium navale	17, 18, 19.
Tanatis insulæ nomen, celebritas, laudes. Toliapis. Shepia	20, 21, 22, 23, 24.
Rutupini nominis origo	25, 26.
Regulbii antiquitas, situs. Vetasii. Fluvius Genlade	27, 28, 29.
Lateres Romani. Cisternæ Regulbinæ	30, 31, 32.
Regulbini nominis origo	33, 34.
Origines Rutupinæ	35, 36.
Disceptatio de loco ubi Cæsar ad Britanniam appulerit	37, 38.
Tamisis fluvii ostium	39.
Gefforiacum	40, 41.
Civitates Britannicæ	42, 43.
Numismata Romana Regulbii reperta	44, 45, 46.
Regulbii incendium. Pecunia Rutupiis percussa	47.
Coloniæ Romanæ in Britannia. Domitiani nummus. Calca-	
ria. Londinum	48, 49.
	Nummi

INDEX RERUM.

Nummi Regulbini	50, 51.
Severi, Carausii, Diocletiani, Maximiani numismata	52, 53, 54.
Aureus Magnentii solidus cum affixo tubulo aureo	55.
Fibulæ, annuli, urnæ, aliæque Romanæ supellectilis reliquiæ	
Regulbii inventæ	56, 57, 58, 59.
Heracletis Cycnarium ad Imperatorem	60.
Olla vinaria. Duroleuvum. Newentona	61.
Laberii tumulus. Cilla-ham. Cilla-byrig	62.
Tubus fictilis parietibus imprimi solitus	63.
Abacus variâ ex ære supellectile ornatus. Imagunculæ. ar-	
milla aurea Sapphiris distincta	64.
Strigil Regulbii inventa. Strigilis usus duplex	65, 66.
Ligularum genera & usus	67, 68.
Cochleare. Stylus graphiarius	69.
Cultrorum plicatiliū manubria	70.
Acus. Bullæ. Fibula paupertina. Harpocratis imago	71.
Lorica hamata, sive annulata. Lunula ænea	72.
Authoris de optimâ antiquitatum investigandarum ratione	
sententia	73, 74, 75.

REVERENDISSIMO
IN CHRISTO PATRI
J O A N N I
ARCHIEPISCOPO CANTUARIENSI
TOTIUS ANGLIÆ
PRIMATI ET METROPOLITANO
OMNIGENÆ LITERATURÆ
JUDICI ACERRIMO
FAUTORI BENIGNISSIMO:
QUO AUSPICATIUS IN PUBLICUM PRODEANT
ERUDITISSIMÆ PATRUI SUI COMMENTATIONES
ÆDIBUS LAMBETHANIS
E T
ARCHIEPISCOPALI PATROCINIO
ORTUM REFERENTES:

EASDEM
TAM PIETATIS ERGA AUTOREM GRATIA,
QUAM OBSEQUII ERGA PATREM SANCTISSIMUM,
ET
IN PERPETUUM ANIMI GRATI MONUMENTUM,
TOT, TANTARUM VIRTUTUM
CULTOR OBSERVANTISSIMUS
EA QUA PAR EST REVERENTIA
ET STUDIO DEVOTISSIMO
D. D. D.

OLIVERUS BATTELY.

Lectori S.

QUAS tibi jam in manum offerimus, *Antiquitates Rutupinas* noli, erudite Lector, quasi tenuis aut jejuni argumenti opus temere nimis deponere.

Rebus enim per se forte subobscuris, aut minus claris, multa doctrinæ, multa ingenii lumina videbis interspersa: & sive te delectant *Romanæ* aut *Domesticæ* vetustatis monumenta, sive literæ humaniores foeliciter illustratæ, sive orationis stylus elegans omnino & perpolitus, invenies hic quod morari te possit; quodque exiguam moram vel eruditionis fructu, vel ipsa legendi voluptate pensabit. Imo ubi libellum hunc perlegeris, dolebit tibi, quod unicum hoc opusculum absolutum reliquerit Autor, uti facile perspicies, tum in *Græcis Latinisque* literis, tum in recentioribus Antiquitatis omnimodæ scriptoribus versatissimus.

Has vero Exercitationes conscripsit, loci ipsius, in quo vixit, opportunitatem secutus; cum *nummi, fibulæ, annuli, claves, urnæ*, aliæque *Romanæ* supellectilis reliquiæ in viciniâ

ejus quotidie essent repertæ, & ad illum continuo allatæ : quarum thesaurum satis amplum collegit, & Nepoti suo, *Joanni Battely* è Collegio *Trinitatis Cantabrigiæ* integrum legavit : [cujus partem quæ in his Antiquitatibus illustratur, Propinqui, ad quos tandem devenit, in ejusdem Collegii Bibliothecâ reponendam duxerunt.]


Harum rerum studio animum suum oblectari quidem, sed non ab opere magis serio avocari passus est *Theologus*, ut erat certè, consummatissimus, & *Concionator* creber, ardens, facundus. Ita nempe hujusmodi disquisitionibus vacavit, ut interim sancta, quæ in se susceperat, officia nulla ex parte negligeret; ut neque Muneri *Archidiaconali*, quod prudentissimè administravit, neque gregi suo, cui assiduè invigilavit diligentissimus *Pastor*, usquam deesset.

Nemo itaque illius in hisce *Rutupiarum* Monumentis explicandis nimiam diligentiam merito incusare potest, nisi forte *populares* ejus de *Sⁱ. Edmundi Burgo*; quibus fas erat sperare, ut oppidi sui, & celeberrimi in eo Monasterii, historiam ab ipso inchoatam, & ad annum 1272 perductam aliquando per otium suum absolveret. Multa quidem ad hujus Loci Antiquitates illustrandas nec labore nec sumptu exiguo congesserat, quæ jam ad ipsius propinquos hæreditario jure devenîre, quæque asservantur cum doctis rerumque harum peritis, siquis forte eandem aliquando historiam meditabitur, communicanda.

HACTENUS Antiquitatum *Rutupinarum* primus Editor: frustra tamen doctos hortatus est, ut Antiquitates *Burienses* ad finem perducerent, licet anni triginta jam effluxerant, priusquam inchoata sit hæc Editio; multi tamen interim flagitârunt, ut, quales Autor scriptas reliquit, in lucem prodirent; & dignas existimârunt in his studiis versatissimi, quas in Musæis exscriptas reponerent, minimè solliciti, quod eadem ars & styli elegantia in his se non ostendat, quâ Antiquitates *Rutupinæ* plerumque illustrantur: hoc enim si quis requirat, næ ille parum intelligit quantum intersit inter Dissertationem, in quâ, quid ipse sentiat, autori pro arbitrio explicandum est, & temporum priorum Historiam, ubi vix satis veritati datur, nisi testium singulorum sententiam ex ipsorum verbis colligere liceat, & ponderare; præsertim si altera cum purioris ævi scriptoribus rem habeat, altera cum registris librisque barbariem illis incognitam redolentibus: veruntamen ut apes vel ex inamœnis floribus mella colligunt, ita qui horrida & jejuna Monachorum registra pervolvunt, modò judicio sano & acri valeant, multa in lucem producunt, quæ de orbe literato bene meritos posteris commendant; harum igitur rerum studiosis, quorum laborem imminuit, & desiderio occurrit, Autor officio satisfecisse visus est, qui summam diligentiam adhibuerit in colligendis, nec minorem religionem in recensendis oppidi natalis monumentis, quæ sparsa antea jacuerunt, & multis sordibus obvoluta. Nonnullis autem fortasse ingratum erit, quod has sordes non penitus absterferit, & eâ, quâ polluit, calami peritiâ, venustatem nativâ majorem rebus addiderit: sed cum adhuc intacta esset hujus Monasterii Historia, in cujus serie Pontificiorum mores interdum reprehendendi erant, & Sedis *Romanæ* ambitio atque avaritia notanda, etiamsi fides non desideranda videretur,

deretur, minor tamen vitiorum censuræ autoritas inesset, si suis verbis usus quasi novam rebus formam tribuisset; authentica igitur testimonia, etiamsi longiuscula, maluit adhibere, quam permittere, ut Adversarii, si quando lacefferentur, Scriptoris fidem incusarent; aliter enim facile esset hæc omnia novâ quasi veste ornare, & artifice stylo aliquantulum perpolire; qui licet pressus sit & subtilis, quo rebus melius congruat, ab agresti tamen Monachorum asperitate longissimè abhorret, & purâ sermonis venustate ostendit, quod tenuis hæc & inornata Historia ex eâdem officinâ prodierit, ac alterum illud majorum vigiliarum opus, summis ingenii & artis luminibus illustratum.

Qua demum diligentia Editor fidem absolverit, Lectori judicandum est: hoc illi solummodo in votis erat, ut simul Autoris famæ & Lectoris commodo consuleret; & opus, quâ potuit diligentia recensitum, qua etiam potuit venustate perpolitum, in lucem tandem mitteret; quod si effecerit, cum multis, qui ipsius laboribus benignè faverunt, gratiæ habendæ sunt, tum illis præcipuè, qui monumentum, quod eruditissimi Autoris memoriæ instauravit, quo magis pulchrum esset & decorum, Tabulis novis illustrare dignati sunt; & hos inter *Jacobo Burrough* A. M. Collegii *Caio-Gonvillensis Cantabrigiæ* Socio, in hujus Monasterii Antiquitatibus versatissimo, qui Ædificiorum partes, quas temporum injuriæ aliquatenus investigandas reliquerant, à se jam olim accuratè delineatas, inter alia adjumenta, cum Editore communicavit, quò melius de eorum magnificentia posteris conjicere liceret.



Antiquitates Rutupinæ.



EDENTI mihi in Musæo, quod supellectili cum libraria tum antiquaria mediocriter instructum habeo, nummosque *Romanos* in ¹ *Regulbino* agro repertos, & ad me alatos tractanti, supervenère *Mauritius & Whartonus*, viri non minus ob suavissimos mores diligendi, quam ob multi-

¹ *Regulver.*

plicem Eruditionem suspiciendi, utrique scriptis editis clari, & mecum in famulatu Reverendissimi, doctissimi, optimique Præsulis *Wilhelmi Sancroft Archiepiscopi Cantuariensis* diu atque amicissime degentes; quumque me istiusmodi studiis intentum deprehendissent; statim *Whartonus*, ut erat fervidioris ingenii, quin tu, inquit, mî *Joannes*, quousque perges bonas horas male collocare, & mensæ isti nummariæ *ὧς τραπέζης* assidere? quid enim in illo numismatum cumulo, quem tantopere versas, aut diligentia tua, aut expectatione nostra dignum invenis? an tibi *Regulbium Othones*, *Pescennios Nigros*, *Gordianos Afros* suppeditat? Numquid ibi singulare atque præclarum occurrit, quod *Occonis*, *Mediobarbique Biragi* solertiam, quod *Antonii Augustini*, & *Ezechielis Spanhemii* acumen fugit? Taceo *Angelonos*, *Bellorios*, *Tristanos*, *Patinos*, *Harduinos*, *Vaillantios*, *Morellos*, aliosque, quibus omnes, quotquot sunt, Thesauros nummarios perlustratos atque excussos esse novimus. Quid, inquam, novi post tot tantosque viros è penu tua depromes? Num ignorata pridem *Populorum*, *Coloniarum*, *Urbium*, *Regum*, *Deorum* nomina? Num laborantis *Chronologiæ* subsidia? Num denique *Criticorum* delicias, va-

rias

rias scilicet ejusdem vocabuli five veras five falsas descriptiones? Enimvero si nihil horum proferre potes, operam perdis; atque fatius esset æruginosum istum acervum denuo defodere, qui neque aliis rebus lucem asferre, nec ipse, quamvis diu à te tractatus, nitescere potest.

2. Hæc, declamatorio more, à Viro acerri-
mi ingenii in me raptim effusa, præsertim quum
ad illius increpationem temporis male locati
conscientia accederet, valde me movebant: post-
quam vero recordatio cum familiaritatis, tum
amicitiæ, quæ longo tempore inter nos inter-
cesserat, animum meum paululum confirmâs-
set, placide sic rogabam; egone te, dies noctes-
que codices MSS. *Lambethanos*, *Cottonianos*,
Arundelianos, aliosque, quotquot undique nan-
cisci poteras, versantem, ab incœpto cursu i-
stiusmodi clamoribus revocabam; quibus tu me,
antiquorum nummorum contemplatione ani-
mum meum recreantem, nunc perterres? Tune
has voces à me audivisti unquam, quid facis, mî
Whartone? quid in codicibus istis te repertu-
rum speras? Annon *Lelandi*, *Balei*, *Parkeri*,
Camdeni, *Savilii*, *Seldeni*, *Spelmanii*, *Usserii*,
Twissdeni, *Dugdali*, *Galei* diligentia omnem ti-
bi laudis materiem ex istiusmodi labore prære-

ptam esse cernis? Imo contra *Mauritius* & ego, quum videremus qua te raperet genius, nos currentem incitare, & veterum codicum non indecoro pulvere fordidum laudare, &, ut alacrius pergeres, tibi nos comites adjungere, eidem operæ manus adinovere; magnis te exemplis hoc facere, rem doctis gratissimam atque utilissimam aggredi, ad immortalem nominis gloriam hac recte niti, sæpissime dicere. Ita ego de studiis tuis & tunc sentiebam, & nunc sentio, & sentiam semper: quin tu vicissim eum, quem in te fovi & laudavi, rei antiquariæ amorem mihi permitte. Illud tantum inter nos interest, quod tu ingentia volumina ames versare; ego autem laboris impatiens, ita enim à natura comparatus sum, numismata Romana lubenter tracto; iis quasi libris utor; eorum brevitate mirifice delector; quippe quæ compendiarium rei Romanæ historiam exhibeant, typis æreis, argenteis, aureis, diu ante inventionem artis Typographicæ, excusam, codicibusque tuis MSS. ut antiquiorem, ita quoque longe perenniorem.

3. Suaviter hic, pro more suo, subridens *Mauritius*, video, inquit, *Whartoni* mentem à te non recte esse intellectam. Is enim studia
tua

tua dammare non vult, sed accendere; eorum fructus ut matures, & in medium proferas, monet, suadet, urget: quin & ego in illius partes jam transeo, idemque obnixe postulo. Tum ego, non iniqua, inquam, postulatio vestra videri posset, nisi ab iis Viris profecta esset, qui ingenium meum animumque à publica luce semper abhorrentem probe nôstis. Interea, neque belle neque amice facitis, qui studiorum meorum rationem efflagitatis, quam incolumi pudore vix possum reddere. Tum *Mauritius*, novi, inquit, quid velis. Quandoquidem igitur de studiis tuis interrogari non vis, nos de otio tuo, quod infructuosum esse non putamus, interrogabimus; etenim illud solebas dicere, te subcisivam operam in re Antiquaria investiganda, atque illustranda collocare. Hæc quum audirem, nec ullam viam mihi relictam esse cernerem, qua importunam amicissimorum virorum curiositatem effugerem, morem, inquam, geram, & quoniam otiosis esse placet, commentationes aliquot de *'Regulbio Rutupii'*que, antiquis *Cantii* locis, eo ordine quo animum meum subiêre, vobis exponam.


1 *Reculver & Rickburrough.*

4. Quum nummi, annuli, fibulæ, claves, urnæ, aliæque Romanæ supellectilis reliquiæ, *Regulbii* & in vicinis *Rutupiis* frequentissime repertæ, indidem ad me allatæ essent, continuo ingens animum meum desiderium invasit illorum locorum origines accurate investigandi, quas antiquissimas fuisse, tot eruta monumenta, tam præclara castrorum *Romanorum* vestigia adhuc comparentia, facile persuadebant. Disquisitionem itaque meam à præsentī horum locorum conspectu exorsus sum, quorum situs atque opportunitates diligenter contemplatus, ea tibi, *Mauriti*, aperte indicabo, sunt enim *Whartono*, eorum accolæ, notissima. *Tanatis* insula *Cantiano* litori objecta portum facit, qualem describit *Virgilius*:

————— *insula portum*

Efficit objectu laterum. —————

Tanatin autem nostram, eumque, quem, facit, portum, ut illud ἐν παρόδῳ dicam, respexisse videtur *Venantius Fortunatus* in illo carmine, quo de *D. Pauli* appulsu in *Britanniam* ita canit,
Transiit Oceanum, vel qua facit Insula
portum.



*Linea à Tabula latere Occidentali
& Australi Septentrionem & Orientem
versus ducta Fluviorum & Continente
in hunc Portum delatorum cursum
hodiernum designant. Viz.*

*a. Fl. Genlade sive Ealande. b. Stura
major mercibus Cantuariam usque
vehendis olim idoneus, nunc autem
non ultra Fordwicum navigatus.
c. Stura minor, cujus ut et majoris
alveum, qui regionis situm diligenter
explorârunt, maris casu olim allui
credunt, & hinc Villas de Fordwich &
Beakesbourn, quarum altera in ma-
joris, altera in minoris ripâ sita est,
Portuum maritimum (vulgo The Cin-
que Ports dictorum) autoritati subjectas esse.*

*Alveo autem, qui hos in Oceanum
Britannicum defert, Wantsumi nomen
est.*

*Mari tandem decrescente Sandwi-
cum in Australi Wantsumi latere no-
d, extructum est, unde navicula in
Insulam trajicitur.*

*Punctorum series e. f. g. litoris
Orientalis limites hodiernos designat.
Promontorio ad f. Popernick
nomen est.*

Apostolum gentium huc transiisse, neminem dubitare finit *R. R. Præsulum* ¹*Usserii* atque ²*Stillingfleeti* in ea re confirmanda erudita ac felix diligentia; quo autem trajectu uteretur, nisi eo, qui tunc temporis usitatissimus erat in hunc ipsum portum, de quo loquimur? Is portus, uti ad id unde digressi sumus revertamur, ostia habet duo; quorum unum Septentrionem, alterum Orientem spectat. Huic *Rutupinum*, illi *Regulbinum* castrum imponitur; quibus, præsidio munitis, portus olim utrinque claudabatur. Ex iisdem, quasi ex speculis, invasorum prædonumque naves & longissime prospici, & aditu prohiberi, classesque *Romanæ* tuto subduci solebant. Mutuam illam quam in eodem portu tutando operam castra præstabant, cæterasque loci opportunitates, quum in uno conspectu præsens viderem, cœpi mecum sic cogitare: scilicet cognationem quandam fuisse olim *Regulbio* cum *Rutupiis*, seu potius *Rutupias* geminas fuisse, earumque alteram inclinato ac prope jacente in hac Insula Imperio *Romano*, *Regulbium* vocatam. Sed de utroque nomine alio loco accuratius differemus. Interim ad rem

¹ *Britan. Eccles. Antiq.* p. 4. ² *Orig. Britan.* p. 37. &c.

redeo. Vallem latam, five planitiem inter hæc castra exporrectam jacere vidi, in qua ego portum *Rutupinum* collocandum esse existimo¹. Ego te, *Whartone*, horum locorum peritissimum, veritatis rei narratæ testem, utrosque vero & te & *Mauritium* conjecturarum nostrarum iudices constituo.

5. Tum *Whartonus*: Insulæ atque Castrorum situs & commoditates recte describis, neque illud quod de geminis *Rutupiis* conjectas, improbo: ea vero quæ de portu *Rutupino* inter hæc Castra collocando dicis, nova prorsus atque inaudita sunt, an probabilia & verisimilia sint, id à te quærimus. Præsens certe loci status me in sententiam tuam ire non finit. Quis enim in latissima illa planitie, quæ *Regulbium Rutupiasque* interjacet, ubi nunc prata virent, ubi rivulus² exilis, brevissimo alveo contentus vix fluit, portum *Rutupinum*, totius *Britanniæ* celeberrimum, fuisse credat? Tu ipse, inquam, id faceres, modo antiquam hujusce loci faciem, qualem eam depingunt veteres Scriptores, in memoriam revocare, mentisque oculis contemplari velles. Ea, quam nunc vides, ficcitas, five aquarum penuria, olim non erat. Etenim ³*Soli-*

1 Tab. I. 2 Tab. V. 3 Cap. XXIV.

nus, qui primus scriptorum Romanorum Insulæ *Tanatis* meminit, ait “eam allui freto *Gallicano*, à *Britanniæ* continente æstuario tenui “separatam.” Illud autem æstuarium, quod *Solinus* tenue vocat, ‘*Beda* stadia circiter tria latum fuisse tradit. Ita enim scriptor venerabilis: “Est ad Orientalem *Cantii* plagam *Tanetos*, insula non modica, id est, magnitudinis, juxta consuetudinem æstimationis Anglo-
rum, familiarum sexcentarum, quam à continente terra fecernit fluvius *Wantsumu*, qui “est latitudinis circiter trium stadiorum, & “duobus tantum in locis est transmeabilis, utrumque enim caput protendit in mare.” Hic notandum, *Solini* æstuarium atque *Bedæ* fluvium, idem esse; illud autem perpetuo decremento ante *Bedæ* tempora indies angustatum fuisse; quod *Saxonicum* fluvii nomen aperte indicat; etenim in ea lingua *Wantsumu* idem est quod in Latina “valde decrescens;” denique duobus tantum locis fluvium hunc transmeabilem fuisse, non pedibus, sed navigiorum ope. Utriusque trajectus nomen conservavit nobis ‘*Eadberti* Regis charta, *Bedæ*que narra-

1 Hist. Eccles. I. 25. 2 Annales Monasterii D. *Augustini* MSS. in Bibliotheca Aulæ *Trin. Cantabrigiæ*.

tionem egregie illustrat atque confirmat. Verba magnifici Regis perpendite. “Do, inquit, “duarum navium transvectionis censum in loco cujus vocabulum est ad ¹ *Serræ*, sicut à Regibus *Merciorum Ethelbaldo & Offa* longe ante concessum est tributum in loco cujus vocabulum est ² *Lundenwic*.” En duos, quos memorat *Beda*, transitus in Insulam; quorum quidem ille ad *Serram* ponticulo ligneo nunc conjungitur, alter vero ad *Lundenwic* sive *Sandwicum*, non nisi navicula hodie trajicitur.

6. Hic me plura dicere pergentem morabatur *Whartonus*, inquiens se de æstuario, quod *Tanatim Britanniamque* interjectum est, non amplius dubitare; de illius latitudine non quærere: sed an portus ibi esset, qui navibus subducendis sufficeret. Tunc ego, quid, inquam, si ostendero, æstuarium hoc multam diminutionem passum, tamen post *Solinum* plus mille annis maximarum classium excipiendarum capax fuisse? quod quidem facturus sum, modo illud in præsentia pro concessio habeatis, quod postea luculenter probaturus sum, nempe portum *Sandwicensem* eodem loco fuisse, quem ego *Rutupi-*

¹ *Sarr* in insula *Tanati*. ² *Sandwic*. *Sommer de port & Castris Cantii* p. 9. &c.

num olim occupavisse contendo, eaque quæ apud Historicos nostros de *Sandwicensi* portu occurrunt, ad *Regulbinum* pertinere. Quum postulatum nostrum uterque eorum æquum esse censeret, meque procedere juberet, prolatis Annalibus nostris hæc legebam: “¹ *Anglorum* classem, qualem nullam in alicujus Regis tempore fuisse historiæ memorant, ad *Sandwicum* devectam, ibi constitisse.” “² *Tu killum* sua cum classe ad *Angliam* venisse, aliamque *Danorum* classem innumeram, ei conjunctam, portum *Sandwicum* adiisse.” “³ *Haroldi* classem *Cantii* Orientale litus populatam, *Sandwico* progressam ad *Northmutham*, indeque *Londiniam* versus.” Tum *Mauritius*, quandoquidem, inquit, in *Northmuthæ* mentionem forte incidimus, per quam *Haroldi* classis, *Sandwico* solvens, *Londinum* tendebat, ita enim rem clarius narrant ⁴ *Henricus Huntingdonensis* & ⁵ auctor *Chronici Joanni Bromton* ascripti; nisi id tibi molestum sit, dicas obsecro ubi illam quaeremus: video enim doctissimos viros ⁶ *Somme-*

¹ *Chronic. Saxon.* ad A. D. MIX. ² *Florent. Vigorn.* ad A. D. MIX.
³ *Chron. Saxon.* ad A. D. MLII. ⁴ *Lond.* 1596. Fol. 209. b. ⁵ *Pag.* 943.
⁶ *Dictionar. Saxon.* voce *Northmuth*.

rum atque ¹*Gibsonum*, eam in ²*Medwægi* ostio fuisse, conjectare; perperam vero, ut opinor; quis enim nescit iter maritimum ad *Londinum*, non per *Medwægi* sed per *Tamisis* ostium esse dirigendum? Opportune, inquam, atque recte hoc à te, *Mauriti*, notatum est; neque satis mirari possum quempiam in his studiis locisque versatum ignorare ubi *Northmutha* sit. Annon enim in ³*Lambardi* tabula geographica id nomen *Wantsumi*, sive *Sturæ*, ostio Septentrionali ascriptum est? Annon ⁴*Harrisonus* in accuratissima *Britanniæ* descriptione idem notat, *Northmutham*que à *Sandwico* VII. millia passuum distare? Annon limites agrorum Monasterio *Regulbino* ab *Eadredo* Rege assignatorum, quos ⁵*Saxonice* editos habemus, eam in territorio *Regulbino* ponunt? His testibus satis abundanter demonstratum esse spero *Haroldi* classem, inter Insulam *Tanatim* *Britanniæ*que continentem tenuisse cursum, & *Sandwico* per *Wantsumi* fluvii ostium Septentrionale, sive *Northmutham*, versus *Londinum* vela fecisse. En fluminis magnitudinem! en certissimum ar-

¹ Explan. nominum locorum in fine Chron. *Saxonici*. ² *Medway*.
³ In fine Itinerarii *Cantii*. ⁴ Pag. 30. ⁵ In *Dugdali* Monastico Vol. I. p. 87.

gumentum,



gumentum, planitiem, in qua decurrit, olim navigatam fuisse! Taceo post hæc ¹*Simeonis Dunelmensis* descriptionem Insulæ, quam maris flumine undique circumdatam narrat, eaque specie, quam nobis exhibet antiqua Tabula in ²*Monastico typis expressa*. Taceo Monachos D. *Augustini Cantuariæ*, qui A. D. MCCCXIII. ³wrecum maris in Maneriis suis de *Menstre*, *Chistelet* & *Stodmersch*, id est, in ipsa, de qua loquimur, planitie sibi vindicabant. Hanc disputationem claudet ⁴*Joannis Twini* civis nostri narratio, qui quum patrum fere nostrorum memoria vixerit, ait suo tempore superfuisse “octo viros fide dignos, qui non modo cymbas “minutiores, verum etiam grandiores naviculas, onerariasque measse ac remeasse inter Insulam ac continentem frequenti navigatione vidisse se, dicerent.” Neque illud prætereundum, quod paulo post affirmet, “ad *Sarram*, medio “fere inter *Rutupias Regulbiumque* itinere, stationem navalem fuisse;” quod, an in antiquorum scriptis legerit, an ex vulgi rumore didicerit, an denique ex anchoris ibidem effossis conjectando dixerit, prorsus nescio.

¹ Ad A. D. 864. ² Vol. I. p. 84. ³ *Thorn.* p. 2015. ⁴ De rebus *Ælionicis* p. 25. ⁵ Pag. 27.

7. Restat, ut id quod modo pollicitus sum absolvam, nempe ut ostendam portum veterem *Sandwicensem* iisdem terminis circumscriptum fuisse, quos ego *Rutupino* portui tribuebam, id est, ea planitie, quæ ostium Septentrionale atque Orientale *Wantsumi* fluvii interjacet: ad illud autem demonstrandum non alio argumento opus est, quam Monachorum 'nostrorum Commentariis; ii enim ² chartam nobis exhibent, in qua *Sandwicensis* portus limites figuntur hinc *Pepernessa*, inde *Mearesfleote*: est autem *Pepernessa* promontorium in Orientali fluminis ostio; *Mearesfleote* in Septentrionali; quos ponunt limites territorii *Regulbini* à me supra laudati. Neque aliud innuit id quod in iisdem ³ Commentariis legimus: "Eorum [scilicet Monachorum] est
 "transfretatio portus, & navicula, & telonium
 "naviculæ, & omnium navium, quæ ad *Sand-*
 "*wic* venerunt à *Pepernessa* usque ad *North-*
 "*mutham*:" id est omnium navium, quæ, ad *Sandwicum* venientes, in eo fluvio stabant; ubicunque enim inter dictos terminos subducebantur, in portu *Sandwicensi* erant, eoque nomine Monachorum portitoribus portoria solve-

¹ Cantuariensium. ² Charta *Canuti R. de Sandwic.* ³ Evidentiæ Ecclesiæ *Cant.* inter x. Scriptores, p. 2225, 2226.

bant. ¹ *Giraldus Cambrensis* in opere eximio de jure & statu *Menevensis Ecclesiæ*, quod industriæ atque diligentiae tuæ, mi *Whartone*, debemus, exterioris portus *Sandwicensis* mentionem facit, quod cum conjectura mea satis convenit; erat quippe portus exterior, illa fluvii pars, quæ *Sandwicum* inter atque mare jacebat; interior vero, ea quæ à *Sandwico Regulbium* usque pertinebat; quæ partes conjunctæ portum *Rutupinum* faciebant. Tecum lubenter sentirem, inquit *Whartonus*, nisi me eruditorum virorum, *Somneri* præsertim & *Plotti*, contra sentientium moveret autoritas; quorum ² hic portum *Rutupinum Sandwici*, ³ ille *Estonoræ* fuisse contendit. Respondebam, eos, qui sic disputant, incerta pro certis sumere; neminem ea oppida tam humili, tamque depresso loco sita, tunc temporis quum florebat portus *Rutupinus*, extitisse concessurum; eos exiliter & anguste nimis & sentire & loqui, qui portum celeberrimum, amplissimum, capacissimum, horum locorum proxima vicinitate circumscribunt; nugas agere, qui in utra fluvii ripa collocandus sit quærunt: Opinionem nostram, quæ

¹ *Angliæ Sacræ* vol. II. p. 571. ² De *Romanis Cantii* portubus & castris p. 9. &c. ³ In *Additamentis ad Camdeni Cantium*.

ei totum flumen qua longum qua latum attribuit, & probabilem magis, & magis honorificam esse: alteram denique sola conjectandi licentia, nulla argumentandi firmitudine niti; nostram vero tum autoritatis, tum rationum pondere stabiliri.

8. Jam fatis est, inquit *Mauritius*, amplius non dubito de portus *Rutupini* situ, spondeoque pro *Whartono* eum in eadem sententia futurum; cogitat, dubitat, hæsitat paulisper, non aliam ob rem quam ne temere opinionem suam mutasse videatur. Interim nec longa nec inutilis à re nostra digressio erit, si illud à te quæram, ubi fuerit insignis ille *Lapis tituli*, propter quem *Saxonas* à *Vortimero* cæsos fugatosque refert ¹ *Nennius*; namque prope loca de quibus jam supra differuimus, fuisse suspicor; neque quæstionem illam à proposito nostro longius abesse puto: quamvis enim non ad rem *Romanam*, sed *Saxonicam*, pertinere videatur, quum tamen Regni *Saxonici* initia cum *Romani* Imperii in *Britannia* fine conjunctissima fere sunt, quumque loci nomen, de quo agimus, prorsus *Latinum* sit, tu quid de eo sentias nobis imperti; audio

1 Hist. Britan. cap. XLVI.

enim

enim aliorum de ea re sententias tibi minime probari. In quantum, inquam, mihi jus fasque est à doctissimis viris dissentire, argumentis non levibus inductus, id facio. ¹ *Camdenus* ² *Usserius*que *Lapidem tituli* apud *Stonar* collocant, decepti nominis origine, quam à *lapide* derivari putabant. Illum autem errorem, tantorum virorum autoritate diu subnixum, atque indies invalescentem, depulit tandem ³ *Somneri* perspicax diligentia, veram istius vocis notationem atque scriptionem ex antiquis monumentis eruendo, & docendo eam non *Stonar* sed *Estanore* legendam; *Estanore* autem, ⁴ oram, litus, ostium sive portum Orientalem significare: omnis vero hæc descriptio *Estanoræ* imprimis convenit. Sinite me unico testimonio emendationem *Somnerianam* confirmare. ⁵ Autor *Encomii Emmæ* ait, “*Thurkillum Danum*, in portum “*Sandwicenssem* appulsum, in loco *Scorastan* “dicto contra *Anglos* aciem instruxisse:” quid vero aliud est *Scorastan* quam per transpositionem *Eastanscore*? *Eastanscore* autem &

¹ In *Cantio*. ² *Antiq. Eccles. Britan.* p. 223. ³ De portibus & castris *Rom.* in *Cantio*, p. 94 & 98. ⁴ Sic *Cerdicfore* sive portus *Cerdici* apud *Matth. Westm.* ad A.D. 494. & alibi passim apud Historicos nostros. ⁵ Inter Scriptores *Historiæ Normannicæ. Lutetiæ* 1619. p. 168.

Estanore idem esse norunt *Saxonicae* linguae periti. Hæc, si quid ego video, argumentum à nomine *Stonar* ductum, quod cum *Lapide tituli* nihil habet commune, penitus elidunt. Illud præterea à *Somnero* observatum est, prælium hoc non in Insula *Tanati*, ubi *Stonar* est, commissum fuisse; quippe quod ¹“*Saxones* fusi, “ad naves fugisse, atque Insulam pro refugio ad- “iisse” dicuntur: non igitur *Stonaræ* sive *Estanoræ* erat *Lapis tituli*. Sed ne nusquam esset, illum *Folcstanæ* adjudicat idem ²vir doctissimus: quod quoque post eum fecere ³*Stillingfleetus* & ⁴*Galeus*, *Nennii Lapide tituli* in suum *Lapidem populi* converso. Agnosco equidem summam *Folcstanæ* antiquitatem. Agnosco hanc vocis mutationem eorum sententiæ favere; verum in ipsa mutatione hæreo, quam, nulla antiquorum scriptorum, nulla vetustorum codicum autoritate subnixi, magis audacter quam recte faciunt; quæque tam dura, tam insolens apparet, ut vel credulitatem ipsam prorsus superet. Eandem ob causam ⁵*Langbournum* quoque nostrum prætereo, qui solus incedens *Lapidem*

¹ *Galfred. Monemuth.* vi. 13. ² De portibus & castris *Rom. Cantii* p. 97. ³ *Antiq. Eccles. Britan.* p. 322. ⁴ In notis ad *Nennii Hist.* cap. XLVI. ⁵ In *Chronic. regum Angliæ* p. 24.

tituli nunc *Langerstonæ* in *Icenis* meis, nunc inter *Stonam* & *Fletam* prope *Gravesendam*, ponit. Quid interim ego de hac re sentiam, paucis dicam. Erat olim in Australi *Cantii* angulo *Lapis Finalis* sive terminalis, qui vocabatur ¹ *Lapis appositus in ultimo terræ*, nunc autem *Stone-end*. *Lapides* vero *finales*, si inscriptum quid haberent, ² agrimensores *Titulos* appellabant. Unde ³ *Venantius Fortunatus*, “*Titulum* hunc, ait, horum jugerum limitem esse noveritis & confinium.” Jurisconfulti ⁴ “*Titulos* in prædiis aiunt esse tabulas in quibus Dominorum nomina inscripta erant, ut ex iis, cujus prædia essent, cognosceretur.” Quorum lingua usus ⁵ *Chrysologus*, “Dominum, inquit, prædiorum limitibus affixi *tituli* proloquuntur:” erant igitur *Lapides tituli*, quotquot in limitibus positi titulum sive insculptum sive affixum habebant. En igitur, in eo quem indico loco, *Lapidem tituli*, super ripam *Gallici* maris positum, ubi *Nennius* pugnatum fuisse scribit: scilicet, “in campo juxta *Lapidem tituli*, qui est

¹ Vide *Offæ R.* chartam à *Somnero* editam in libro de portubus & castris in *Cantio* p. 50. &c. ² Vide rei agrariæ scriptores p. 47. &c. ³ In vita *Medardi* cap. 5. ⁴ Vide *Calvini Lexicon* Juridicum in voce Titulus. ⁵ *Homil.* CLIV.

“super ripam *Gallici* maris.” Hoc igitur loco & *Vortimerum* victorem fuisse, & *Lapidem tituli* figendum esse censeo.

9 Quum *Whartonus* ægre ferret præclarum hoc monumentum Insula sua moveri, inque extremum *Cantii* angulum transferri, ita me adortus est: siquidem, inquit, ita argumentaris, quidni *Rutupias* ipsas *Lapide tituli* cohonestares? Etenim non semel mihi indicasti ibi lapidem fuisse impressum in memoriam B. *Augustini*, qui eo loco è navi exscendebat. Memini, inquam, me tale quid in nescio cujus ¹ Monachi versificantis carmine olim legisse; sed quum, habita rerum gestarum temporumque ratione, *Vortimeri* prælium B. *Augustini* adventum centum circiter & triginta annos præcessisse animadverterem, ultra de eo lapide non disquirendum esse censebam. Tu vero, inquit *Mauritius*, quid sentis de ² *Camdeni* narratione, scilicet inter scrupos prope *Stone-end*, ubi *Lapidem tituli* posuimus, cumulum majorum lapidum conspici, quem vicini tumulum SS. *Crispini* & *Crispiniani* esse volunt? Hæc, inquam, opinio unde in vulgus emanarit, eorumque ani-

¹ In Annal. D. Aug. MSS. in Bibliotheca Aulæ Trin. Cantabr. ² In *Cantio*.

mis infederit, nescio; quum *Suessionas* horum martyrum sepulchrum sibi vindicare notum sit: nisi hoc loco olim extiterit *Romanum* aliquod monumentum, five lapis five cippus, his nominibus inscriptum, quæ *Saxonicorum* temporum indocta simplicitas viris sanctis martyribusque forte ascribebat: neque mirum si id tunc factum est, quandoquidem infana Ecclesiæ *Romanæ* superstitio idem nunc quoque sæpe facit. *Crispini* vero non deerant, quorum nomen in *Britannia* celeberrimum esse potuit: erat quippe ¹ *Aimilius Crispinus* sub *Gordianis* Præfectus *Alæ Augustæ* in *Britanniis*; erant etiam ² equites *Crispiani*; erat denique sub *Domitiano* *Crispinus* multo carmine à ³ *Statio* laudatus: is autem patrem habuit *Vectium Bolanum* ⁴ *Britannicæ* sub *Vitellio* Præfectum, quem ⁵ poeta speculas ibi castellaque condidisse, & titulos ibidem inscriptos reliquisse dicit; quæ fere omnia *Cantii* Australi atque Orientali litori conveniunt, neque mirandum erit, si in titulo aliquo filii sui nomen extare voluit.

IO Hæc vix finieram, quum me *Mauritius*

¹ Inscriptio apud *Camdenum* in *Brigantibus*. ² Notit. Imperii cap. LXXXIX. ³ *Pap. Statius Sylv.* v. 2. ⁴ *C. Tacit. Hist.* II. & in *vita Agricolaë*. ⁵ *Statius* ibid.

Rutupias, unde longe digressi eramus, revocat; & quoniam, inquit, portum hunc feliciter tenemus, vela contrahamus, & è nave egressi urbem castrumque invisamus, exploremus. Ita, inquam, factò opus est; quippe scio vos non sine nausea navigasse, quod incommodum utinam ne vobis in terra quoque accidat; quia autem periclitari vultis, lubens progredior. Tria sunt *Rutupiis*; portus, de quo fatis superque dictum est: urbs, castrumque, de quibus quædam sigillatim dicenda restant. Hæc quum Scriptores nostri confundunt atque commiscent, multa de iis & imperite quærere, & inutiliter disputare solent; *Rutupiæ* ipsæ, sive urbs ubi fuerit non consentire, his eas ¹ *Dubris*, his ² *Sandwici*, his ³ *Duroverni* sive *Cantuariæ*, his ⁴ *Durobrivis* sive *Roffæ* fuisse, affirmantibus. Qui *Cantuariam* *Roffam*que somniant, cætera quidem doctissimi, exteri tamen rerumque nostrarum imperiti erant, neque illos refutare operæ pretium erit. Qui pro *Dubri* vel *Sandwico* contendunt, ii nostrates sunt, eorumque opinioni magis nobis

¹ *Twinus* de rebus *Albionis* p. 50. *Lluydus* in fragm. *Britan.* descript. p' 12. 13. ² *Sommerus* de portubus & castris in *Cantio* p. 3. &c. aliique. ³ *Dominicus Marius Niger* Geographiæ p. 19. ⁴ *P. Jovius* in *Angliæ* descriptione. *Ælius Ant. Nebriffensis* in Dictionario.


attendendum, propter accuratam horum locorum cognitionem, qua pollebant, aut certe polere debebant. Qui *Dubrim Rutupiasque* eandem urbem esse volunt, *Matthæum Florilegum*, *Westmonasterii Monachum*, ejusdemque farinae scriptores sequuntur; sed quam temere id fecerint, demonstrant, primo *Itinerarium Antonini*, in quo non solum illorum locorum distincta mentio fit, sed diversa iisdem à *Duroverno* distantia tribuitur; *Rutupis* M. P. XII. *Dubri* M. P. XIV. *Tabulae* deinde *Peutingeriae*, in quibus seorsim ponuntur; ¹ *Notitia* denique Imperii Occidentalis, in qua *Dubri* Praepositus militum *Tungricanorum*, *Rutupis* Praepositus ² legionis II. *Augustae*, in stationibus fuisse dicuntur. Ex his fatis liquet *Dubrim* atque *Rutupias* eodem loco non fuisse. Qui *Rutupias Sandwicum* transferunt, ad verum quidem earum situm propius accedunt, rei tamen veritatem minime attingunt: quippe multa sunt quae suadent, eas, quamvis *Sandwico* non procul abfuerint, ibi tamen non esse statuendas. Urbem enim, quam quaerimus, ³ *Camdenus*, “in

¹ Pag. 161. ² Notanda hic *Guid. Pancirolli* hujus libri Editoris ositantia, qui legionis hujus nullibi in *Notitia* mentionem esse tradit p. 177.

³ In *Cantio*.

“dejectu collis, cui castrum imponitur, expor-
 “rectam jacuisse; illius plateas sese interfecantes
 “succrescente fegete in arvo propter castrî mœ-
 “nia comparere; aream illam, aratro proficissam,
 “nummos *Romanorum* aureos & argenteos ve-
 “tustatis suæ indicia sæpenumero egerere:” quod
¹ *Lelandus* olim dixerat, suo scilicet, & supe-
 rioribus seculis, majorem copiam nummorum
Romanorum ibi repertam, quam ullibi in tota
 hac Insula. Hæc ille recte, atque præclare.
 Quid autem è contra ² *Sommerus*? urbem scili-
 cet longe ab arce divulsam, in locum uligino-
 sum atque palustrem trahere; quem situm, pro-
 pter insalubritatem, ³ *Romani* in urbibus desig-
 nandis evitare solent: nullum vero monumen-
 tum, ne nummulum quidem ibi effossum, pro-
 ferre, nullum sententiæ suæ idoneum testem
 citare præter ⁴ *Matthæum Florilegum Westmo-*
nasteriensem Monachum (qui tradit *J. Cæsa-*
rem in *Rutupi* portu, qui modo *Sandwicum* di-
 citur, applicuisse, id est, in portu qui olim *Ru-*
tupi, modo autem *Sandwici* dicitur; ubi non
 de urbe, sed de portu, sermo est) & ⁵ *Panci-*

¹ Apud *Sommerum* de portubus & castris in *Cantio* p. 89. ² De portubus
 &c. p. 3. &c. ³ *Vitruv.* Architect. 1. 4. ⁴ Pag. 38. ⁵ Notit. Imperii
 p. 161.



CASTRI RUTUPINI

A. Prætorium. B. Porta Decumana, ita posita ut (secundum regulam Vitruvianam) accedentium dextrum latus scuto non tectum obsessorum telis sit proximum. C. Sinus Pegwell Bay dictus D. Ianatis Pars eminentior. E. S. Laurentij Ecclesia. F.F.F. Sura sive Wantsumæ Fluv. qui rivulis in planitiem, quam Portus olim occupavit, delatis auctus Ianatim à continente disjungit, & in mare ad G. defluit. Promontorio ad oram Wantsumi dextram juxta G. Popernghæ nomen. H. Estanora, vulgo Stonar.

Reverendo admodum
in Christo Patri
Roberto
Episcopo Petoburgensi
nec non
in Academia Oxoniensi
Linguae Hebraeæ Profefs Regio
& Edis Christi Canonico
hanc Tabulam DDD.
Ol. Battely.

ab Occidente Prospectus.

Ad dextram Wantsumi ripam juxta partes, II. Sandvicum situm est, intra justos hujus Tabulæ limites vix contrahendum. K.K.K. Ianatis Planities à mari olim occupata. L.L. Planities arenosa à Sandvico Delam usque extensa. M. Dela. N. Sandowne Castle. O. Duna. P. Pharos in Promontorij Australis culmine sito. Q. Vicus. D.^{ca} Margareta, vulgo S.^t Margarets at Clift. R. Oppositum Morinorum litus.

P. Fourdrinier Sculp.

rollum, virum doctum sed exterum, cujus auctoritatem si *Camdeno* nostro opponerem, valde delirare viderer. Illud denique *Somnerus*; platearum tractus, quos *Camdenus* extra castrum fuisse notat, in castrum trahere; esse facelli nescio cujus fundamenta, probare; illud in *Camdeno* refutare, quod viro cordato *μὴν δ' ἐν ὀρέσποισ* in mentem venit; scilicet urbem *Rutupias* in ipso castro fuisse. Quis autem mortalium non videt *ἀπεγοδιόνησα* esse hæc omnia?

II. Hactenus de urbe. Ad castrum jam me converto; de cujus situ non patiuntur nos dubitare præclaræ illius reliquiæ, quæ VII. circiter stadia à *Sandwico* in edito loco adhuc conspiciuntur. Figura quadrilatera erat: longa passus CL. lata CV. qua proportionē *Romani* castra metari solebant: ea enim pulchriora credebant, quibus ultra latitudinis spatium tertia pars longitudinis addebatur. Mœnia crassa sunt pedes XII. eorum altitudo prorsus nescitur, quoniam nullo loco integra est. In circuitu ad singula trium pedum & dimidii intervalla duplex cernitur ordo coëtorum laterum, longorum uncias XVI. latorum XI. crassorum unam cum di-

1 *Vegetius de re militari* III. 8.

midia; horum usum quis non videt? scilicet quum reliqua structura è lapidibus globosis constaret, eos lateres firmabant. “¹ Est enim globosus lapis contra injurias fortis, sed ad structuram infidelis, nisi multa suffrænatione devinctus.” Suffrænationem & alligationem alternis laterum choris sive ordinibus factam fuisse docet nos ² Architectorum magister; quam construendi rationem procul dubio respiciebat ³ *Nennius*, quum narraret innumera esse in *Britannia* castella ex lapidibus & lateribus fabricata. Intus in castris area versus partem Septentrionalem, vepribus & dumetis obsitæ delitescunt substructiones vetustissimæ atque firmissimæ, quas ⁴ *Somnerus* facelli fundamenta esse contendit; ego autem, quoniam in ea castrorum parte sunt ubi *Prætorium* esse solet, ad id pertinuisse minime dubito.

12. Post *Prætorium* in Septentrionali muro aperit se porta *Decumana*, per quam egressus patet non rectus sed obliquus juxta ⁵ *Vitruvianam* regulam; qua præcipitur, excogitandum esse uti portarum itinera non sint directa, sed *οκεία*. Orientale castris latus subsidente clivo to-

¹ *Plin. Hist. Nat.* xxxvi. 22. ² *Vitruvius* 11. 3. ³ *Hist. Brit.* 11.
⁴ De portibus & castris *Cantii* p. 6. ⁵ De Architect. 1. 5.

tum concidit; cætera ruinam minantur: etenim omnia hedera cooperta sunt, quam ruinosæ vetustatis & signum, & causam esse novimus; idemque in muris facere quod in arboribus, quarum interitum illius vitio tribuit *'Laberius.*

*Ut hedera serpens vires arboreas necat,
Ita me vetustas amplexu annorum enecat.*

13. Habetis præsentem *Rutupiarum* faciem, squalidam quidem, sed venerandam. In iis vero illustrandis quoniam jam sumus, non tacenda sunt celebria nomina, quibus apud *Ausonium* nobilitatæ sunt; *Claudii* scilicet *Contenti*, poetæ illius patruī,

— *'tellus quem Rutupina tegit;*

nempe in illius urbis territorio sepultum: etiam *Flavii Sancti*, *Ausonio* affinitate conjuncti,

3 Præside lætatus quo Rutupinus ager;

id est, qui præsidio *Rutupino*, sive legioni II. *Augustæ* præpositus erat. *Claudii* denique *Magni Maximi*, quem poeta *4 Rutupinum* latronem vocat; quoniam forte, quum *5* pirata esset, eo portu præcipue usus sit; vel quod purpuram ibi fumens, abducto è *Britannia* milite *Romano*,

1 *Macrob. Sat. 11. 7.* 2 *In Parentalibus.* 3 *Ibidem.* 4 *In claris urbibus.* 5 *Latinus Pacatus* in panegyrico *Romæ Theodosio* dict.

inde in ' *Rbeni* ostia solvebat. Non nescio *Elia Vinetum*, ubique in notis ad *Ausonium*, dicere *Rutupinum* idem significare quod *Britannicum*; quæ opinio etiam si *Rutupiis* perquam honorifica sit, quasi toti *Britanniæ* nomen suum imposuissent, metuo tamen ne non sit vera; uti nec illa narratio, quam à *Sandwicensibus* accepi, fuisse olim propter *Rutupias Æsculapii* fanum; ibique hoc seculo erutum gallum æneum, Dei fortasse donarium, quale extrema voce *Socratem* vovisse legimus: ² Ὁ Κεῖταν τῷ Ἀσκληπιάῳ ὀφείλομεν ἀλεκτρυόνα.

14. Hic ab utroque interpellatus jubebar non nugari; quin potius si quid amplius haberem de *Rutupiis* dicendum, ad illud protinus me accingerem. Tunc ego, geram vobis morem; & agam quam brevissime potero. Nominis *Rutupini* celebritatem, frequens illius mentio apud Scriptores antiquos, qui res nostras tractarunt, fatis indicat; est enim à *Lucano*, *Juvenale*, *Ausonio* decantatum; à *Tacito*, *Ammiano Marcellino* & *Orosio* memoratum; in *Ptolemæi Geographia*, in *Antonini Itinerario*, in *Anonymi Ravennatis Indice*, in *Tabulis Peu-*

¹ *Zofmi Hist. lib. iv. p. 248. Oxon. 1679.* ² *Plato in Phædone.*

tingerianis, in *Notitia* denique *Imperii Occidentalis* legitur: à *Cæsariano* milite in urbem ad-
vectum fuisse dicitur, & inter eos in prover-
bium fere abiisse, qui illius litoris aestibus *Cæ-*
sarianas classes non semel afflictas fractasque
conspexerant. Illustriores adhuc *Rutupias* facit
frequens atque constans *Romanarum* classium
in illum portum appulsus. De *Julio Cæsare*,
Claudio atque *Vespasiano*, quoniam ubi appule-
rint ambigitur, alio loco prolixius dicendum
erit: hic nihil nisi certum atque exploratum
apponam; scilicet ¹ *J. Agricola* in *Britannia*
agente, *Romanam* classem portum *Trutulens-*
em sive *Rutupinum* tenuisse: ² *Lupicinum*, Ma-
gistrum armorum, huc sub *Constantio* missum,
Bononia ad *Rutupias*, fitas ex adverso, dela-
tum: ³ *Theodosium* denique transmeato lentius
freto, *Rutupias*, stationem ex adverso tranquil-
lam, venisse.

15. Quoniam in portus *Trutulensis* mentio-
nem incideram; memini, inquit, *Whartonus*,
quum hospes tuus essem, quoties in cœna pis-
ces, quos *Trutas* sive *Trutulas* vocant, appone-
rentur (id autem non raro fiebat) toties te eas

¹ *Tacitus* in *vita Agricolæ*. ² *Ammian. Marcell.* xx. 1. ³ Apud eundem
xxvii. 8.

in portu *Trutulensi* captas dicere, quasi is ab eo piscium genere nomen traxisset. Odi, inquam, memorem convivam, qui verbum inter fercula jocosè dictum ad rem feriam transfert: ne autem inepte jocatus esse videar, quid serio sentiam de ea re, paucis accipe. *Beatus Rhenanus* pro portu *Trutulensi Rutupiensem* legendum esse censet, suffragante toto fere literatorum ordine: ego autem vocem illam nec temere mutandam, nec inconsultè rejiciendam esse puto. Quid enim, mi *Whartone*, an tu nescis fluvium, in quo ego portum *Trutulensem* fuisse contendendo, eo piscium genere abundare, atque illic, ut ¹ *Alani ab Insulis* verbis utar, “*tructulam* sinus “*marinos ingredientem, in æquore baptizatam, “Salmonis nomine censerì?”* an putas minus notas fuisse *Romanis* portus *Rutupini* trutas, quam ² fundi *Rutupini* ostrea?

16 Sed fortasse *trutarum* satietas vos cepit: igitur amoveator: earumque loco Inscriptiorem *Amerbachianam* à ³ *Camdeno* laudatam apponam, in qua *Tripitii*, ignoti in *Britannia* loci, memoriam conservari censet vir doctissi-

¹ In libro de planctu naturæ citante *Jac. Sirmondo* in notis ad *Sidonii Apol.* Ep. 11. 2. Par. 1652. ² *Juvenal* Sat. vi. ³ De *Britannia* nomine.

mus. Verba quæ rem nostram spectant, hæc
' sunt.

N Y M P H I S φ

N. φ. B R I T T O N.

T R I P V T I E N. φ & c.

Ego vero ad *Rutupias* nostras pertinere autu-
mo, & pro T R I P V T I E N O legendum esse
R I P V T I E N O. Quid dein? inquit *Whartonus*,
visne tu, dura atque immuni syllabarum traje-
ctione, è *Riputieno Ritupienum* facere? Respon-
di, ejusmodi trajectiones exemplis non carere;
apud nos idem oppidum & Καμολόγγιον & *Camu-*
lodunum dici; eundem *Britanniæ* populum *Pro-*
lemæo Δολίγης, ² *Dioni* Βολίγης esse. Sed quid ver-
bis opus est? memini, quum in schola *Sand-*
wicensi, sive, ut eam vocare amabant, *Rutupi-*
na, cum *Thomasiis* fratribus inambularem, *Ti-*
motheum, qui illam tunc temporis regebat, *Juve-*
nalis cum *Scholiaste* codicem MS. protulisse,
meque, in illum versum, ubi *Rutupini* fundi
mentio est, oculos conjicientem, ipsissimam de
qua loquimur Syllabarum trajectionem depre-
hendisse, ita quippe legebam

—— ³ *Ruputinove edita fundo*

Ostrea ——

1 *Grut.* XCIII. 5. 2 *Hist. Rom.* LX. 3 *Juv. Sat.* IV.

& in scholiis, “*Riputia* civitas est *Britanniae*,
 “ubi grandia ostrea nascuntur; hinc *Ruputinus*
 “fundus dicitur & *Ruputinum* oppidum.” τ, quod
 in initio est, non penitus abjicio; sed, in ι mutans,
 ad finem præcedentis verbi rejicio; & si fas sit *Bri-*
tanno Germanum scriptorem, five sculptorem, in
Britannica voce corrigere, sic legerem:

N Y M P H I S ϕ

~ N ϕ B R I T T O N I

R I P V T I E N ϕ.

Sed hujusmodi tricis nolo vos diutius impedire;
 si quid igitur amplius de *Rutupiiis* scire vultis,
 nunc me percunctamini; est enim locus oppor-
 tunus.

17. Tum *Mauritius*, video, inquit, vetusta-
 tis *Rutupiarum* famam valde periclitari, nisi iis
 succurratur; quippe ¹ dicunt, portum *Rutupinum*
Cæsaris temporibus non multum floruisse, sed
 ad *Dubrim* omnes è *Gallia* naves appulsas fuisse:
 id ² *Cæsarem* ipsum docere, cujus hæc ver-
 ba laudant: “Insula natura triquetra; cujus
 “unum latus est contra *Galliam*; hujus lateris
 “alter angulus, qui est ad *Cantium*, quo fere
 “omnes è *Gallia* naves appelluntur, ad orien-


¹ Autor notarum ad *Caroli* de *Fraxinis* portum *Iccium* p. 93. & p. xxiv.
Philippi Cluverii Germania Antiqua II. 28. ² De bello *Gallico* v. 13.

“tem

a. Fundus Rutupinus. b. Castrum Rutupinum. c. Estanora
Punctorum Series d. d. d. d. planities limites designant,
quam portas olim occupavit.

Aggeres e. e. e., The Abbots Wall didi, molibus &
impedimentis ortum debent, quae Monasterij S. Augustini
Abbas, hujus partis insulae Dominus, mari decedenti
primus objecit, inter quos aggeres & Wantsumi alveum
lata planities hodie interjicitur.

f. Canalis inter Fl. Genlade & Wantsumu ductus,
ubi Tanatis Continenti ponte conjungitur.



“tem solem; inferior ad meridiem spectat.” Ego vero, inquam, *Mauriti*, tam cæcus sum, ut nihil hic videam quod *Dubri* magis quam *Rutupiis* conveniat. Quid enim si ego ita disputarem; *Dubrim Cæsaris* temporibus non multum floruisse, sed ad *Rutupias* omnes è *Gallia* naves appulas fuisse, idque adducto eodem *Cæsaris* loco confirmarem? Tantundem argumentum meum, quantum eorum valeret, hoc est nihil. Frustra enim hæc verba in disputationem trahuntur, priusquam constet quid *Cantii* nomine *Cæsar* intellexerit: illud vero expendere, nec ab instituto nostro alienum; neque difficile erit scriptoris luculentissimi sensum investigare. Illi, contra quos disputamus, ambiguitate vocis *Cantii* decepti, errasse videntur; quam quidem ambiguitatem non *Cæsaris* incuriæ in scribendo, sed eorum indiligentiæ in legendo, attribuendam esse censeo. Quis enim non statim videt imperatorem maximum de tota *Cantii*, qua patet, ora, quam omnem maritimam esse dicit, non autem de singulari aliquo istius litoris promontorio, loqui? Ita profecto judicat *Ortelius*, “*Cæsarem* totum hunc

1 *Theſaur. Geograph.* in voce *Cantii*.

“tractum insulae, qui se versus ortum extendit, *Cantium* vocare.” Ad illum vero tractum, quum *Galliae* proximus sit, *Gallos* mercatores naves suas appellere solere ait *Cæsar*; de *Dubri* prorsus nihil. Non equidem nego antiquos scriptores *Cantii* promontorii meminisse, quod ¹ τὸ μὲν ἐλάχιστον ὑπὸ τῆς ἡπείρου διασηκὸς ἀκρωτήριον ² τὸ κατ’ ἀντικρὺ τῆς ἐκβολῆς τοῦ Ριῶου. ἐωθινάτατον σημεῖον δὲ Βρετανικῆς. ³ τὸ Κάνπιον ἄκρον, vocant. Illud promontorium quum ⁴ *Cluverius* ⁵ inter *Dubrim* & vicum D. *Margaretæ* collocaret, atque id cum *Cæsaris Cantio* idem esse supponeret, temere ad *Dubrim* omnes à *Gallia* naves appellere asserit. Cur enim non potius ad *Rutupias*, quas non solum in *Cæsaris Cantio* fuisse, sed toti *Cantii* oræ maritimæ nomen imposuisse constat? Tum præterea, si sola *Dubris* tunc florebat, quare omne hoc litus ab initio *Rutupinum*, non autem *Dubrinum* appellabatur? quippe solent istiusmodi denominationes à principali atque digniore loco originem ducere. Sed ad *Cæsaris* descriptionem revertor: Ille *Cantium* quo *Galli* confluebant, ad orientem solem, reliquam vero illius anguli partem, ad meridiem spectare dicit; in illo sunt

¹ *Diodor. Sic.* IV. ² *Strabo* IV. ³ *Ptolemæi* Tabb. Geograph. ⁴ *Germ. Antiq.* II. 28. ⁵ *The South-foreland*

Rutupiæ orienti, in hac *Dubris*, meridiei fere obversa. Vos judicate, cujus loci vetustati adductus *Cæsar* locus magis faveat.

18 Tum *Mauritius*, plurimum, inquit, cum *Rutupiis* facit, cum *Dubri* nihil. Certe in hac quæstione illud primum quærendum erat, quare *Cluverius Cantium* inter *Dubrim* & vicum D. *Margaretæ* collocet. Recte, inquam, *Mauritius*: namque illud sine probatione, sine auctore facere, nihil aliud est quam conjectandi licentia abuti. Calculus fane *Ptolemaicus* id minime finit, quippe qui *Cantio* atque *Rutupiis* eandem latitudinem assignat; quæque *Dubri*, longe infra ad meridiem positæ, nullo modo convenire potest. Princeps ille geographorum, si *Camdenus* rectè judicat, Κάππιον ἄκρον extremum hujus anguli verticem statuit, id est, 'promontorium *Tanatis* esse vult, quod septentrionale vocamus. Tunc *Mauritius*, inspectis tabulis, video inquit hic *Ptolemæi* calculum turbari; quomodo enim fieri potest, ut isti promontorio, ubi ille *Cantium* esse putat, atque *Rutupiis*, eadem latitudo conveniat, quum hæ non paulo magis quam illud ad austrum subsidant? qui

1 The North-foreland.

Cantium xv. scrupulis *Rutupiis* orientalius esse potest, quum post *Rutupias* nihil sit versus orientem præter ipsum mare? Ego vero duplici huic nodo unum cuneum sufficere, si eo uti liceret, respondebam. Dixeram enim, in initio hujus sermonis, non improbabile esse *Rutupias* geminas fuisse, earumque alteram, inclinante in *Britannia* imperio *Romano*, *Regulbium* appellatam fuisse. Si vero *Ptolemæum* de *Rutupiis* his *Regulbinis* intelligamus, nec video quare id non faciamus, integer erit rectusque illius calculus, cum quoad longitudinem tum quoad latitudinem istorum locorum.

19. Huic argumento de *Cantii* situ favere videtur *Strabo*, qui id *Rheni* ostiis proximum fuisse docet; imo tam prope abfuisse, ut ab iis conspici posset: de *Britanniæ* enim *Celticæ*que situ loquens, ait orientales earum partes, ¹ τὰ γὰρ εἰς ἀνατολὴν ἀλλήλων ἐπὶ μέγας ἐπέκειντο, τὸ τε Κάνπιον, καὶ αἱ ὅριες ἐξέσταν. Hic ab *Whartono* interpellatus sum; qui *Strabonem* falsi insinulans, eum idcirco jure merito à ² *Somnero* vapulare aiebat. Vapulat, inquam, sed immerito; ita enim ³ alio loco mentem suam explicat; scilicet, *Itium* navale

¹ Geogr. lib. i. iv. ² In portu *Iccio*. ³ Lib. iv. p. 138.

propter trajiciendi usum ad *Rheni* ostia pertinere, ac proinde eorum nomine contineri: quum igitur dicit *Rheni* ostia è *Cantio* conspici posse, id de *Itio* intelligendum esse: sed ipsum, *Xylandro* interprete, loquentem audite: “Quatuor sunt usitati è continente in insulam trajectus, nimirum ab ostiis fluminum *Rheni*, *Sequanæ*, *Ligeris* & *Garumnæ*. Qui à *Rheni* partibus trajiciunt, ii non ex ipso solvunt ostio, sed à *Morinis*, *Menapiorum* conterminis, apud quos est etiam *Itium*, quo navali usus est *Cæsar*” &c. Hæc si perpendantur, non dubito quin doctorem urna *Strabonem* absolutura sit. Atque hæc de *Rutupiarum Cantii*que situ dicta sunt; quæ, etiamsi nec verisimilitudinis specie, nec novitatis gratia, abundare videantur, alios tamen ad ulteriorem hujusce rei investigationem fortasse instigabunt. Vos perro orationem meam in illam, quam vultis, partem dirigite.

20 Ansam datam arripiens *Whartonus*, quandoquidem inquit

Est in conspectu Tanatis, notissima fama Insula, —

noli illam infalutatam præterire. Si ita, inquam, mi *Whartone*, facerem, illud tibi, insulæ istius incolæ, non autem mihi, vitio vertendum esset. Etenim perquam iniquum est illud à me postulare, quod tu ipse præstare debebas: sed, quoniam ita jubes, morem tibi geram; eaque, quæ ad *Tanatis* famam illustrandam vel relatu accepi, vel in veterum scriptis inveni, narrabo. Illud igitur imprimis *Tanateses* tuos jactare audio, *Claudium* Imp. ad illam insulam, in loco quem ¹ *portam occidentalem* vocant, appulisse. Ego, etiamsi vulgi famam, quæ cum temporis diuturnitate veritatis speciem conjunctam habet, non temere repudiandam esse sentiam; ita tamen neque facile admittendam, ubi nulla autoritate subnixâ, magna atque contraria probabilitate oppugnari potest: quo quidem incommodo fermonem hunc laborare valde metuo. Etenim nemo ex antiquis scriptoribus id unquam tradidit; neque probabile est *Claudium* Imp. alio loco ad exscendendum in hanc insulam usum, quam quo ante usus erat *Cæsar*. ² *Bucherius* certe de loco, unde in *Britanniam* profecturus solvebat, ita

¹ *West-gate.* ² *Belgium Romanum* p. 147.

disputat; “cur *Claudius*, aut *Caligula*, in *Britanniam* primi post *Cæsarem* cum exercitu transmissuri, alium portum à *Cæsariano*, nullo adhuc experimento cognitum, prætulissent? “cur supra *Fulium* sapere voluissent?” Quæ quidem argumentatio tam de loco ad quem *Claudius* appellebat, quam de eo unde solvebat, plurimum valet: præsertim quum liber atque apertus esset in insulam aditus, neque haberent *Britanni* aut in mari classẽ, aut in terra exercitum, quo hostem impedirent; tunc enim ¹ fugati ab *A. Plautio* trans fluvium *Tamēsim* coercebantur. Illud etiam *Tanati* perhonorificum putant, in ea olim fuisse *Rutupias*, *Cantiorum* urbem celeberrimam: ita ² *Joannem Lelandum* dicere, teste ³ *Lambardo*: ego vero id è *Lelando* elici posse minime puto; sed vix tanti est illius verba accuratius perpendere. Ego quidem *Rutupias*, nec in insula *Tanati*, neque in *Britanniæ* continente fuisse censeo; sed in insula propria, quam *Wantsumus* propter ostium suum orientale faciebat; quippe palustris atque humilis planities, qua *Rutupinus* ager undique clauditur, demonstrat cuilibet loci si-

¹ *Dion. Cass. Hist. Rom. LX.* ² *Collectaneorum MSS. in Biblioth. Eodl. Vol. 3. p. 138.* ³ *In Cantii peramb. pag. 91.*

tum contemplanti, eum olim aquis circumfufum fuiffe.

21. Tumque *Whartonum* respiciens, illud, inquam, miror, rem, quam & ad commodum tuum maxime attinere, & in *Tanatis* laude ponendam effe, omnes vident, à te nondum illi vendicari atque nobis ostentari, frugum fcilicet copiam atque ubertatem. Etenim quum legimus *Britanniam*, & ipfam frumento abundaffe, aliisque infuper gentibus annonam fupeditaffe, illud præcipue de *Tanati* intelligendum effe multa fuadent, imprimis portus *Rutupini*, cujus undis alluitur, commoditas, quemque claffibus frumentariis excipiendis parem fuiffe fupra indicatum eft; dein ipfius *Cantii* vicinia ² proxima ad oftia *Rheni*, per quæ è *Britannia* in continentem annona inferri ³ follet: infulæ denique ipfius, arborumque vicinorum fertilitas, quæ ab antiquitate celebrata, ad noftra ufque tempora perdurat. Etenim annon hodie talis eft, qualem eam olim depinxit ⁴ *Solinus*, frumentariis campis felix, & gleba uberi? Quid igitur fi dicerem ⁵ *Artemidorum* geo-

¹ *Ammian. Marcell. XVIII. 2.* ² *Strabo Geogr. I. IV. libris.* ³ *Eunapii legation. p. 211. Zofimus lib. III. Juliani Epiftola ad S. P. Q. Athen.* ⁴ *Polyhiftor. cap. XXIV.* ⁵ *Apud Strabonem lib. IV. p. 137.*

graphum *Tanatim* vestram respexisse, quum narraret “fuisse insulam *Britanniæ* propinquam, “in qua Deabus frugiferis, *Cereri* atque *Proserpinæ*, sacrificaretur eodem ritu quo in “*Samotheace*?” Illud, inquam, si dicerem, quo me teste, quibus argumentis convinceretis?

22. Nos, ait *Whartonus*, conjecturæ probabili minime refragabimur; tu modo, si quid aliud de hac re in mentem venit, illud nobis imperti. Mihi, inquam, prorsus nihil, nisi illud attinet dicere, ubique fere per totam insulam nummos *Romanos* erui, quorum non uno te thesaurum meum locupletasse memor atque gratus agnosco. Ille vero, officiose nimis id commemoras: quumque pergeret me rogare de 'eorum opinione, qui *Toliapim Ptolemæi* atque *Tanatim* eandem insulam esse volunt: respondi eam parum mihi probari; quoniam cum *Ptolemæi* calculo minime convenit; is enim integrum longitudinis gradum cum quadrante inter *Rutupias* atque *Toliapim* ponit, quæ cum *Tanati* continentes sunt: per me igitur licere *Shepiæ Toliapis* nomine frui; quod, quoniam in ostiis *Medwægi* atque *Tanisis* opportune si-

1 *Lelandus* in excerpto è *Ptolemæi* MS. *Toliapis* insulæ, sive *Teno*, vulgo *Tenet*. in Bibliothecâ *Cottonianâ*, *Julius*. C. 6.

ta, atque exigendis vectigalibus, quæ forte in iis fluviis pendì solebant, commodissima sit, optime meretur; est quippe vectigal *Britannicè Tolli* sive *Tollfa*.

23. Hic *Whartonus*, at unde *Tanati* nomen? Ego, inquam, propter nocturnos ignes præternavigantium gratia in illius insulæ clivis accensos, quod etiam hodie sit, *Tanatim* dictam puto, quum ignis *Britannicè tân* vocetur. Nihil tamen in ea re statuo, donec de vera istius vocabuli lectione constiterit, tot enim esse illius insulæ nomina, quot fere sunt *Soliniana* exemplaria, observavit ¹ *Joannes Camers*. Ego *Tanatim* ubique voco, quoniam ita vocandam censet ² *Salmasius*. In ea, inquit *Mauritius*, lectionum varietate, quoties *Athanatim* sive *Athanaton* video, toties fateor mihi in memoriam redire Σποράδας illas circum *Britanniam*, quarum quædam Δαιμόνων καὶ Ἡρώων νῆσοι appellabantur, propter divinos, ut credebatur, incolas: ita enim narrantem *Demetrium Tarsensem* Grammaticum, qui earum unam adierat, inducit ³ *Plutarchus*: Ob istiusmodi fortasse fabulas, insulam, de qua sermo est, Ἀθανάτων νῆσον di-

¹ In *Solinum*. ² Exercit. *Plin.* in *Solinum* p. 247. ³ Περὶ τῶν ἐκλειπτῶν χρησίων.

ci potuisse credibile est. Ego vero, inquam, *Whartoni* nostri causa, qui insulam illam incolit, id revera ita esse optarem: sed non sunt, non sunt, *Mauriti*, in hoc nostro orbe immortalium insulae; illae enim positae sunt

*Longe ultra liquidum tranantes aethera
stellas,*

sola fide duce, virtute comite, adeundae; ad quas vos iter rectum ingressi, mihi praetis. Accipimus, inquit *Whartonus*, omen; nos praebimus, tu, quando *Deo O. M.* visum erit, sequere. Inopinato hoc sermone perculsus, quum aliquandiu haererem, meque de praecclaro eorum exemplo, non de fatorum ordine, locutum esse dicerem: mittite ista, inquit *Mauritius*, quid enim aliud est omina ex observatione dictorum capere, quam aniliter atque superstitiose desipere? multo sane tolerabiliores sunt istae fabulae, quarum occasione in hos sermones incidimus; ad eas igitur finite me redire.

24. Mira est illa narratio quam è *Tzetze* dedit nobis ² *Camdenus* de animabus vita factorum, jamque immortalitate donatorum, è *Galliae* continente in insulam nostram trajicien-

¹ Comment. in *Lycophron.* p. 179. ² *Britan.* p. 2.

dis. Quid tu, mi *Joannes*, sentis? istius, inquam, narrationis autor ¹ *Procopius* erat, non *Tzetzes*; is autem, si quod sentio dicam, eam à *Monachis* accepit, qui confectis istiusmodi fabellis, vectigalium remissionem sibi suisque impetrare solebant; dicuntur enim in *Francorum* quidem ditione fuisse, non tamen iis vectigales, propter prædictam operam, quam defunctorum animabus in *Britanniam* transportandis dabant. Huic narrationi alia ² *Antonii Mureti*, non minus lepida, subjungi potest: scilicet à quodam historiæ scriptore proditum esse, *C. Julium Cæsarem* in *Britanniam* aliquando una triremi cum centum hominibus delatum; quumque incredibili loci amœnitate captus, sedes ibi capere vellet, ab illis ἀειδόντων incolis invitum & reluctantem ejectum esse. Illud *Cæsari* si unquam accidit, tunc accidisse reor, quando in *Britanniam* transvecturus, ante, per se, portus & navigationem & accessum ad insulam, teste ³ *Suetonio*, explorabat.

25. *Whartonus*, quum amplius se continere non posset, apage, inquit, cum istis nugis. Quid enim, annon vos viri graves satis delirare vi-

1 ΓΕΤΤΙΑΝΟΥ IV. 20. 2 Var. Lect. v. 1. 3 In *Julio Cæsare* cap. 58.

demini, dum in quisquiliis antiquariis occupamini, nisi in fabulas quoque, quæ sunt ipsius antiquitatis fordes atque sæces, dilabimini? ad ea igitur, unde aberrare cœpit, oratio nostra revocetur, *Rutupias* redeamus, quæque de illius urbis nomine, si qua habeas, audiamus, exploremus. Volens lubensque, inquam, illud faciam. ¹ *Camdenus* id nomen à *Britannicis* vocabulis *Rhyd-tufith*, sive vadis fabulosis, derivari judicat; à qua sententia quamvis propter viri doctissimi auctoritatem non temere discedendum esse putem, liceat tamen, ea salva, alia quædam in medium proferre, quæ etiamsi veritatis certitudinem non habeant, tamen nec novitatis gratia, nec probabilitatis specie fortasse carebunt. Sunt ² *Rutubæ* in *Italiâ* fluvii. Est ³ *Rutubis Mauritanie Tingitanæ* portus. Est ⁴ *Rutupe Siciliæ* urbs. Sed loca tam longe sita ad rem præsentem minime traho: quando autem *Rutupias* nostras tam ab ⁵ *Orosio* quam à ⁶ *Beda*, *Rutubi portum* constanter appellari videam, pariterque legam fuisse in *Gallia*, *Julii Cæsaris* tempore, *Rutubi portum*, quidni, ipso Cæ-

¹ *Britannia*, in *Cantio*. ² *Plin.* Hist. Nat. III. 5. *Lucan* II. *Vibius seque-*
ster. ³ *Plin.* Hist. Nat. v. 15. ⁴ *Æl. Anton. Nebrissenfis*. ⁵ Lib. I. cap.
2. ⁶ Hist. Eccles. *Anglic.* I. I.

sare autore, concludam portum nostrum à *Gallico* nomen accepisse? Annon enim is diserte notat “ eos qui è *Belgio*, i. e. *Gallia Belgica*, “ in *Britanniam* transierant, omnes fere iisdem “ nominibus civitatum appellatos fuisse, quibus “ orti ex civitatibus eo pervenerunt.” Hinc apud nos sunt *Attrebatii*, *Belgæ*, *Cenimagni*, *Parisi*, aliæque *Gallicis* & *Belgicis* cognomines civitates. ² Hinc *Cantios* nostros à *Cantia Galliae Belgicae* fluvio; *Icenos* meos à promontorio *Iceio*, imo & *Britannos* ipsos à *Britannis Belgis* accerferi video. Neque de civitatibus tantum, sed etiam de urbibus, illud *Cæsaris* intelligendum esse, docent *Condate*, *Cæsaromagus*, *Mediolanum*, *Noviomagus*, quæ sive urbium, sive oppidorum apud nos nomina, à *Gallis Belgis*que derivata sunt. De *Rutubi* autem *Galliae* portu audite ³ *Orderici Vitalis* narrationem è priscis, uti ipse ait, *Quiritum* Historiis petitam. “ *Rutubus*, potens sævusque tyrannus, inexpugnabile, ut putabatur, municipium super montem juxta *Sequanam* fervabat, per quod circumjacentem provinciam, navesque per proximum flumen meantes, coercebat. Quod

¹ De bello Gallico v. 12. ² Ægidii Bucherii *Belgium Rom.* 1. 5. ³ Hist. Eccles. lib. x. p. 864 inter rerum *Normannicarum* scriptores.

“audiens *Cæsar*, illuc cum exercitu festinavit,
 “& castellum, quod *Rutubi portus* appellaba-
 “tur, expugnavit: cujus oppidi specimen &
 “ruinas solers indigena perspicue cognoscit.”
 Hæc quidem *Ordericus*; sed quoniam idoneos
 testes narrationis suæ non producit, nolo ab il-
 lius autoritate, id est, ab incerto loco argumen-
 tum petere.

26. Illud inquit *Mauritius* & recte & inge-
 nue facis: nequeo enim non suspicari, vel *Ru-
 tubum* sævum potentemque tyrannum è *Monachi
 Uticensis* cerebello natum; vel *Orosii* atque
Bedæ portum Rutubi à *Britannico* litore, nescio
 qua vi avulsum, nescio quo errore, ad *Sequa-
 nam* translatum esse. Ad rem nostram prop-
 rius, imo proxime pertinere videtur vox *Ru-
 tuba*, quæ in *Varronianis* versibus occurrit.

¹ *Ergo tum Romæ parce pureque pudenteis*

Vixere in patriâ, nunc sumus in Rutuba.

In veteri *Glossario*: *rutubatur*, ῥιτέται. quid au-
 tem illud sit, indicat *Favorinus*, citato ² *Homeri*
 versu,

Ὡς δ' ἀνέμοι δὺς πόντον δέινεται ἰχθυόεντα.

Nonius Marcellus ait, *rutubam* esse perturba-

¹ *Laurenbergii* Antiquar. in *Rutuba*. ² *Iliad* l v. 4.

tionem illam, quæ in mari à contrariis ventis excitari solet. ¹ Hæc autem mari *Rutupinum* litus atque *Bononiam* interfluenti, quod horrendis æstibus attolli novimus, imprimis conveniunt. Repente hic *Whartonus*, quasi ² *fortem Virgilianam*, illud *Neptuni* ingessit,

—— ³ *Sed motos præstat componere fluctus*
innuens sermonem hunc de *rutubâ* non multum placere. Accipio, inquam, quam eduxisti *fortem*, neque de vocabulo *Latino* amplius contendam. Non tamen argumentum hoc ante dimittam, quam illud observaverim, insulam *Tanatim*, quæ portum *Rutupinum* facit, à *Britannis* ⁴ *Inis Rubin* sive *Ruithinam* appellatam fuisse: est autem *rhuo*, in eorum lingua *rugire*, sive *fremere*, quod de phocarum in eo litore fremitu intellexit ⁵ *Camdenus*: ego ad aliud potius referendum censeo, scilicet

⁶ *Æquoris nigri fremitum, & trementes*
Verbere ripas.

si verbum *rhuo* cum *tywyn*, quod *litus* denotat, componamus, habemus nominis derivatio-

¹ *Ammian. Marcell. xxvii. 8.* ² *L. Greg. Gyraldus de poetis Latinis Dial. iv.* ³ *Æn. i. v. 139.* ⁴ *Nennii Hist. Britann. xxviii.* ubi in *Gallæi* notis habes hujus vocis lectiones variantes. ⁵ *Britan. in Cantio edit. 1600. in quarto.* ⁶ *Horat. Carm. iii. 27.*

nem ¹ *Lucani* descriptioni apprime congruentem

— *Rutupinaque litora fervent.*

Hæc ego vobis, imprimis autem *Mauritio*, quoniam *Britannus* est, judicanda permitto; & ne quid omittam, quod *Rutupini* nominis originem investigare volentibus usui esse possit, ² *Anonymi* atque inediti autoris sententiam de hac re in medium proferam: scilicet, “litus *Rutupinum*, aut à rupe, aut à *Rutinis Galliæ* populis, nunc *Bononiensibus* dictis, ita appellatum:” quam cognationem inter *Rutinos Gallos* & *Rutupinos* nostros confirmare videtur ³ *Jac. Malbrancquius* de *Ruthenis* ita scribens; “quicquid litoris est *Calisium* inter & *Dunkerkam*, nostri etiam hodie navarchi *Ruthen* nuncupant. Adde *Cantii* oram maritimam *Rutupias* nominatam, & accolæ *Rutupos*, “quod *Ruthen* putridum litus aiunt sonare.”

27. Hic *Mauritius*, quanquam, inquit, ea quæ proponis, prima facie propter novitatem vel leviam vel incerta esse videantur, non tamen ulteriore inquisitione indigna esse existimo. Tu autem, quoniam ea, quæ de *Rutupiis* dicenda

¹ Lib. vi. ² Comment. de *Dorensis* Castellii initiis MS. in Bibliotheca Cottoniana, *Vespas.* A. 5. ³ De *Morinis* lib. 11. cap. 1. pag. 86.

erant, penitus exhaustis videris, *Regulbium* nos deducas, idque eadem diligentia, qua in *Rutupiis* describendis usus es, nobis describas. Tunc ego, diligentia, inquam, non deerit; sed metuo, ne dies me deficiat. Pone illum metum, ait *Whartonus*, multæ enim horæ adhuc supersunt. Ita est, inquam; ego vero de illa luce, de illo die loquor, qui locorum antiquitates investigantibus, è veterum scriptis affulgere solet. Etenim, quod ante notaveram, quoad nominis celebritatem, prorsus diversa est *Rutupiarum* atque *Regulbii* conditio; quippe illas nulli fere *Romanorum* scriptorum, qui res nostras attigerunt, intactas præterierunt: illæ à *Lucano*, *Juvenale*, *Ausonio* decantatæ, à *Tacito*, *Ammiano*, *Orosio*, memoratæ; in *Ptolemæi* quoque *Geographia*, in *Antonini Itinerario*, in *Anonymi Ravennatis* indice, in *Tabulis Peutingerianis*, in *Notitia provinciarum*, locum habent; quum è contra, *Regulbii* in sola *Notitia provinciarum* mentio fiat; quæ non ante *Theodosii* junioris tempora descripta esse videtur: quis autem credat locum illum, tam magnitudine quam vetustate *Rutupiarum* æmulum, iis situ perquam vicinum, eidem usui destinatum, castro atque urbe simillimum, absque

que nomine, absque fama, usque ad *Theodosii* tempora jacuisse. Suspicionem meam de *Rutupiis* geminis certe auget tam altum de *Regulbio* silentium, cujus rei nulla probabilis ratio reddi potest, nisi quod castrum illud *Rutupiarum* olim nomine inclaruerit.

28. Quum hæc à me dicta neuter colloquentium improbare videretur, pergebam id narrare, quod de *Regulbio* haberet *Notitia provinciarum*: quæ quidem nihil aliud nos docet, nisi quod ¹ “*Tribunus* cohortis primæ *Vetasio-*
“*rum* ibi in stationibus fuit.” *Guidus Pancirollus*, qui eam commentario illustravit, pro *Vetasio* conjicit legendum esse vel *Vetarasiorum*, à *Vetarasia* *Galliæ Belgicæ* urbe, vel *Vetufiorum*, qui *Plinio* sunt *Alpini Italiæ* populi. Quid autem in re clarissima conjecturis opus erat? Sunt *Betasii Galliæ Belgicæ* civitas, quorum meminere ² *Orosius*, ³ *Plinius*, ⁴ *Tacitus*, & si ⁵ *Beato Rhenano* fides, ipse ⁶ *Cicero*. Eos litus *Rutupiis* proximum occupasse nos docet ⁷ *Orosius* his verbis, “*Rhutupi* portus, haud
“procul à *Morinis*, in austro positos *Menapios*,

¹ Notit. Imperii Fol. 161. Venet. 1597. ² Lib. 1 cap. 2. ³ Hist. Nat. iv. 17. ⁴ Hist. lib. 4. ⁵ Rerum German. lib. 2. ⁶ Ep. ad Atticum xiv. 10. ⁷ Lib. 1. cap. 2. edit. Paris. 1506.

“*Batasios*que prospectat.” Eosdem cum *Cæsaris Atuatensis* fuisse probat ¹ *Cluverius*. Sed de *Vetasis* satis.

29. *Regulbium* juxta ostium Aquilonare fluminis *Genlade* situm fuisse testatur ² *Beda*; illud autem cum *Wantsumu* idem erat, nisi malitis eam hujus fluvii partem quæ versus *Regulbium* tendebat, *Genlade*; alteram vero *Rutupias* versus, *Wantsumu* vocatam fuisse. In codice MS. *Bedæ*, quem lubenter captata hac occasione cito, quoniam in Bibliotheca Ecclesiæ D. *Jacobi* apud villam *Faustini* in *Icenis* conservatur, in qua Ecclesia ego, te, æterne Deus, miserante, sacro fonte ablutus eram, in eo inquam codice fluvius hic *Ealande* dicitur, quasi flumen insulare, sive quod insulam facit: quo nomine à *Romanis* vocabatur nescio, nisi id *Sarra* fuerit, quam *Anonymus Ravennas* inter *Britanniæ* fluvios recenset: neque temeraria prorsus habenda est hæc conjectura, quum antiquissimus in insulam trajectus etiam hodie *Sarra* nominatur. Sed *Regulbium* redeo, quod in litore ad mare declivi positum totum fere à mari absorbetur: clivum quippe, cui impone-

1 *Germ. Antiq.* II. 21. 2 *Hist Eccles.* 5. 9.

batur, quum eo arenarum genere constet, quod *Vitruvius* terrosum appellat, æstus marini, quos Luna plena, præcipue flantibus septentrionibus ventis, maximos ibi facit, facile exedunt, subrutumque crebris ruinis in subjectas undas dejiciunt: dejectum vis fluctuum resolvit, & abluta parte terrosa, lateres, vasa, nummi, & alia id genus gravia atque solida, recedente aqua comparent, & ab incolis colliguntur. Hujusmodi eluvionibus jugera multa soli absorpta sunt, & adhuc indies absorbentur: quod damno suo experitur honoratissimus vir *Jacobus Oxendenus* Miles & Baronettus, quem non tantum ob eam causam nomino, quod & tui, mi *Whartone*, amantissimus, & mihi suavissima amicitia conjunctus sit; sed quoniam grati animi est agnoscere, in illius fundi ruinis magnam partem nummorum, quos cernitis, *Romanorum* repertam fuisse, & ad eum quasi jure domini pertinerere.

30. Officio hoc persoluto, in viam redirem, jubebat *Whartonus*; eaque narrarem, quæ frequenti inspectione illic observâram. Ad id, inquam, me accingo; atque ita accipite: Æ-

edificiorum *Romanorum* nihil nunc superesse præter castrî vestigia, quorum pars quasi cuniculis actis à mari deturbata est; quod restat, talem tantamque habere cum castro *Rutupino* similitudinem, ut sive situm, sive figuram, sive fabricæ rationem spectetis, eosdem conditores utrumque habuisse non dubitâritis. Est quoque in litore ædícula, quam, quoniam tota fere lateritia est, idque ex eo laterum genere quos *Romanos* vocamus, miramque præ se ferat antiquitatis speciem, incolæ quasi à *Romanis* conditam ostentant. Verum non omnia ædificia in quibus istiusmodi lateres apparent, pro *Romanis* habenda sunt. Quis enim ecclesiam D. *Martini* paulo extra urbis nostræ pomœria? quis facellum S. *Pancratii* in monasterio D. *Augustini*? quis turrem ecclesiæ, quæ est in castro *Dubrensi*? quis denique urbis nostræ mœnia, quanquam lateres *Romanos*,

*Omnibus in muris, & in omni turre
rubentes,*

ostendant, à *Romanis* extructa esse credat? Annon enim in iisdem ædificiis, posterioris longe seculi indicia videmus, quæ eorum novitatem produnt, atque è ruinis ædium *Romanarum* confarcinata & reconcinnata, non autem
ab

ab ipsis *Romanis* constructa fuisse testatur? Hic, quum me de laterum nostrorum mensura interrogaret *Whartonus*, respondi illam variam atque incertam esse; plerumque tamen ad ¹ *Plinianum*, quod longum erat sesquipede, latum pede, quam ad ² *Vitruvianum*, quod longum pede, latum semipede erat, propius accedere: longitudinis enim in iis varietatem fere inter uncias XVIII. & XV. consistere; latitudinem vero ubique tertia parte longitudine minorem. His consentanea nos docent ³ *Barbarus* & ⁴ *Philander*, scilicet antiquos majoribus vel minoribus lateribus usos, prout commodum videbatur: iis igitur aut otiosis fatis, aut curiosis nimis esse licet, qui multum operæ atque diligentiae in lateribus accurate dimetiendis inutiliter infumunt. Pergo igitur: quum ante XV. annos clivi pars æstuum impetu suffossa caderet, memini ingentis molis substructiones lateritias se in conspectum dedisse, in quibus erant cellulae, fornicato opere excavatae; eas dum manu perscrutarer, fragmenta pavimenti tessellati aliaque operæ *Romanæ* indicia vidi;

¹ Hist. Nat. xxxv. 14. ² Architect. 11. 3. ³ Comment. ad *Vitruvii* 11. 3. ⁴ In eundem *Vitruvii*, locum.

& vidi tantum, statim enim post, nescio an à fluctibus solutæ, an ab arenis haustæ,

— *etiam hæ perière ruinæ.*

31. Solebas, inquit *Mauritius*, quoties in hos sermones incidebamus, cisternarum *Regulbinarum* mentionem facere; noli obsecro eas jam illibatas præterire. Ad illas, inquam, festinabam. Has, ut cætera in eo litore monumenta, in lucem profert impetus maris clivum demolientis. Hæc in iis, quas vidi, observavi; non eandem fuisse omnium capacitatem, eandem tamen figuram, scilicet quadratam; laterum singulorum longitudinem pedum x. vel xii. profunditatem æqualem lateri; quoad constructionis modum, fieri palis altius in terram impactis, quibus affixi asseres quernei, uncias duas crassi, latera undique claudunt; fundum argilla tenacissima injecta & probe calcata firmari, ne aqua à stillicidiis influens à bibulis arenis hauriretur; esse denique iis vasis non ab-similes, quibus in terram depressis alutarii nostri utuntur. Hujusmodi forte cisternas in urbe nostra repertas ¹ *Somnerus*, quum quid essent ignoraret, propter similitudinem, aluta-

¹ De ossibus *Charthamæ* repertis p. 5.

riorum vasa appellat: idem quoque suspicor factum esse de cisternis ¹ *Spaldingæ*, in agro *Lincolniensi*, nuper inventis: quicquid autem de iis fiat, cisternas nostras *Regulbinas* aquis pluviis recipiendis conservandisque excogitatas fuisse, præter structuræ rationem, usus earum maxime necessarius satis indicat; nulli quippe in isto agro fontes nisi subsalsi scaturiunt: qui si dulcissimi essent, haud tamen à *Romanis* aquis pluviis anteponerentur; quas ob salubritatem præ cæteris ² veteres laudabant: & quam ³ *Plinius* aliter & sentire & disputare videatur, agnoscit tamen cisternarum aquas ab aliquibus maxime probari.

32. Ego, inquit *Whartonus*, de aquarum pluviarum usu atque præstantia litem non moveo; mihi tamen haud persuadebis palos assereſque ligneos annos supra mcccc. posse durare. Illud, inquam, mihi quoque incredibile videbatur, donec ab ⁴ architectorum magistro edoctus essem, “quercum quum in operibus obruitur, infinitam
“habere æternitatem,” alnum item “in palu-
“stribus locis, infra fundamenta ædificiorum pa-

¹ Acta Philosoph. N. 279. p. 1158. ² *Vitruvius* viii. 2. *Columella* de re rustica i. 5. *Palladius* de re rustica i. 17. ³ Hist. Nat. xxxi. 3. ⁴ *Vitruv.* ii. 9.

“lationibus crebre fixam, permanere immortalem, ad æternitatem:” quod non temere dictum esse demonstrant arbores multis in locis effossæ; quas à diluvio prostratas non solum vulgus, sed docti etiam viri autumant. Quum palos afferesque *Regulbinos* manu explorarem, quosdam firmissimos, imo in lapideam ferme naturam obduratos, deprehendebam; alios molles atque putridos, ita ut digito facile perforari possent: quod, quum ex eodem ligni genere non essent, propter materiæ dissimilitudinem accidisse reor. Harum cisternarum tanta multitudo nostra fere memoria comparuit, ut inde populi, qui locum incolebat, frequentia maxima fuisse probetur. Tum *Mauritius*, illud, ait, quod rei caput est, nondum attigisse videris; non enim liquet cisternas has à *Romanis* originem habuisse. Ego vero; quid aliud indicant, testantur, clamitant, Imperatorum *Romanorum* nummi, vasorum fragmenta figurorum nomine inscripta, strigilisque pulcherrima; quæ, in iis reperta, vobis mox ostendam?

33. Quum hic sermoni de *Regulbio* finem imponere vellem, id, inquit *Whartonus*, adhuc restat, ut illius nominis originem nobis aperias,
in

in qua investiganda video viros doctrina insignes turpiter hallucinari; quid enim pueriliter magis dici potest, quam quod dicit ¹ *Joannes Twinus*, *Regulbium* quasi *Reculsum* à *recello* derivandum? quam longe à vero aberrat ² *Harrifonus*, vir diligentissimus, qui *Racwlfse*, ita enim fere in antiquis scriptis, idque recte, legitur hujusce loci nomen, à *Raculpho*, nescio quo Monasterii fundatore, nomen traxisse vult? annon enim certum est Monasterium id non à *Raculpho*, sed à ³ *Basso* quodam conditum, fundumque, in quo ædificabatur, jam ante *Racwlfse* vocatum fuisse? ⁴ *Lambardus* noster subodorasse nominis hujus originem videtur, dum eam à voce *Britannica* *racor*, quæ *antrorsum* significat, accersere conatur. Ego ex eodem fonte, sed alia via, derivandum censeo. In ea lingua *rhag* idem valet quod *Latinum præ* vel *ante*; *gwylfa*, *speculatum* sive *excubias* denotat; hæc vocabula si conjunxeritis, habetis *rhag-gwylfa* sive *speculam anteriorem*; sin pro *gwylfa*, *rhag* cum *goleu* componatis, crit *Rhaggoleu*, *lumen* sive *luminare anterius*; quorum utrumque, præter soni similitudinem, optime

¹ De rebus *Albionis*, p. 26. ² *Descript. Britan.* p. 30. ³ *Chronic. Saxon.* ad A. D. 669. ⁴ *Itin. Cantii*, p. 207.

cum loci fitu atque opportunitate convenit. *Regulbium* quippe prima omnium specularum in litore *Cantiano* positarum sese è *Thamesi* fluvio navigantibus ostendit; unde jure merito *specula anterior* dicitur: castrum quoque non solum apertum mare, sed etiam *Thamesis* & *Medwægi* nobilissimorum fluviorum ostia in conspectu habet: quamobrem & speculæ, unde hostium incursus explorari posset, nec non etiam *Phari*, quæ nocturno igne sublato nautis præluceret, vice fungebatur; quem usum hodie præstant geminæ turres Ecclesiæ, in ipso castro positæ, ad tænias brevique in *Thamesis* ostio evitanda. Atqui totam de voce *Britannica* disceptationem *Mauritio* judicandam relinquo; penes quem æquum est uti sit jus arbitriumque linguæ suæ.

34. Ille vero, quanquam conjecturas meas amice probare videretur, nequivit tamen se continere, quin in has voces erumperet. Video vos in urbium, vicorum, fluviorum, montium, insularum nominibus eruendis semper fere ad sermonem *Britannicum* recurrere; ingrate igitur atque inique facitis, qui linguam nostram, in re antiquaria & utilem & necessariam, non solum non excolere dignamini, sed
etiam

etiam contemnere ac deridere soletis. Quum responderem id fere ab indocto vulgo fieri; conticuit ille; non quia iusta atque legitima esset excusatio nostra; sed quoniam, propter humanitatem suam atque urbanitatem, inceptum sermonem nollet interrumpere. Atque hæc hæctenus de *Regulbii* nomine; non enim opus est vos monere, locum hunc in *Saxonum* scriptis, propter castrum, *Raculfcester*; propter Monasterium autem, *Raculfminster* dictum fuisse.

35. Si placet igitur, inquit *Whartonus*, sermonem alio transferamus; & quoniam memini solere te antiquitatis palmam, quoad rem *Romanam*, omnibus aliis *Britanniæ* locis præreptam, *Rutupiis* tuis dare, quamobrem ita facis, hic apte inquiri posse puto. Recte, inquam; rationes ergo, quibus in eam sententiam adductus sum, lubenter reddam. Quum de generis vetustate *Ægyptios* inter *Scythas*que contentio esset, *Ægyptii* clementiam cœli, solique sui fœcunditatem deprædicantes, dicebant, “Jure ibi primum homines natos videri debere, ubi educari facillime possent:” &

quanquam fors natalis non in eorum qui nascuntur potestate, vel delectu posita sit, sed à Deo O. M. singulis decernatur; quum tamen de iis rebus agitur, quæ consilio, judicio, prudentia regi solent, istiusmodi argumentatio plurimum valere debet. Verbi causa, quis dubitat *Romanos* in insulam nostram trajicientes, ea loca primo occupavisse, non quæ fors offerebat, sed quæ rebus suis maxime opportuna fore judicabant? quid autem portu *Rutupino* opportunius *Romanis*? illò etenim milites è *Gallia* brevi navigatione transmitti, ibi tuto exponi, ibi, si premeret hostis, expeditum receptum habere potuerunt. Erat in vicinia *Tanatis* insula frumentationi valde idonea; erat ipse portus ex eorum numero quos ¹ Græci ἀμφοδύμους vocant, utrinque aditus habens, & quolibet fere flante vento, tuto subeundus: in eum fluvius *Stura*, urbem hanc nostram *Doroberniam* perlapsus, influit, vehendis ad nos mercibus adhuc utilis. His commoditatibus allecti *Romani* è *Galliis* huc adnavigantes, eo præcipue portu usi sunt.

36. Illud, inquit *Whartonus*, tibi ultro lar-

¹ Vide *Faverinum*.

gimur, *Cantianum* litus etiam ante *Cæsaris* adventum mercatoribus *Gallis* & notum & frequentatum fuisse, ipso ¹ *Cæsare* id aperte innuente. Tu vero inique facere videris, qui totam antiquitatis laudem ad *Rutupias* tuas pertinere contendis, quum in eodem litore sint *Dubris* atque *Lemanis* portus celeberrimi. Agnosco, inquam, *Dubris* atque *Lemanis* nomina in *Antonini Itinerario* occurrere; quis autem ea loca cum *Rutupiis* conferenda censet, quæ in eodem *Itinerario* quasi *καὶ ἐξ ὧν* *Britanniarum portus* vocantur; & quibus inclinantibus, *Dubrim* demum florere cœpisse recte judicat ² *Somnerus* noster? Rem verbo dicam; *C. Jul. Cæsarem* tam propter assiduos belli motus, quam propter brevitatem moræ in insula nostra, nulla præter tumultuaria, id est, è cespite & terra coniecta castra reliquisse certum est; quamvis credulum atque indoctum vulgus eum omnium fere, quotquot sunt in *Britannia*, castrorum autorem atque conditorem deprædicet. Sub *Augusto Tiberioque* Impp. nihil hic tentatum; *C. Caligula* ridendo belli apparatu, & conatu magno, nihil prorsus egit. *Claudius* de-

¹ De bello Gallico IV. 20. ² De portubus &c. p. 33.

mun, instigante *Berico*, populari, ut ¹ *Quercetanus* putat, ² meo, *Aulo Plautio* duce, Australem insulae partem in ditionem suam redegit; quod bellum incidit in annum ab *U. C.* dccxcvi. à *Christo* autem nato xlvii. Eo tempore *Rutupias* à *Romano* milite primò obsessas, occupatas atque praesidio imposito munitas fuisse cenfeo; quod si vel ab ipso *C. Caesare*, vel à quolibet alio belli duce ante *Claudii* tempora factum fuisset, non opus esset ³ *A. Plautio*, in *Britanniam* cum exercitu trajecturo, copias suas in tres partes dividere, ne uno loco appellentes litore prohiberentur: neque potuit illud non statim atque principio à *Plautio*, calido ac sapiente imperatore, fieri; cui in interiora insulae penetranti, ejusmodi opportunitate tam ad excipienda è *Gallia* auxilia, quam ad providendum receptui locum, si quid in bello minus prospere accideret, maxime opus erat. Habetis origines *Rutupinas* ab ipso fonte derivatas; nisi malitis eas altius ab ipso *Caesare* repetere; quem in ostio hujusce portus exscendisse nonnulli volunt.

37. Quandoquidem, ait *Whartonus*, video

¹ *Historiae Anglicae*. p. 209. ² Viz. in Icenis nato. ³ *Dion Cassius Hist. Rom.* LX.

nos in hanc disputationem sensim delapfos esse, audiamus paucis, quid in utramque partem de ea re à viris doctis dici solet. Respondi, audituros, modo aures attentas darent. Illud autem imprimis moneo, omnes fere consentire, in litore *Rutupino*, sive *Rutupias* inter atque *Dubrim*, exscensionem hanc factam fuisse; de loco dissentire: his *Delano* litori, illis *Rutupini* portus ostio illam vendicantibus: eos, qui pro *Dela* contendunt, autoritate *Cæsaris* se tueri, ¹ qui narrat “se ab illo loco, quem ad “egrediendum nequaquam idoneum arbitraba-
“tur, progressum circiter millia passuum VIII.
“aperto ac plano litore naves constituiſſe:” quam quidem distantiam *Delæ* aptius quam *Rutupiis* convenire omnes norunt. Ego vero etiamsi *Cæsaris* autoritati plurimum esse tribuendum censem, eam tamen non usque adeo sacrosanctam esse existimo, ut de ea aliquando dubitari non possit: certe ² *Philippo Cluverio* religioni non fuit maximum Imperatorem, qui in bello errare non consuevit, in dimensionibus tamen terrarum insulæ nostræ erroris coarguere. Ego igitur *Delæ* propugnatoribus hæc ob-

¹ De bell. Gall. IV. 23. ² German. Antiqu. II. 38.

jici posse reor; scilicet non esse constantem hujus numeri VIII. milliarium apud *Cæsarem* lectionem: dein gratis id dici, *Cæsarem* in *Dubrinum* portum, quum primo huc accederet, appellere voluisse; quum alia sint in illo litore loca non minus quam *Dubris* aggressu difficilia propter mirificas moles, quibus aditus insulæ munitos esse testatur ¹ *Cicero*. Quis denique non videt, *Cæsarem* propter ignota litora navigantem, vento æstuque secundo delatum, quorum momenta suos ignorasse confitetur, longius forte quam putârat provectum, in calculo subducendo errare potuisse? præsertim id vobis, viris eruditis, minime mirum videbitur, quibus fatis perspectum est, antiquitas quam rudis fuerit in itineribus maritimis dimetientis, quamque parum accuratam rationem eorum tenuerit.

38. Nemo ² *Halleyo* nostro de tempore, quo *Cæsar* in *Britanniam* appulit, docte magis atque exquisite differit; de loco autem, ad quem factus est appulsus, diligenter fatis, sed minus fæliciter disputat: quippe quum exscensionem *Cæsaris* in ³ *Dunis* quas vocant factam fuisse

¹ Epist. ad *Atticum* IV. 16. ² *Acta Philosophica*. N. 193. ³ *The Downes*.

contendit, ad illud probandum *Dionem Cassium* testem adducit, cujus ego verba *Latine* reddita vobis legam, quoniam in hac quæstione maximi momenti esse videantur: ' is autem rem ita narrat: "*Cæsarem*, quoniam *Britanni*, fama adventus ejus accepta, omnes ad egredendum idoneos locos ante ceperant, promontorium quoddam in mare procurrens circumvectum, ex altera parte terræ accessisse, ibique hostes in paludibus exercitum deponenti occurrentes fuisse, terramque occupavisse." Hæc, inquam, *Latine* cito, quoniam dum ita facio, *Dionis* auctoritati ² doctissimorum interpretum judicium accedere videtis. Caput controversiæ est in eo, ut intelligamus quid τὰ περὶ significent. Interpretes *paludes* reddunt: *Halleyus*, *arenas maris affluxu madefactas*. Quare ita reddiderit, in promptu causa est; non erant in eo loco, ubi ille exscensum factum esse vult, paludes, sed arenæ tantum: at enim tota, ut puto, reclamante Græcia, istam significationem verbo πέναντος affingit. ³ *Aristoteles* hæc duo ἀμμῶδες & πέναντος distinguit. Do-

¹ Hist. Rom. lib. 39. ² G. Xylandri & Jo. Leunclavii. ³ Περὶ ζῴων ιστορίας v. 15.

Ætissimus Scholiastes ad illud ¹ *Apollonii Rhodii*

Πάντη γὰρ πέναντος. ———

πέναντος, inquit, ὁ πηλῶδης τόπος. ² *Plutarchus*, *Scævæ* facinus in *Cæsaris* exscensione editum narrans, ait, id ἐν τόπῳ ἐλώδει καὶ μετὰ ὕδατος, & juxta ρεύματα πελματώδη, five *fluenta limosa*, patratum fuisse: quæ quidem mihi non obscure subindicare videntur fuisse in loco, ubi pugnatum est, fluvium five *fluenta limosa*, qualia in *Delano* litore vix reperiens; illic enim arenæ tantum, quibus nihil stabilius & ad firmiter insistendum commodius esse potest, quamobrem etiam in theatris spargi solent. *Dionis* jam descriptionem, (quæ cum *Cæsaris* narratione, quoad litoris naturam, aperte pugnat,) cum ostio portus *Rutupini* conferamus. Erat ibi promontorium; illo circumnavigato aperit se portus, qualem requirebat ³ *Cæsar*, *ad majorum navium multitudinem idoneus*. Erat ibidem litus, ut in ostiis fluviorum esse fere solet, paludosum atque limosum, in quod defiliens miles *Cæsarianus* ⁴ *firmiter insistere* non potuit: erant in eodem promontorio *Cæsaris* castra navalia, nisi *Plottum* nostrum conjectura fefellit,

¹ *Argonautic.* IV. 1237. ² In vita *Cæsaris*. ³ De bello *Gallico* IV. 20.
⁴ De bello *Gallico* IV. 26.

qui se eorum vestigia ibi deprehendisse, mihi non semel narravit. Perdiu, multosque ante *Plotum* annos ¹ *Darellus Cantianus*, vir antiquitatis peritissimus, “castrametatum esse *Cæsarem* “in promontorio *Rutupino* cum suis, atque in “de locum *Castrum Cæsaris* dictum fuisse” scripsit. Quomodocunque vero res se habet, ego illud monendum censeo, promontorium à *Cæsare* circumnavigatum non esse *Pepernessam* hodiernam[†], quæ tunc temporis à mari occupata, nunc tandem recedentibus undis comparet; sed potius extremum litoris terminum, quocunque loco is erat, quocunque nomine notus, qui portum *Rutupinum* subeuntibus à sinistra fuit, & nunc fortasse mare è longinquo prospicit.

39. Quum ambos in sententiam meam facile transituros viderem, sic pergebam: harum opinionum quænam plures habeat fautores, plane incertum est; “*Cæsarem* in *Dunis* terram “conscendisse, omnium pene consensu,” ait ² *Somnerus*. “Locum in quem *Cæsar* appulit “vulgo apud *Richburrow* aut *Sandwicum* statui,” asserit ³ *Carolus* à *Fraxinis*. Superva-

¹ MS. in Bibliotheca Cottoniana, *Vespas.* A. 5. ² De portu *Iccio* p. 50.
³ De portu *Iccio* p. 101. † Vide Tab. 1.

canea est, inquit *Whartonus*, ista quaestio, quandoquidem nobis non testium numero, sed argumentorum pondere agendum est: illud tamen à *Mauritio* scire velim, quo loco popularium suorum *Nennii* atque *Galfridi Monemuthensis* autoritas habenda sit; quorum ¹ ille "*Cæsarem* in ostio *Tamesis*," ² hic autem nunc "*in ostio Tamesis*, nunc in ipso *Rbutupi* portu," applicuisse vult? Pungebat *Mauritium* interrogatiuncula hæc, quia Scriptorum *Britannicorum* cum fidem tum iudicium elevare videbatur; nihil tamen acrius respondit, quam illorum auctoritatem non usque quaque aspernandam esse; non enim omnia ab illis temere dici aut confingi, videri autem in hac narratione neque secum neque cum *Cæsare* convenire. Bono, inquam, es animo, *Mauriti*; ostendam enim, illos & secum, & cum *Cæsare* fatis convenire; esse scilicet *Rutupias* ipsas, totumque litus *Rutupinum* usque ad *Dubrim*, in *Tamesis* fluvii ostio. Mirabilem hanc sententiam iussus explicare, dicebam ostia fluviorum terminos habere, alios à natura præfinitos, alios hominum arbitrio, loquendi usu, atque dominii

¹ Hist. Britan. cap. 14, 15. ² Hist. Britan. IV. 3. 7.

jure, constitutos: “*Londinenses*, superiore se-
culo, jus sibi in fluvio *Tamesi* usque ad *Re-*
“*gulbium* asseruisse.” ²*Polychronici* autorem
“*Tamesin* apud *Sandicum portum* labi in mare
“orientale”. *Malmsburiensem*, “*Tamesin* ultra
“*Londinum* plus LXX. milliaria nomen profer-
“re, atque apud *Doveram* pelago condi,” tra-
dere. Iter maritimum a *Dubri Londinum*,
prout nunc extra *Tanatim* navigatur, LXXX.
milliarium esse à peritissimis nautis accepi. Il-
lud si interiori cursu per portum *Rutupinum*,
quod tunc fiebat, instituatur, *Malmsburienfis*
calculo responderet, eumque nec inconsulte
nec fortuito ita scripsisse demonstraret.

40. Nihil, ait *Mauritius*, amplius restat,
quam ut sententiam tuam, tam de loco, à quo
Cæsar solvebat, quam de eo in quem appulit, no-
bis declares. Dixi, mihi quidem videri, illum *Ges-*
soriaco solventem, portum *Rutupinum* subiisse.
Inde solvisse, tam ⁴*Cæsarem* ipsum quam ⁵*Str-*
abonem narrare: frustra illos laborare, qui *Itium*
à *Gessoriaco* avulsum alio transferre conantur:
fuisse *Cæsaris* iter maritimum ab *Itio* in *Britan-*

¹ *Stomæus* in *Lond.* p. 44. ² Lib. I. p. 196. ³ De gestis *Pontif.* lib. II.
⁴ De bello *Gallico* v. 2. ⁵ *Geogr.* lib. IV. p. 305. edit. Amst 1707.

niam milliarium xxxx. ita enim in melioris notæ codicibus legi, eamque lectionem à 'viris doctissimis probari, atque à *Strabone* luculentissime confirmari: qui *Cæsaris* in *Britanniam* navigationem stadiorum cccxx. five milliarium xxxx. fuisse scribit: denique, quod rei caput esse videtur, quodque à naucleris valde expertis edoctus sum, veram distantiam inter ostium portus *Rutupini* atque *Gessoriacum*, five *Bononiam*, esse xxxx. milliarium.

41. Propter frequentem è *Galliis* in insulam nostram transitum à *Gessoriaco*, dictus est ille locus ²portus *Morinorum Britannicus*; neque enim alium habuisse videntur: propter usitatissimum ad *Rutupias* appulsum, vocantur illæ, quasi alius non esset mentione dignus, ³portus *Britanniarum*: & quemadmodum temporibus illis nihil apud nos *Rutupiis* nostris celebrius, ita nec *Morinis* quicquam *Gessoriaco* suo notius fuisse tradit ⁴*Pomponius Mela*. Non illud dissimulabo, *Antonini Itinerarium* distantiam inter *Gessoriacum* & *Rutupias* stadiorum ccccl. statuere; idem ⁵*Dionem Cassium* facere: ⁶*Pli-*

¹ *Is. Casaubon.* in *Strabonis* lib. iv. *Jo. Jac. Chifflet.* de portu *Iccio* cap. vi. *Merula* *Cosmograph.* part. ii. lib. iii. p. 228. ² *Plinii* *Hist. Nat.* iv. 23. ³ *Antonini Itin.* 4 Lib. iii. c. 2. vide & *Flori* i. 11. ⁵ *Hist. Rom.* xxxix. ⁶ *Hist. Nat.* iv. 16.



nium *Britanniam* à *Gessoriaco Morinorum* gentis litore proximo trajectu L. milliarium minimum: ¹ *Diodorum Siculum* stadiorum non amplius c. Quis autem ex iis, quæ à me jam dicta sunt, non videt in his numeris turpiter errari; omnemque disputationem hac varietate innixam & subtilem nimis, & supervacaneam esse? quorsum enim *Britanniam* L. vel amplius milliaria à continente ablegari, quum *Cæsar*, suffragante *Strabone*, commodissimum *Galliæ* portum à portu celeberrimo *Britanniæ* non longius xxx. milliaribus abesse narret? Taceo pueriles, absurdas, immanes vocum notationes, nominumque confictiones, vel ipsa *Legenda aurea* dignas, quibus viri alioquin graves atque docti scripta sua de hac re turpiter dehonestârunt. Pergamus igitur his prætermittis: post *Julium Cæsarem*, *Claudium* à *Gessoriaco* portu transmississe testatur ² *Suetonius*; *Vespasianum* à *Claudio* missum, portumque *Rutupinum* intrare volentem, ab *Arvirago* prohibitum ³ tradunt. *Agricola* in *Britanniis* agente, *Romanam* classẽ portum *Trutulensem* sive *Rutupinum* tenuisse, narrat ⁴ *C. Ta-*

¹ Hist. lib. iv. pag. 30. ² In *Claudio* xvii. ³ *Galfridus Mon.* iv. 16.
Matth. Westm. ad A. D. 52. ⁴ In vita *Agricolæ*.

citus; *Lupicinum* magistrum armorum, huc sub *Constantio* missum, *Bononia* ad *Rutupias* fitas ex adverso delatum, ab ¹ *Ammiano Marcellino* discimus: ab ² eodem docemur, *Theodosium*, transmeato lentius freto, à *Bononiae* litore *Rutupias*, stationem ex adverso tranquillam, venisse: verbo dicam, *Romanos* toto illo tempore, quo insula nostra potiti sunt, in solum portum *Rutupinum* applicuisse, & nisi tu, *Whartone*, alium monstras, quod fodes te facere velim, concludo *Cæsarem* ibi exscendisse, aliosque post *Cæsarem*, illius exemplo ductos, eodem loco appulisse. agnosco alios portus tum fuisse in *Britanniae* nostrae litore, scilicet ³ *Dubris*, *Lemanis*, ⁴ *Adurni*, ⁵ *Setantiorum*, portus *Magnum* atque *Novum*; de quibus in historia *Romana* nihil, præter nuda nomina, occurrit.

42. Tum *Whartonus*, fatis inquit *Rutupiis* nostris præcipuam antiquitatis laudem jam inde à primo *Romanorum* in *Britanniam* ingressu asseruisti; nunquid autem non tibi videntur etiam ante *Cæsaris* adventum claruisse? Respondebam ita esse; origineſque *Rutupinas* ab

¹ Hist. xx. 1. ² Hist. xxvii. 8. ³ *Antonini Itinerar.* ⁴ *Notit. Provinciarum.* ⁵ *Ptolemæi Geogr.*

ipſius mercaturæ in hac inſula origine accerſendas, idque tam propter portus commoditatem, quam ob *Gallici* litoris vicinitatem; neque potuit locus mercatorum uſibus adeo opportunus non ſtatim occupari. Nemo ſaltem negabit fuiſſe *Rutupias* inter civitates maritimas, quas à *Caffivellauni* finibus flumen *Tameſis*, ¹ teſte *Cæſare*, dividebat. Hic me interpellans *Whartonus*, tu vero, inquit, parum *Latine* atque accurate loqueris, qui *urbem* ſive *oppidum*, *civitatem* appellas, quod nunquam in aurea illa linguæ *Romanæ* ætate, præſertim à *Cæſare*, factum eſt; quum *civitas* non ſit locus ſive ædificia, ſed concilium cœtusque hominum jure ſociatus: quod quum à ſcriptoribus noſtris antiquis non ſatis animadverſum atque obſervatum eſſet, cœperunt *Galfridus Mone-muthenſis*, aliique, *Cæſaris civitates* in *urbes* convertere, inſulamque noſtram quamvis non ² *Εχατόμπελιν*, tamen *Πολύπολιν* facere: nôſti vero quam feliciter ³ *Wigornienſis Episcopus*, fictitias has civitates aggreſſus, uno ictu omnes funditus delevit.

¹ De bello *Gallico*, v. 11. ² *Creta Hecatompolis* dicta. ³ De vera *Londini* Antiquitate.

43. Mihi, inquam, non in animo est eas instaurare atque restituere; multo minus optimi *Præfulis* manes laceffere; sed iis, quæ modo à te dicta sunt, qua possum brevitate, respondere. *Cæsarem* nusquam *civitatem* pro *urbe* usurpare facile concederem, nisi ¹ unus obstarret locus: “*Romani* vero quid petunt aliud, aut quid volunt, nisi invidia adducti, quos fama nobiles, potentesque bello cognoverunt, horum in agris civitatibusque confidere, atque his æternam injungere servitutem?” sed nolo de hoc loco litem movere; illud tamen constanter affirmo, purioris ævi latinitatem *civitatum* nomine *urbes* vocasse: extare quippe *Tiberii* nummum sic inscriptum ² CIVITATIBUS ASIAE RESTITVTIS: quod de urbibus *Asiæ*, quas terræmotus diruerat, intelligendum est: *Vitruvium*, civitatem ubique fere pro urbe usurpare: ³ *Verrium Flaccum*, insignem Grammaticum, qui “ab *Augusto* nepotibus ejus præceptor electus, transiit in *Palatium* cum tota schola,” quemque nefas est putare cum plebe locutum: illum tamen “⁴ civitatem, & pro loco, & pro oppido, & pro jure quoque

¹ De bello *Gallico* vii. 77. ² *Occo*, pag. 65. ³ *Suetonius* de illustribus Grammaticis. ⁴ *Agellii* noct. *Attic.* xviii. 7.

“omnium,

“omnium & pro hominum multitudine,” fumendam esse docuisse: immerito igitur me reprehendit *Whartonus*, quod post tantos autores eodem loquendi jure atque libertate usus fuerim. Nullas fuisse in insula nostra urbes ante *Romanorum* adventum nusquam dicit *Cæsar*; rem potius ita narrat, ut suspicionem non levem lectoribus suis injiciat, urbes se hic reperisse: ¹ ait enim “hominum esse infinitam multitudinem, creberrimamque ædificia fere *Gallicis* consimilia; ² ex his omnibus longe esse “humanissimos, qui *Cantium* incolunt; (eam “regionem esse maritimam omnem) neque “multum à *Gallica* differre consuetudine.” *Gallorum civitates* urbes suas habuisse quis dubitet, quum legat ³ uno die amplius viginti urbes *Biturigum* incensas fuisse? quis autem credat civitates *Britannicas*, cætera *Gallicis* per similes, urbes non habuisse? Oppida habuisse agnoscit ⁴ *Cæsar*; oppidum vero urbemque quid intersit docet nos ⁵ *Varro*, oppida scilicet, quæ prius erant circumducta aratro, ab orbe & urbo, *urbes* appellari; unde fit, probatissimos au-

¹ De bello *Gallico* v. 12. ² Ibidem cap. 14. ³ De bello *Gallico* vii. 15.
⁴ De bello *Gallico* v. 21. ⁵ De *Lingua Latina* lib. iv.

tores iis vocibus promiscue uti; ¹ *Cæsarem Alesiam* & oppidum & urbem vocare, *Biturigumque* oppida urbium nomine insignire; ² *Ciceronem* ita loqui, “*Pheræ* urbs in *Theffalia*, “in eo oppido” &c. “Ejusmodi conjunctio-
“nem tectorum, oppidum vel urbem appella-
“runt.” Ego de omni hac controversia ita sentio, fuisse in *Britannia* ante *Romanorum* ingressum sive urbes sive oppida, fortasse non quales ³ Historici nostri fingunt atque describunt, muris, turribus, portis, feris instructas firmissimis: at saltem tales, in quibus conventus habere, contra hostium incursiones se tutari, atque mercaturam commode exercere possent, quasque se hic reperisse agnoscit *Cæsar*. Inter has urbes ego *Cantianis* maritimis, *Rutupii* præsertim, vetustatis primas defero, eodem argumento, quo ⁴ *Sallustius Libyas* mature oppida habuisse probat, quod freto divisi ab *Hispania*, mutare res inter se instituerant.

Ut *Rutupias* illustrent externa antiquorum scriptorum testimonia, ita *Regulbii* vetustatem

¹ De bello *Gallico* vii. 68. vii. 14, 15. ² De divinatione i. 25. & Fragm. ex libris de Repub. p. 338. & Orat. pro *Sexto Roscio* cap xviii. ³ *Beda* in Hist. Eccl. gentis *Angl.* i. *Gilde* Hist. pag. 9. ⁴ De bello *Fu-*
gurth. p. 77.

clarissimam facit interna tot monumentorum ibi erutorum fides; quid enim aliud quam summæ antiquitatis indicia certissima sunt, denarii consulares; Imperatorum fere omnium à *J. Cæsare* usque ad *Honorium* nummi; *Tiberii*, *Neronis*que ænei, asperi, & quasi ex officina monetaria calentes; quos, in litore *Regulbino* repositos, penes me asservo? quid aliud, inquam, indicant, quam *Romanos* hoc loco principio confedisse; illumque, quamdiu in hac insula commorati sunt, coluisse; nummosque illos asperos, priusquam longo usu triti splenderent, ibi vel casu relictos, vel consulto defoscos fuisse?

44. Novum, inquit *Whartonus*, dicendi campum video te aperire; in quo ut cursus quam minime impeditus sit, obex, in ipso ingressu positus, amovendus est. Tu scilicet ab asperis *Tiberii Neronis*que nummis, ibi inventis, *Regulbii* ætatem colligere vis, quasi vel illis imperantibus, vel paulo post, floruerit: id autem minime sequitur, quoniam diu post illorum tempora recondi poterant. Aiebam, illud quidem accidere potuisse; multo tamen probabilius videri, eo tempore apud terram depositos fuisse, quando illorum Imperatorum autoritate, quo-

quorum sacros vultus gerebant, valorem habebant, five, ut recentiores Jurisconsulti loqui amant, *currentes* erant: quorsum enim tunc recondi, quum in usu esse desiissent? illud præfertim si verum sit, quod à rei nummariæ peritissimis viris vulgo traditur, scilicet "Imperatorum *Romanorum* nummos, post eorum "excessum brevissimum cursum habuisse, neque "valuisset, nisi essent conflati, atque denuo recusi:" illud autem vobis judicandum relinquo, & ad ea pergo, quæ ex ordine, dispositione, numero, aliisque circumstantiis nummorum repertorum legitime concludi possunt; nempe si in olla conclusi, vel acervatim cumulati occurrant, tempore eodem terræ commendatos fuisse; illud autem tempus illorum ultimum proxime denotare: exemplo esse potest ¹ effossus nuper in agro *Venetico* ingens thesaurus quinquaginta millium nummorum *Romanorum*, vasis fictilibus inclusorum, quorum novissimus quum *Gallieni* esset, nemo sanæ mentis dubitaverit ipso imperante defossos fuisse; qui enim fieri potuit, ut in tam immani acervo, ne unus quidem compareret eorum, qui *Gallieno* suc-

¹ *Walkerus* in *Historia Græca & Rom.* è nummis illustrata, p. 15. ² *Journal des Sçavans* A. D. 1681. p. 280.

cesserunt,

cefferunt, quum in more esset illis statim post acceptam, sive arreptam, purpuram nummos cudere. Quod si istiusmodi thesauri in castrorum stativorum, urbium, sive oppidorum ruinis sparsi, disiecti, & quasi disseminati, frequentes jaceant, tum ad eorum seriem attendendum est; quæ si ab initio rerum apud nos *Romanarum* incipiat, & prope continuata ad earundem inclinationem decurrat, summam loci vetustatem demonstrat, & principio occupatum fuisse indicat; atque hoc indicium ad *Regulbium* nostrum pertinere quis non videt?

45. Me, in hunc sermonem de nummis delapsum, interpellavit *Mauritius*, rogans ut illud explicarem, quod ab omnibus fere quæsitum atque disputatum audiret, scilicet unde tanta numifinatum *Romanorum* in *Britannia* relictorum copia? multas illius rei causas afferri, quæ prorsus improbabiles videantur; quemquamne etenim sibi persuadere posse, tot tantosque thesauros, ad perpetuandam istius populi memoriam in terra absconditos, post multorum seculorum decursum iterum, si fors daret, in lucem protrahendos? ob eandem gloriolam nummos in ædificiorum fundamentis jactos? Sed esto hæc probabilis ratio eorum, qui in sub-

L structionibus

structionibus & murorum cæmento aliquando apparent; quid de iis dicendum est, qui in agris arvisque, ubi nulla sunt ædium vestigia, inveniuntur? Gentem orbis Dominam tam præfenti nominis fui famæ, quam memoriæ æternitati studuisse, nemo dubitaverit: illud autem operibus publicis, ædificiis magnificis, trophæis, arcubus triumphalibus, theatris, columnis, munitionibus, viis stratis, & similibus moliti sunt, quæ & præfentes admiratione, & futuros veneratione, percuterent. Hæc post iustitiam, fortitudinem, cæterasque virtutes certissimam fore gloriæ sementem recte iudicavit gens omnium prudentissima, non æreorum aliquot sparsionem, qui quamvis ex materia perennitatem quandam habeant, dum tamen in terra latent, nec dominis nec aliis laudem afferunt: quum è contra, palatiorum, ædium, templorum, aquæductuum, pontium vel ipsa rudera atque reliquiæ, & semper in oculos mortalium incurrant, & nescio quid tam grande & magnificum ostentent, ut vix patiantur nos credere humile aliquid sive angustum atque parvum in ea gente unquam fuisse; ita enim natura comparati sumus, ut de non apparentibus ex iis, quæ videmus, semper fere iudicemus.

46. Recte,

46. Recte, inquam, *Mauriti*, censēs; sed neque illi nodum hunc satis expediunt, qui aut militem à *Magno Maximo* in *Galliam* mox abducendum, aut *Britannos*, ad suppetias contra *Scotos Pictosque* impetrandas *Romam* profecturos, hos thesauros sepelivisse volunt: illud etenim si verum sit, solum ad postremos *Romanorum* nummos pertinere quis non intelligit? alia igitur explicatione ad enodandam hanc quæstionem opus est; quam sic, si vultis, accipite. Narrat ¹ *Spartianus*, “jussisse *Pescennium Nigrum*, ne in zonis milites ad bellum “aureos vel argenteos nummos portarent; sed “publice commendarent, recepturi post prælia quod dederant, ne ad hostes aliquid prædæ perveniret, siquid forte adversi fortuna “fecisset.” Antiquam hanc disciplinam militarem, & diu ante *Pescennii* tempora in desuetudinem abiisse, nec, ab eo revocatam, diu permanisse reor; quin potius morem obtinuisse, ut quilibet miles, sive in bellum profecturus, sive in aciem educendus, pro libitu suo res suas secum portaret; aut, quo vellet loco, occultaret. Posterius hoc ab exercitu *Romano* in insula no-

¹ Chron. *Saxonie*. A. D. ccccxviii. *W. Malmshur.* 1. 1. Continuator *Bedæ* 1. 2. ² In *Pescennio Nigro*.

stra toties factum fuisse autumo, quoties è castris, sive stationibus, in aciem producti erant ad longas atque incertas profectioes contra hostes; illud autem tam propter crebros *Britannorum* motus, quam ob repentinas barbarorum incurfiones frequentissime fiebat; quo tempore, spe redeundi, atque recuperandi jus suum, pecunias in terra deponebant; illorum vero, qui in bello cæsi sunt, thesauris nos divites facti sumus. Idem de iis dicendum, quando sive obsidione cincti, sive castris oppidisque exuti, pecunias suas asportandi facultatem non habebant: atque inde fit, ut propter castra atque oppida istiusmodi nummi plerumque eruantur: verbo dicam, funestis belli eventibus, ædium, vicorum, urbium direptionibus atque incendiis magnam partem divitiarum antiquarum debemus.

47. Incendia, inquit *Whartonus*, dum commemoras, *Plotti* nostri conjecturam in mentem revocas; qui *Regulbium* tuum olim arfisse vult, argumento usus massarum metalli, quarum tu ingentem illi numerum pondusque grave ostendas; illius imprimis laminæ, quæ æri cohærens habebat auri puri frustum; quam tu massam ex ærei aureique nummi, qui juxta positi erant,

erant, conflatione natam fuisse dicebas. Ita est, inquam, neque dubito locum illum, sive fortuito, sive oblato ab hostibus incendio injectisque flammis, conflagrasse. Interrogabat *Mauritius*, an ullum in tanto acervo nummum haberem vel *Rutupiis*, vel *Regulbii*, cusum? famam quippe esse, ¹ *Regulbii* olim officinam monetariam fuisse. Ita, inquam, vulgus ex immensi numismatum copia, & massarum metallicarum ingenti multitudine judicat, atque id forsan non absurde. ² *Carolus à Fraxinis* nummos profert, in quibus locus, ubi percussi erant, ita notatur, PR. R. RB. RE. RPS. RT. RVPS. hos autem omnes aut *Romam* aut *Ravennam*, refragantibus aliquando literarum notis trahere conatur; neque minus temere nummos ita signatos ML. PLN. LON. PLON. non *Londini*, sed *Lugduni*, percussos fuisse docet. Quidni vero ego meo conjectandi jure agam, istasque notas nummarias meo modo interpreter, scilicet RVPS. *Rutupiis pecunia signata*: PLON. *percussa Londini*: id si faceres, inquit *Mauritius*, tam illorum locorum celebritatem, quam literarum cum nominibus *Rutupiarum*

¹ In additamentis ad *Camdeni Britanniam in Cantio*. ² De inferioris ævi numismat. p. 37.

atque

atque *Londini* convenientiam, sententiæ tuæ valde faventes haberes. Quid autem de coloniis *Romanis* in *Britannia*? suntne inter *Regulbinos* tuos nummi earum nomine insigniti? Respondi apud me nullum esse, neque forsan tales uspiam extare. Monuit me de coloniis ¹ *Camuloduno*, *Eboraco*, *Deva*, quarum in nummis mentio; item de ² *Londino*, quod coloniis à *Claudio* deductis accensetur.

48. *Camulodunum*, inquam, coloniam fuisse non finit nos dubitare ³ *C. Taciti* autoritas cum ⁴ Inscriptionis *Tarraconensis* testimonio conjuncta; nummi vero, quem *Camdenus* ea de re exhibet, fidem merito suspectam habeo; quippe in illo conjungi video Imperatoris titulum XVIII. cum Tribun. potest. XII. quod nullo modo cum antiquis inscriptionibus stare potest. Ego ex multis ⁵ duas tantum proferam huic nummo plane repugnantes, quarum una habet Trib. pot. X. Imp. XVIII. altera, Trib. pot. XII. Imp. XXVII. quid igitur fiet de nummo, qui Trib. pot. XII. cum Imp. XVIII. non tam connectit quam confundit? *Eboracum* coloniae titulo co-

¹ Apud *Camdenum* in *Essexia*, *Eboraco*, & *Cheſtre*. ² *Vaillantius* de nummis percuttis in *Claudio*. ³ *Annal.* lib. XII. ⁴ *Gruter* p. ccccxxxix. Inscr. 5. ⁵ Ex *Onuphrii Parvini* Fastis ad A. V. C. 803. 805.

honestat lapis, quem ¹ *Camdenus* vidit, nobisque dedit: *Severi* autem nummum, quem ad rem confirmandam adducit, fando tantum accepisse, oculis vero nunquam vidisse suspicor; etenim, si vidisset, quorsum tam clarum monumentum nummorum tabulis non inseruit? quippe quod præcipuum inter illos locum jure merebatur. ² *Devanae* etiam coloniae fides uno nititur *Getæ* numismate, cujus quoque aversam tantum partem idem nobis ostendit. Quin imo neque *Vaillantius* ullum horum nummorum, *Camdeni* autoritate fretus, ausus est, quod sciam, in censum numerumque eorum, qui in coloniis cudebantur, referre; illud proculdubio facturum, si vel illos oculis suis conspexisset, vel genuinos esse judicasset. Nemo non novit, quam proclive sit viris etiam doctis in istiusmodi rebus hallucinari, quamque credulitas illa, quæ in optimi cujusque mentem facillime irrepit, prompta atque parata sit ad narrationes etiam non veras, modo verisimilitudinis speciem habeant, admittendas. Metuo ne horum utrumque acciderit in monstroso illo *Domitiani* numismate; quod nobiscum

¹ In *Brigantibus*. ² In *Cornaviis*.

communicatum est in ea, quæ nuper prodiit, *Camdeni* editione: in illo vir rerum antiquarum fatis peritus legisse sibi videtur DOMITIANVS CALCARAVCI, putabatque ad *Calcariam* oppidum in *Brigantibus* nostris pertinere. Quam vero insolens atque ineptum est oppidi nomen eam nummi partem, in qua facer vultus emicat, occupare, quæ titulis Imperatoriis semper vacare solet? Erroris igitur hujusce fontem digito vobis commonstrabo. Frequentes sunt istius Imperatoris nummi ita signati, CAESAR. AVG. F. DOMITIANVS. hanc inscriptionem quum à *Domitiani* nomine incipiens legeret vir doctus, in detritis literarum notis *Calcariam* suam reperisse sibi visus est. Res apertior erit, si lectionem nummi veram cum fictitia sive imperfecta, ita ut litera literæ respondeat, hoc modo compares

DOMITIANVS. CAESAR. AVG. F.

DOMITIANVS. CALCAR. AVC. I.

ubi notandum est literas utrobique easdem esse, sed in posteriore linea temporis injuria paululum diminutas.

49. De *Calcaria* autem fatis; *Londinum*

jam redeo; quod miror à *Vaillantio* coloniam vocari, atque à *Claudio* in *Britanniam* traductam: etenim istius rei testem nullum nummum, nullum autorem profert; neque id unde illi in mentem venerit, conjectura assequi possum, nisi, subscriptiones concilii '*Arelatensis* 1. perperam intelligendo, lapsus sit. Est equidem inter eas "*Adelfi* Episcopi de civitate *Colonia Londinensium*," id tamen ad *Londinum* non pertinet; quippe proxime ante *Adelfum* subscripserat "*Restitutus* Episcopus de civitate "*Londinensi*." Quænam fuerit civitas illa *Colonia Londinensium* à nostris disputatur, & adhuc sub iudice lis est; *Claudio* vero imperante, *Londinum* coloniae nomine non fuisse insigne, diserte asserit *Tacitus*, quod *Vaillantii* figmentum funditus evertit. Est quidem nummus *Græcus Britannici* à *Camdeno* allatus, quo nonnulli uti amant ad probandum *Londinum* tunc temporis Metropolim fuisse, alii pro eo, tanquam pro urbis suæ *Palladio*, acriter pugnant; quod præcipue fecit literis ad me datis *Evelinus* noster, nullo alio argumento usus, quam quod turpe esset tam insigne vetustatis atque

1 Concil. Galliae per Jac. Sirmundum Tom. 1. p. 9. 2 Annal. xiv.

honoris monumentum nobis abripi. Hunc autem nummum nihil prorsus ad nos pertinere subodoravit vir clarissimus *Nicolaus Fabricius de Petrisco*; illumque vir acutissimus ² *Ezechiel Spanhemius* jure merito *Corinthum* ablegavit, nunquam iterum, ut opinor, in *Britanniam* revocandum.

50. Quandoquidem, inquit *Whartonus*, tam rigidus sis nummorum ab aliis prolatorum censor, ut de omnibus, quas in causa hac adduximus, suspicionem moveas, videamus, obsecro, quales *Regulbinus* ager proferat. Illud, inquam, quod in *Camdeni* nummis jam feci, in meis facere soleo; si suspectos invenero, eos quoquo modo examino; si extra seriem positos, suo loco repono: si vetustate æruginosos atque obscuros, fugientes literas, quibus possum artibus, revoco; neque horum aliquid, ut puto, inique: quod autem in re nummaria, quam vix primoribus labris attigi, tam multa temere forsan atque plus fatis audacter pronunciem, illud vitio humani generistribuendum est; etenim plerique hominum de ea arte, in qua fere rudes sunt, multa inepte effutire amant; quod


¹ In Epist. ad *Camdenum* LXXVI. ² De usu ac præstantia numismatum p. 647.

tamen illis non semper vitio vertendum est; hujusmodi quippe velitationibus, quas docti fortasse rident, tyrones tandem exercitati evadunt. Pergam igitur aliquid de nummis *Regulbinis* dicere, quamvis eorum cognitionem parum emolumenti rei literariæ allaturam sentio. Utilitatis si quid habent, id in eo potissimum consistit, quod quum proculdubio genuini sint, si frequenti ac diuturnæ illorum contrectationi atque contemplationi assuescas, spurios citius atque accuratius deprehendes, & ex assiduo longoque illorum usu, atque consuetudine, certiores acquires numismatum *δευμνατια*, quàm ex regulis, quas multas atque subtilissimas tradunt illius rei scriptores; adulterini quippe juxta veros positi, nescio quibus novitatis indiciis, se continuo produnt.

§I. Tu vero, ait *Whartonus*, nullos esse adulterinos in *Regulbinis* tuis speras, quum videam in mensa, *Severos*, *Caracallas*, *Julias*, *Getas*, *Elagabalos*, aliosque æreos, sed argento obductos? Materiam, inquam, si spectes, adulterini sunt, quod malum sub iis Imperatoribus rem monetariam corrupisse videtur; antiquitatem vero si spectes, genuini sunt; neque apud eruditos nummorum æstimatores aut vetustatis,

tustatis, aut raritatis, laude carent: cave autem putes omnes argento obductos; in quibusdam enim albicantem illam bracteam, qua nitere videntur, stannum esse deprehendi; nummo quippe lucernæ igni admoto statim in guttam defluebat, non tam remisso calore liquefacienda, si argentum esset: hoc autem non semel expertus sum. Colliguntur itidem in agro five litore *Regulbino* innumeri nummuli ærei, minuti, rudes, *Romani* tamen, quod indicant signata in iis capita vel laureata, vel diademate redimita, atque in averfa parte vel signa militaria, vel equites hostes prosterntes, vel lupa cum *Romulo* & *Remo*. Illorum minutissimi vix vicesimam drachmæ *Romanæ* partem æquant: hos vel inclinante imperio, vel urgente necessitate publica cufos, & numero non pondere æstimatedos fuisse autumo. Illorum conficiendorum rationem hanc fuisse conjicio; fundebatur æs conflatum in minutissimos globulos, iis similes, quibus nos plumbeis utimur in avibus tormenti ictu vulnerandis; hos monetarius percussit: nec conjecturæ deest argumentum, quum istiusmodi globuli simul cum nummis inveniantur: quinetiam ejusdem formæ nummi globulique plumbei, sed rariores, occurrunt.

Eodem




Nummi
ex
Electro








C.T.I.
3428
&
T.H.
12

*Horum pars anterior in cavitatem subsidit; pars aversa convexa est,
et in duobus postremis omnino incornata.*




*He tres numerorum series, ut et omnes in Tabula sequenti (nisi forte
duos postremos excipiendos credas) ex illis sunt quos auctor Antiquorum Gallia Regum fuisse existimavit.*




C.T.H.
36





C.T.H.
24




His duobus gemini in Collect. Thoresbiana reservantur.



C.T.H.
14



C.T.H.
35



Nota quod C.T.H. 14, 35, &c. numerorum nostris similium situm in Tabula secunda Camdeniana significet.



Eodem quoque loco eruuntur aurei, quos *Britannicos* vocant, non ex obryzo sed ex electro, sive illo æris genere; quod quartam auri partem admixtam habere scribit ¹ *Plinius*. Argentei itidem horrendis notis insculpti, qui neque *Britannorum* neque *Gothorum*, sed antiquorum *Galliae* regum fuisse videntur. Illorum aliquot exhibent ² tabulae novae *Camdenianae*; in *Regulbinis* meis, quos multos conspicitis, illud tantum observo, apertas certissimasque *Christianae Religionis* notas in omnibus fere comparere: cujusmodi sunt figurae *crucem* manu gestantes; idem signum inter duas figuras stantes; stans inter cruces duas; avis, forte columba, ³ cruci insidens, ut in sceptris nostris; ubique fere cruces, *Christianorum* signa militaria: nec, quod de iis dicam, amplius habeo.

52. Tum *Mauritius*, illud, inquit, quod *Whar-tonus* in initio congressus nostri ludibundus percontabatur, ego nunc serio requiro; an scilicet in ingenti hoc nummorum *Romanorum* acervo aliqui sint ad rem literariam juvandam utiles, aut alio modo notatu digni? sunt, inquam, non pauci, qui à *Vaillantio* aliisque inter vario-

¹ Hist. Nat. xxxiv. 8. ² Tab. 11. Numm. 24. 14. 35. ³ Camden. Tab. 11. Numm. 11.

res numerantur; sunt quidam à *Mediobarbo* cæterisque, quos vidi, rei nummariæ scriptoribus omitti, & forte singulares. Universos recensere nec tempus finit, nec instituti sermonis ratio postulat, neque habent omnes utilitatem cum raritate conjunctam. Ego igitur eorum unum vel alterum, qui rem nostram *Britannicam* & videntur spectare, & possunt illustrare, vobis ostendam. En autem *Severi* argenteum cum figura inter duo signa militaria stante, atque sic inscriptum:

SEVERVS. PIVS. AVG. BRIT.

PONTIF. TR. P. II. COS.

53. Vides hic, *Mauriti*, *Severum* anno Tribunitiæ potestatis secundo *Britannicum* appellari, qui tamen titulus illi non ante annum Tribun. potest. XVIII. obtigit, qui vitæ ultimus fuit: illud, hunc si excipias, nummos, lapides, historiam ipsam constanter atque uno ore testari norunt eruditi. ¹ Erat quidem Imperator ille, & victoriæ & cognominis *Britannici* cupidus; quæ res illum jam senem, & podagra laborantem, in insulam hanc traxit; ² ubi muro per illam transversam ducto, & non ante, *Bri-*

¹ *Herodian.* III. 46, 47. ² *Æl. Spartianus* in *Severo* XVIII.

tannici nomen accepit. Nummum hunc quum cuidam *Gallo*, qui omnia in hac arte novit, ostenderem, ille protinus nodo cuneum adhibere; scilicet averfam hujus denarii partem non *Severi* sed *Caracallæ* esse; ejusmodi vero errores Monetariorum incuria sæpe evenire. Hoc autem quam frustra dictum, quum ex ipsius nummis constet, *Caracallam* non secundo, sed quarto demum Tribunitiæ potestatis anno, Consulem primo designatum fuisse? ego *Severi* nummum esse, & à *Clodio Albino*, qui exercitibus *Britannicis* præerat, in insula nostra percussum arbitror: in hanc sententiam ducit me *Herodiani* narratio; videlicet “*Severum*, non
“vo adhuc imperio, *Albinum*, cujus suspicione
“tenebatur, honoris specie inescare statuisse,
“*Cæsarem* appellasse, per literas obsecratum
“esse, ut ipse potissimum curam suscipiat Im-
“perii, nummisque imagine ejus percuti jussis,
“statuisque erectis, fidem gratiæ suæ fecisse.”
Hæc *Herodianus*. Agite nunc, annon vobis consentaneum atque verisimile videtur, potuisse *Albinum* tunc temporis, ut paria paribus referret, nummum hunc excudi jussisse, addito

Britannici titulo, quem *Severo* gratissimum fore fortasse noverat. Hoc si ita non sit, alius vobis *OEdipus* adeundus est. Ego, ait *Whartonus*, nummum hunc fusque deque habeo; illud autem me movet, quod obiter jam dixisti *Severum*, non nisi senem, & morti jam proximum, insulam nostram adiisse, quum in *ad-dendis* ' *Anglicis* ad *Camdeni* *Belgas* narretur, *Severum* maximam ætatis suæ partem in *Britannia* egisse, & forte aliquando *Sarisburie* commorantem, loco *Severie* nomen imposuisse. *Mauritius* hic *Whartonum* plura dicere aggredientem, & σφάλμα hoc suaviter irridentem, ea qua uti solebat gravitate, cohibuit.

54. Tunc ego alium nummum, in medium productum, illis monstravi: illum inquam profero, & quoniam *Severi* est, & quoniam *Regulbinus*, & fortasse singularis. Habet *Severi* caput, & in aversa parte figuram inter duo signa militaria cum ἑπταρχῇ,

L. SEPT. SEV. PERT. AVG. IMP. X.

CONCORDIAE. MILITVM.

Eo tempore cusus videtur, quo *Severus*, *Alexandriam* profecturus, stipendium cumulatus

militibus dedit, & forte eorum concordiam laudavit. Sed nummum hunc, quoniam rem nostram parum spectat, recondo; aliosque ostendam, qui & singulares sunt, & non prorsus inutiles. Vir Clarissimus ¹ *Cardinalis Noris*, quum probare vellet *Carausium* cum *Britanniæ* imperio, & *Augusti* titulo, pacem à *Diocletiano* & *Maximiano Augustis* obtinuisse, *Eutropium* ejus rei testem advocat; ad *Eutropii* vero testimonium confirmandum, è thesauro *magni Etruriæ Ducis* singularem *Carausii* nummum adducit, sic inscriptum:

IMP. C. CARAVSIVS. P. F. AVG.

PAX. AVGGG. S. P. M. IXXI.

ubi notis *Augg. Diocletianum, Maximianum, & Carausium Augustos* designari ait. En autem alium *Carausii*, eumque *Regulbinum* & prorsus singularem! In eo videtis Imperatoris caput radiatum, & in averfa parte *Providentiæ* typum cum hac inscriptione,

IMP. C. CARAVSIVS. P. F. INV. AVG.

PROVID. AVGGG. C.

unde apparet eum, non solum in partem orbis regendi à *Diocletiano* & *Maximiano* vocatum,

¹ In explicatione nummi *Diocletiani*, p. 23. Patavii A. D. 1676.

sed etiam, ob prosperos belli eventus, *Inviæti* quoque nomen sibi arrogasse. Quæ pulcherri-
me *Eutropii* locum illustrant, ubi narrat “cum
“bella frustra tentata essent contra virum rei
“militaris peritissimum, ad postremum pacem
“convenisse.” Ego vero, ut *Carausii* etiam
nummis fidem faciam, ne solus in causa sua
testis minus idoneus esse videatur, *Diocletia-*
nos atque *Maximianos Regulbino*s, in eadem
officina cufos adhibeo, & *Carausianum* numif-
ma comprobantes.

IMP. C. DIOCLETIANVS. P. F. AVG.

PAX. AVGGG. S. P. M IXXI.

IMP. C. MAXIMIANVS. P. F. AVG.

PAX. AVGGG. S. P. M IXXI.

55. *Carausii* nummum, non alias, ut putat,
visum, è gaza *Palatina* dedit nobis vir nobili-
ssimus ² *Ezechiel Spanhemius*; in quo caput
radiatum, & in averfa parte figuræ duæ cum
scepro in unum coalescentes, una sursum, al-
tera deorsum, literæ autem exesæ, præter eas,
quæ legi possunt, VICTOR: in *Regulbino* meo,
qui paulo integrior est, non VICTOR sed CON-
SERVATOR legitur. Si mihi de nummo hoc

¹ In Breviario *Romanæ* Hist. IX. 22. ² De usu & præstantia numism. p. 600.



R

pag. 94



R

pag. 96



Æ

p. 97



Æ

p. 97



Æ



Æ



Æ

p. 99



Æ

p. 99



Æ p. 99



N

Nimmi
spanhe:
miani R

Carausiani alterius
fortasse congu-
laris R



p. 100

Rev. de Sir PHILIPPO BARTON, I.C.D.

Ædis Christi Oxon. Canonico

hanc Tabulam D.D.D. Cl. Battely.

Fortue

conjecturam facere liceret, dicerem cūsum fuisset antequam *Carausius* in imperii partem admitteretur, figuræque sceptræ gestantes & coalescentes, *Jovem* atque *Herculem*, sive *Diocletianum* atque *Maximianum*, referre; quorum hic *Jovius*, ille *Herculeus* appellari voluit; corporum autem conjunctione, animorum concordiam indicari; quam inter illos summam miramque fuisse narrat *Lactantius*, nec potuisse in amicitia tam fideli cohærere, nisi esset in utroque mens una, eadem cogitatio, par voluntas, æqua sententia. Tres alios *Carausianos*, qui fortasse sunt singulares, videtis. Hic *Centaurum* habet globum manu tenentem, literas autem prorsus exesas, nisi quod LE vestigia illic appareant. Ille figuram galeatam gradientem, gerentemque dextra hastam, sinistra trophæum humero impositum, cum hac inscriptione, VIRTUS Tertius, stantem & stolatam, dextra, ut videtur, baculo innixam, sinistra cornu copiae tenentem; literæ in circuitu sunt TEMPORVM FELICITAS. Habetis specimen rei nummariæ *Regulbinæ*; nolo autem amplius inutilem de ea molestiam vobis exhi-

¹ De mortibus persecutorum cap. 8. vide & *Baluzii* notas.

bere. His dictis, quum nummos jam in thecam reponerem, conspicatus est *Whartonius* aureum *Magnentii* solidum, cujus limbo affixus erat tubulus itidem aureus; cujus usum quum requireret, respondi, solere *Romanos* vel perforato nummo, vel hujusmodi annulo affixo, & tæniola, sive filo inserto, cum monilis instar collo appendere: neque de alia re intelligendus est ¹ *Pomponius J. C^{us}*, ubi ait, “Numismatum
“aureorum & argenteorum veterum, quibus
“pro gemmis uti solent, usumfructum legari
“posse.

56. Tunc, amotis nummis, vos, inquam, garulitatis nostræ pertæsi missionem, puto, expectatis; quippe illo vitio ut ² fenes ipsi laborare, ita rerum antiquarum studiosi aliis molesti esse solent; nec loquacitate contenti, rerum inventarum gloriosi ostentatores fere semper evadunt. Nullo loco, quod sciam, jactantius sese effert *Cicero*, quam ³ ubi *Archimedis* tumulum à se repertum, atque *Syracusanis* monstratum narrat: “Ita,” inquit, “nobilissima
“*Græciæ* civitas, quondam vero etiam doctif-
“sima, sui civis unius acutissimi monumentum

¹ Lib. xxviii. ff. de usufructu. ² *Tull.* de senectute. *Macrobi.* *Saturnal.* sermonum, vii. 2. ³ *Tuscul.* quæst. v. 23.

“ignorâſſet, niſi ab homine *Arpinate* didiciſſet.” Egregium vero facinus ! exclamat *Mauritius*, monumentum viri, ante annos cxxxvj. propter urbis ſuæ portas ſepulti, atque adhuc è dumis eminens, inveniſſe ! ſane *Syracuſanis* vitio ver- tendum eſt, quod clariffimi civis monumentum dumis obſitum fere perdidiciſſent ; *Ciceroni* au- tem, quod nondum deperditum reperiſſet, non tantopere fuit gloriandum.

ſ7. Video, inquit *Whartonus*, quo nos hac inſinuatione ducit *Joannes*, ſcilicet ut agnoſca- mus antiquitates *Cantii* ipſis quoque *Cantianis*, niſi illo, viro in *Icenis* nato, indicante, igno- tas fore. Tu vero, mi *Whartone*, qui in *Ice- nis* itidem natus, manus tamen antiquitatibus *Eccleſiaſticis Cantii* admoviſti, aut ſuſpicionis iſtius parum amicæ telum depone, aut in te- ipſum retortum accipe. Nihil certe à me lon- gius abeſt quam ſive gratiæ, ſive laudis expe- ctatio ; quin potius haud venia me dignum ex- iſtimo, qui provinciam ſatis temere arreptam pro dignitate ſatis non ornaverim. Verum- enimvero ſi, quod æquitas poſtulat, conſilium meum ex animo atque affectu, non ex eventu ponderare velitis, nihil, ut opinor, à me fa- ctum invenietis, niſi quod civem gratum ſatis dece-

decebat. Civem *Cantianum* me voco, quoniam anni sunt aliquot, ex quo in illam provinciam à sanctissimo viro *Gulielmo Sancroft*, Archiepiscopo *Cantuariensi*, beneficiis auctus, nec non *Dignitatis* titulis colonestatus, una cum fratre *Nicolao* missus sum, atque à *Cantianis* benigne acceptus. *Nicolaus*, illustratis urbis *Cantuariæ* antiquitatibus, officium suum edito libro ' brevi perfoluturus est. Ego, ut officio meo non deessem, quædam de antiquis *Cantii* locis meditat-
 tus sum; quæ quoniam vos, quasi crudos fructus à me nunc vi avellitis, haud æquum est, ut eorum acerbitate offendamini; qui, si per importunitatem vestram maturitatem assequi potuissent, magis grati dulcesque fuissent; qualescunque autem sint, *Cantio* debentur; quod quidem mihi patria est, si patria est, ubicunque bene est: id etiam alio nomine, quicquid in re antiquaria præstare possum, sibi vendicat, quippe quod mihi materiam, quam cernitis, & vetustatis monumenta, quibus utor, suppeditavit. Illud quoque me ad rei *Romanæ* in hoc *Cantii* angulo indagationem non mediocriter


1 *Cantuaria* sacra autore *Nicolao Battely* edita est *Londini* A.D. 1703, unà cum Antiquitatibus *Cantuariæ Somnerianis* ab editore recensitis aucti-
 que.

stimulabat, quod quoties rei sacræ faciundæ causa *Adisbamam*, quæ curæ meæ commissa est, proficiscerer, toties ex amœnissimis illius campis collibusque *Regulbinas* turres, insulam *Tanatim*, proxima *Rutupiis* litora, planitiemque in qua portus *Rutupinus* erat, conspicabar; quorum locorum frequens conspectus me in multas de eorum vetustate cogitationes deducebat. Nolite igitur putare me famam aucupandi, sed memorem beneficiorum animum testandi, propriæque curiositati gratificandi causa, hisce rebus me immiscuisse.

58. Hic cum subsistere, neque ultra in dicendo progredi velle videbar, *Mauritius* sermonem denuo exorsus, te vero, inquit, nondum è manibus nostris elabi finemus. Dixeras, in colloquii hujus initio, alia antiquitatis monumenta, præter nummos, *Regulbii* cruta, & ad te allata fuisse, *annulos* scilicet & *fibulas*, & id genus supellectilis *Romanæ* reliquias; nec te dimittemus, priusquam totum hoc vetustatis *Regulbinæ* armarium probe excusserimus: quicquid igitur in eo reconditum habes, id in medium adductum nobis explicato. Vultis, inquam, forte, quod non semel expertus sum, inanem atque superfluam meam in congerendis
con-

conservandisque his quisquiliis diligentiam, quasi infaniae speciem, quæ ἀρχαιομασία dici meretur, suaviter deridere. Noli, ait *Mauritius*, nos tam inurbanos tamque ἀμύσους putare; quin potius bonum factum laudamus, quoniam scimus, non sine summa diligentia, cum sumptu non mediocri conjuncta, hujusmodi monumenta & perquiri, & ab interitu vindicari solere; illa non tantum doctorum virorum privatis musæis, sed & maximorum Principum gazis ornamento esse; ab omnibus fere, qui cor habent, studiose perquiri, avide expeti, quovis pretio redimi; hujusmodi argumentis studia tua contra indoctorum hominum inficetas facetias facile tueri.

59. Est, inquam, ut dicis, *Mauriti*; mallet tamen cum agrestibus istiusmodi ingeniis non conflictari, quæ neque antiquitatem sapiunt, neque bonas literas colunt, neque urbanitatem amant. Vobis autem, quoniam vos non solum æquiore animo erga hæc studia, sed etiam in iis non mediocriter esse versatos sciam, promptuarium meum, etiamsi tenuiter instructum, aperire non verebor; tumque musæi nostri angulum quendam digito commonstrans, in quo mensa erat *urnis, pateris, urceis, ollis, testis,*
la-



lateribus extructa; en, inquam, officinam figulinam! illud autem primo intuitu observare poteritis, *Regulbium* vasa fictilia raro ad nos integra mittere; quoniam ruente clivo, in quo jacebant, plerumque confringuntur: quod apparet ex innumeris illorum fragmentis, quæ toto passim litore dispersa inveniuntur; quorum ego nonnulla propter elegantiam atque varietatem figurarum, quibus ornantur, conservo. Inter hæc testas conspiciatis pampinatas, alias squammatas; in hac ludentes puerulos, in illa *Cupidinem* leones flagro cædentem atque dominantem, in alteris canem insectantem leporem, quadrigarios quadrigas agitantes, caput leonis in vasis latere eminens, per cujus rictus perforatos aqua guttatim effundi potest: eratque forsân *gutti* fragmentum, quo vase in sacris uti solebant. Verbo dicam, in omni fere testa artis figulinæ varii, iique nec absurdi nec temerarii, lusus conspiciuntur; inter eadem fragmenta sunt quædam, uti vocant, literata, sive literis inscripta, hoc ccf. illud TACI. tertium PRIMITIVI. id autem celeberrimo figulo ' nomen erat. Videtis præterea pateram fere in-

¹ *Paul. Petavius* in *Antiquaria supellectili*. *Smetius* in *Antiquitat. Neomagensibus*, p. 166. Noviomagi A.D. 1678.

tegram, in cujus meditullio hi characteres
MARSI. M. leguntur.

60. Ego illud, inquit *Whartonus*, in omnibus observo, literas figura oblonga, quadrilatera, includi, quæ, ut puto, forma erat sigillorum, quibus nomina vasis suis imprimebant figuli. *Mauritius*, ut *Whartoni* observationem confirmaret, memini, inquit, quum *Neomagi* essem legato ¹ *Britannico* à sacris, vidisse me in *Smetii* musæo lapidem colore viridem, forma quadratum, in cujus singulis lateribus, five, ut ita dicam, aciebus, insculptæ erant literæ inversæ & retrogradæ, uti in figillis sculpi solent. Hunc lapidem ejusmodi usui destinatum fuisse tum putabam. Parum, inquam, à vero aberras; etenim illius typum, quem nobis una cum altero haud dissimili dedit ² *Smetius* F. attentius intuens, illico deprehendi sigilla fuisse cujusdam medici nomine inscripta, quod medicamentis suis una cum eorum nominibus imprimebat, aut forte vasis, in quibus continebantur. Harum inscriptionum unam integram dabo, quæ, clavis instar, reliquas facile aperiet.

MARCI VLPI HERACLETIS CYCNARIVM AD

¹ Viro excellentiss. *Leolino Jenkins* Equiti Aur. A. D. 1675. ² In *Antiquitat. Neomagens.* p. 98, 99.

IMPERATOREM. Norunt autem medicorum filii *cycnarium*, *stratiticon*, cæteraque, quæ in his inscriptionibus occurrunt, esse *collyriorum* nomina; ita ut perspicua atque dilucida sit horum lapidum expositio; quam tamen *Smetius* se penitus ignorasse confitetur.

61. Hic *Whartonus*, digitum ad urnam insolitæ magnitudinis intendens, quid, inquit, video? Respondi: ollam, non ossuariam, sed vinariam; est enim intus picata; quod in vasis vinariis quomodo faciendum sit, docet nos *Columella*: est quoque ansis quatuor instructa, quarum ope humi demergi, atque iterum, quando opus erat, sublevari posset, qui usus urnæ sepulchrali, quam loco movere religio erat, minime conveniebat: capit sextarios nostros xxiv.¹ quot urna mensuralis apud *Romanos* continebat: sed nihil certi inde colligi potest propter sextarii antiqui nostrique differentiam. Hæc una cum multis ossuariis effossa est; non quidem *Regulbii* sed *Durolevi*. Quid vero, exclamat *Whartonus*, vino cum cineribus? num mortui bibunt? Minime inquam; sed rogem vino extinguere, ossa lavari, in inferiis sepulchra

¹ De re rustica, xii. 18. ² *Columella* de re rustica, xii. 20.

spargi, diisque inferis libari usitatissimum erat. Plura dicere aggredientem repressit me *Mauritius*, rogans, quo loco *Durolevum*, de quo mentionem injeceram, esset? ¹ *Newentonæ*, inquam, vel non ab ea procul; illa enim à *Durobrevis* M. P. circiter VII. vel VIII. distat; quæ distantia *Durolevo* quoque assignatur; nempe in *Tabulis Peutingerianis* M. P. VII. in codicibus quibus usus est *Harrifonus* noster. M. P. VIII. unde *Itinerarium Antonini* sic restituendum cenfeo,

Durolevum. M. P. VII. five VIII.

Durovernum. M. P. XVII. five XVIII.

huic emendationi valde favet ingens urnarum numerus, propter viam publicam effossus; qui neminem dubitare finit, *Newentonam*, in hoc itinere sitam, sub *Romanis* floruisse. Cernitis nigricantes illas urnas atque vasa; ea in villa ² *Newentonæ* proxima eruta sunt, in agro, ut puto, figulino, non sepulchrali; quoniam urnæ & vacuæ, & inversæ, & nullo ordine positæ, repertæ sunt; idque in solo palustri, non

¹ Vide *Antiquit. Cantuar. Lond.* 1703. pag. 13. *Burtoni* Comment. in *Antonini Itinerarium Lond.* 1658. pag. 180. & *Casauboni* notas in *M. Antoninum* pag. 31. ² *Urchurch*.

arenoso; imo una vel altera, si recte memini, in ipso vicini fluvii alveo demersa.

62. Priusquam hunc sermonem de re sepulchrali absolvamus, noli, inquit *Whartonus*, nobis dicere gravari, quid de *Laberii* tumulo sentias, quo *Cantium* nostrum se nobilitatum gloriatur, quemque ostentat tam victoriæ *Britannicæ* quam Antiquitatis *Romanæ* præclarum monumentum. Habeant, inquam, *Cantiani* nostri suum sibi *Laberium*; quippe scio illos pro mortuo *Laberio* tam acriter dimicaturos quam cum vivo *Britanni* pugnabant. Esto igitur, fuerit strenuissimus Tribunus militum hic interfectus, atque injecto cespite humatus; nequeo tamen *Camdeno* de origine nominis assentire; qui locum *Ful-ham* quasi *Julii stationem* sive *domum*; tumulum vero *Ful-laber* quasi *Laberii sepulchrum*, vocari censet. Sane si *Julio Laberio Tribuno* nomen fuisset, probabilior esset conjectatio; is vero *Quintus Laberius Durus* erat. Hujusmodi vocum compositiones, *Romanæ* cum *Saxonica*, Imperatoris cum Tribuni nomine, vulgi auribus, non doctorum, placere solent. Ego hæc pura puta

Saxonica esse, & *Cilla-ham*, ita enim in antiquis scriptis legitur, *mansionem Saxonis* alicujus, cui *Cillæ* nomen; *Cilla-byrig* vero ejusdem *Cillæ sepulchrum* denotare existimo: ne autem scripturæ diversitas vos remoretur, sciendum est in ea lingua *Cilla-ham* & *Cilla-byrig* ita efferri, uti apud nos *Chilla-ham* & *Chilla byri*; literam namque *c* in initio vocum ante *e* & *i* *Saxones*, quod etiam *Itali* nunc faciunt, quasi *ch* proferebant; *g* autem plerumque non sonabant. Quandoquidem autem ad *Laberii* tumulum adstant, illum paulisper contemplemur: longus est pedes plus *CLXXX*. latus plus quam *XL*. altus *VII*. vel *VIII*. in fastigium assurgens; eadem illi figura, quæ cœmeteriorum nostrorum sepulchris, idem ad occidentem orientemque situs; sola in magnitudine differentia: jacet propter fluvium *Sturam*, in fundo *D. Diggesii* Viri Generosi, optimi, nobisque amicissimi; cujus permissu, hortante nobili admodum potentique Domino Vice-comite de *Weymouth*, illum *H. Finch*, vir non minus Antiquitatis scientia, quam generis nobilitate clarus, ante aliquot menses perfodi curavit, datisque ad me literis amicissimis certiolem fecit de operæ suæ eventu parum prospero, utpote quod

quod nihil inter fodiendum occurreret, unde *Romanæ* an *Saxonicae* originis esset, an ad *Laberium*, an ad *Cillam* pertineret, argumentum duci posset.

63. Eo igitur redeamus, unde nos abduxit curiosa *Whartoni* diligentia: en *tubum* fictilem è clivo *Regulbino* extractum, longum uncias XVII. cum dimidia; foramina habet duo oblonga, hinc inde in lateribus oppositis; ¹ nares, sive spiramenta, per quæ fumus emittitur: latera perforata lata sunt uncias v. non perforata, plus vi. crassius est later fere unciam; intus fuliginosum habet nigrorem, qui illius usum aperte docet; fuisse scilicet ex eorum inventorum numero, quem ² *Seneca* sua prodisse memoria testatur, “impressorum parietibus tuborum, per quos circumfunderetur calor, qui ima simul & summa soveret æqualiter:” nostrum hunc parieti aliquando impressum fuisse monstrat calx cum arena in mortario subacta, quæ illi ubique fere, ut videtis, adhæret. Huiusmodi tubos parieti communi imprimere vetabat ³ lex, “Non licet tubulos habere admotos “ad parietem communem; sicuti nec parietem

¹ *Vitruvius* de architect. VII. 10. ² Epistola xc. ³ L. Quidam *Hiberus* in princ. ff. de servitutibus urbancum prædiorum.

“ suum super parietem communem: de tubulis
 “ eo amplius hoc juris est, quia per eos flamma
 “ torreturparies:” Tubum in *Ordevicum* agro
 repertum narrat ¹ *Edw. Lbwyd* (qui satis pro
Camdeni dignitate illius *Cambriam* & auxit, &
 illustravit) nostro similem, nisi quod, aliquanto
 brevior, nares non oblongas sed rotundas ha-
 beat; subindicans, inventum in hypocausto;
 quale, nuper inventum integrum *Veroconii*, de-
 scribit ² *Giraldus Cambrensis* his verbis, “ *Stu-*
phas undique videas artificio miro confectas,
 “ lateralibus quibusdam & præangustis spiraculi
 “ viis occulte calorem exhalantibus;” quo loco
 laterales viæ an tubos lateritios, an in hypo-
 causti lateribus impressos denotent, perinde ad
 rem nostram facere censeo. *Whartonum* hic
 plura de caminorum, quibus hodie utimur, an-
 tiquitate & quærere & disputare paratum, sua-
 viter repressit *Mauritius*; ea, inquiens, quæ-
 stio non tantum ab instituto nostro longe re-
 mota, sed etiam dubio procul posita esse vide-
 tur, quandoquidem ³ *Lipsius* inventum id non
 nimis priscum, quamvis bonum commodumque,
 esse demonstravit.

¹ *Camd. Britan. Anglice editæ*, p. 607. ² *l.in. Cambriae* I. 5. ³ *Episto-*
larum ad Belgas Cent. III. Ep. LXXV.



*Reverendo admodum
in Christo Patri
Joanni
Episcopo Landavonensi
nec non Aldis Christi
Oxon. Canonico
hanc Tabulam
D.D.D.
Ol. Battely.*



Cultri plicatilis manubrium.
pag. 126.



*Alia Fibulae species,
cujus acum pro
stylo post
Pitavium descripsit
Molinectus.*




*Annulus Clave
instructus*



*Fibula
p. 128.*



Cochleare mensurale.
p. 126.



*Cochleare
p. 124.*



Fig. 1.
Pag. 107.



Honorabili
&
Reverendo admodum
in Christo Patri
Richardo
Episcopo Menevensi
nec non Aldis Christi
Oxon. Canonico
hanc Tabulam
D.D.D.
Ol. Battely.



Fig. 2.




Fig. 3.
Pag. 111. 112.

Scala Unciarum

Fig. 1. OLLA VINARIA DUROLENT Effekta. Fig. 2. Urna sepulchralis apud
Sandy in Agro Bedfordiensi reperta, ut ex Literis à Doctyl. Viro W. Westton.
S.D.P. ad Autorem datis constat. Fig. 3. Latere Balnei pariete extractus.


64. Acquiesco, inquit *Whartonus*, modo in Antiquitatibus *Regulbinis* progrediamur, quas nondum exhaustas esse video; meque jussit, quæ reliqua essent, depromerem: tunc ego abacum ostendens varia ex ære ¹ supellectile ornatum, hæc, inquam, per annos plus mille trecentos in terræ visceribus cum ærugine colluctata, & in lucem tandem protracta, ollam fusoriam, nisi à me pretio redempta, non evassissent; narravit enim mihi faber ærarius se harum rerum, *Regulbii* inventarum, plus xxx. pondo conflavisse: in iis quæ à me conservata sunt, vobis appono acus, ni fallor, sartorias, textorias, crinales, discriminales, fibularias; annulos tam clavibus instructos, quam sigillis insculptos; cistarum, balteorum, frænorum, ephippiorum ornamenta ænea; claves; armorum fragmenta; fibularum species multiformes; imagines, sive potius imagunculas; ligulas; cochlearia; strigilem; cultrorum plicatiliū manubria; vossellas; bullas; armillam auream sapphiris distinctam; cum innumeris aliis, quæ, quam ad classē referri debeant, penitus ignoro.

¹ Hujusce supellectilis præcipuam partem tabulæ sequentes exhibent.

65. Hic *Mauritius* vix risum cohibens, egregium vero, exclamat, nomenclatorem! utinam te tam paratum habeamus ad hæc exponenda, quam in congerendis diligentem, in percensendis prolixum atque copiosum habuimus. Jure, inquam, merito me perstringit *Mauritius*; id tamen, pro sua humanitate, levius & magis sine contumelia quam mercebatur gloriosa nostra ostentatio. Quandoquidem autem sciam in rebus tam parvis nimis enucleandis quam minuta sit, imo ridicula omnis diligentia, ea solum excerpam quæ aut rara sunt; aut ab aliis intacta, aut minus recte explicata videntur: quid enim attinet post *Rhodium* fibulas, post ¹ *Licetum* annulos, post ² *Salmasium* acus describere? A strigili igitur, si ita vultis, exordiar: quoniam illud instrumentum & raro invenitur, nec illius structura omnibus fatis nota, neque usus perspectus est. Raritatem quod attinet, duas in *Trajani* Imp. thermarum ruinis inventas dedit nobis ³ *Hieronimus Mercurialis*; tertiam è musæo Nobilissimi Viri *Nicolai Fabricii* exhibet ⁴ *Laurentius Pignorius*; ⁵ *Claudius Molinetus C. Genovifæ Canonicus* tres

¹ In libro de annulis. ² *Plin.* exercit. p. 759. *Par.* 1629. ³ *Art Gymnast.* 1. 8. ⁴ *De fervis*, p. 84. *Amstel.* 1674. ⁵ Dans le cabinet de la Bibliothèque de S. Genevieve, p. 27. *Par.* 1692.

Annulus ex ære cypro decoratus, insoliti ponderis et magnitudinis, inter Aulæis suppellectilem conservatus, non constat autem Regulej repositum esse.



ANDREÆ STONE Arm^o

hanc Tabulam

D. D. D.

Ol. Battely.

Ligula pag: 19 descripta.

Annuli in longitudinem protrahi forma.



*Strigilis
Fabriciana.*

*Strigilis ab Hieronymo
Mercuriali descripta.*

Strigilis hujus, ut et reliquæ suppellectilis nostræ, quam Hæc et Tabulæ XI & XIII exhibent, vera magnitudo delineatur; Figurarum autem, quas ab alijs Autoribus desumpsimus, eadem est magnitudo, quæ in Tabulis olim editis reperitur.

in illius Ecclesiæ bibliotheca asservari ait, quarum unius tantum figuram nobis dedit; sed quod plures nequeam proferre, illud fortasse non tam strigilum paucitati, quam Bibliothecæ nostræ penuriæ, quæ id genus libris non abundat,tribuendum est. Nostram unicam in *Britannia* repertam, saltem publici juris factam, & descriptam, esse puto. Eam, in cisterna *Regulbina* inventam, misit ad me rusticus, ex colore auream esse, & aureis decem redimendam, sperans; nec rustici spem solum fefellit aureus color, sed etiam seduli rerum vetustarum indagatoris D. *Aubrii* iudicium: qui, conspecta strigili nostra, protinus exclamavit, en auream falcem, qua viscum '*Druides* demetere solebant! Nôstis autem, quam superstitiose atque aniliter Vir alioquin fatis doctus omnia fere ad *Druidum* religionem cultumque trahere solebat: nostra hæc non solum integra, sed nec ærugine fere tacta est; eam vero, si quam habet, postquam ad me venit, contraxisse scio: materiam illam auream, qua oblinitur, quod aurum facit, splendorem hunc intemeratum conservasse puto: hanc præ oculis habuisse

1 *Plin. Hist. Nat. xvi. 44.*

¹*Symposium* Poetam jurares, cum strigilem æneam ita describeret,

*Rubida, curva, capax, alienis humida guttis,
Luminibus falsis auri mentita colorem,*

Dedita sudori, modico succumbo labori.

Nec minus accurate eandem ²*Apuleius* depingit, “honestam” vocans “strigileculam, recta fastigatione clausulæ, flexa tubulatione ligulæ, ut & ipsa in manu capulo moraretur, & “sudor ex ea rivulo laberetur:” ubi illud imprimis animadvertendum, strigilem ab *Apuleio* bipartitam esse, in clausulam, sive eam partem, quæ manu claudebatur, atque in ligulam; illam recte in fastigium surgere; hanc tubulum in longitudinem diffusum referre, & flexuosam fuisse: *Fabricianæ* strigilis capulum sive clausulam cum *Apuleii* descriptione minime convenire, cum non rectus sit, sed ipsa ligula magis flexuosus: *Mercurialis* strigiles manubria habere, non ut nostra, rotunda, sed quadrata; ligulas quidem curvas, sed non, ut hæc, iterum recurvatas.

66. Duplex erat strigilis usus; primarius in balneis, secundarius in re medica: de priori intelligendus est ³*Persii* versus:

1 *Ænigmat.* LXXXVI. 2 *Floridorum* l. II. 3 *Sat. v. vers.* 126.

I, puer, & strigiles Crispini ad balnea deser.
Ludovicus Prataeus Gallus Rhetoricæ Professor emeritus, qui *Juvenalem Persiumque* in usum *Delphini* notis illustravit, quando serenissimum Principem docere vellet quid strigilis esset, ¹ *Calepinum* sive ² *Stephanum* suum prius consulens; “dentatum est,” inquit, “è ferro, argento, aliave materia instrumentum, dictum “à stringendo sive radendo.” Sic quidem strigilem equisonum utrique definiunt, “instrumentum è ferro dentatum, quo equos & id “genus jumenta expolire solent equisones.” Quis autem mortalium ante *Prataeum* tam immitis, ut dentatas è ferro strigiles balneis inferri, iisque nudos homines non tam distringi quam lacerari, atque excarnificari curaret? Quid vero immitem voco *Prataeum*, qui misericordia proculdubio commotus, cum ³ *Juvenalis* versum explicaret

————— & sonat unctis
Strigilibus —————

“eas probe ungi cavit, quo minus læderent?”
Ego vero, ait *Whartonus*, *Juvenalem* semper ita intellexi, ungendas scilicet fuisse strigiles,

¹ In dictionario. ² Thesaur. Linguæ. Latina. ³ Sat. III. v. 263.

non ne ipsæ læderent, sed ne rubigine læderentur; quod malum illis, præsertim ferreis, propter sudoris falsedinem accidere solere innuit ¹*Plautus*, strigilem “rubiginosam” vocans: recte, inquam, sentis, recte mones; neque ipse *Præteus* tam absurda de hoc instrumento effutiisset, nisi illius formam figuramque penitus ignorasset. Secundarius strigilis usus in re medica, adventitius plane atque fortuitus, ex figuræ commoditate, quæ flexa, cavaque est, natus videtur; eum ita nos docet ²*Cornelius Celsus*, “in aurem infundere aliquod medicamentum oportet, quod semper ante tepesceri convenit, commodissimeque per strigilem infillatur.” Idem ³*Scribonius Largus*: “prodest herbæ urceolaris aut cucurbitæ ramentorum succus tepens per strigilem in foramen auris dolentis infusus:” ⁴*Plinius* demum, eos secutus, suum medicamentum omne “in strigili calefactum infundi” præcipit.

67. Hic strigilem loco suo reponenti, miror, inquit, *Whartonus*, virum doctissimum *Hieronymum Mercurialem* ubique strigiles masculino genere usurpare, quando *Nonnius Grammati-*

¹ In *Sticho*. ² De re medica, vi. 7. ³ De Comp. med. xxxix. *Petavii* 1655. ⁴ Hist. Nat. xxv. 13.

cus tradit certo esse scæminini; omnesque id nunc agnoscant: illud, inquam, videant Grammatici; in quorum numero me non esse, expedit mihi ἀρχαμιάτῳ hic profiteri: utcunque tamen, progrediar in oratione; & post strigilem ligulam *Regulbinam* depromo, quoniam cognationem quandam habere videntur, siquidem meministis *Apuleium* cavam strigilis partem *ligulam* vocare. Ligulae vero figuram nemo, quantum scio, adhuc nobis dedit; frequens quidem illius in antiquis scriptoribus mentio; sed tam quoad usum quam quoad formam valde diversa; unde multus quidem variusque de eadem apud recentiores sermo, omnis tamen incertus atque inutilis; ad quam confusionem tollendam proderit forte nostrae explicatio. Eam conspiciatis strigili multo minorem, non καμπύλην sive incurvam, sed rectam, capulo styli more in acumen fastigiato; imo propter manubrium hanc pro stylo scriptorio habuissē, nisi aliter me monuisset ' *Symposii* ænigma de graphio

De summo planus, sed non ego planus in imo.
nostra vero in imo non plana, sed cava est,

stylisque, quantum ex eorum descriptionibus conjicere licet, prorsus dissimilis. Sed ut aliquid distincte de iis dicamus, notandum est triplex fuisse ligularum genus (calceorum quippe ligulae ad hunc locum non pertinent) aut enim mensuris, aut rei rusticae, aut mensis inserviebant. De mensuris ligularum praecipue agunt rei medicae rusticæque scriptores; aiuntque illas ¹ in liquidis quartam cyathi partem, in aridis cumulas semunciam capere; nostram autem, cum tantæ capacitatis non sit, mensuram non fuisse liquet. In re rustica eas ² aut melli à spuma purgando, aut ³ flori ceræ eligendo, aut ⁴ libralibus offis in ora boum domandorum demittendis, inserviisse legimus. Sed nec his usibus nostram designatam fuisse puto: restat igitur mensæ vasculum fuisse instar cochlearis.

68. Quandoquidem vero nemo antiquorum frequentius ligularum meminit quam *Martialis*, ideo non dubitabam, quin si illum ejusque commentatores adirem, statim, quid ligulae essent, deprehenderem; cumque propter librorum in usum *Delphini* editorum famam atque

¹ *Columella* de re rustica XII. 21. ² *Idem* IX. 15. ³ *Plin.* XXI. 14.
⁴ *Columella* XII. 21.

existimationem, *Martialem* à *Vincentio Collesso* illustratum consulerem, virum illum in notis impense atque laboriose nugacem inveni, nec quid *Martialis* vellet *ligulam* nominans, aut ipsum intellexisse, aut aliis enarrare potuisse: illud autem ne à me vel temere, vel contumeliose, vel injuriose dictum putetis, operam dabo; inter '*Saturnalia* munera ligulas graciles recenset Poeta, has pro gladiolis argenteis sumendas esse censet *Vincentius* Interpretes; idem facit in illo versu

² *Saturnalitiae ligulam misisse selibrae;*
iterum

—— ³ *ligulam cum mittere possis*
hic quoque gladiolum suum educit; easdem demum nugas agit in ⁴ eo Epigrammate,

Quamvis me ligulam dicant equitesque patresque,

Dicor ab indoctis lingua grammaticis.

Hanc interpretationem multa evertunt, aut saltem frivolum esse monstrant: Quid enim si veteres, autore '*Gellio*, gladiolum oblongum in speciem linguæ factum lingulam vocabant? annon idem monet vocem illam esse minus fre-

¹ Epig. v. 18. ² Epig. v. 20. ³ Epig. viii. 33. ⁴ Epig. xiv. 120.
⁵ Noct. Att. x. 25.

quentem, *Næviumque* veterem Poetam citat, qui ea in tragœdia *Hefiona* usus est? Quid, inquam, si *Martialis* toties gladiolum lingu-
lam appellavit, vocabulum illud minus fre-
quens esse monere, *Næviumque* citare *Aulo Gellio* opus erat? Vox tam crebro à *Martiale* usurpata, *Gellio*, qui paulo post eum scripsit, infrequens dici non potuit. Accuratus idem Interpretes ligulam aliquando ¹ mensuram, ali-
quando ² spathulam esse vult; ubi autem inter mensæ vascula à ³ *Martiale* recensetur in iis verbis

Pocula solliciti perdunt, ligulasque ministri.

Et latet in tepido plurima mappa sinu:

hic, inquit, ligula & cochlear est & spathula, &c. Quis non videt eum, quid ligula sit prorsus nescivisse? Cochlear non esse ipse nos docet *Martialis*, qui distincte, idque non semel, utriusque mentionem facit. ⁴ Unicum adducam locum, cum plura possem;

Octavus ligulam misit sextante minorem,

Nonus acu levius vix cochleare tulit.

Quis autem non novit diverso ⁵ Epigrammate statim post ligulam argenteam cochlearia lau-

¹ In notis ad Epig. v. 18. & 20. xiv. 120. ² In notis ad Epig. viii. 33. ³ Epig. viii. 59. ⁴ Epig. viii. 71. ⁵ Epig. xiv. 120, 121.

dari? unde recte judicavit Vir omni laude major ' *Fac. Sirmondus*, notas esse ligulas in mensæ vasculis, atque aliud esse cochlear, aliud ligulam; quorum utrumque cum ignoraret *Vincentius Colleſſo*, nec ei mensarum ligulae in mentem unquam venirent, inepte satis mensuras gladiolosque ubique induxit. Quanquam sciam tædere vos multi prolixique de re minima sermonis, nequeo tamen *Charisii* Grammatici locum intactum præterire, quoniam & ad præsentem dissertationem pertineat, & propter corruptam lectionem nondum recte sit intellectus. In eo emendando explicandoque multum frustra laboravit Vir doctissimus & *γραμματικώτατος* ² *Joannes Gerardus Vossius*, nec satis mirari queo veram illius lectionem virum acutissimum fugisse; verba hæc sunt: "Lingula cum non à linguendo dicta est in argento, in calceis vero lingula à ligando, sed usus lingulam sine *n* frequentat;" nullo plane sensu: quis enim non videt *Charisium* ita scripsisse? "Lingula cum *n* à linguendo dicta est, in argento: in calceis vero, lingula à ligando," &c. Illud scilicet voluit *Charisius*, lingulam,

¹ In notis ad *Sidonii* Epistolar. lib. 1. Ep. 2. ² In Etymolog. ad verbum *Ligula*.

qua argentea in mensis utebantur, & cum *n* scribebant, à linguendo dictam fuisse; lingulam vero calceorum à ligando; utramque vero frequentius sine *n* scribi.

69. Quoniam autem cochleare cum ligula apud *Martialem* conjunctum vidimus, de eo pauca dicam; nisi, quod metuo, harum nugarum fatietas atque fastidium vos teneat. Cum uterque ut in dicendo procederem juberet, modo mercium *Regulbinarum* aliquid superesset, nolle enim se alias sibi obtrudi; superest, inquam, cochleare, ut puto, argenteum; pro capulo stylum habet, unde perperam cochlearia styli graphiarii loco antiquitus fuisse somniavit ¹ *Smetius*; ima pars in speciem conchæ, quam pectinem vocant, excavatur: unde *Græci* *μύστρον* dicunt, est enim *μῦς* concha. Ego vero cochleare hoc *Regulbinum* nunquam protulissem, nisi me movisset illud ² *Martialis* Epigramma

*Sum cochleis habilis, sed nec minus utilis
ovis,*

Numquid scis potius cur cochleare vocer?
quod cochlearis nostri ope, à nemine hætenus

¹ *Antiq. Neom.* p. 76. ² *XIV.* 121.

recte explicatum, illustrari posse non despero. Etenim videtis alteram illius extremitatem concavam, ovisque exhauriendis commodissimam, alteram vero acuminatam ad marinas cochleas, quæ in mensis apponi solebant, è calicibus eruendas æque idoneam; in illum vero usum cochlearis acum excogitatam fuisse notavit *Julius Pollux*, τὸ δὲ κοχλιάριον, inquit, καλοῖς ἀν' μυστράριον, ἢ κοχλιάρυχον, id est, cochlearum effosforem; quod miror in nupera *Pollucis* editione non esse observatum. Quis denique nisi perspecta hac cochlearis forma *Plinium* intelligat, narrantem quomodo ab incantationibus sibi cavebant veteres, “defigi quidem diris deprecationibus nemo non metuit; huc pertinet ovorum, ut exforbuerit quisque, calices, cochlearumque, protinus frangi, aut eosdem cochlearibus perforari,” quod certe nisi cochlearibus acuto stylo præditis fieri nequibat. Qui cum *Domitio Calderino* cochleare non ab illius usu in effodiendis cochleis, sed à cochlearum forma dictum esse contendunt, næ illi parum sciunt quid cochleas conchasque intersit; quippe concharum figuram cochleare nostrum plane

1 Onomast. vi. 12. 2 Nat. Hist. xxviii. 2.

refert,

refert, non autem cochlearum, quæ *σπομῶδες* est sive turbinata, & cochlearium usibus prorsus inepta. Aliud habeo cochlearum genus, sine stylo, sine manubrio, ansula breviori instructum, cujus ope digitis contineri potest; hoc ego cochlear *mensurale* fuisse puto, quamvis ¹ *Michael Angelus Causæus* id inter vasa sacra numeret, eoque thus ex acerra sumi folere scribat. Nolo hic iterum *Vincentium, Martialis* interpretem, in scenam proferre, quamvis eundem in cochleari ac in ligula exponenda errorem erret; sed ad reliqua explicanda vel potius delibanda progrediar.

70. Ligulis cochlearibusque accensendi sunt cultri, quibus vel ipsi convivæ, aut saltem scissores sive carptores in mensis utebantur: horum manubria videtis duo ænea, unum vetustate exesum, alterum integrum, ejusdem speciei utrumque: erant autem ex eo cultellorum genere quos plicatiles vocamus, quoniam ferrea eorum acies retro in capulum flexa condebatur; in nostrorum altero ferri reliquiæ adhuc cernuntur, in utroque, ut in annulo *Firminæ* apud ² *Ennodium*,

¹ De insignibus Pontif. ² Epig. xcviii.

*Immobilis stantem fugitat lepus arte
Molossū.*

quam figuram canis leporem insectantis ante in fictilium fragmentis usitatam notavi; quo symbolo, nisi temere illud adhibuit artifex, *Romanorum* hic commorantium in lepore venando studium exprimi putarem; erat quippe apud illos id animal in deliciis, atque

' Inter quadrupedes gloria prima lepus.

canes vero istiusmodi venationi maxime idoneos *Britanniam* habuisse testatur ² *Nemesianus* :

———— *divisa Britannia mittit*

Veloces, nostrique orbis venatibus aptos.

Et quanquam narret ³ *Cæsar*, “ *Britannos* leporem & gallinam & anserem gustare fas non putare, hæc tamen alere animi voluptatisque causa,” *Romanos* scimus non tam fuisse superstitiosos.

71. Habeo ad rem vestiariam pertinentes fibulas, acus, bullas: fibularum quidem innumeras fere species: inter quas quædam, affabre satis atque artificiose constructæ, vel aurei sputi, quo oblinebantur, notas, vel inustorum

¹ *Martialis* Epig. XIII. 92. ² In *Cyneget.* ³ De bello *Gall.* v. 12.

colorum varietatem, vel palas sive faltem *πυλίδας*, in quibus olim gemmæ, habent. Sed has missas facio, præter unam, quam, propter simplicem rudemque operam, *paupertinam* voco; nullam quippe habet juncturam, ornamentum nullum, cum nudum filum, æreum, crassiusculum sit, in fibulæ speciem usumque inflexum; alteramque, quam, cum ex ebore fit, nequeo non producere; nec tamen produxissem, nisi ut occasionem captarem à vobis Viris doctissimis quærendi, quamobrem ¹ *Strabo* de mercibus, quæ suo tempore à *Britannia Galliaque* ultro citroque vehebantur, loquens, *ἐλεφάντινα ψάλια*, sive eburnea fræna, *ῥῶπον* sive vilem mercem vocet. Quomodo enim ebur apud illas gentes vile esse potest, apud quas elephantes nulli? quomodo id nullius apud *Gallos Britan-*
nosque valoris, quod etiam ² *Romæ* ingentis pretii habebatur? Cum *Salmasium* hic advocandum moneret *Whartonus*, utpote qui locum *Strabonis* aliter quam ³ *Casaubonus* interpretaretur; præstat, inquam, criticum illum *ἀπεργαντολόγον* non moventes, ad alia procedere. Bullarum frequens apud veteres mentio; ⁴ *Ma-*


¹ Geogr. iv. p. 138. ² *Plin.* Hist. Nat. viii. 10. ³ *Plin.* exercit. p. 245. ⁴ *Saturn.* 6.

Bulle in pyxidis
morem cave
pari anterior.



Reverendo admodum
in Christo Patri
Martino
Episcopo Glocestriensi
hanc Tabulam
D. D. D.
Ol. Battely.

Kircheri capsula
cum Harpocrate
inclusa.



Catenula aenea pag. 131.

crobius ait duplicem fuisse bullæ usum, primum, “quod ingenuis pueris attributum sit, “ut cordis figuram in bulla ante pectus annexerent, quam inspicientes, ita demum se “homines cogitarent, si corde præstarent:” secundum, “quod gestamen esset triumphantium, quam in triumphis præ se gerebant, “inclusis intra eam remediis, quæ crederent “adversus invidiam valentissima.” Utrique usui nostras convenire videtis; non solum enim in cordis figuram structæ, sed & eadem insculptæ sunt; & in pyxidum morem cavæ, excipiendisque amuletis aptæ: quæ autem illa amuleta fuerint nescio, nisi forte *Harpocrates* erant; quales icunculas unciales manu altera ad os admota, & eodem loco simul cum bullis repertas, conservo. Cui sane conjecturæ illud favere videtur quod è *Kircheri OEdipo Ægyptiaco* citat *Cuperus*; “capsulam “in formam cordis, in cujus meditullio *Harpocrates* nudus, infans, labiis digito appositus, silentium suadens positus spectatur.” *Harpocratis* vero imaginem inter amuleta fuisse

1 *Harpocrates*, p. 158.

se, non semel nos docet *Cuperus* in erudito suo opere.

72. Hic paululum subsistens erubui, cum me garrulitatis tam prolixæ fatis puderet; & si quid, inquam, videatis in hac strue, de quo me interrogare vultis, id facitote; etenim in hoc campo longius quam debui sine ductore me vagatum esse agnosco: quæ quidem cautio in fine orationis, quamvis ad errati emendationem fera nimis sit, quoniam tamen illius confessionem in se continet, ad facti deprecationem veniamque impetrandam valere debet. Nimium, inquit *Mauritius*, & nobis & tibi ipsi diffidis; quod ne amplius facias, de re una vel altera adhuc interrogabimus. Video hic innumera fere fila ex ære, tenuia quidem, sed omnia ejusdem formæ, in annulos flexa extremitatibus contortis; ferrea illa omnino referunt, quæ porcorum rostris inserunt rustici; illorum usus, quandoquidem ea conservas, tibi ignotus esse nequit. Quamvis, inquam, nihil certi de illorum usu affirmare possum, cum tamen acervatim in litore *Regulbino* occurrant, quid de iis sentio dicam. Erat thoracis genus, quod ἀλυσιδωπὶν veteres appellabant, quoniam *Julio Polluce* teste ἔξ ἀλύσεων. i. e. catenulis sive annulis,

nulis, contexti solebat: genus hoc ¹ *Virgilius* ita describit,

Loricam consertam hamis, auroque trilicem.

² *Sidonius* quoque, non *Virgilio* elegantius, sed aliquanto quoad rem nostram expressius

————— *nec futilis illi*

Circulus impactis loricam texuit hamis.

ubi hamos, annulos sive circulos interpretantur ³ *Lexicographi*, loricasque annulatas vocat ⁴ *Choulius*: quid igitur prohibet quin nostros annulos loricis hamatis contexendis olim interviisse credamus? De hamis, quos vides, piscatoriis non attinet loqui, quoniam à nostris sola materia differunt, nisi quod barbati aut nunquam erant, aut, quod raro contingit, vetustas eos imberbes facit. Mihi, inquit *Whartonus*, interrogandi partes jam permittite; erit autem interrogatio simplex. Lunula, quam cerno, ænea edita est atque explicata in *Societatis Regiæ* ⁵ *actis Philosophicis*, tanquam res turpicula, & quasi ~~ελαμνα~~ contra fascinum puerorum collis appensum; Tunc vero ita censes? minime, inquam, nam hujusmodi lunata monilia

¹ *Æneid.* III. ² In Panegyrico ad *Asthemium*. ³ *Calepini* editor. *Martinus Nebrissenfr.* ⁴ De castrametatione *Vet. Romanorum*, p. 15. ⁵ Num. 176.

pro ornamentis in equorum pectoribus appensa in columna *Trajani*, quam post *Ciacconium* *Petrus Bellorius* edidit, videmus. Multa supersunt; sed quoniam de classe, in quam referri debent, adhuc dubito, ea omitto; & missionem puto vos quoque jam postulare; quam æquum est vobis dari.

73. Nolumus, ait *Mauritius*, ultra te lacerare; quandoquidem vero te multa diligentia in his antiquitatis monumentis congerendis usum esse videamus, illud fortassis harum rerum studiosis non minus utile quam gratum esset, si moneres quid in iis comparandis Tu ipse feceris. Illud, inquam, paucis narrabo; *Regulbium*, propter vetustatis famam celebre, adivi; incolas, qui antiquitatis monumentis inquirendis operam dabant, conveni; monui, ne nummos, quos æruginosos invenirent, arenis, aut alio modo atterendo mundarent; quippe eo malo quam plurimos optimæ notæ oblitteratos videram; ne quid æris omnino fabris ærariis venderent; sed ad me, majori pretio redimendum, afferrent; ne urnas ollasve frangerent; fractas si invenissent, literis notifve

inscriptas, ad me apportarent; atque hinc ea, quam videtis, *Romana*, quamvis curta, supellex. Quid autem, inquit *Whartonus*, aliis in locis faciendum censes? Si cui, inquam, in animo est vetustatis reliquias quærere, tumulos perfodito; castra, valla, & loca iis vicina perscrutator; vias publicas, antiquas indagato; sepulchra, quæ fere propter vias sunt, religionis metu vacuus, aperito, rimator; clivorum ruinas sedulus explorato; antiquitatis vestigia, si reperierit, insequitor; ejusque rei peritos advocato; nummos si vel in acervo cummulatos, vel in urna ollave conclusos effoderit, ultimos notato; ii etenim tempus quo defossi sunt, proxime indicabunt; res inventas inspicendi nulli docto copiam denegato; inscriptiones si occurrant, accurate exscribito; absque invidia communicato. Atque hæ rerum antiquarum studiosis leges sunt.

74. Recte, inquit *Mauritius*, rogas; nec nos rogationi intercedimus, quinimo assentimur; pudet fane nos horum studiorum adjumenta, atque subsidia, casui fortunæque fossorum, non autem industriæ nostræ accepta referre; pudet

1 *Kirkmannus* de funcribus, p. 509.

antiquitatis scientia eos gloriari, qui, corrasis aliquot nummulis, nec ipsi eos intelligunt, nec aliis explicandos permittunt, quasi rerum antiquarum possessione sola doctorum nomen mererentur; pudet tot thesauros sive in indoctorum, sive invidorum musæis, tam procul ab usu remotos, abditos latere, quam si adhuc in intinis terræ visceribus essent. Noli, inquam, *Mauriti*, illud aut inscitiae aut invidiae tribuere, sed potius rerum naturalium studiis, quibus metuo, ne ut diligenter fatis, ita inutiliter nimis, occupati simus; quot pedes suos pulex saltet, metiri; qua parte culices sonum edant, disquirere; muscarum oculos intueri; pennas in volucrum alis numerare; sanguinem in gyrini cauda salientem contemplari; hæ sunt nostræ artes: quas non damno, imo probo laudoque, quando aut vitæ humanæ commodis procurandis, aut summi æternique artificis gloriæ promovendæ inserviunt; nuda vero si sint theoremata, nec ad ullos usus accommodata, nequeo non ægre ferre propter ea antiquitatis studium è republica literaria exturbari, ejici, exterminari; quod tamen factum esse, quis non videt? quare factum

1 Aristophan. in nubibus, Act. 1. Sc. 2.

fit, quis nescit? scilicet facilius est res in oculos nostros sive perspicillorum, ut vocant, ope sive simplici obtutu incurrentes, notare, atque describere, quam de antiquitatis monumentis recte judicare; quod multiplicem veterum poetarum, historicorum, medicorum, jurisperitorum, architectorum, itinerariorum, geographorum, grammaticorum, rei agrariæ, militaris, naturalis, rusticæ scriptorum lectionem requirit; nec non etiam recentiorum, qui de re nummaria, vestiaria, vascularia, de ponderibus & mensuris, de *Romanorum* conviviis, funeribus, ludis, aliisque eorum moribus & consuetudinibus, scripserunt; ita instructos cum oportet ad hanc rem accedere, qui eam pro dignitate cumque fructu tractare cupiunt, scio quam me mea redarguat oratio; scio quid vos intus in animo habeatis, quamvis illud pro humanitate atque amicitia, qua me prosequimini, eloqui nolitis; ego tamen enunciabo; me scilicet temerarie huic operæ manum admovisse, cum ad id faciendum minime institutus sim; equidem fateor; sed quid interim facerem? considerabam res nostras *Regulbinas* non tam magni esse momenti, ut docti alicujus viri contemplationem curamque mererentur; nec tamen

men tam exigui aut nullius pretii, ut omnino negligi, aut prorsus abjici deberent. Cujus autem five otio five labore, in his nugis exponendis, potius abuterer quam meo? neque tamen vel illud à me tam sponte susceptum est, quam doctorum virorum, vestrique finilium, jussis extortum; ad quæ accedebat ingens illud desiderium, quo tenebar, alios ad eadem studia excitandi atque provocandi.

75. Multi habent & musæa & bibliothecas nostris locupletiora, instructiora; multi & otio magis abundant, & ingenio plus pollent. Ampla superest laudis materies in hoc stadio decurrere volentibus; restant *Londinum, Eboracum, Lindum, Verolanium, Camulodunum*, aliaque fere innumera *Britanniæ* loca, effossis nummis monumentisque clara, sed Antiquariorum opera atque labore adhuc magis illustranda. Est *Ptolemæi Geographia* rursus ad calculum revocanda, atque accuratius expendenda; locorum distantiae, quas illa per longitudinis latitudinisque gradus computat, cum *Itinerarii Antonini* milliaribus, qua fieri potest diligentia, conferendæ; quod opus non memini adhuc à quopiam tentatum. Investiganda sunt magis exquisita loca *Britanniæ*, quæ in præclaro illo,
quod

quod modo laudavi, *Itinerario* recensentur; ad quod opus *Talbotus* noster primus viam aperuit; *Camdenus* summa cum doctrina optimum iudicium, *Burtonus* diligentiam maximam attulit; *Galeus* commentarium promisit, atque dedisset, nisi mors illius consilium prævenisset¹, palma illa aliis reservata; nec defuturos spero, qui eam utraque manu rapiant. *Tabulae Peutingerianæ*, atque *Notitia provinciarum* non negligenda; uti nec index geographi *Ravennatis Anonymi*; qui quidem, etiamsi barbariem redolere videatur, non est tamen rejiciendus, quoniam multa habet locorum nomina, quæ nusquam alibi occurrunt; unde ea hauserit nescio, nisi viderat fortasse *Ammiani Marcellini* librum nunc deperditum; in quo se *Britanniæ* situm pro captu virium explanasse² dicit: in cujus quidem libri jactura, quamvis ingens damnum fecerit res nostra Antiquaria, ex iis tamen quæ supersunt monumentis, si probe conferantur, si veterum codicum ope restituantur, si adhibita diligentia recte explicentur, quis non videt magnam lucem historiae nostræ impertiri posse? In omnis autem hi-

¹ *Antonini Iter Britanniarum Commentariis Th. Gale S.T.P. illustratum* auxit, ediditque *Rog. Gale Th. F. Lond. 1709.* 2 xxvii. 8.

storiæ scientia quam utilis, imo necessaria sit, geographiæ cognitio, neminem latet. Habetis, amicissimi viri, meam de optima Antiquitatum investigandarum ratione sententiam. Non ii certe Vos estis, qui monitore egeatis; sed vestræ, quæ plurimum apud me valet, postulationi morem gessi, non aliàs audiendi discendique à vobis fructum voluptatemque amissurus.



INDEX SCRIPTORUM,

Qui in hoc opere citantur, illustrantur, emendantur.

In quo Numerus paginam denotat.

A		Calepini Editor	131.
A	ACTA Philosophica R. S.	Calvini Lexicon Juridic.	19.
	66, 131.	Camdenus	17, 20, 21, 23, 30, 43, 45, 48, 86, 87.
Ægidii Bucherii	Belgium Roma-	— Addenda Anglica ad Camde-	
num	38, 46.	ni Belgas	96.
Ælius Ant. Nebrissenfis,	in Di-	Camers (Jo.) in Solinum	42.
ctionario	22, 45.	Canuti Regis Charta de portu de	
Alanus ab insulis	30.	Sandwic.	14.
Ammianus Marcellinus	29, 40, 48,	Carolus à Fraxinis (<i>du Fresne</i>) de	
	50, 74, 137.	portu Iccio	69.
Anglia Sacra	15.	— de inferioris ævi numismat.	85.
Annales Monasterii D. Augultini		— Autor notarum ad Caroli	
MSS. in Bibliotheca Aulæ Trin.		Fraxinis portum Iccium	32.
Cantab.	9, 20.	Casaubonus in Strab.	72, 128,
Anonymus Ravennas	28, 50, 52, 137.	Celsus, de re medica	118.
Antonini Itinerarium	23, 28, 50,	Charisius Grammaticus	123.
	63, 72, 74.	Chifflet. (Jo. Jac.) de portu Iccio	
Apollonius Rhodius	68.		72.
Apuleius	116.	Choulius, de castrametatione ve-	
Aristophanes	134.	terum Romanorum	131.
Aristoteles	67.	Chronici Joanni Bromton ascripti	
Auli Gellii Noct. Attic.	76, 121.	autor	11.
Aufonius	27, 28, 50.	Chronic. Saxon.	11, 12, 59, 83.
B		Chrysologi Homil.	19.
Baluzius in Laetantium	99.	Cicero	51, 66, 78, 100.
Barbarus, comment. ad Vitruv.	55.	Cluverii Germania Antiqu.	32,
Beatus Rhenanus, rerum Germ.	51.		34, 52, 65.
Beda, Hist. Eccles.	9, 45, 52, 78.	Colleſſo (Vincentius) Comment.	
Bedæ continuator	83.	in Martial.	121, 122, 123
Bellorius (Petrus)	132.	Columella, de re rustica	57, 107,
C			120.
Cæsar de bello Gallico	32, 46, 52.	Comment. MS. de Dorensis Castel-	
	63, 65, 68, 71, 75, 76, 77, 78, 109,	li initiis. in Bibl. Cotton.	49.
	127.	Cuperi Harpocrates	129.
Calepinus in Dictionario	117.	T	
		Da-	

INDEX SCRIPTORUM

D		Juvenalis	30, 31, 50, 117.
Darellus MS. in Bibl. Cotton.	69.	K	
Diodorus Siculus	34, 73.	Kirkmannus, de Funeribus	133.
Dion Cassius	31, 39, 64, 67, 72.	L	
Dominicus Marius Niger, Geograph.	22.	Laberius	27.
Domitius Calderinus	125.	Lactantius de mortibus persecutorum	99.
Dugdali Monasticum	12, 13.	Lambardus	12, 39, 59.
E		Langhorn, in Chronic. regum Angl.	18.
Encomii Emmæ autor, inter scriptores Historiæ Normanniæ	17.	Latinus Pacatus in Paneg. Theodosio dict.	27.
Ennodii Epigrammata	126.	Laurembergii Antiquar. in Rutuba	47.
Evidentiæ Ecclesiæ Centuariensis inter X scriptores	14.	Lelandus (Jo.)	24, 39, 41.
Eunapius	40.	Leunclavius (Jo.)	67.
Eutropius	97.	Lhwydus (Edw.)	22, 112
F		Licetus in lib. de acia; de annulis	114.
Fabricius de Peiresco (Nicolaus) in Epistola ad Camdenum	90.	Lipsius, Epist. ad Belgas	112.
Favorinus	47, 62.	Lucanus	28, 45, 49, 50.
Florent. Wigorn.	11.	M	
Florus	72.	Macrobius	27, 100, 128.
G		Malbranquius (Jac.) de Morinis	49.
Galæus in notis ad Nennii Hist.	18.	Malmesburienfis (Will.) de gestis Pontif.	71, 83.
Galfridus Monemuthensis	18, 70, 73.	Martialis	121, 122, 124, 127.
Gibsoni Explanat. nominum locorum, in fine Chron. Sax.	12.	Martinius Nibrisfenfis	131.
Gildæ Hist.	78.	Matthæus Westmonast.	17, 23, 24, 73.
Gruteri Inscript.	31, 86.	Mercurialis (Hieronymus) de arte Gymnast.	114.
Gyraldus Cambrensis	15, 112.	Merulæ Cosmographia	72.
Gyraldus (L. Greg.) de poetis Latinis	48.	Michael Angelus Causæus de insignibus Pontif.	126.
H		Molinetus (Claudius)	114.
Harrisoni Britan. descript.	12, 59.	Mureti (Ant.) var. Lect.	44.
Henricus Huntingdonensis	11.	N	
Herodianus	95.	Nemesianus, Cyneget.	127.
Homerus	47.	Nennii Hist. Brit.	16, 26, 48, 70.
Horatius	48.	Nonius. Marcellus	47.
I		Noris (Cardinalis) in explicat. nummi Dioclet.	97.
Jovius (P.) in Angliæ descript.	22.	Notitia	
Journal des Scavans	80.		
Juliani Epist. ad S.P.Q. Athen.	40.		
Juris Civilis Corpus	111.		
Justinus	61.		

INDEX SCRIPTORUM

Notitia Imperii Occidentalis	21, 23, 24, 29.	Senecæ Epist.	111.
Notitia Provinciarum	50, 74, 137.	Sidonius in Panegyrico ad Anthemium	131.
O			
Occo	76.	Simeon Dunelmensis	13.
Offæ Regis Charta	19.	Sirmondus (Jac.)	89, 123.
Onuphrii Panvinii Fasti	86.	Smetius in Antiquitat. Neoma-genfibus	106.
Orderici Vitalis Hist. Ecclef.	46.	Solinus	9, 40.
Orosius	28, 45, 50, 51.	Sommerus	10, 11, 15, 17, 22, 24, 26, 36, 56, 63, 69.
Ortelii Thesaur. Geograph.	33.	Spanhemius de præstant. numif-matum	90, 98.
P			
Palladius, de re rustica	57.	Spartianus	83, 94.
Pancirollus (Guidus)	23, 24.	Statius	21.
Perfius	116.	Stephani Thesaur. Ling. Lat.	117.
Petavius (Paulus) in antiquaria supellectile	105.	Stillingsfleetus, Wigorn. Episc.	7, 18, 75.
Peutingerianæ tabulæ	23, 28, 50, 137.	Stoveus, in Lond.	71.
Philander in Vitruvium	55.	Strabo	34, 36, 40, 71, 72, 73, 128.
Pignorius (Laurent.) de servis	114.	Suetonius	44, 73, 76.
Plato, in Phædone	28.	Symposius in ænigmat.	116, 119.
Plautus	118.	T	
Plinii nat. hist.	26, 45, 51, 55, 57, 72, 73, 93, 115, 118, 120, 125, 128.	Tacitus	21, 28, 29, 50, 51, 73, 86, 89.
Plotus in additamentis ad Camdeni Cantium	15, 85.	Thorn	13.
Plutarchus	42, 68.	Twinus	13, 22, 59.
Pollux (Julius) Onomast.	125, 130.	Tzetzes	44.
Polychronici Autor.	71.	V	
Pomponius J. Ctus.	100.	Vaillantius, de nummis percussis in Claudio	86.
Pomponius Mela	72.	Varro, de lingua Latina	77.
Prætæus (Ludovicus) Comment. in Juvenal. & Perf.	117, 118.	Vegetius, de re militari	25.
Procopius	44.	Venantius Fortunatus	6, 19.
Ptolemæi Geograph.	28, 34, 50, 74, 136.	Verrius Flaccus Grammaticus	76.
Q			
Quercetanus, sive Du Chesne Hist. Angl.	64.	Vibius Sequester	45.
R			
Rei agrariæ scriptores	19.	Virgilius	6, 37, 48, 131.
S			
Sallustius	78.	Vitruvius	24, 26, 53, 55, 57, 111.
Salmesius, exerc. Plinian.	42, 114.	Vossius Jo. Gerrard.	123.
Scribonius Largus de comp. med.	118.	Usserii Ecclef. Britan. Antiq.	7, 17.
		W	
		Walkerus, in hist. Græca & Rom. è nummis illustrata	80.
		X	
		Xylander (G.)	67.
		Z	
		Zosimus	28, 40.

E R R A T A

In Antiquitatibus *Rutupinis*.


Pag. 8. lin. ultimâ. pro Tab. v. lege iv. P. 20. l. 9. inter *indicasti* & *ibi* inserte comina. P. 45. l. 23. dele comina inter *Rutubi portum*. P. 46. l. 12. pro accerseri lege accerfi. P. 53. l. 3, 4. pro Septentrionibus lege Septentrionalibus. P. 60. l. 19. pro videretur lege videretur. P. 76. l. 19 pro *Flaccum* lege *Flaccum*. P. 114. l. 25. pro in libro de annulis. lege in libro de aciâ; de annulis.

In Antiquitatibus S. *Edmundi* Burgi.


P. 7. dele parenthesin l. 12, 15. et ante *tandem* inserte &, ut eadem sententia legitur p. 126. P. 24. l. 9. pro proficisenti lege proficiscenti. P. 36. l. 2. pro xv. lege xvi. P. 44. l. 15. ante *Baldwinus* inserte 2. P. 48. l. 18. pro despiciamus lege dispiciamus. P. 56. l. ult. ante Prioratûs inserte Registrum. P. 52. l. 15. pro sita lege sita. P. 63. l. 15. pro deligebatur lege diligebatur. P. 68. l. 22. post cingenda inserte impensam. P. 74. l. 14. pro 2. lege 3. & l. ultimâ ante N. xvi. inserte 3. P. 83. l. ult. dele Append. N. xx. P. 89. l. 13. & 22. pro *Bedford* lege *Bedesford*. l. 14. pro Foedorum lege Feodorum. item. P. 63. l. 3. & alibi pro fœdum lege feodum, pro fœda feoda &c. P. 97. l. ult. pro xxiii. lege xxv. P. 117. l. 2. inter *eodem* & *cameterio* inserte in. P. 134. pro *Edmunds* lege *Edmundes*.



LEE WARNER, Armigero
de Walsingham in Agro Norfolciensi
hanc Tabulam,
quæ celeberrimi in Icenis suis Monasterij
Reliquias, brevi fortasse perituras,
Posteris spectandas conservet,
D.D.D.
Ol. Battely.





J. Burrough. delin. 1720.



Palatij Abbatis S.^{ti} EDMUNDI Pars.







OPERUM POSTHUMORUM

J. BATTELY

S. T. P.

PARS ALTERA.

ANTIQUITATES

S. Edmundi Burgi

A D

A N N U M M C C L X X I I .

P E R D U C T Æ.

A U T O R E

J O A N N E B A T T E L Y S . T . P .

Archidiacono C A N T U A R I E N S I .

O P U S P O S T H U M U M .

O X O N I Æ,

E T H E A T R O S H E L D O N I A N O ,

A . D . M D C C X L V .



Antiquitates S. Edmundi Burgi.

VILLAM FAUSTINI, quæ in *Antonini Itinerario* occurrit, eam esse quam nunc *Sancti Edmundi Burgum*, & *S. Edmund's Bury* vocamus, *Talbotus*, *Camdenus*, *Burtonus*, viri antiquitatum nostrarum peritissimi, recte conjicere videntur: unde autem id nomen traxerit, neminem adhuc vel conjectare ausum reperio.

Faustinos quidem, *Notarios*, *Præsides*, *Præfectos Urbi*, *Præfectos Prætorio*, *Prætores*, *Consulesque*

A

2 *Antiquitates S. Edmundi Burgi.*

*Julæ*que nobis suppeditant ¹ *Fasti Consulares*,
² *Marmora Antiqua*, ² *Historiæ Romanæ* scri-
 ptores, Codices ⁴ *Justinianæus* & ⁵ *Theodosianus*:
 an vero horum aliquis villæ nostræ nomen de-
 derit, quis dixerit[†]?

Effosso aliquot abhinc annis in vicinis cam-
 pis *Faustine* nummo, statim suspicatus sum
Villam Faustine in *Itinerario* scribendum esse:
 sed cum *Faustina* ubique fere jaceat, ubique
 effodiatur, nihil inde certi erui potest.

Loci tamen, cum mihi sit natale solum, sua-
 det amor, ut quæcunque de eo scripta apud
 autores five editos five ineditos invenire po-
 tero, undique collecta in unum acervum con-
 gererem.

Post *Anglorum* adventum vocari cæpit Bede-
 nic-gueopð; in quo vocabulo (licet variè admo-
 dum apud varios autores scribatur, ut *Saxonica*
 fere solent) *Camdenus* putat antiquum nomen
 Romanum latere; rationes ejus qui scire cupit,
⁶ ipsum adeat.

¹ Ad A. V. C. MXV, & CMLXIII. ² Onuph. Panvinius & Gruterus.
³ Trebell. Pollio in *Galienis*. *Æl. Spart.* in *Ant. Geta. Am. Marcellinus* lib.
 xxx. ⁴ *Cod. Just.* Lib. 3. Tit. 32. de rei vendic. L. 1. ⁵ Lib. XI. Tit. IX.
 L. 2. de distrahendis pignoribus. Lib. XIII. Tit. v. L. 34. de naviculariis.
[†] In margine Autoris manu scriptum additur, Nisi forte id fecerit *Faus-
 ti-
 nus* ille, quo Consule *Severus Eboraci* fuit. Vide *Cod. Just.* L. 3. Tit. 32.
 L. 1. ⁶ In appendice N. 1.

¹ *Claudius* Imperator *Britanniam* ob non red-
ditos transfugas tumultuantem aggressus est.
Expeditionis autorem *Bericum* narrat ² *Dion*
Cassius. Βέρικος γὰρ πῆς Ἀκπεισῶν ἐκ τῆς νήσου καὶ γὰρ ἐπέισε τὴν
Κλαύδιον δὲ διαμν εἰς αὐτὴν πέμψαι. “Si hujus *Berici* villam
“fuisse dicerem (inquit *Camdenus*) ipse mihi
“neutiquam crederem. At verò *Quercetanus*,
vir doctissimus, ab hoc *Berico* nomen villæ in-
ditum fuisse, disertè asserit. Utra sententia
verior sit judicium penes eruditos esto. Id tan-
tum addam, quod si *Berico* nomen hoc refe-
rendum sit, non dubitarem *Bericanas*, quas
⁴ *Galèus* pro *Brigantio* ex Arabico μεγάλης Συντο-
ξίως interprete substituit, hic figere, tam ob fi-
tus convenientiam, quam ob nominis similitu-
dinem.

Si Monachorum registris & monumentis fi-
dem malimus adhibere non tam altè repetenda
est nominis hujus origo. Quid ergo dicant,
saltem audire non pigeat. ⁵ “Dominus *Beodri-*
“*cus*, Dominus villulæ, quæ nunc dicitur *Villa*
“*S. Edmundi*, *S. Edmundum* hæredem suum

¹ *Sueton.* in *Claudio* Cap. xvii. ² Lib. lx. ³ *De Ch. sue Hist. Ang.*
pag. 209. Par. 1609. ⁴ In emendationibus ad *Ptol. m. a. m.* in calce *Histo-*
ricorum xv. &c. Oxon. 1691. pag. 788. ⁵ Codex MS. in Bibliotheca Coll.
Trin. Cantabr. & Reg. Rubr. B. F. 1.

4 *Antiquitates S. Edmundi Burgi.*

“constituit.” --- ¹“Cellerarius habebat messua-
 “gium & horrea sua juxta fontem *Scurumi*” —
 “quod messuagium cum horto adjacente, quem
 “nunc Infirmarius tenet, fuit mansio *Beodrici*
 “qui fuit antiquitus Dominus villæ istius, un-
 “de & villa dicta fuit *Beodricesworth*.” ² I-
 tem, “*Bury* contulit S. *Edmundo* Dominus
 “*Beodricus* sive *Beodricius*, ex cujus nomine
 “*Beodrichesworth* nuncupatur i. e. *Beodrici vil-*
 “*la*.” --- Et alibi in eodem Registro, “³Scien-
 “dum quod quædam terræ Cellerarii in campis
 “S. *Edmundi* sunt de antiquo dominico quondam
 “*Beodrici*, quædam verò de post acquisitis, un-
 “de varius decimandi modus.” Ejusdem fili
 est ⁴ Inspectio Chartarum hujus Coenobii facta
 Regnantibus *Philippo* & *Maria* & Sigillo eo-
 rundem munita, in qua legimus, --- “quod Ab-
 “bas S. *Edmundi* fuerit seifitus de Burgo præ-
 “dicto in Dominico suo ut de feodo in jure mo-
 “nasterii sui de *Bury* S. *Edmundi* à toto tem-
 “pore prædicto. Eo quod Dominus *Beodricus*,
 “ante conquestum *Angliæ* Dominus prædictæ
 “villæ, fuit seifitus de eadem villa in Domi-
 “nico suo ut de feodo, & sic inde seifitus diù

¹ Reg. in Officio Registrarii *Bariensis*. & Reg. *Pinchbeck* F. 160. ² Reg. *Pinchbeck*. ³ Ibidem Fol. 167. ⁴ In Archivis *Bariensibus*.

“ante eundem conquestum, & ante mortem
“& martyrium S. *Edmundi* Regis & Marty-
“ris constituit eundem *Edmundum* hæredem
“suum, & obiit; post cujus mortem S. *Edmun-*
“*dus* Rex fuit inde seiscitus in Dominico suo
“ut de feodo” &c. Hæc clara satis, aperta &
firma, modo non vacillaret Chartarum istius
seculi fides, in quibus fundata sunt. Sed si re-
putemus quam liberè quam magnificè ejusmodi
donationes fingere solent id genus hominum
quos *Monachos* vocant, præcipuè vero *Benedi-*
ctini, omnia statim corruent, aut ijsdem quibus
antea tenebris involventur.

Verbo dicam, quid de hujusce nominis ori-
gine sentiendum sit, planè nescio; in aliorum
sententiis referendis fidem qua potui diligentia
liberavi: procedamus jam ad certiora.

Sigebertus Orientalium Anglorum Rex, sta-
tim post jacta in hac provincia Religionis *Chri-*
stianæ fundamenta per prædicationem *Felicis*
Burgundionis, Monasterium cum Ecclesia in
honorem *B. Mariæ* infra hanc villam constru-
xit, constructum ipse circa A. D. DEXXXVII. in-
travit rebus æternis ibidem vacaturus.

Hæc ne gratis dicta videantur testes adhibea-
mus;

6 *Antiquitates S. Edmundi Burgi.*

mus; primo ¹ *Bedam* hæc de *Sigeberto* narran-
tem. “Tantum Rex ille cœlestis regni amator
“factus est, ut ad ultimum relictis regni nego-
“tiis, & cognato suo *Ecgrico* commendatis,
“qui & antea partem ejusdem regni tenebat,
“intraret Monasterium quod sibi fecerat, atque
“accepta tonsura, pro æterno magis regno mili-
“tare curaret” &c. Quærendus jam restat locus
quem condito Monasterio nobilitavit *Sigebertus*.
Beda nullum memorat: sed *Bedæ* verba
exscribens ² *Thomas Eliensis* loci nomen inter-
ferit. “Monasterium” (inquit) “quod in *Be-*
“*trichesfurde* sibi fecerat, intravit” &c. Anti-
quus item codex MS. penes Reverendum E-
piscopum *Wigornensem* Doctorem *Stillingfleet*,
hæc ex antiquiori textu apud *Ely* citat; “Con-
“structum est Monasterium *Eliense* ab *Ethel-*
“*berto* xxx. annos antequam Rex *Sigebertus*
“Monasterium intravit quod sibi in *Betrichi-*
“*ferd* construxerat.” [†]

³ Registrum Cœnobii *S. Edmundi* è Chroni-
cis *Crolandiæ* atque *Cestriæ* dicit manifestè col-

¹ Eccl. Hist. Gentis *Angl.* lib. III. Cap. 18. ² In vita *Ethildretæ* à
Dacherio & *Mabillonio* edita in *Actis Benedict.* Vol. II. pag. 739. [†] *E-*
thelbertus Ecclesiam *Eliensem* A. D. 607. fundavit; ac proinde *Buri-*
ensem *Sigebertus* A. D. 637. Vide Chron. *Eliense* in Bibliotheca *Lambethana*.
³ *Dgd. Monast.* vol. I. p. 291.

ligi posse quod “A. D. MXXI. *Aldwinus* con-
“struere cœperit Ecclesiam S. *Edmundi* in co-
“dem loco, in quo per *Sigebertum* primitus con-
“structum erat Monasterium, & in quo idem
“Rex devotus, habitu tectus monastico, vitam
“duxit regularem, tempore *Felicis East-An-*
“*glorum* Episcopi.” In eodem quoque Regi-
stro legimus “Anno Regis *Canuti* quarto i. e.
“A. D. MXX. introductos monachos *Benedictinos*
“383. annos postquam *Sigebertus* Rex *East-An-*
“*glorum* (qui apud *Bedricesworth* prædictum
“monasterium construxerat, in quo accepta ton-
“sura monachica æterno Regi *Christo* per mul-
“torum annorum curricula fideliter deservi-
“vit,) tandem A. D. 637. à Rege Merciorum
“*Penda* interficitur, 234. annos ante passionem
“S. *Edmundi*.” Labitur hic (ne quid dissimu-
lem) Registri Autor, dum anno 637. *Sigeber-*
tum à *Penda* interfectum scribit. Hic quidem
annus rectè foundationi Ecclesiæ congruit, nul-
latenus autem morti Fundatoris, quem constat
non ante annum 644. à *Penda* occisum; quod
sic colligo; ² *Anna*, qui *Egrico* successit, annos x.
regnavit; ab eodem autem ³ *Penda* interfectus

¹ Vide etiam *Caïum* de Antiq. *Cantab.* Academiæ pag. 57. *Lond.* 1571.
² *Jo. Bromton* inter x. scriptores *Lond.* 1652. pag. 748. ³ *Chron. Saxo-*
ad A. D. 654.

8 *Antiquitates S. Edmundi Burgi.*

est A. D. 654. regnare ergo cœpit A. D. 644. Errat ergo Autor notarum in præfationem *Jo. Spelmanni* in *Ælfredi* vitam, qui *Sigebertum* anno 638. à *Penda* occisum ¹ putat. ² Registri alterius Autor arbitratur, “quod parochia vil-
 “læ à tempore antiquo in memoria ³ *S. Mariæ*
 “Virginis fuerit constructa ab initio primæ
 “*Christianitatis* istius provincie i. e. à tempore
 “primi prædicatoris felicitis memoriæ & fan-
 “tissimi Episcopi *Felicitis Orientalium Anglo-*
rum.” In hac Ecclesia depositum erat *S. Ed-*
mundi corpus, ita enim ⁴ Registrum *S. Bene-*
dicti de Hulmo; “Inventum est corpus *S. Ed-*
mundi Regis & Martyris absque reverentia
 “& religione condigna in Monasterio *S. Mariæ*
 “ligneo, apud villam *Bedrichsworthe* dictam,
 “sub secularium clericorum custodia conditum”
 &c.

His testibus si fidem adhibeamus, nec sanè video cur adhibere non debeamus; liquidò apparet, ante *S. Edmundi* tempora fuisse hic Ecclesiam cum Monasterio in honorem Beatæ

¹ In notis ad Præfationem *Spelmanni* in *Ælfredi* vitam §. 7. ² Reg. MS. J. C. Rubrum B. F. 67. & Reg. Sacristæ Fol. 24. ³ In margine Autoris manu additur, Hoc non de Ecclesia, quæ jam Parochialis est, intelligi debet. ⁴ *Dugd. Monast.* vol. 1. p. 286. Et Reg. Rub.

Mariæ constructam; Fundatorem ejus fuisse *Sigebertum Orientalium Anglorum* Regem; hoc denique fuisse Monasterium, quod *Sigebertus* sibi construxit, & in quo monachum induit. Primus, imo solus omnium è veteribus (quod sciam) qui aliter senserit, est '*Gervasius Doro-bernensis*; qui ex *Beda* (ut puto) malè intellecto scribit, *Sigebertum* in Monasterio quod condiderat *Fursæus* (*Cnobhere[s]burgensi* scilicet) monachum factum fuisse. *Gervasium* è recentioribus secuti sunt *Capgravius*, *Camdenus*, *Alfordus*, & fortasse alii; id certè minimè facturi, si *Beda* loca penitus inspexissent. Ille capite xviii. libri tertii ait, "*Sigebertum* Monasterium intrasse quod sibi fecerat." Capite sequenti dicit, "*Fursæum* curasse locum Monasterii, quem à præfato Rege *Sigbercto* acceperat, velocissimè construere, ac Regularibus instituire disciplinis;" duo Monasteria innuens, alterum *Buriense*, quod *Sigebertus*, alterum ² *Cnobherburgense*, quod *Fursæus* construxit. Nullibi autem scribit *Sigebertum* Monasterii, quod *Fursæus* condidit, incolam fuisse, quod diversas *Beda* narrationes connectentes vel

1 Inter x. Scriptores *Lond.* 1652. p. 1636. 2 Hodie *Burgh-Castell* in Agro *Suffolciens*. Vide *Camdenum* in *Icenis*.

10 *Antiquitates S. Edmundi Burgi.*

potius confundentes alii scripsere. Denique si *Gervasii* autoritas nobis obtendatur, ei opponimus *Thomam Eliensem*, *Gervasio* antiquiorem, aut saltem coætaneum; non *S. Edmundi* Monachum, ne partium studio abductus causæ nostræ favisse videretur; sed alterius Monasterii virum, cui ob vicinitatem locorum res nostræ ignotæ esse vix poterant.

Sigebertum nostrum hic missum facerem, ni operæ pretium putarem lectorem monere, *Baronium* ejus monachismum susceptum anno DCXLIV. perperam tradidisse, nec minus errasse, cum *Felicis* prædicationem inter *Orientalis Anglos* in annum DCXXVII. rejiciat.

Post *Sigebertum* unius & amplius seculi intervallo sequitur *Ethelbrithus* sive *Ethelbertus* Rex *Orientalium Anglorum*, miraculis apud nos patratis clarus, uti patet ex fragmento quod in ² Rubro Registro *S. Edmundi* inveni, quodque Registri Autor è vita *S. Ethelberti* fol. 64. sic exscripsit. “Hæc autem omnia in civitate Regis facta sunt, quam antiquitus *Orientalis Angli* urbem *Baderogi* sive *Beodriceswortham* vocaverunt. Talibus igitur miraculis *S. E-*

¹ Supra pag. 6. ² Reg. Rubrum *Joannis Craddock* A. sive Liber primus Allocationum.

“*thelberti* Martyris omnipotenti Deo placuit
“adornare locum, quem consanguinco ejus e-
“gregio Regi & Martyri *Edmundo* præpara-
“vit, & ipsius necdum exorti, & post marty-
“rium incorrupti corporis, per secula custodem
“fore decrevit.” Passus est *Ethelbertus* xx^{mo}.
Maii. A. D. dccxciii. cujus Acta exhibent no-
bis *Henschenius* & *Paperbrokius*, *Capgravius*,
‘*Joannes Bromton*, & ‘*Autor vitæ Offæ* secundi,
qui eum *Albertum* vocat, quod nomen etiam
ei tribuit † *Simeon Dunelmensis*. Male Autor
notarum ad præfationem *Jo. Spelmanni* in
Ælfredi vitam, ‘*Ethelbertum* nostrum anno
dccxlix. per insidias ab *Offa Mercio* trucidat-
um scribit.

‘ Post *Ethelbertum* pauci in *Orientali Anglia*
regnauerunt potentes usque ad *S. Edmundum*
pro violentia *Merciorum*. Horum autem tempo-
rum luctuosam faciem ita nobis depingit ‘ *Jo.*
Bromton, “Post *S. Ethelbertum* martyrii laureo
“in flore juventutis coronatum, regnum *Est-*
“*angliæ* per aliquot annos cum commotione
“& desolatione sub *Regulis* & *Tyrannis* uf-

1 *J. Bromton Chron.* p. 748. 2 In additamentis ad *Hist. Mat. de Par.*
Lond. 1640. p. 23. 3 In notis ad præfat. *Spelmanni* §. 7. 4 *W. Malmsh.*
Lond. 1596. p. 23. &c. 5 p. 754. † Ad A. D. 749.

12 *Antiquitates S. Edmundi Burgi.*

“que ad adventum S. *Edmundi* Regis turba-
 “tum duravit, quia illud regnum nunc Reges
 “*Westfaxiæ*, nunc Reges *Canciæ* in dominio
 “tenebant, nunc alicui, nunc aliquibus illud
 “dabant; unde aliquando unus Rex ibi erat,
 “aliquando multi Reguli, ultimus tamen *An-*
 “*glorum* S. *Edmundus* sub Rege *Westfaxiæ* ibi-
 “dem regnavit, qui de *Saxonia* veniens, apud
 “*Bury* in regem *Eftangliæ* coronatur.

Devenimus jam ad S. *Edmundi* tempora, & ea quidem fatis obscura & incerta: non tam ob scriptorum paucitatem vel silentium, quod in prioribus contigit, quam ob eorundem in tradendis rebus negligentiam atque dissonantiam; præcipue vero ob Monachorum malè locatam operam in excogitandis, malamque fidem in admiscendis veritati historicæ fabulis. Hoc nomine queritur etiam ' *Alfordus*, vir alioquin Monachorum partibus addictus, “eos [scilicet] “nulla temporis habita ratione, Sanctorum vi-
 “tas componentes, aërias circumstantias rebus
 “cæteroquin veris affuere.” His difficultatibus involuti, ut certo, quàm fieri potest, pede eamus, ea testimonia primo loco ponam de quo-

rum veritate, tam ob rerum ipsarum verisimilitudinem, quam ob autorum gravitatem antiquitatemque, minus dubitandum censeam; alia deinceps addendo, quorum fidem penes lectores lubenter esse patiar.

Inter priores agmen ducat *Afferius Menevensis S. Edmundo* coævus. “ ‘ Anno (inquit) “ DCCCLV. Rex *Edmundus Orientalium Anglo-* “ *rum* gloriosissimus cœpit regnare VIII. Kal. “ *Januarii* i. e. die Natalis Domini, anno æta- “ tis suæ XIV” Et sequenti anno in regem in- unctus est, uti idem *Afferius* tam in annalibus quam in vita *Ælfredi*, testatur. 2 “ Anno do- “ minicæ incarnationis DCCCLVI. & nativitatis “ *Ælfredi* X. (rectius VIII.) hoc est, anno se- “ cundo *Karoli* Imperatoris III, anno vero regni “ *Æthelwulfi Occidentalium Saxonum* Regis “ XVIII. 3 *Nunberchtus Orientalium Anglorum* “ Antistes unxit olco, consecravitque in regem “ *Eadmundum* gloriosissimum cum gaudio mag- “ no & honore maximo in villa regia quæ di- “ citur *Burua*, in qua tunc temporis regalis fe- “ des erat: anno ætatis suæ XV. sexta feria, “ luna 24. die Natalis Domini.” Ergo secun-

1 In Annal. ad A. D. 855. 2 In vita *Ælfredi* p. 4. *Franc.* 1603. 3 Le- gitur *Hunberchtus* in *Afferii* Annalibus à *Galéo* editis *Lond.* 1691. p. 126.

14 *Antiquitates S. Edmundi Burgi.*

dum *Afferius Edmundus* integrum annum se pro rege gessit, antequam solenniter in regem ungeretur: annum istum quomodo transegerit, docet nos *Galfridus de Fontibus* in ¹ *Historiola de pueritia S. Edmundi*, quam circa annum MCL. scripsit. "Deduxerunt," inquit, "cautè *Eadmundum* ad quandam urbem antiquam, juxta priorum traditionem à Rege *Athla* conditam, quæ *Athelbuorb* ejus dicitur ex nomine, i. e. civitas *Athlæ*. --- Infra ipsius urbis mœnia per annum integrum degit, in quo spatio Psalterium, quod in *Saxonia* cœperat, perdidicit.[†]" Hæc, antequam vel eligeretur à Populo, vel ungeretur ab Episcopo, de eo narrat *Galfridus*. ² Sub hujus anni finem *Wintoniam* vocatus, concilio ibi ab *Æthelwolpho* celebrato interfuit v. Non. *Novembris* A.D. DCCCLV. Indict. iv. eique subscripsit. ³ "Sequenti Natali die Domini coronatur in villa regia quæ dicitur *Burua*."

Locum coronationis S. Edmundi, quem *Afferius Burua* vocat, *Jo. Bromton Bury* nominat, eumque secuti (ut puto) alii. *Camdenus*, nominum similitudine deceptus, putat fuisse

¹ M.S. in Bibl. pub. Acad. Cant. ² *Spel. Concil.* vol. 1. p. 348.
[†] Vide, etiam *J. Prington* apud *Stowam* pag. 64. Lond. 1615. ³ *Afferius*
in vita *Ælfredi*. *Burne*

Burne in Comitatu *Lincolniensi*; in Annalibus enim *Afferii*, quos fortè manuscriptos viderat, scribitur *Burna*. ¹ *Matthæus Westmonasteriensis* omnium, ut credo, rectissime, “in villa (inquit) “regia quæ *Bures* nuncupatur munus consecrationis suscepit.” *Galfridus* enim *de Fontibus*, locum digito quasi commonstrans, sic scribit. “Facta autem in illum acclamatione, at- “tollentes, læti *Suffolciam* deduxerunt, & in “villa *Burum* ad regni fastigium promoverunt, “assistente *Humberto* venerabili Antistite, *Ead-* “*mundum* in regem ungente & consecrante. “Est autem *Burum* villa Coronæ antiquitus “Regiæ, certus limes *Essexiæ* & *Suffolciæ*, sita super *Sturiam*, fluvium æstate & hyeme “rapidissimum.” Hæc optimè conveniunt loco, quem hodie *Bures* sive *Buers* vocamus, & *Matthæi* scriptionem valde confirmant.

Eadmundi jam investiganda est origo. ² *Afferius* “ex antiquorum *Saxonum* nobili prosapia oriundum, atavisque Regibus editum” tradit, cui omnes succinunt. ³ *Capgravius* (nescio qua autoritate fretus) utrumque *S. Edmundi* parentem nominat, patrem *Alkmundum*,

¹ Ad A.D. 155. ² In Historiola MS. prius citata. ³ Annal. ad A.D. 866. ⁴ In vitis Sanctorum *Lond.* MDXVI. fol. CVII.

matrem *Siwaram*. Cum verò vitam S. *Botulfi* Abbatis *Ikanboensis* a ¹ *Mabillonio* editam legerem, ibique Regem quendam *Australium Anglorum* nomine *Ethelmundum*, cujus mater *Siwara*, invenirem, statim erroris hujus ansam me deprehendisse suspicatus sum; quam avidè Legendarum Scriptores arripientes, *Edmundo Siwaram* matrem dederant. Suspicionem confirmavit ² *Joannis Wallingford* judicium, qui de S. *Edmundo* scribens, idem fere suspicatus est. Locum licet corruptissimè editum proferam. “Solent”, inquit, “quidam “ad hunc sanctum Regem retorquere fatis ³ ac-
“commodè quoad tempora & quod narratum
“est superius de Sancto *Botulfo*, ⁴ &c”. Huic itaque ⁵ Legendæ non dubito quin *Siwaram* S. *Edmundi* matrem debeamus. Eadem forte incunabula habuit *Alcmundus* pater: ⁶ in Legendæ enim S. *Adalberti* Diaconi *Egmundæ* ab eodem *Mabillonio* edita, narratur quod “A. D.
“mccxcvi, circa festum B. *Bartholomæi* Apo-
“stoli, *Florentius* Dei patientia Abbas Eccle-
“siæ B. *Adalberti* in *Egmunda*, legationis mu-

¹ In actis *Benedictinorum* Sec. III. partis Iæ. p. 5. ² *J. Wallingford* Chron. inter Hist. *Ang.* scriptores à *Galæo* editos Cæen. 1691. p. 534.
³ Legendum est, incommodè. ⁴ Vide Appendicem N. 11. ⁵ De vi a S. *Botulfi*. ⁶ In Act. *Bened.* Sæc. III. pt. I. p. 645.

“nere fungens *Angliam* profectus est. Et cum
“pervenisset ad locum, in quo corpus, seu reli-
“quiae *S. Eadmundi*, Regis quondam *Anglorum*
“& Martyris, sacra reconduntur veneratione;
“cupiens ejus genealogiam actaque ac *B. A-*
“*dalberti* fratrum carnalium non ignorare; ibi-
“dem porrecto sibi libro inter cætera reperit
“in *Chronicâ Regum Angliæ*, quod idem *B. A-*
“*dalbertus* xxxvii. annis & vii. mensibus re-
“gnum *Anglorum*, antequam dictus *Eadmun-*
“*dus* frater ejus idem regnum est adeptus, sub
“multo præpotens tenebat honore. Qui qui-
“dem fratres unicam utroque parente foro-
“rem nomine *Briktivam* habebant, quæ apud
“*Franckenuoerde* est sepulta: (Pater vero eo-
“rum habebat nomen *Alcmondus*;) & traxerant
“originem de veterum *Saxonum* nobili pro-
“sapia.” En *Alcmondum S. Eadmundi* pa-
trem!

Sed quis iste *Adalbertus*, ejus frater carnalis,
qui ante eum xxxvii. annis & vii. mensibus reg-
navit? Quid sentio dicam. Incidit bonus ille vir
Florentius in *Ethelbertum Orientalium Anglo-*
rum Regem & Martyrem; eum, ob nominum
consonantiam, cum *Adalberto* suo confundit.
Legit in *Chronicis* istis, *Adalbertum* five *Ethel-*

18 *Antiquitates S. Edmundi Burgi.*

bertum LXXVII. annis & VII. mensibus ante S. *Edmundum* regnum tenuisse: quod verè & accuratè scriptum erat. Sed cum ingens ille annorum numerus nullo modo cum carnali illa fraternitate constare posset, pro LXXVII. annis levi mutatione annos XXXVII. reposuit. *Briçtiam* quod attinet, potuit forte sororem eo vel simili nomine habere S. *Edmundus*. Legi enim in Codice MS. Reverendi viri E. *Stillington* Wigorniensis Episcopi, quod *Wrfegina* soror B. *Edmundi* requiescit apud *Francford*. “Fratrem
“(si ‘ *Joanni Bromton* & ‘ *Ranulpho Higden*
“id afferentibus fidem adhibere velimus) “*Ed-*
“*woldum* habuit; qui mundi delicias exhor-
“rens, eò quod se & fratrem suum durior for-
“tuna exceperit, apud *Carneliense* Cœnobium
“in *Dorsetania* juxta fontem perlucidum, quem
“S. quondam *Augustinus* ad populum bapti-
“zandum precibus produxerat, vitam *Eremiti-*
“*cam* solo pane & aqua protrivit.” ³ *Capgravius* autem eum post fratris obitum regnum recusasse scribit. Nativitatis S. *Edmundi* lo-

¹ Chron. p. 807. ² Polychr. v. 32. ad A. D. 869. ut & *Monaſticon* vol. 1. p. 254. vide & *Centuriat. Magdeb.* sec. IX. p. 348. qui, *Ranulphum* citantes, vocant *Edwulphum* Regem *Orientalium Anglorum*. ³ In vita S. *Edwoldi*, Fol. xxx. Editionis prius citatæ.

cum *Norinbergam* celeberrimam *Saxoniae* urbem Codex MS. prædictus Episcopi *Wigornienfis*, Fragmentum ¹ ante citatum de vita *Ethelberti*, Autor vitæ & passionis *S. Edmundi* MS. in Bibliotheca *Lambethana*, alique, fuisse tradunt. Et hæc ferè sunt, quæ de illius genere, cognatione, & natali solo eruere potuimus; nisi id notatu dignum sit, quod ² *Philippus Bergomas* cum *Alidulpho*, sive *Ethelwolpho* patri in regno successisse scribat.

Porro disquirendum est, qua ratione quove jure regnum adeptus sit. ³ *Afferius*, cui res ista ignota esse vix potuit, eam nobis his verbis expressam reliquit: “Omnium Comprovincialium
“unanimi favore non tantum eligitur ex generis
“successione, quantum rapitur, ut eis
“præesset sceptrigera potestate.” ⁴ *Matthæus Westmonasteriensis*, “unanimi procerum consensu ad regnum ascitum fuisse”, asserit. Quid *Galfridus de Fontibus* senserit, quid scripserit, cum inedita sit ejus Historiola, operæ pretium erit hoc loco inferere. “In *Estanglia* (inquit)
“claruerunt Reges nobiles & illustres. Ho-

¹ Pag. 10. Vide Appendicem. N. 111. ² In Supplemento Chronico.
³ Annales ad A.D. 870. ⁴ Flores Hist. ad A.D. 855.

“rum extremus ante S. *Eadmundum* regnavit
 “Rex *Offa*. Hic multo tempore sine hærede
 “vitam tranfigens, *Hierosolymarum* sancta lo-
 “ca invisere statuit, & hæredem sibi à Deo
 “impetrare; in itinere Regem *Saxonum* sibi
 “cognatum invisit, qui filios suos, quos habuit
 “duos, ejus servitio, dum illic moraretur, de-
 “putavit. Horum natu posterior, nomine *Ead-*
 “*mundus*, solertia sua & colloquiis animum *Of-*
 “*fæ* sibi devinxit; qui iter arrepturus annulum
 “aureum juveni tradit, ita fatus: Fili charis-
 “sime *Eadmundè*, accipe nostræ cognationis
 “& dilectionis monumentum, ut memineris
 “me solerti obsequio tuo esse obnixum, super
 “quo gratias tibi refero, & mercedem propriam
 “ex Dei providentia in corde reservo. Dein
 “*Hierosolymas* venit, vota persolvit, regredi-
 “tur. In regressu vero cum pervenerit ad ri-
 “vum qui dicitur *Brachium S. Georgii* languore
 “correptus, cum fociis consultavit de succef-
 “sione regni sui, dicens, cognati mei Regis
 “*Saxonici* filium, vobis non incognitum, cor-
 “poris forma eleganti, sapientia & viribus
 “præstantem, mihi successorem, vobis stre-
 “nuum designo gubernatorem: nec plura lo-
 “cutus inter eorum manus rebus excessit hu-
 “manis

“manis. Quo sepulto, comites *Saxoniam* gra-
“du citato repedârunt. Regi mandata, *Ead-*
“*mundo* interfligna detulerunt, & quasi in ex-
“aëtoriam illum in Regem petierunt. Rex su-
“per hoc consilium ab Episcopis petit, qui om-
“nes laudant in commune, ut dispositioni non
“refrageretur divinæ; petitioni ergo eorum con-
“fensit. *Angli* porro regium adepti assensum
“recesserunt, *Eadmundum* secum deducentes.
“Cum annum integrum in *Anglia* transegisset
“(ut supra narratum est) sinister rumor regio-
“nem implevit, & inhabitantes timor ingens
“perculit; transmarini siquidem pirabantur fi-
“nes. Convocato itaque Populo, de Rege cli-
“gendo quæstio agitur, quem Episcopus cum
“Primoribus de *Eadmundo* alloquitur, *Ead-*
“*mundum* illis necessarium, regio sceptro dig-
“num, Regis *Saxonici* filium, Regis *Estangliæ*
“defuncti propinquum: ejusdemque adhuc vi-
“ventis mandatum intimat, eorumque assen-
“sum super hoc impetrat. Cunctus ergo vul-
“gus pari consensu quasi vir unus ad præfa-
“tam (urbem) cucurrit; & *Eadmundum* ra-
“piens in medium deduxit. &c.

Galfrido talia narranti meritò esset adhiben-
da fides, modo de *Offa Estanglorum* Rege nobis
con-

22 *Antiquitates S. Edmundi Burgi.*

constaret. Hic autem solus incedit; nec antiquiores quos ille sequatur, nec recentiores qui illum sequantur, adhuc novimus: nisi huc forte respexit *Gulielmus Croilandensis*, cujus versus extant MSS. in 'Bibliotheca Cottoniana,

*Miserunt Anglis puerum Saxones alendum,
Qui restauraret quod rapuere patres,
Edmundus felix &c.*

*Anglorumque puer fines habitavit Eöos,
Ut Consanguineus Regis Alumnus Ophæ.*

Et postea

Affectans prodesse magis quam præesse, sepulti

Supplendas patrui suscipit ille vices.

Autor quoque ²Chronici, quod sub *Joannis Bromton* nomine circumfertur, narrat, quod "post *Offa* Regem *Estsaxiæ* Sanctus *Edmundus* cognatus ejus de *Saxonia* veniens apud *Bury* in regem *Estangliæ* coronatur, & simul "cum hoc, per dictum Regem *Offa* cognatum "suum, regnum *Estsaxiæ* occupavit;" cui narrationi favere videtur id quod scribit *Galfri- dus de Fontibus* "*Eadmundum* (scilicet) apud "*Burum Estsaxiæ & Suffolciæ* limitem in re-

“gem unctum fuisse.” “Eundem *Offam* iter
“ad terram sanctam arripuisse” dicit prædicti
Chronici *Jorvallenfis* Confarcinator: sed dum
eum *Sigehardo* & *Sinefrido* successorem dat,
omnia turbat: *Offa* enim, qui post eos regnavit,
² circa annum dccix. *Romæ* factus est Mona-
chus: illum autem non intelligit ³ *Galfridus*,
nec enim id ratio temporum ullò pateretur;
sed & eum aperte excludit; “non autem arbi-
“trandus est iste *Offa* (dicens) ille *Merciorum*
“non Rex sed Tyrannus iniquus, à quo B. *E-*
“*delbertus* dolis circumventus & decollatus
“est; nec ille alter nobilis *Offa Orientalium*
“*Saxonum* Rex, qui regnum relinquens & in
“urbe *Romana* sub Papa *Constantino* attonsus
“in monachico habitu complevit. &c: Neuter,
“inquam, illorum de quo agimus ille extitit;
“sed illorum Regum, qui per spatium lxi. an-
“norum in *Estanglia* ante S. *Eadmundum* reg-
“nârunt, iste *Offa* ⁴ ulterius extiterat.” Si in-
diculum Regulorum five Tyrannorum, qui re-
gnum *Orientalium Anglorum* ab *Ethelberti* mor-
te usque ad *Edmundum* tenuère, haberemus;
res plane confecta esset: sed eorum nomina

¹ Ibidem. ² *Aſſer.* Annal. ³ In *Historiola* MS. ante citata. ⁴ Forte ultimus.

24 *Antiquitates S. Edmundi Burgi.*

partim ob incuriam, partim ob rerum gestarum obscuritatem, nobis tradere dedignata est Antiquitas. Quocunque titulo juréve regnum adeptus sit *Edmundus*, illud eum sub '*West-saxiæ* Regibus tenuisse constat. ¹ *Alfordus* cum hanc de *Offa* narrationem temporum rationi nullo modo conciliari posse crederet; id quod *Galsfridus Offæ Hierosolymas*, ipse *Ethelwolpho Romam* proficiscenti ascribit.

Edmundi in *Angliam* adventum pro seculi more miraculis adornatum ita narrat *Galsfridus de Fontibus* “cum divertentes ad Borealem partem *Orientalium Anglorum* intrâs-
“sent oceanum, appulerunt ad promontorium,
“quod usque hodie *Maydeneburie* appellatur,
“& latinè *Virginalis Thalamus* interpretatur:
“à quo promontorio quasi ad unius sagittæ ja-
“ctum, siccum pedestres transmeârunt flumi-
“nis alveum. Rudis vero advena *Eadmundus*,
“procumbens in spaciola juxta flumen planitie,
“orationem pro patria illa fudit. Mox in eo-
“dem loco XII. limpidissimi fontes de terra
“erumpunt, qui adhuc moderno tempore de-
“currunt, & in salum descendunt; horum a-

¹ *J. Bromton* p. 754. ² *Ad A. D. 854. §. VIII.*

“quis plurimi languidi abluti pristinae fanitiati
“funt restituti. Postquam verò B. *Eadmundus*
“regnavit, locum illum familiariter dilexit, ac
“prope fontes regale domicilium condidit. Ea-
“dem vero villa *Honestonestun* congruo nomine
“nuncupatur, *mellis* enim *petræ villa* sonat.”

Res ab *Edmundo* per xv. annos, quibus regno *Orientalium Anglorum* præerat, gestas, cum earum narratio proluxior sit, quam ut hic inferi commodè possit, nec tamen par sit eam penitus omitti, in ¹ Appendicem rejeci, prout descripta est in Registro *W. Curteys* Abbatis sub hoc titulo, “Vita & Passio Sancti *Edmundi*
“Regis abbreviata & sumpta de proluxa vita
“ejusdem Sancti.”

Qualis fuerit *Edmundus* noster, & quibus artibus regnum administraverit, fusè nos docent ²Annales *Afferiani*, (modo non sint interpolati.) Solus, quod sciam, Principi optimo ³*Willielmus Malmesburiensis* mollitiei notam inurit; asserens “eum in illa temporum mollitie virtutem ejurare compulsus; non resistantem, “sed armis projectis solo pronum & orantem “captum, & post nonnulla tormenta decapi-

¹ Append. N. iv. ² P. 159. Oxon. 1691. ³ De gestis Pontiff. Angl. p. 136. Lond. 1596.

“tatum.” Codex autem *Lichfeldensis* MS. in quo opus hoc *Willielmi* de Pontificibus *Anglorum* habetur, aliam nobis horum verborum lectionem, quæque Regis nostri memoriæ magis faveat, suppeditat, & “nulla temporum
 “mollitie virtutem evitare compulsus,” tradit. Quicquid autem de variante lectione fiat, certum est non ante strenuè navatam fortissimi ducis operam, & commissum atrox prælium *Edmundum* obiisse: *Afferius* enim qui *Edmundum* optimè noverat, in *Ælfredi* vita, cui potius quam Annalibus fidendum censeo, id non mollitiei deputavit; nec enim ille mollem putavit nostrum, “quem contra Paganorum exercitum atrocitèr pugnâsse, & magna suorum parte occisa, ibidem occubuisse” asserit. *Ethelwerdus* eadem fere narrat; “Apud *Theotfordam* (scilicet) in bello seu prælio interemptum:” ¹ *Rogerus Hoveden* in Annalibus, “atrocitèr & virilitèr cum suis pugnantem ibidem gloriosè occubuisse:” quod è *Simeone Dunelmensi* haufit. Quæ apud *Afferium* Annalistam de ejus martyrio apud *Heglisdun* habentur, metuo ne ea omnia Annalium istorum

¹ Lib. iv. Cap. 2. ² Ad A. D. 870.

Interpolator ex *Abbone Floriacensi* hauserit, qui vitam *S. Edmundi* martyriumque, pro temporum eorum more, multis miraculorum portentis scatentem descripsit.

Quocunque tandem loco obierit, five in campis *Thetfordiensibus*, five in sylvis *Heglesdunensibus*, ibidem sepultus per annos xxxiii. quievit. Anno demum dcccciii. *Buriam* translatus, loci Religionem mirum in modum auxit. Ejus vero initia & incrementa, ipsis potius eorum verbis qui hæc nobis scriptis tradidère, quam meis, sic accipite. “Occubuit *S. Edmundus* A. D. dcccclxx. ætatis suæ xxix. “regni sui xv. Indictione iii. Feria ii. Luna “xxii. xii. Kalendas *Decembris*; sepultus vero “fuit in eodem loco ubi occubuit, & jacuit “ibidem in terra defossus per xxxiii. annos. “Cæco igitur ibi fanato, & multis jam factis “miraculis; multitudo populi, non solum vulgi, sed & nobilium construxit in Villa de *Bedricefworth* permaximam ligneo tabulatu Basilicam, ad quam cum Clero & Pontifice “transtulit eum de loco in quo sepultus erat “post martyrium.” 2 “Translato autem beatif-

1 Registrum *Curteys* & alibi. 2 Reg. *Pinckbeck* five *Vestiarii*.

28 *Antiquitates S. Edmundi Burgi.*

“fimo Rege & Martyre *Eadmundo* de *Hoxon*,
 “in novam Basilicam apud *Betrichesworth* re-
 “centè constructam, perpendentes quidam
 “Clerici ipsum magni esse meriti, sub ejus pa-
 “trocinio Deo se devoverunt perpetuo famu-
 “lari: Horum quatuor, *Leofricus*, *Alfricus*,
 “*Bomfeld* & *Edmundus* Sacerdotii dignitate
 “præminebant: duo vero *Leofricus* & *Kenel-*
 “*mus* Diaconatus officium administrabant; quos
 “nihilominus *Adulphi Elmamensis* Episcopi, &
 “religiosi Episcopi *Theodredi* frequens præsen-
 “tia devotiores efficiebat, qui locum illum di-
 “ctis & factis vehementer honestabant. Pro-
 “gressu vero temporis multiplicati sunt usque
 “ad numerum xix, ita quod in eadem Eccle-
 “sia fuerint xiv. Presbyteri, & v. Diaconi Præ-
 “bendas suas habentes, & de Oblationibus suis
 “videntes.”

“A. D. dccccxv. & secundo *Ethelstani*,
 “Collegium hoc Sacerdotum *Bedericie* insti-
 “tutum est, sacrum videlicet *Eadmundo*; nec
 “longo post tempore Canonici Præbendarii
 “ibidem instituti, ac oppidum *Eadmundi* ti-
 “tulo nominatum.” ² *Joannes Baleus* ipsum

¹ *Jo. Leland.* Comm. in Cygneam Cant. p. 47. ² *Script. Brit.* in *Ethelstano* p. 127. & Cent. x. p. 34.

Ethelstanum Collegium hoc Presbyterorum possuisse vult: “qui inter cætera bona Ecclesiæ “*S. Edmundi* unum textum Evangeliorum, qui “ibidem adhuc servatur, dedit.” *Nicolaus Harpesfeldius* “*Theodredum* Episcopum *Londinensem*, cum *Eadmundi* Regis & Martyris “corpus in ignobili facello jaceret, quod tamen varia miracula illustrabant, magnificum “hic templum condidisse” scribit, “& latrones “quosdam, qui illud spoliaturi accefferunt, vinculis quibusdam obtutui non patentibus illigatos, & deprehenso in crucem suffigi curâsse, & ejus facti acerrimam postea per totam “vitam pœnitentiam egisse.” Quæ quidem omnia (si aut facta sunt, aut fieri poterant) ut & maneriorum quorundam donationes Ecclesiæ *S. Edmundi* factas, quamvis plerique *Theodredo* huic ascribant, qui *Londinensem* sedem sub *Athelstano* tenuit, alii tamen *Theodredo* tribuunt, qui *Edgaro* demum regnante *Elmamenfi* Ecclesiæ præfectus est; qui Prædecessoris sui *Adulphi* exemplum secutus Ecclesiæ huic (in ipsius parochia sitæ, necdum ab episcopali jure exemptæ) impensius favit:

1 Regum Ecclesiæ *Christi Cantuar.* de rebus extra *Cant.* 2 *Hist. Eccl. Angl.* p. 244.

30 *Antiquitates S. Edmundi Burgi.*

de quo *Adulpho* legimus, “ quod de *Grante-*
brigia ortus, tempore *Audwini* sive *Edwii*
 “ filii *Eadmundi* unus de Clericis, qui apud S.
 “ *Edmundum* habitabant, fuerit, & Episcopus
 “ provinciae factus *Eſt anglie* præſulatum uf-
 “ que ad tempora *Adgari* ſolus rexerit; *Edga-*
 “ ro autem regnante *Athulfo Elfricum* in E-
 “ piſcopatu *Eſt anglie*, & poſt eum *Theodre-*
 “ dum, de quo legitur in Paſſione S. *Edmundi*,
 “ ſucceſſiſſe².”

³ Donationum¹ privilegiorumque, quibus jam
 inde ab initio aucta in immenſum demum cre-
 verit hæc Eccleſia, Syllabum, editis in Mona-
 ſtico pleniorẽ, in Appendice dabo: quæ, ſi
 ſingula locis ſuis hic inferenda eſſent, Hiſto-
 riolæ noſtræ filum ſæpius interrumpere.

“⁴ Triginta circiter annos ante introduçtio-
 “ nem Monachorum *Aylwino* cuidam commiſſa
 “ fuit ſancti corporis cuſtodia ab Epifcopo Diœ-
 “ ceſano propter inſolentiam & irreligioſita-
 “ tem Clericorum⁵. Ab *Aylwino* vero circa
 “ A. D. MX. & *Etheldredi*, Regis xxx. propter

¹ Regrum Eccleſ. *Chriſti Cantuar.* de rebus extra *Cant.* ² Appendix n. v.
³ Append. n. vi. ⁴ Autor Vitæ & Paſſ. S. E. MS. in Bibl. *Lambeth.* &
Dugd. Monast. vol. I. pag. 293. ⁵ Monast. vol. I. p. 291. & Regrum
W. Curteys.

“infestationem *Turkilli Danorum* Comitis corpus *S. Edmundi Londonias* ad Ecclesiam “*Christi* fuit translatum & triennio post Ecclesiae suae apud *Bury* redditum.” Translationes hujus corporis hinc inde factas variè varii narrant, quos nec conciliare invicem, nec refellere, imò nec quid sentiant referre vacat, ne in re minimi momenti operosi esse videamur.

Auctæ jam redditibus Ecclesiae Monachi inhababant, qui in id potentiae tam apud Reges quam apud Episcopos circa hæc tempora creverant, ut ejectis fere ubique Secularibus, Ecclesias eorum facile occuparent. Superiore seculo *Edgarus* Rex, apud quem Monachi, & qui Monachis favebant, plurimum valebant, Clericorum mores corruptos acri oratione perstrinxerat; & classicum forte canentibus *Dunstano*, *Æthelwoldo*, *Oswaldo*, aliisque è *Benedictinorum* familia Episcopis, eis internecinum bellum indixerat; eoque cum *Edgaro* non extincto, Clerici tandem nostri sub *Canuto* oppressi sunt; & ne id à bonis viris injuria factum videretur, prætexuntur crimina, quæ no-

1 Vide *Seld. Specileg.* ad *Eadmer.* p. 263.

32 *Antiquitates S. Edmundi Burgi.*

bis ita depingit 'Registri S. *Benedicti de Hulmo* Autor Monachus. "Temporibus," inquit, "Regis *Knut*, inventum est corpus S. *Edmundi* "Regis & Martyris, absque reverentia & religione condigna in Monasterio S. *Mariæ* lig-
"neo apud villam *Bedrichesworth* dictam, sub
"Secularium Clericorum custodia conditum,
"qui beneficia eidem Martyri collata, & ob-
"lationes inter se dividebant, & corpus fan-
"ctum absque condigno honore dimittebant." In aliis Monachorum 'Registris, "inordinate
"vixisse," "vitam actitasse minus regularem," dicuntur.

Quocunque modo se res habuit, five Seculares malè se gesserint, Sive Regulares strenuè calumniati sint (quorum id hominibus, hoc Monachis familiare est) Secularibus, ad instantiam *Aylwini*, ex Monacho (ut puto) Episcopi, ejectis, Regulares ordinis S. *Benedicti* in eorum locum successi sunt, A. D. MXX. Regni vero *Canuti* IV. qui eodem anno Ecclesiæ S. *Edmundi* fundamenta posuit.

Quid *Canutum* ad id pietatis opus impulerit, ex ipsis Monachis, quibus nihil sine miraculo

1 Monast. vol. 1. p. 286. 2 Monast. vol. 1. p. 291. Regrum MS. in Archivis Archidiaç. *Sudburiae*.

placet,

placet, audite. Rem ita narrant. ¹“*Swanum*
 “*Canuti* Patrem Martyris bona invadentem,
 “ejusque terras depopulantem, &, cum ab
 “*Alwyno* ut desisteret leniter monitus esset,
 “insolentius se gerentem, à B.*Edmundo* Mar-
 “tyre seu conto, seu pugione percussum, apud
 “*Gainesburg* interiisse, III. Nonas Februarii
 “A. D. MXIII. *Canutum* vero miraculo per-
 “motum placandis manibus iratis *Edmundi*
 “Monasterium condidisse.” Nescio an manium
 iram, Monachorum certè odia non placavit,
 qui *Swanum* Regem maledictis prosequi vix un-
 quam desiêre, ²*Ordericus Vitalis* vesanum I-
 dololatram vocat, ³*Alfordus* Jesuita *Juliano*
 comparat; Pervasor, Tyrannus ad tartara tran-
 smissus &c. ubique fere apud eos audit.

Date veniam, Lectores, ut *Swanum* Re-
 gem, *Canuti* Fundatoris nostri patrem, eoque
 saltem nomine à nobis bene meritum, testium
 fide dignorum suffragiis, ab his calumniis, præ-
 cipue vero à mortis *γεννα* infamia liberem.

⁴*Willielmus Malmsburiensis* qui pervasorem
 vocat, ambiguum tamen dicit qua morte obic-

¹ *Jo. Sarisbur.* in Polycrat. VIII. 2. *Order. Vital.* p. 518. *S. Dunelm.* ad
 Annum 1014. 2 p. 518. 3 Ad A. D. 1014. §. v. 4 Fol. 36. pag. 2.
Lond. 1596.

34 *Antiquitates S. Edmundi Burgi.*

rit. ¹ *Willielmus Gemiticensis*, qui seculo proximè sequente scripsit, ait “eum, dum apud “*Londoniam* de regni tractaret dispositione, “mortem obiisse, interceptum ægritudine,” quod & totidem verbis asserit ² *Thomas Walsingham* in Hypodigmate *Neustriæ*. ³ Si *Saxonem Grammaticum* audimus, “*Sueno* senilis “animæ laboribus fessus, divinis rebus infatigabilem ultimi temporis curam tribuit, nec “spiritu quam religione diuturnior fuit: fiquidem omni humana concussione vacuus, in ipso perfectissimæ vitæ fulgore decessit.” Idem testatur ⁴ *Anonymus Autor Historiæ de Regibus Daniæ* ab *Erpoldo Lindenbruck* editus; “Mortuus est *Sueno* post conversionem “ac gloriosas victorias in perfectissimo vitæ “fulgore, charus Deo & hominibus.” Ultimum advocamus testem ⁵ *Anonymum vitæ Emme Autorem Swano*, ut puto, coævum. “Regem,” inquit, “*Danorum Swanum* veridice “comperi relatione omnium sui temporis Regum fermè fortunatissimum extitisse, adeo “ut (quod rarò contingere solet) principiis “felicibus secundum Deum & seculum, multò

¹ De ducibus *Norman.* iv. 8. ² Pag. 427 *Franc.* 1603. ³ *Hist. Dan.* p. 191. *Soræ* 1644. ⁴ Cap. 76. ⁵ Apud *Duchefnium* in *Hist. Norm.* pag. 164, 166. *Par.* 1619.

“felicior responderet exitus.” Et post multa ejusdem generis “Ubi” inquit “supradictus
“Rex tota *Anglorum* patria est intronizatus,
“paucō supervixit tempore; sed tamen illud
“tantillum gloriosè. Præsciens igitur dissolu-
“tionem sui corporis imminere, filium suum
“*Canutōnem*, quem secum habuit, advocat; se-
“cū viam universæ carnis ingrediendum indi-
“cat: cui dum multa de regni gubernaculo,
“multaque hortaretur de *Christianitatis* stu-
“dio, Deo gratias, illi virorum dignissimo scep-
“trum commisit regale” --- nec multò post po-
“strema naturæ persolvit debita, animam re-
“mittendo cœlestibus, terræ autem reddendo
“membra.” *Suenonis* nomine à Monachorum
calumniis brevi hac digressionē vindicato, ad
rem redeo.

Opus Ecclesiæ construendæ sub *Canuti* Re-
gis auspiciis cœptum, eo impensius favente,
Aylwino Episcopo procurante, *Suffolciensibus*
& *Norfolciensibus* sumptui quatuor denarios an-
nuos de qualibet carrucata terræ in toto Epi-
scopatu suppeditantibus, duodecim plus minus
annorum spatio perfectum est, & ab *Æthel-*

36 *Antiquitates S. Edmundi Burgi.*

notho, five *Agelnotho* Archiepiscopo *Cantuariensi* xv. Kalendas *Novembris*, vel potius ¹ die sequenti, videlicet in Festo *S. Lucæ* A. D. MXXXII. in honorem *Christi* *S. Mariæ* & *S. Edmundi* dedicatum. Foundationis Historiam, quam levitèr hic attigi, latius exhibebit Appendix in Vita & Passione *S. Edmundi*.

“² Clerici numero XII. ejeçti sunt, quibus
“absque certis sedibus remanentibus *Canutus*
“privilegium dedit quod adhuc ipsi habent
“qui dicuntur *Duodeni*.” Quale fuerit id privilegium non liquet: certum est eos per arva vagos usque ad *Baldwini* Abbatis tempora fuisse.

³ Monachorum, qui eorum locum occuparent, Coloniae *Hulmo* in Agro *Norfolciensi* & *Ely* in Agro *Cantabrigiensi* deductæ sunt. Aiunt, *Hulmensès* non Monachos tantum, sed libros, vestimenta, vasa & id genus alia huc misisse; è Monachis quos xxvi, habuere, *Uvium* Priorem, primumque *S. Edmundi* Abbatem; *Leofstanum*, qui *Uvio* in Abbatia successit; *Agel-*

¹ *Mat. Westmon.* A.D. 1032. ² *Regum Eccl. Christi Cantuar.* de rebus extra *Cantuar.* *Reg. Nigrum* Fol. 91. *Reg. Sacritæ* Fol. 23. 24. ³ *Reg* in *Archivis Archidi. Sudburie.* ⁴ *Chron. Eliensi* in *Bibl. Lambeth.* *Monasticon* Vol. 1. p. 286.

winum Monachum, & (quod credebant Monachi) magnum Secretarium & Aurigam olim S. *Edmundi*; *Ælwardum* valde religiosum; *Leofdenum* Decanum; *Alfricum*; *Bondo*; *Edricum* five *Adericum*; *Assiwoldum* five *Alfwoldum*; *Leoffinum*; *Sparhavocum* (eundem forte qui ' *Ethelstano* in Abbatia *Abingdonensi* successit, Cœnobii *Edmundiani* Monachus, præclarus in rebus auro argentoque pingendis aut sculpendis) pueros *Oswaldum* & *Ordericum*. Qualis hinc orta sit inter hæc monasteria amicitia, qualia enata charitatis fœdera, refert 'Auctor Registri S. *Benedicti* de *Hulmo*; "Missarum " (scilicet) pro defunctis, Eleemosynarum, cæ- " terorumque bonorum communicatio, deni- " que (ne omnia recensendo longus sim) cau- " tum est, ut si quis Frater ob grave aliquod " flagitium, vel Ecclesia sua pelleretur, vel " sponte decederet & ad alteram confugeret, " ut Frater reciperetur, omni remota occasio- " ne, præter prodicionem Monasterii sui & Ab- " batis." Egregium fanè amicitiae specimen! præclara hæc monasticae disciplinæ severitas! admiranda scelera cohibendi ratio! ut, apertis

1 *Harpesfield Hist. Eccl. Angl.* sec. xi. cap. 19. 2 *Monast.* vol. i. p. 286.

38 *Antiquitates S. Edmundi Burgi.*

utrinque asylis, flagitiosissimus quisque cœlum mutaret, & *Integer vitæ scelerisque purus* deinceps viveret. Sed hæc obiter.

Qui Monasterium *Hulmenſe* à *Canuto* Rege circa annum MXXVI. fundatum volunt, Monachosque ibidem sub regula *S. Benedicti* degentes non ante annum MXXXII. collocatos putant, quod facit ¹*Thomas Rudburn*, alique eum fecuti, ii historiam hanc *Benedictinorum* ab *Hulmo* ad *S. Edmundum* traductorum turbant, evertuntque. ²Ecclesia quidem *Hulmenſis* antea lutea, ex lapidibus inchoata est à fundamentis circa hæc tempora à *Canuto* Rege, tempore videlicet *Elſini* Abbatis primi; sed et antea Religiosos habuit, et ³antiquitus constitutam ipse *Canutus* agnovit: de illius ergo restauratione non de prima fundatione intelligendi sunt, qui eam Ecclesiâ *S. Edmundi* ætate minorem faciunt.

Res nostras qualicunque serie huc usque perductas habetis, ad annum scilicet MXX. quæ supersunt, eas Abbatum Catalogo, sub eorum nominibus, quorum tempore gestæ sunt, intertexam.

¹ MS. *Lambeth*. p. 47. ² *Jo. de Oxenſedes* in successione Abbatum *Hulmenſium* in *Bibl. Cotton.* ³ *Monast.* vol. 1. p. 286.

U V I U S.

A B B A S I.

SUbintrōductis Monachis Abbas primus *Uvius* præficitur, Prior *Hulmensis*, 'vir humilis, modestus, mansuetus & pius. Consecratus est ab Episcopo *Londinensi* A. D. MXX. *Canuti* anno IV. Sequentē vero anno MXXI. in Natali Domini celebratum est *Wintoniæ* concilium, in quo præceptum & decretum fuit, "Quod Monasterium *S. Edmundi* sit ab omni jurisdictione Episcoporum Comitatus illius ex tunc in perpetuum funditus liberum et exemptum." Concilium hoc è Registro MS. *S. Edmundi* primus edidit *Cokus* noster in præfatione ad volumen Relationum nonum; & cum secutus ²*Spelmannus* in Conciliorum *Angliæ* volumine primo; *Cokus* cum librum penes se esse, & charactere multum antiquo scriptum diceret, eum *Spelmannus* mutuum petiit, ut desiderata in edito fragmento restitueret, nec tandem sæpius repetitum obtinuit, uti ipse in notis ad

1 *Tho. Rudburn* in *Bibl. Lambeth.* p. 42. & *Mat. West.* ad A. D. 1020. qui cum *Widonem* vocant. 2 Pag. 534. *Lond.* 1639.

40 *Antiquitates S. Edmundi Burgi.*

id Concilium queritur. Ego vero librum, quo usus est *Cokus*, non alium fuisse puto ab illo de Vita & Passione *S. Edmundi* è Registro *Willielmi Curteys* in ' Appendice edito. Lis scilicet inter *Willielmum Alnewyk* Episcopum *Norwicensem*, & Abbates *S. Edmundi* tempore *Willielmi Excestre* cæpta Successorem ejus *Willielmum Curteys* adhuc occupatum habuit. Is igitur in causæ suæ subsidium Vitam & Passionem prædictam, quæ edita à *Coko* continet, describi, & Registro suo inferi jussit, unde sua *Cokum* confarcinasse puto. Sed de his factis. Idem etiam *Canutus* circa hæc tempora cœnobium fossato munivit, ut inquit ² Auctor Chronici, quod nomen *Joannis Bromton* præfert. Sed in totius cœnobii circuitu ne vestigium quidem fossati apparet. ³ *Willielmus Malmsburiensis* ait, eum "fossatum fieri præcepisse, citra quod Exactores vectigalium superplices litigationes sistunt." Id ⁴ *Joannes Caius* censet esse fossatum illud portentosum quod in planitie *Novomercatensi* ad sex minimum miliaria excurrit; sed terræ *S. Edmundi* nondum eò pertingebant, & libertas, quam vocant octo

¹ Append. N. iv. ² Pag. 892. *Lond.* 1652. ³ De gestis Pontiff. fol. 136. pag. 2. *Lond.* 1596. ⁴ Vide Append. N. vii.

Hundredorum & dimidii, nondum eis concessa erat, qua ditio ejus eousque promoveretur; deinde quid opus tam stupendi laboris ope, quod humanas vires superare, & 'Diaboli esse vulgo creditur, quid inquam opus tanta mole, ad Monasterii unius terras longe inde positas ab Exactorum injuriis tutandas? imo nec *Saxonum* Reguli tanto molimine regiunculas suas aut determinabant aut muniebant: solis

Romanis, *rerum dominis, populoque potenti*, tantæ magnitudinis monumentum convenit; quorum Numismata ibi eruta narrantem quendam audiui, cum vallum illud ad equorum cursum expediendum non multis abhinc annis perfoderetur. Apertum hic campum nactus latius excurrere possem, sed habenas duco, & ad rem redeo. Autor Vitæ & Passionis *S. Edmundi* in Appendice dicit, *Canutum* "fossatum "terræ circumduxisse" oppido (scilicet) sive villæ *S. Edmundi*; 'valli enim permagni reliquiæ sive vestigia extra Australem portam ad dextram versus Eleemosynarii, quæ vocant, hor-

1 Fossatum, quod planitiem *Novomercatensem* transversim dividit, vulgo the *Devil's Ditch* dicitur. 2 *Matt. Westmonast.* in Historiar. Flor. ad A. D. 920. scribit quod *Edwardus Æthelwaldi* exercitum inter duo Fossata *S. Edmundi* ad campestre prælium præparatum invenerit, & fuderit.

42 *Antiquitates S. Edmundi Burgi.*

rea etiamnum conspiciuntur, quod forte loco ad hostium incurfiones opportuno, cum cæteræ oppidi partes vel muro vel paludibus circumfufis muniantur, *Canutus* duxit. Locum adhuc munifica Charta fortius munivit, quam è Monastico ubi jam edita est in 'Appendice dabo. Et hæc fere sunt quæ præfidente *Uvio* notatu digna occurrunt. Obiit ille circa primos *Edwardi* annos i. e. circa annum MXLIH.

L E O F S T A N U S.

A B B A S II.

Uvio fatis functo datus est Successor *Leofstanus* (primò *S. Benedicti* de *Hulmo*, dein vero *S. Edmundi* Monachus) ab Episcopo *Wintoniensi* consecratus. ² Hic cum *Romam* proficisceretur & crucem magnam, quæ colitur in Civitate *Lucana*, in itinere videret, eò quod expressius haberet formam & magnitudinem *Dominici* corporis, ad ejus mensuram, domum reversus, aliam fieri fecit, quæ in altari *D. Petri* erecta, miraculis clara, in magna veneratione habebatur.

¹ Append. N. VII. ² Reg. Alphabet. in verbo *Bury*.

Dicebatur *Leofstanus* privilegium à Papa pro Monasterii libertate impetrâsse, sed ingenuè fatetur Registri *Buriensis* Autor, id si aliquando factum sit, jam oblivioni traditum esse.

¹ *Edwardus* Confessor, quo regnante vixit *Leofstanus*, S. *Edmundum* cognatum suum vocavit, & Ecclesiam ejus in tanta habuit reverentia, quod quando oraturus ibidem veniebat, à milliari ad ipsam non nisi pedibus accederet.

Qui mira amant, legant ea quæ ² *Willielmus Malmsburiensis* habet de *Leofstano* nostro S. *Edmundi* corpus contrectante, “ut ambarum
“manuum digiti vel retro miserabiliter retor-
“ti, vel volæ pertinaciter infixi virum miserè
“mulctavère: ut etiam aliis debilitatibus cor-
“reptus, Regem *Edwardum* per nuncios con-
“venerit, ut sibi medicum mitteret; ut ille
“*Baldwinum* S. *Dionysii* Monachum ejus artis
“peritum, miserit; qui cum in cæteris probè,
“in digitorum curatione nihil promoveret, mi-
“rari cœperit, & cum morbi causam edoctus
“esset, in loco remanserit, amorem Martyris
“amplexus.” ³ Autor Vitæ & Passionis S. *Ed-*

¹ Reg. Alphabet. in verbo *Bury*. ² De gestis Pontiff. fol. 136, 137.
³ In Append. N. iv.

44 *Antiquitates S. Edmundi Burgi.*

mundi temeritatem facti ab Abbate amoliri studens rem aliter narrat, aliumque *Leofstanum* fingit. “Quidam” inquit “nobilis, *Leofstanus* nomine, de incorruptione Martyris “dubitans arroganter iussit locellum aperiri, ut “videret corpus Sancti : quo ad imperium e- “jus aperto, sanctum corpus vidit ac reperit “incorruptum, & statim arreptus à dæmone “miserabiliter expiravit.” Quo mortis genere extinctus sit *Leofstanus* incertum est: certum est A. D. 'MLXV, XVII. Kalendas *Augusti* obiisse.

B A L D W I N U S.

A B B A S III.

“*Baldwinus* pluribus annis notitiam ple- “nam Principum adeptus, *Leofstano* non tam “succeedit quam accessit Abbas, illo anniten- “te, Rege volente.” Quis fuerit *Baldwinus* ille, audi ¹ *Jacobum Doubletium*. “Soubs le “mesme Abbè *Hugues* étoit en reputation “*Bauldouyn* Religieux de S. *Denys*, tant pour

¹ Reg. *Lakingheath* penes. *Edw.* Episcopum *Wigorn.* ² *W. Malm'sb.* de gestis Pontiff. fol. 137. ³ Hist. de l'Abbaye de S. *Denys* p. 225.

“son rare sçavoir, que pour son experience en
“l’art de Medicin, pourquoi il fut choisi par
“le Roy d’*Angleterre Edward III.* pour estre
“son Medicin, lequel le fit pourvoir, premier-
“ment du rich Prieuré de *Derborst*, & a-
“pres de l’Abbaye de *S. Eadmond* au dit pays
“d’*Angleterre*,” ubi insignis Autoris parachro-
nismus corrigendus est, & pro *Edwardo III.*
Edwardus Confessor reponendus. Eo Medico
usus est *Lanfrancus* Archiepiscopus apud *Fre-*
kenham ut ex ipsius Epistola xviii. ad *Osbor-*
num Antistitem scripta apparet. Erat ergo
Baldwinus noster primò Monasterii *S. Dionysii*
apud *Parisienses* Monachus, ¹ dein Ecclesiæ de
Derburst, in agro *Gloucestrensi* (eiusdem Mo-
nasterii *S. Dionysii* Cellæ) Prior, inde autem
ad Abbatiam *S. Edmundi* translatus A. D.
MLXV. & ab Archiepiscopo *Cantuariensi* conse-
cratus.

² Postquam venit ad Abbatiam *S. Edmundi*,
in memoria *S. Dionysii Parisiacensis*, cujus Mo-
nachus erat, fecit Basilicam grandem & pul-
chram, ubi cœtum Clericorum non parvum
adunavit & ordinavit, & Parochiam villæ ibi-

¹ Monast. vol. i. p. 547. ² Reg. Alph. in verbo *Bury*. Reg. in Archiv.
Archidiac. *Sudb.* & alibi.

dem constituit, “ubi inter Archiclericos erat
 “*Petrus Damianus*, cujus pulcherrimus liber
 “qui dicitur *Dominus vobiscum*, usque hodiè
 “existit.” ¹ Clerici hi eorum reliquiæ erant, qui
 Monachis pulsi, per XLV. annos arva vagantes,
 tandem per *Baldwinum* in *S. Dionysii* Ecclesia
 fede donati sunt.

Jus cudendæ monetæ five cuneum moneta-
 rium primus *Baldwino* concessit *Edwardus* Con-
 fessor, data ad *Aylmer* Episcopum & *Girb* Co-
 mitem & *Toly* Charta, quam in ² Appendice po-
 fui, ut & (quod hic monendum duxi) ³ tracta-
 tum, cui titulus *Omnia tangentia cuneum Mo-
 nasterii S. Edmundi*.

Anno MLXXI. orta lite inter *Herfastum*, su-
 periore anno ad Episcopatum *Elmamensem* ad-
 motum, & *Baldwinum*; Abbas *Romam* advo-
 lat, ubi à Papa *Alexandro* II. susceptus hono-
 rificè, ab eodem in Vigilia Paschæ Presbyter
 ordinatus est, & privilegium illud exemptio-
 nis obtinuit quod *Seldenus* in ⁴ Spicilegio ad
Eadmerum edidit. Litis hujus historiam bre-
 vem scripsit *Hermannus*, qui tunc vixit, Archi-
 diaconus, eamque ante ineditam habes in ⁵ Ap-

¹ Reg. in Archi. Arch. *Sudb.* ² Append. N. IX. ³ Ibidem N. X.
⁴ Pag. 206. *Lond.* 1623. ⁵ N. XI.

pendice. Cum *Herfastus* privilegium sic impetratum nihili haberet, *Gregorius VII.* ¹ Epistola Indictione XII. i. e. A.D. MLXXIV. ad *Lanfrancum* data eum quasi increpans monet, ut *Herfastum* comprimat: quid hic *Lanfrancus* fecerit nescio; *Dacherius* in notis ad Epistolam *Lanfranci* XIX. dicit eum *Herfasti* conatus haud impigrè illisissè, quod mihi quidem haud verisimile videtur, cum dicat ² *Eadmerus* eum privilegii istius impetrationem moleste accipientem id Abbate abstulisse, nec ei nisi circa finem vitæ suæ, multorum precibus motum reddere voluisse; ³ scripsit autem ad *Herfastum*, ut *Baldwini* Clericos ab excommunicatione absolveret, quoad ipse utrâque parte audita litem dirimeret, quod quidem non multo post tempore factum est; Anno enim MLXXXI. res iterum ex præcepto ⁴ Regis *Wintoniæ* coram Archiepiscopis &c. ventilatur, & sententiam pro Abbate latam Rex ratam esse jubet, ut videre est ex Regis Charta in ⁵ Appendice edita.

⁶ “Dum *Romæ* esset, dedit ei Papa virgam
“pastoralem & annulum, & altare portatile

¹ Inter Eplæ *Lanfranci* Ep. XX. ² Pag. 62. *Leod.* 1623. ³ *Lanfranci* Epla. XIX. ⁴ *Willielmi I.* ⁵ Append. N. XII. ⁶ *Hermannus* Archib. in Append. N. XI. Chron. sub nomine *J. Bromton* p. 967. Monast. v. l. 1. p. 288.

48 *Antiquitates S. Edmundi Burgi.*

“ex lapide Porphyrico pretiosum in honore S.
 “*Mariæ & S. Edmundi Solempnitè ab ipso*
 “confecratum, dicens, “*si totum Regnum An-*
 “*glorum aliqua Excommunicationis causa à di-*
 “*vino cessaret officio; quamdiu altare istud in-*
 “*tegrum & illibatum custodire poteritis, nun-*
 “*quam à sacris Missarum solempniis pro ali-*
 “*qua prohibitione, nisi Papa hoc nominatim in-*
 “*terdixerit, cessabitis,”* Quod inter reliquias
 conservatum est; super quod quidem Altare hi
 versus scribuntur,

Altaris mensam cum reliquiis benè com-
ptam

Dat, sacrat hanc Nobis Baldwino Pater or-
bis,

Pontificum Sydus Alexanderque Secundus.

Quibus ædificiis *Baldwino* sedente auctus sit
S. Edmundus jam despiciamus.

“‘Fuit quidam vir honorabilis, *Alboldus* no-
 “mine, Sacerdos; qui licentia *Baldwini* Ab-
 “batis fecit Turrim non parvam, & adhæren-
 “tem ei Capellam in memoriam *S. Margaretæ*
 “virginis, ubi postmodum inclusa est *Langli-*
 “*na* virgo Deo devota, quæ plures annos in

1 Reg. Alphabet. in verbo *Bury*.

“optima

“optima ibidem conversatione duxit vitam, et
“moriens ibidem sepulta est.”

¹ Ejusdem *Baldwini* temporibus primò *Thurstanus*, & postea *Tolinus*, Sacristæ erant; qui Ecclesia lignea & veteri complanata, Ecclesiæ nostræ fundamenta jecerunt, parietes extruxerunt, Presbyterium ad plenum confirmaverunt, et B. Martyris translationem procuraverunt. Feretra etiam Beatorum Martyrum & SS. *Botulfi* & *Firmini* laminis argenteis exculpserunt. De *Botulfo* autem & *Firmino* sive *Jurmino* plura, cum de iis, qui in Ecclesia hac sepulti sunt, ² agam.

Diruta Ecclesia lignea, cum omnia lapidea fierent, lapides nostris suppeditavêre ³ fodinæ de *Bernack* in Agro *Northamptonensi*, ⁴ ad Abbatem *Petroburgensem* pertinentes. Lapidés autem apud trajectum de *Gunwade* naviculis onerariis impositi in viciniam S. *Edmundi* devehebantur; cujus rei testes non longe à trajectu in *Castorfeild* duo adhuc oblongi lapides visuntur, qui in antiquis aliquot agrorum circumjacentium descriptionibus S. *Edmundi* lapides vocantur: quem quidem harum lapidi-

¹ Monast. vol. I. p. 300. ² Vide Append. N. XIII. ³ *Guntoz.* Antiq. *Petrob.* p. 4. ⁴ *Ingulfus* ad A. D. 1061.

50 *Antiquitates S. Edmundi Burgi.*

cinarum usum, non tàm benignitati *Petroburgensium*, quàm *Willielmi* 1. mandato debemus: quod hic, cum breviusculum sit, apponam.
 “¹ *Willielmus* Rex *Angliæ* Abbati de *Burgo*,
 “Salutem. Mando tibi & præcipio, ut permit-
 “tas Abbatem *S. Edmundi* sufficienter accipe-
 “re de petra ad Ecclesiam suam, sicut hæte-
 “nus habuit, & non amplius sibi impedimen-
 “tum facias in adducendis petris ad aquam,
 “quam antea fecisti. Teste Episcopo *Dunel-*
 “*mensi.*” Scribit quidem ²*Stovæus*, nescio quo
 Autore fretus, advectos ad Ecclesiæ fabricam
Cadomo in *Normannia* lapides: qui apud *Rat-*
lisden in terram expositi, inde vehiculis ad *S.*
Edmundum deportati sunt.

Dum hæc agebantur, ³ fecit idem *Baldwinus*
 Capellam *S. Stephani* de robore, in loco in quo
 infossa sunt ossa hominum, quæ levata sunt de
 atrio vel fundamentis novæ Basilicæ.

⁴ Obiit *Baldwinus*, eximiæ vir religionis, in
 bona senectute A. D. Mxcvii. Kal. *Januarii*
 FERIA VI. (vel ut ⁵ *Registrum Lakingbeth* IV.

¹ Reg. Nigrum, & Reg. Sacristæ fol. 23. p. 2. ² Pag. 90. *Lond.* 1615.
³ Reg. Alphabet. in verbo *Bury*. ⁴ Continuatio Chronici *Mariani Scoti*
 MS. in Bibl. *Lambethana*, & *Sim. Dunelm.* ad A. D. 1097. & ejus exscrip-
 tor *Rog. Hoveden.* fol. 267. pag. 2. *Franc.* 1601. ⁵ Penes D. *Stillingsfleet*
 Ep. *Wigorn.*

Kal. *Januarii* FERIA IIII. ætatis, ut putabatur, plusquam octoginta annorum) & in medio Choro principalis Ecclesiæ sepultus requiescit. Erravit ergo ¹ *Joannes Picardus*, qui *Hovedenum* malè citans, ait eum A.D. MLXXVII. obiisse.

R O B E R T U S.

A B B A S. IV.

Post trium annorum vacationem Abbatia data est *Roberto* ab *Henrico* I. regni sui die primo, videlicet II. Non. *Augusti* A.D. MC. Consecratus est, Die Dominica, Non. *Augusti*. ² *Willielmus* II. die qua obiit, in proprio tenebat Archiepiscopatum *Cantuariensem* cum aliis, & cum XII. Abbatis, quas aut vendebat, aut in firmum dabat, aut in manu sua tenebat; quarum una hæc *S. Edmundi* fuit. Erat hic *Robertus* filius *Hugonis* Comitis *Cestriensis* ex illegitimo concubio natus, in *Uticensi* *S. Ebrulsi* Ecclesia Monachus. Sic enim legimus in Charta *Willielmi* II. apud ³ *Ordericum Vitalem*, “*Hugo*

¹ Ante Ep. *Anselmi* ad *Baldwinum* Ep. L. II. 4. ² *Matth. Paris.* ad A. D. 1100. ³ P. 602.

52 *Antiquitates S. Edmundi Burgi.*

“*Cestriensis* Comes filium suum nomine *Rodbertum* in *Uticensi* Ecclesia ad monachatum Deo obtulit.” Et postea “¹ *Henricus* I. Abbatiam *S. Edmundi* Regis & Martyris *Rodberto* juveni, *Uticensi* Monacho, *Hugonis Cestriensis* Comitis filio dedit.” Eadem fere habet ² *Chronicon Eliense* à *Mabillonio* editum. “Ejus parens de regia stirpe descendens, illustrem sobolem sub veste monachica in *Bec- censi* Monasterio dedicavit.”

“³ A.D. MCII. ineuntibus *Henrico* Regni, *Rodberto* Præfulatûs annum III, Concilium in Ecclesia *B. Petri* in Occidentali parte juxta *Londoniam* sitæ præfidente *Anselmo* Archiepiscopo celebratum est, in quo ob Simoniam depositi sunt Abbates aliquot, alii que nondum sacrati remoti ab Abbatiis: absque Simonia vero remoti sunt ab Abbatiis, pro sua quisque causa, “*Richardus* de *Hely*, & *Robertus* de *S. Edmundo*, & qui erat apud ⁴ *Micelenei*.” ⁵ *Matthæus Parisiensis* concilium hoc *Londonii* in Ecclesia *S. Pauli* præfente Rege & Suffraganeis Episcopis, circa Festum *S. Michaelis* habitum memorat, in-

¹ P. 783. *Par.* 1619. ² Act. *Benedictin.* per *Dracherium* et *Mabillonium* vol. 3. pag. 653. ³ *Eadmer.* Hist. Nov. p. 67. ⁴ i. e. Abbatiam *Mutlensm.* ⁵ P. 58.

que eo Archiepiscopum Abbates quosdam, qui de manu Laicorum, & data pecunia Abbatias obtinuerant, degradâsse. *Robertum* quidem nostrum non nominat; ¹ Registrum autem *Joannis Lakingbeth* apertè dicit ideo “ejectum fuisse, quod Ecclesiam absque electione Monachorum canonica præsumpfisset acceptare.”

Dum Ecclesia nostra vacaret, literas dedit *Anselmus Alfero* Priori Monachisque consolatorias, quas habetis inter ² *Anselmi* Epistolas. Circa tempus quo depositus est *Robertus*, concessit ei *Henricus* I. Chartam de Warrena. “*Henricus* Rex *Angliæ* *H.* Episcopo, & *R. Bigot* & *Roberto Malet* & omnibus fidelibus suis in *Norfolc* & in *Suffolc*, Salutem. Volo & præcipio, ut Abbas *Robertus* de *S. Edmundo* habeat Warrenam in omnibus dominiis suis, ita ut nullus ibi venetur nisi per eum. Teste *Waldrico* Cancellario apud *Westmonasterium* in Natali Domini.” Erat autem ⁴ *Waldricus* Cancellarius circa A. D. MCIII. In Registro autem Sacristæ expuncto *Roberti* nomine ita legitur: ut Abbas & Conventus de *S. Edmundo* habeat War-

¹ Monast. vol. I. p. 295. ² Lib. III. Ep. 61. & 118. ³ Reg. Nigrum fol. 97. pag. 2. Reg. Sac. fol. 25. pag. 1. ⁴ *Spelmani* Gloss. in Catalogo Cancell. Lond. 1626. pag. 132.

54 *Antiquitates S. Edmundi Burgi.*

renam &c. quod deposito forte *Roberto* ab exscriptore factum est. ¹ Obiit *Robertus* A. D. MCVII.

R O B E R T U S II.

A B B A S V.

Indiculus Abbatum *S. Edmundi*, è ² Registro *Joannis Lakingbeth* in Monastico editus, quem hætenus in eorum successionebus secuti sumus, hoc loco paululùm deferendus est, manifestò deprehensus quod erret: *Robertum* enim hunc, Anno MCII. ab Archiepiscopo *Cantuariensi* consecratum, Abbatiam quinque annos rexisse, A. D. MCVII, XVI. Kal. *Octobris* obiisse, & demum Abbatiam per septem annos post illius mortem vacasse, tradit.

Hæc ita se habere non posse facit *Eadmeri* autoritas, qui eo tempore floruit scripsitque, imo & rei gestæ præsens interfuit; se enim ³ continuum *Anselmi*, dum viveret, comitem fuisse dicit. Is enim rem ita narrat. ⁴ “ Ipso “ anno (videlicet MCVII) *Anselmus* celebrata

¹ *Sm. Dunelm.* ad A. D. 1107. ² P. 295. ³ Novor. p. 123. ⁴ In vita *Anselmi*.

“Paschali solennitati in Curia Regis *Henrici*
“apud *Londoniam*, abiit ad Abbatiam *S. Ed-*
“*mundi*, electum inibi Abbatem sua Autoritate
“roboraturus, & alia quædam officia pontifi-
“calia pro suo jure celebraturus.” Et in *Hi-*
“*storia Novorum*, “Soluta igitur Curia, *An-*
“*selmus* ad Abbatiam *S. Edmundi* vadit, cru-
“cem magnam ibi consecraturus, & alia quæ-
“dam episcopalia officia administraturus.” Et
postea. “² In subsequenti etiam Feria v. sacra-
“vit in ipsa ³ sede, ⁴ *Robertum* Monachum Cœ-
“nobii *S. Petri Westmonasterii*, ad regimen Ab-
“batiae *S. Edmundi*. Feria scilicet v. post Do-
“minicam diem, ⁵ quæ fuit *III. Id. Augusti* ;”
Incidit autem eo anno (videlicet *mcvii*) dies
Dominica in *III. Id. Augusti* ; certum itaque
fixumque habemus consecrationis *Roberti* no-
stri secundi diem annumque : scilicet diem *Au-*
“*gusti* xv. five diem Assumptionis *Mariæ* A. D.
mcvii. Non ergo consecratus erat A. D. *mcii*.
nec obiit *xvi. Kal. Octob.* A. D. *mcvii*. quod

¹ Pag. 90. *Lond.* 1623. ² Ibidem p. 92. ³ Sede Metropolitica *Cantu-*
tuar. ⁴ Erat *Robertus* hic Prior Monast. *S. Edm.* vide *Rad. de Diceto* de
Archiep. *Anglic.* *Anglia sacra.* part. 11. p. 687. *Lond.* 1692. ⁵ Disertis
verbis asserit *Eadmerus*, *Anselmum* die Dominica consecrationem *Ro-*
berti præcedente sc. *III. Idus Augusti* v. Episcopos in sede *Cantuariensi*
consecrâsse, et *Robertum* ipsum feria v. sequente.

vult Indiculus. Cum ergo legamus passim apud ' Historicos nostros *Robertum* A. D. MCVII. obiisse, intelligendi sunt de *Roberto* primo, non secundo: nec vacavit Abbatia septem annos post *Roberti* II. obitum, sed potius v. annos ante ipsius promotionem, videlicet, à *Roberti* I. depositione: uti postea videbimus.

Reposita temporum serie, quam luxaverat Autor Indiculi, procedamus. Deposito *Roberto* primo, mirum in modum exarsit celebris illa de Investituris per Laicorum manus controversia: qua flagrante, Rex Abbatiam *S. Edmundi*, è qua ejectus fuerat Abbas quem ipse ad eam promoverat, ipse sibi arripuit, detinuitque tantisper, dum sedata paululùm lite *Robertus* secundus à Monachis in Abbatem electus est; electi benedictionem ab Archiepiscopo *Anselmo* hac formula petentibus Monachis. “² Domino & Patri *Anselmo* Archiepiscopo *Elferus* Prior & cuncta Congregatio *S. Eadmundi*, Salutis perpetuæ infinita gaudia. Notificamus Vobis quod Dominus iste *Robertus* vir bonus est, & bene religiosus: de quo etiam

¹ Chron. *Saxon.* ad A. D. 1107. *Sim. Dunelm.* de gestis regum, ad eundem annum. ² Prioratus *Eccles. Christi Cantuar.* de Privilegiis &c. p.

“mandamus, quod illum, sicuti unum de no-
“stris, nobis ad Abbatem elegimus, cui tan-
“quam Patri Spirituali ad obediendum parati
“sumus. Unde Vos obsecramus, ut eum ad Ab-
“batem benedicatis nobis. Valete.” Quod, ut
supra diximus, factum est *Aug.* xv. A. D. mcvii.
Hæc autem Monachorum petitio nullo modo
Roberto I. convenit, “qui ‘ sine electione Con-
“ventus, eis à Rege datus erat.”

Eodem anno, quo *Robertum* consecravit,
“² magnam crucem à *Galfrido* Sacrista per
“*Wobancum* pictorem præparatam, & infra
“dorsum imaginis multis ab ipso reliquiis re-
“conditis, dedicavit *Anselmus*,” ad quam cru-
cem fabricandam lignum sponte sua fissum re-
fert Autor Registri ³ prædicti.

Hujus etiam, ut puto, *Roberti* tempore Pa-
rochiana Ecclesia Villæ antiqua & lapidea in
memoriam Beatæ *Mariæ* constructa, pro ex-
tendendis dextri brachii novi Monasterii fun-
damentis destructa est, iterumque à prædicto
⁴ *Galfrido* Sacrista, ad Australem angulum cœ-
meterii versus Occidentem constructa.

¹ Chron. *Jo. Bromton* nomine Editum p. 997. ² Reg. Alphabet. in
verbo *Bury*, & *Eadmer*. Hist. Nov. p. 90. ³ Sc. Reg. Alphabet. ⁴ Reg.
Alphabet. in verbo. *Bury*.

Idem cum hoc *Galfrido* est “¹ *Godefridus*
 “ille Sacrista, vir staturæ fere gyganteæ, qui
 “magnus corpore, sed major animo, Refecto-
 “rium, Capitulum, Domum infirmorum, &
 “Abbatis Aulam consummavit ad plenum;
 “magnam item Campanam non levi pretio
 “comparavit.” Quæ Campana nescio an ea-
 dem sit, quam intelligebat ² *Joannes Major*
Scotus, cum de *S. Edmundi Burgo* verba fa-
 ciens dixerit, “illic fertur esse maxima Cam-
 “panarum totius *Angliæ*.”

³ Sub hoc item *Roberto*, non sub primo, di-
 visio portionum Abbatis & Conventûs primò
 facta videtur. Chartæ enim *Henrici*, qua ea
 partitio, aliâque rata habentur, subscripsit *Tho-*
mas Eboracensis, qui A. D. MCLX. ad Archiepis-
 copatum provectus est. Tenor autem Chartæ
 hujusmodi est: “⁴ *Henricus Rex Angliæ H. E-*
 “piscopo *Norwicensi*, & Vicecomitibus, & om-
 “nibus Baronibus & Fidelibus, & omnibus Mi-
 “nistris suis de *Norfolk* & *Suffolk*, & ubicun-
 “que *S. Eadmundus* habet terras, Salutem.
 “Notum sit vobis, quod volo & præcipio, ut
 “partitio facta à *Roberto Abbate S. Eadmundi*

¹ Monast. vol. 1. pag. 300. ² Hist. Majoris fol. 38. p. 2. Par. 1521.
³ Reg. in Archivis Archidi. Sudbur. ⁴ Reg. Sacristæ fol. 25. pag. 1.

“de omnibus redditibus Abbatiae stabilis sit
“in perpetuum, ut Abbas scilicet *S. Eadmundi*
“liberè habeat omnia maneria & redditus suos
“pro se, & Prior & Conventus habeant libe-
“ram dispositionem omnium maneriorum &
“reddituum suorum. Et Regales Ministri, tem-
“pore vacantis Abbatiae, nullam potestatem si-
“bi attrahant in maneriis praedicti Conventus,
“nisi de illis dignitatibus & libertatibus, quæ
“ad Coronam pertinent, quas *S. Eadmundus*
“habet, & habere debet plenè in omnibus dig-
“nitatibus & libertatibus per VIII. hundredos
“suos & dimidium, super omnes homines, de
“quibus omnibus *S. Eadmundum* sayfitum in-
“veni, die qua frater meus Rex *Willielmus* fuit
“vivus & mortuus. Concedo & confirmo con-
“ventui *S. Eadmundi* in perpetuum liberam
“electionem in Abbate sibi eligendo de domo
“sua propria, sicut Rex *Eadwardus* eis ean-
“dem libertatem dedit, & Charta sua, quam
“vidi, confirmavit. Teste *Th. Archiepiscopo*
“*Eboracensi*.

Ecclesiam annos quinque rexit; obiit ergo
A. D. MCXII.

A L B O L D U S.

A B B A S VI.

Post *Roberti* II. excessum ab A. D. MCXII. vacavit Ecclesia usque ad A. D. MCXIV. duobus his annis si quinquenium addas, quo vacavit Abbatia post depositionem *Roberti* I, habes septem illos annos vacationis, de quibus in Indiculo mentio, licet non continuos.

Quid hic vacante sede factum est, audi.
 “*Cryptam S. Mariæ* infra Ecclesiam *S. Edmundi* dedicavit *Radulphus*, primitus Episcopus *Roffensis* & postea Archiepiscopus *Can-
 tuariensis*, vir bonæ famæ & religionis; &
Baldwinum venerabilem virum, electione facta post mortem *Alpheti* Prioris, ex Suppriorum ad Prioratum provexit. Nam Abbatia *B. Edmundi* in manu Regis post decessum *Roberti* Abbatis erat; & *Baldwinum* ad Abbatem ejus Fratres promovissent, nisi Rex obstitisset.” (Erat hic forte *Baldwinus* ille Monachus, qui *Anselmo* tam egregiam præstiterat

1 Reg. Alphabet. in verbo *Bury*.

operam tam *Romæ* quam in *Anglia*, fervente negotio de Investituris, & cujus tam frequens apud ¹ *Eadmerum* mentio, cæque de causa Regi merito suspectus.) ² “Ecclesiam vero B. *Edmundi* & Fratres ibidem Deo servientes “idem *Radulphus* charè semper dilexit, & “pontificalia officia, quotiens invitatus fuisset, “eis persolvebat.” De *Radulpho* autem Monachi, ne ingrati essent, referunt “³ binas Columbas cum, dum in Cœmeterio Fratrum circa locum illum ubi nunc est Capella S. *Andræ* Apostoli baptizatos confirmaret, circumvolitâsse, & ingredienti in Ecclesiam à “divino opere per posterulam, quæ versus Capellam S. *Edmundi* est, comites se addidisse. “Cujus miraculi testes pueros tres de Schola “Monachorum, *Radulphum* (scilicet) postea “Sacristam, *Wydonem*, & *Walterum* tunc fu- “perstitem, cum hæc scriberet,” nominat Registri Autor.

Alboldum quod spectat, erat is ⁴ Monachus Cœnobii S. *Marie Beccensis*, ⁵ quem *Anselmus* Archiepiscopus ad Regem in *Normanniam* de-

¹ Hist. Nov. p. 65. & alibi. ² Reg. Alphabet. in verbo *Bury*. ³ Ibidem. ⁴ *Eadmerus* p. 111. *Lond.* 1623. ⁵ Ibidem p. 107.

legavit, unà cum *Odone* Decano *Cicestriensi*, in negotio quod ei erat cum *Thoma Eboracensi*: 'postea Prior *S. Nichasii de Molent*. Electi autem consecrationem his verbis petunt, & impetrant Monachi. “²Venerando Patri Archiepiscopo *Radulpho* Fratres *S. Eadmundi* Ecclesiae, Orationes devotissimas. Requiritur à Vobis, Pater Reverendissime, ut benedicatis nobis hunc Dominum, *Alboldum* nomine, in Abbatem Ecclesiae nostrae, quia elegimus illum unanimi corde ac voce sicut probum & iustum, & per omnia, prout intelligimus, idoneum ad huiusmodi ministerium. Vale, Pater in Christo.”

“³Dehinc (inquit *Eadmerus*) Kal. *Novembris* A. D. MCXIV. *Radulphus* Archiepiscopus sacrauit *Cantuarie* in Metropoli sede *Alboldum* ad regimen Abbatiae *S. Edmundi*.”

*Hic forte unus de alienigenis erat, de quibus apud *Eadmerum* mentio.

Indiculus *Joannis Lakingbeth* in Monastico editus tradit, “eum Ecclesiam quinque annos rexisse; obiisse autem A. D. MCXIX. Kal.

¹ Monast. vol. 1. pag. 295. ² Reg. Eccl. Xti. *Cant.* de Privileg. pag. 334. *Gervasius* de Actis Pontiff. *Cantuar.* pag. 1660. ³ Hist. Nov. p. 111.
⁴ Ibidem pag. 110.

“*Martii*,” hoc insuper addens, “Iste primò de-
“dit *Mauritio* de *Windeſbore* officium Senef-
“chalſiæ in fœdum, & quinque fœda militum.
“*Ordericus Vitalis* ſic obitum illius refert, “A.D.
“MCXX. *Alboldus Hieroſolymitanus*, *Beccen-*
“*ſis* Monachus, S. *Edmundi* Regis & Marty-
“ris de *Bedrici* Rure Abbas, ſubito mortuus
“eſt.”

A N S E L M U S.

A B B A S VII.

Anſelmus S. *Anſelmi* è ² ſorore nepos, ³ Ab-
bas S. *Sabæ* in *Roma*, Domino Papæ familia-
ris, qui diebus beati avunculi ſui plurimo tem-
pore in *Anglia* degens, pro manſuetudine ſua
ab indigenis terræ quaſi unus eorum delige-
batur, Abbatiam poſt *Alboldum* accepit. Is
aliquot ante annis, anno ſcilicet MCXV. cum
alacrem navâſſet operam, *Radulpho* Archie-
piſcopo *Cantuarienſi* in procurando Pallio, quod
ſecum eodem anno in *Angliam* detulit, ⁴ “à
“Rege in *Normannia* cum honore ſuſcipitur,
“ac pro ſua ſollicitudine dignitati Regni *An-*

¹ P. 872. ² *W. Ma'm'b.* p. 131. ³ *Eadmer.* Hiſt. Nov. p. 112. ⁴ I-
bidem.

“*glorum*

64 *Antiquitates S. Edmundi Burgi.*

“*glorum* impenſa dignæ grates perſolvuntur.”

¹ Eodem anno, in Conventu *Westmonaſterii* XVI. Kal. *Octobris* habito, Epiſtolam Papæ Regi & Epiſcopis *Angliæ* dedit.

² Anno ſequente “circa menſem *Auguſtum* “reverſus à *Roma*, venit *Normanniam* ad Regem *Henricum* Literas Apoſtolici deferens, “quæ ſibi vices Apoſtolicas, in *Anglia* admiriſtrare concedebant.” Rei inſolentiam mirati Epiſcopi, Abbates & Nobiles in *Anglia*, habito *Lundoniæ* conventu, ſuadent *Radulfo* Archiepiſcopo, quem maximè res hæc reſpiciebat, *Romam* iret, & hæc nova annihilaret; quod ille cum faceret, *Anſelmus Rothomagi* fruſtra legationis ſuæ exercendæ gratiam præſtolabatur, quam cum à Rege nullo modo impetrare poſſet, morabatur tamen cum eo *Rothomagi*, ³ pecuniam quæ B. *Petro* de *Anglia* quotannis pendi ſolet, *Romam* reverſurus cupiens ſecum habere. Hæc de *Anſelmo* noſtro *Eadmerus* tradit.

Repulſam in re legationis paſſus, tandem *S. Edmundi* Præſulatum adipiſcitur, inque eo

¹ Videſis hanc Ep. in *Eadm. Hiſtor.* pag. 114. ² Ibidem pag. 118.
³ Ibidem pag. 121.

à *Radulfo Cantuariensi* circa annum MCXXI. confirmatus est.

“ ‘Primo tempore quo venit ad Abbatiam,
“ proposuit ire in peregrinatione ad *S. Jacobum*
“ Apostolum, sed sapientes Abbatiae laudave-
“ runt fore salubrius, si Ecclesiam in memo-
“ riam Apostoli construere & dedicare faceret ;
“ ad quod ipse adquiescens condidit Ecclesiam
“ *S. Jacobi* ; & ad ejus petitionem eam de-
“ dicavit *Willielmus Curbius* Archiepiscopus
“ *Cantuariensis* ; & sequente dedicationem ejus-
“ dem die, Capella infirmorum domûs Mona-
“ sterii ab ipso in memoria summi Archangeli
“ *Michaelis* consecrata est.”

Quinquaginta jam & amplius anni effluxe-
rant, ex quo *Baldwinus* privilegium suum ob-
tinuerat ; quo tempore toto, ne unica quidem
Bulla *Româ* ad nos venit, donec *Anselmus*
² *Willielmum* Archiepiscopum *Cantuariensem*
Romam, ut pallium peteret, euntem comita-
tus anno MCXXIII. aliam obtinuit, ex quo tem-
pore frequentes huc advolare cœpère. Is au-
tem à *Calixto* II. ³ impetravit, “ ut Monaste-

¹ Reg. Alphabet. in verbo *Bury*. ² Continuator *Mariani Scoti* MS. in Biblioth. *Lambeth. Florent. Wigorn.* ad A. D. 1132. ³ Reg. Sacristæ fol. 11. Reg. Nigrum. fol. 54. pag. 2.

66 *Antiquitates S. Edmundi Burgi.*

“rium S. *Edmundi* ab omni Secularium jugo
 “liberum sit, eâ in perpetuum libertate, quâ
 “*Willielmus* Rex illud invenit, & à tempore
 “suo esse constituit; ut id nemo perturbare,
 “vexationibus fatigare, possessiones ei jam col-
 “latas, vel in posterum conferendas minuere,
 “auferre, vel ablatas retinere audeat; ut Chri-
 “fina, Oleum sanctum, Consecrationes Alta-
 “rium, Basilicarum, & Tabularum, Ordina-
 “tiones Monachorum suorum, & cætera Epi-
 “scopalia à Catholico Episcopo recipiant; ut
 “in gravioribus negotiis sedem Apostolicam
 “appellent; ut, si locus ille in Episcopatum fue-
 “rit commutatus, nullus ibi ullo tempore nisi
 “Monachus in Episcopum ordinetur; demùm,
 “ut omnes devotionis causa ad S. *Eadmundum*
 “convenientes, de accepta peccatorum suo-
 “rum pœnitentia xx. remissionis dies habeant.”
 Quod Privilegium *Lucius* II. Papa Kal. *Aprilis*
 A. D. MCXLIV. Indictione VII. iisdem verbis
 confirmavit, nisi quod in posteriori hac Bulla
 omittatur clausula de loco in Episcopatum per-
 mutando.

“ Altaria S. *Martini* Episcopi, & S. *Sabæ*

1 Reg. Sacristæ fol. 11. pag 2. Reg. Nigrum fol. 52. 2 Reg. Alpha-
 bet. in verbo *Bury*.

“ Abbatis, & Porticum S. *Fidei* Virginis & Mar-
“ tyris super Porticum S. *Dionysii* infra majus
“ Monasterium, & Ecclesiam S. *Mariæ* Paro-
“ chiam villæ, & Capellam S. *Andræ* Apostoli
“ in cœmeterio Fratrum, & Capellam S. *Margaretæ* Virginis & Martyris ad Australem
“ portam majoris cœmeterii, jussu *Anselmi* Ab-
“ batis dedicavit *Joannes Roffensis* Episcopus.
“ Causam vero aliquorum istorum Sacrariorum,
“ aliorumque constitutionis hic ponere, propter
“ ignorantiam futurorum, non tardabo.

“ Fuit *Anselmus* primum Abbas S. *Sabæ* in
“ urbe *Roma*, & ideo memoratum altare ei
“ construere, & desuper pingere fecit.

“ Capellam S. *Andræ* Apostoli ædificare, &
“ depingere item fecit *Anselmus* Abbas & *Her-*
“ *væus* Sacrista pro parva quadam Capellula
“ lapidea, quæ fuit juxta hospitia Sacristæ o-
“ lim in magna veneratione sanctitatis; quam,
“ ut annem dilatarent, & quia non fuit in ap-
“ to loco, destruere fecerunt; atque ut in hac
“ nova Capella, cum *Placebo* & *Dirige*, quoti-
“ diè memoria sepultorum in cœmeterio fieret,
“ tam ab ipsis quam à tota congregatione, tunc
“ temporis constitutum est.

“ Capella S. *Margaretæ* ab *Albodo* Sacerdo-

68 *Antiquitates S. Edmundi Burgi.*

“te, uti supra vidimus, constructa, tempore
“*Anselmi* dejecta est, & præmissa Ecclesia ei-
“dem Virgini ædificata.

“Altare S. *Crucis* retro chorum dedicavit
“*Albericus Hostiensis* Episcopus, qui functus
“est Legatione totius *Angliæ* tempore *Stepha-*
“*ni* Regis, & hæc dedicatio in Vigilia S. *Ed-*
“*mundi* facta est. *Anselmus* Abbas tunc *Ro-*
“*mam* iverat.

“Tempore ejusdem Abbatis, & *Stephani*
“Regis, quando *Himerus Tusculanensis* Epi-
“scopus est Legatione *Angliæ* functus, *Rotroth*
“Episcopus *Ebredunensis*, qui cum ipso venit,
“ipsius jussu dedicavit Capellam Domûs infir-
“morum extra villam S. *Edmundi* in memo-
“ria B. *Petri* Apostoli, & tunc Abbas *Ansel-*
“*mus* nequaquam domi aderat.”

Quin & eodem tempore *Radulphus* & *Hervæus* Sacristæ erant. Laudes, quas *Hervæus* à Monachis retulit, ob operam in Monasterio amplificando, & villa murorum ambitu cingenda, & ob alia animi munifici testimonia, Monachi verbis descriptas in Appendice habes².

Ante annum MCXXXVI. concessæ sunt *Ansel-*

¹ Monast. vol. 1. p. 300. ² Append. N. XIV.

mo Nundinæ apud S. *Edmundum* hac Charta.
“*Henricus Rex Angliæ Eborardo* Episcopo
“*Norwicensi*, & Vicecomitibus, omnibusque
“Baronibus, & Fidelibus, & Ministris suis de
“*Northfolc & Suffolc Francis & Anglis*, Salu-
“tem. Sciatis me concessisse *Anselmo* Abbati
“de S. *Edmundo* ut habeat Feriam apud S.
“*Edmundum* quoque anno VI. dierum, vide-
“licet, trium dierum ante Festum S. *Jacobi*
“Apostoli, & duorum dierum post Festum, &
“in die Festo. Et volo, & firmiter præcipio,
“ut omnes, qui venerint ad Feriam, habeant
“meam firmam pacem eundo & redeundo; &
“in Feria, dando suas rectas consuetudines: nec
“aliquis eis super hoc injuriam vel contume-
“liam faciat. T. *Thurstano* Archiepiscopo *Ebo-*
“*racensi* apud *Rothomagum*.”

Narrationem Electionis *Anselmi* in Episcopum *Londinensem*, ejusque amotionem, quam solus, quod sciam, è Veteribus *Radulphus* de *Diceto* nobis scriptam reliquit, ¹ ipsius verbis descriptam accipite.

A. D. MCXXXVI. vocati sunt ad concilium *Willielmus* Decanus *Lundoniæ* simul & Cano-

¹ Reg. Sacristæ fol. 24. p. 2. & Reg. Nigr. fol. 95. ² Inter x. Scriptores *Lon.d.* 1652. pag. 506.

nici. Cum autem haberetur tractatus de consilio *Lundoniensis* Ecclesiæ tunc vacantis, nec in aliquem possent unanimiter convenire, recesserunt à Decano Canonorum multi, citra conscientiam ejus *Anselmum* Abbatem in Episcopum eligentes. Canonici vero, quos Decanus habebat secum in mensa diebus singulis, appellaverunt, nec Regis occurrerunt offensam. Canonici quidem alii, quia quod fecerant tam Regi quam toti Concilio videbatur iniquum, Regis indignationem plurimam meruerunt, quorum aliqui bonis suis spoliati sunt.

A. D. MCXXXVII. *Willielmo* Decano *Lundoniæ* consanguinei sui maximè restiterunt, non quæ Dei, sed quæ mundi sunt, sapientes. Secum igitur clanculò thesauros asportantes Ecclesiæ *Lundoniensis*, secum etiam suum assumentes Electum multa subfarcinatum pecunia, *Romæ* Papam *Innocentium* invenerunt, & *Petrum Leonis* Schismaticum. Quid in tanto turbine rerum aura marsupii rubiginosi potuisset efficere, probavit eventus. Nam illis in *Angliam* revertentibus, electus eorum *Anselmus* in Ecclesia Doctoris Gentium *Pauli* solemnī processione receptus est: à Clericis exegit obedientias, possessiones omnes ad Ecclesiam pertinentes,

tes, Castellum quoque de *Stroteford* in sua dominatione recepit, & agens potestativè, licenter à militaribus viris homagia, relevationes, ab hominibus inferioris manûs fidelitates extorsit.

A. D. MCXXXVIII. *Ordingus* Prior apud S. *Edmundum* in Abbatia successit *Anselmo*

Magister *Radulphus* de *Langeford*, & *Richardus* de *Belmeis* Fratres & Concanonici, Clerici-que domestici *Willielmi* Decani *Lundoniæ*, reddituri causas Appellationis, tam à Domino Papa, quam ab *Americo* Cancellario benignè recepti sunt in Consistorio. Causa diutius ventilata Suffraganeorum omnium *Cantuariensis* Ecclesiæ testimoniis robur accepit.

Thurstanus etiam *Eboracensis* Archiepiscopus Domino Papæ scripsit in hæc verba, “Significavit nobis Paternitatis vestræ Dilectio de
“vita & opinione *Anselmi* Abbatis S. *Edmundi* aliquid inquirere & Vobis renunciare: ad
“quod Vobis rescribimus, quod si vitam & opinionem ejus sequamur, multo tutius est cum
“ab Abbatia remove, quam in *Lundoniensi*
“Ecclesia promovere.” Cum igitur Dominus Papa super quæstione proposita longum cum Cardinalibus habuisset tractatum; *Albericus*
Ho-

Hostiensis Episcopus, quod sequitur, pronunciavit in publicum. “Quoniam Electio Canonicorum *Lundoniensium* citra conscientiam & assensum Decani facta fuit, cujus est officium in eligendo Pastore suo de jure primam vocem habere, Nos eam auctoritate B. Petri devocamus in irritum.

“*Anselmus* ab Ecclesia *Lundoniensi* semotus vix in suam Abbatiam recipitur *Ordingo* repulso.”

Ordericus Vitalis hujus facti meminit quidem, sed breviter, id enim solum dicit, “pro *Gisleberto*, cognomento *Universali*, *Lundoniensi* Episcopo qui nuper defunctus est, *Anselmus*, *Anselmi* Archiepiscopi nepos, Abbas *S. Edmundi* Regis subrogatus est.”

In hac re enarranda labitur omnino *Godwinus* noster, *Willielmum* Decanum, *Radulphum Langford*, & *Richardum Beaumes*, *Anselmi* ad Episcopatum fuisse electores tradens; cum, ut supradictum est, ideo amotus fuerit, quod sine electione, five citra conscientiam Decani, id muneris arripuisset. Verbo dicam, adeo contraria est Reverendi Viri narratio *Ra-*

1 Ibidem p. 507. 2 Hist. Eccl. p. 908. ad A.D. 1136. 3 De Præsul. p. 117. *Cantab.* 1743.

dulphi de *Diceto* menti, ut vix putem eum *Radulphum* (quem tamen hic citat) unquam vidisse.

¹ A. D. MCXL. magnum incendium factum est apud *Bury*, quod quidem miræ illi traditioni forte ortum dedit, quod sic refert *Joannes Sarisburiensis* in ² *Vita Anselmi*. “Vicū
“quendam B. *Edmundi* incendium occupavit,
“& domum cujusdam, qui B. *Anselmi* Alum-
“nus fuerat, & nihil aliud habebat, jam in-
“vaserat ignis edax, qui universa consumit;
“non erat homini solatium, cum ecce Frater
“unus monet, ut nutritoris sui *Anselmi* me-
“minerit, eique committat domum, qui flam-
“mas extinguere consuevit. Paret ille, & non-
“dum finita Oratione Dominica domum suam
“ab incendio sine læsione miratur, & lætatur
“exemptam.

A. D. MCXLVII. Kal. *Julii* ³ *Eugenius* III. Bullam à ⁴ *Lucio* II. datam confirmavit, rataque insuper habuit possessiones, quas *Anselmus* Fratrum usibus addiderat.

Obiit III. nonas ⁵ *Januarii* A. D. MCXLVIII.

¹ Chron. *Eliense* MS. in Biblioth. *Lambeth*. ² P. 176. ³ Reg. Nigr. fol. 95. Reg. Sacristæ fol. 12. p. 2. ⁴ Ante citatam pag. 56. ⁵ Monast. vol. 1. pag. 295.

74 *Antiquitates S. Edmundi Burgi.*

vel, ut ¹ *Radulphus* de *Diceto* tradit, pridie Kal. *Augusti*, cum sedisset annos xxvi.

O R D I N G U S.

A B B A S VIII.

² *Anselmo* sedem *Londinensem* occupante, A. D. mcxxxviii. electus est in Abbatem *Ordingus* Prior. Eo autem, ut supradictum est, ab Episcopatu repulso, & ad Abbatiam redeunte, five volens, five nolens *Ordingus* loco cessit. Anno autem mcxlviii. cum *Anselmus* mortuus esset, sedem iterum capeffit, ejus bis successor. Cui *Stephanus* Rex Abbatiam cum libertatibus suis concedit, per Chartam in Monachorum ² Registris conservatam, quam eam ob causam in Appendice integram posui, quod pleniorum contineat consuetudinum *Saxonicarum* enumerationem, & vocabulum unum vel alterum, quod frustra fortasse alibi requiras.

Cum Abbates *S. Edmundi* corredium quoddam à Cellario in mensæ suæ subsidium per-

¹ *Angl. Sacr.* vol. 2. p. 687. ² *Reg. Nigr.* fol. 99. *Reg. Sacristæ* fol. 25. p. 2. N. xvi.

cipere solerent, id *Ordingus* Priori & Conventui remisit; quod factum *Stephanus* Rex ita confirmavit. “*Stephanus* Rex *Angliæ* Archiepiscopo *Cantuariensi*, & Justiciariis, & Vicecomitibus, & Baronibus, & omnibus hominibus de honore *S. Edmundi*, Salutem. Scia-
tis me concessisse & confirmasse illam quietationem, quam *Ordingus* Abbas de *S. Eadmundi* fecit Priori & Conventui ejusdem Ecclesie; scilicet de corredio illo, quod Prædecessores sui Abbates illius Ecclesie habere solebant de Cellario Monachorum, & Coquina eorum ad suam propriam mensam, salva sibi participatione mensæ Refectorii; sicut idem Abbas *Ordingus* inde eos quietos clamavit, & Charta sua confirmavit: & ut hæc quietatio in perpetuum perduret, præsentis Sigilli mei impressione confirmo, & Subscriptorum attestatione corroboro. *T. W. Mart.*
“&c.”

“*Ordingus* tempore *Stephani* Regis dedicari fecit Capellam *S. Ægidii* infra Navem Monasterii, desuper Altare *S. Joannis* Evangelistæ, à *Gaufrido* Episcopo de *S. Asaph*. in

1 Reg. Nigr. fol. 100. p. 2. Reg. Sacristæ p. 26.

76 *Antiquitates S. Edmundi Burgi.*

“*Wallia*, relaxatis piè requisitoribus jam di-
 “*ctæ* Porticûs in die Festivitat^{is} ejusdem Sancti
 “*xv. diebus* de eorum pœnitentia.” Facta est
 hæc dedicatio inter annum MCLI. quo sedem
Asaphensem adeptus est *Galfridus* ille *Monmu-*
thenfis, (egregius historiæ *Britannicæ* aut Con-
 farcinator aut Interpres) & annum MCLIV,
 quo *Stephanus* Rex obiit.

Ordingo nostro librum suum de Infantia S.
Eadmundi inscripsit *Galfridus* de *Fontibus*;
 quod cum ignoraret vir doctissimus ¹ *Ger. Jo.*
Vossius, eum inter incertæ ætatis Historicos
 posuit, & *Pitsæum* errantem secutus, ut ille
Arnoldum Wion, è *Franciscanorum* Fratrum
 familia fuisse putavit; cum ante *Franciscum*
 natum scripta fuerit Historiola illa, sæpius à
 nobis, cum de S. *Edmundo* ageremus, citata.

Petente *Ordingo* *Eugenius* III. Papa “villæ S.
 “*Edmundi* redditus altaris servitio deputatos”
 Bulla, ad *Helyam* tunc temporis Sacristam da-
 ta, confirmavit: quam integram in ² *Appendice*
 habes. Eandem Bullam, ³ alia totidem verbis
 data *Romæ* apud S. *Petrum* IV. Non. *Maii*,

¹ De Historicis *Lat. Franc.* 1677. p. 704. ² N. xvii. ³ Reg. Nigr.
 fol. 98. pag. 2.

confirmavit *Hadrianus* IV. ad petitionem *Ordingi*.

“ ‘*Helyas* hic Sacrista, (Nepos *Ordingi* Ab-
“ batis, natus apud *Hinderclay*, cognomento
“ *Widewell*,) conflagratis omnibus Officiis do-
“ mus *S. Edmundi*, Abbatis Aulam, Refecto-
“ rium, Dormitorium, & Domum infirmorum
“ vetustam, & Capitulum reformavit ad ple-
“ num; & omnes alias Officinas in Curia in-
“ choavit ille, & primam manum apposuit:
“ quod Successores feliciter consummaverunt.
“ Tabulam etiam argenteam pretii C. marca-
“ rum ad magnum altare fabricari fecit, &
“ Festum Reliquiarum instituit. Erogationem
“ autem, factam diebus festivis per manum
“ Sacristæ, ipse fieri constituit; Crucem in Cho-
“ ro, & *Mariam* & *Joannem* per manus Ma-
“ gistri *Hugonis* incomparabiliter fecit inscul-
“ pi: Idem etiam *Helias* avunculum suum,
“ cum ei sua non sufficerent, tempore turbatæ
“ pacis, de bonis Sacristiæ, assensu conventûs
“ devotè ac piè adjuvavit:” quod tum factum
puto, cum, *Anselmo* ab Episcopatu ad Ab-

78 *Antiquitates S. Edmundi Burgi.*

batiam redeunte, *Ordingus* recedere coactus est.

'Sub *Ordingo* Abbate erat *Sithricus* Prior.

H U G O.

A B B A S IX.

A. D. MCLVII. *Hugo* è Priore *Westmonasterii* factus est Abbas *S. Edmundi*, cumque ab *Henrico Wintoniensi* Episcopo, Papæ Legato, confirmatus esset, à *Theobaldo Cantuariensi* Archiepiscopo Benedictionem accepit; teste *Gervasio* in Chronica sua ad hunc annum. “Be-
“nedixit *Theobaldus Cantuariensis* Archiepi-
“scopus *Hugonem* Abbatem *S. Edmundi* apud
“*Colecestriam*, accepitque ab eo Professionem
“de Canonica Obedientia.” Et in ¹ Registro
Ecclesiæ Christi Cantuariensis. “Anno ab in-
“carnatione Domini MCLVII. *Hugo* Monachus
“professus *Westmonasterii*, fecit hanc Profes-
“sionem *Theobaldo* Archiepiscopo *Cantuarien-*
“*si*, & Successoribus ejus, apud *Colecestriam*.
“Ego *Hugo Ecclesiæ S. Edmundi electus Abbas*
“profiteor *Sanctæ Doroberneni Ecclesiæ*, ejus-

¹ Reg. Sacristæ. ² De privilegiis p. 334.

“*que Vicariis Canonicam subjectionem.*” Hæc Professio si non unica sit ab Abbatibus nostris Archiepiscopis *Cantuariensibus* facta, sola tamen ex omnibus ad manus nostras pervenit. Si non primus eam Professionem fecit *Hugo*, ultimus, ut puto, fecit: *Alexander* enim III. Bulla, quam A. D. MCLXXII. VII. Id. *Aprilis* ad *Hugonem* & Conventum dedit, hoc eis indulgit. “In suscipienda vero Benedictione Abbas vester nulli Archiepiscopo vel Episcopo, sed soli *Ro-* *mano* Pontifici, ad cujus dispositionem idem Monasterium vestrum specialiter pertinet, obedientiam promittat, vel faciat Professionem.” Hanc aliasque Bullas per *Hugonem* impetratas Registrum Nigrum, Registrum Sacristæ, alique Monachorum Codices exhibent.

A. D. MCLXIII. Kal. *Junii*. Concilium *Turonense* celebratum est; in quo quid fecerit *Hugo* noster, audi ² Autorem Vitarum Abbatum *S. Albani*. *Roberto* [Abbati *S. Albani*] *Jacynthus* Cardinalis *S. Mariæ in Cosmidin* supra omnes Abbates *Anglici* regni primam sedem secundum privilegium Domini Papæ *Hadriani* IV. assignavit; & uni fervorum ejus [*Ro-*

¹ Reg. Nigr. fol. 62. p. 2. ² Inter additamenta ad *Mat. de Parij*. *Lond.* 1640. pag. 89.

berto sc. Janitori] fervandam tradidit: in illo namque privilegio de hac re ita scriptum reperitur: sicut B. *Albanus Anglorum* Proto-martyr esse dignoscitur, ita & Abbas Monasterii ipsius inter Abbates *Angliæ* primus omni tempore dignitatis ordine habeatur. Abbas vero *S. Edmundi*, *Hugo* nomine, prædictum Cardinalem agnoscens primam sedem Abbati *S. Albani* assignasse, nimia tristitia affectus, tota nocte diem illum præcedente, quo Domini Papæ Concilio cum aliis interesse deberet, primam sedem cum suis Apparitoribus arripuit; nec non famulum Abbatis *S. Albani* ab illo loco violenter expulit; totoque noctis illius spatio nusquam recedens pervigil servare studuit: sed metuens ne à Domino Papa, seu à Cardinalibus, prima sedes sibi ad suum dedecus auferretur, LX. marcas argenti (Fratre *Hamone* Monacho ibidem, quousque redderentur, detento) Curiae *Romanæ* se daturum sponpondit. Abbas verò *Robertus*, ut cognovit, ipsum in causam vocare noluit, quia Rex *Angliæ Henricus* II. omnibus Prælatiis, in regno suo *Angliæ* degentibus, ne aliquam querelam in qua libet re in Curia deponerent, interdixerat. Proinde Abbas *Robertus*, has injurias sibi & Eccle-

Ecclesiæ suæ illatas, æquanimiter tolerans, libertatem ac dignitatem, quam Monasterium sibi commissum in hac re à Papa *Hadriano* obtinuerat, nec non violentiam ipsi ab Abbate *S. Edmundi* illatam, in Curia cunctis videntibus coram Domino Papa exposuit; sicque, Pontificalibus ornamentis redinitus, juxta eundem Abbatem *S. Edmundi*, supra omnes alios refedit. Nec profuit eidem Abbati *S. Edmundi* dignitatem regalem Martyris ipsius allegasse.

Ab hoc *Hugone* introductæ sunt Sanctimoniales de *Linges* in *Norfolck*, & caesserunt Monasterium *S. Georgii* in *Thetford*, cedentibus Canonicis, intercedentibus autem *Willielmo* Episcopo *Norwicensi*, & *Gaufrido* Archidiacono *Cantuariensi*; cujus rei gestæ narrationem, ipsius *Hugonis* testimonio corroboratam, exhibeo in 'Appendice.

Cum exularet *Joannes Sarisburiensis*, multis officiis ab *Hugone* affectus, Epistolas ad eum tres dedit, quæ inter Epistolas *Sarisburiensis* loca 135. 179. 256. obtinent. Prima, ut puto, A. D. MCLXVIII. secunda A. D. MDCLXX. scripta est.

82 *Antiquitates S. Edmundi Burgi.*

Quin & amicitiam cum *Petro Abbate Celenſi* coluit, ut patet ex ejuſdem *Petri* ¹Epistolis duabus ad Abbatem *S. Edmundi* datis.

Hugone Abbatiae præſidente, erat forte Sacrista ²*Frodo* [five *Frondo*] “qui quingentas
“marcas terræ infodit; cui ſucceſſit *Williel-*
“*mus* cognomento *Shuch*, de quo nil inveni
“memoria dignum; huic ſucceſſit *Willielmus*
“cognomento *Wardell*; cui aliquando mini-
“ſtravit Dominus *Radulphus*, quondam Elee-
“moſynarius, in S. Sacriſtia, qui translationem
“S.S. *Botolphi* & *Firmini* procuravit. Quo in
“brevis mortuo, miniſtravit eidem in eodem
“officio Magiſter *Samſon* poſtea Abbas, qui
“tempore officii ſui pro maiore parte Chorum
“conſummavit, & unam iſtoriam in maiori
“Turri Occidentali.”

³ A. D. MCLXXV. Concilio *Westmonaſterii* celebrato interfuit *Hugo*; nec de eo aliud poſt hunc annum ſcriptum invenio, quam quod
⁴ A. D. MCLXXX de S. *Thoma* veniens, equo lapſus ceciderit, & ſic languore & ſenio deficiens obierit.

1. Ep. 83. 99. 2. Monast. vol. 1. p. 300. 3. Chronicon ſub nomine *J. Bromton.* 4. Suppl. ad *Flor. Wigorn.*

S A M S O N

A B B A S X.

Cum ab *Hugonis* morte annos duos & menses tres, secundum *Chronicas Jocelini*; annum unum & menses tres, secundum *Registrum J. Lakyngbeth*, Abbatia vacasset; *Samson* de *'Botington*, ² *Norfolciensis*, *S. Edmundi* Monachus, *Henrici II. Regis* ³ *Pœnitentiarius* factus est Abbas, & sacratuſ à *Richardo* Episcopo *Wintonienſi* II. Kal. *Martii* MCLXXXII. & XII. Kal. *Aprilis* à Fratribus susceptus est.

Abbas factus ⁴ *Willielmum Wardell* Sacristam non sine causa amovit ab administratione; cui successit Dominus *Hugo* Sacrista; *Hugoni* successit *Walterus* de *Banham*; *Waltero Willielmus* de *Disce*, “qui cum modo debito electus fuisset ad illud officium, & in illo à die “*S. Thomæ* Martyris usque ad Circumcisionem “*Domini* per IV. videlicet dies stetit, interrim sompnum oculi sui capere non poterunt, qui videns se ibidem proficere non posse, “suam ab Abbate *Samſone* petiit cessionem:”

1. Reg. *Staffham*. 2 Append. N. XIX. 3 Reg. *Pinchbeck*. 4 Monast. vol. I. pag. 300, 301. 5 Append. N. XX.

84 *Antiquitates S. Edmundi Burgi.*

post hunc venit *Robertus de Gravele*, qui, mortuo *Samfone*, à quibusdam in Abbatem electus est.

Quæ à Sacristis in amplianda, perficienda, ornanda Ecclesia, dum *Samson* ei præfuit, acta sunt, in ¹ Appendice habes; quæ ab ipso gesta sunt, temporum ordine, quantum conjecturis assequi possum, servato, deinceps tradenda sunt.

Et primò quidem consuetudines Burgenfium ² Charta sua, & consensu Conventûs confirmavit. [†] Dein facta cum Burgenfibus compositione, ut pro consueto redditu, qui *Repsilver* vocabatur, xx. solidos, pro redditu qui *Scharpeny* five *Schornpenny* dicebatur, iv. solidos annuatim solverent, pactus est; Dein ³ Hospitale S. *Salvatoris* extra Portam Septentrionalem pro languidis & infirmis fundavit, eique Custodem de Monachis dedit. De quo postea Hospitali lis orta est, quam narrabimus in *Richardo II.* Abbate.

Anno *Richardi I.* sexto *Samson* noster inter Regis Justiciarios recensetur in Registro Vestiarii.

¹ Append. N. xxi. ² Ibidem N. xxii. [†] Reg. Sacristæ Fol. 66. p. 2.
³ Reg. Nigrum.

“Idem ¹ domum Scholarium propriis fecit
“expensis, & redditum trium marcarum an-
“nualium Magistro reddendarum per Perfo-
“nam Medietatis de *Wetirden* eidem contu-
“lit; quam donationem A. D. MCIIIC. confir-
“mavit *Joannes* Episcopus *Norwicensis*: eo-
“dem autem tempore statuit *Samson*, ut om-
“nes Scholares, tam divites quam pauperes,
“ibi essent quieti in perpetuum à conduçãoe
“domûs; & XL. pauperes Clerici essent quieti
“ab omni exaóione versus Magistrum propter
“eruditionem ² suam: in quorum numero, pri-
“mò debent computari consanguinei Mona-
“chorum, dummodo pauperes sunt, & addi-
“scere volunt, & residuum numeri debet sup-
“pleri pro arbitrio Magistri Scholarium.”

A.D. MCXCVIII. Feretrum S. *Edmundi* com-
buritur.

A.D. MCC. pontificatûs *Innocentii* III. tertio,
regni Regis *Joannis* secundo, VIII. Idus *No-*
vembris, finita est lis inter Archiepiscopum
Cantuariensem & *Lambethanos* Canonicos, Ar-
bitris *Edmundo* Episcopo *Eliensi*, *Rogero* De-
cano *Lincolniensi* & *Samfone* Abbate S. *Ed-*

1 Reg. Curteys. 2 Suppl. ad Flor. Wigorn.

mundi. Cujus ¹ Sigillum arbitrii originali scripto appensum vidi; ex una parte habet Abbatem mitra caput redimitum, dextra baculum pastorale, sinistra librum gerentem, cum hac in circuitu inscriptione, *Sigillum Samsonis Dei gratia Abbatis S. Edmundi*; in altera parte, Agnus est cruciger his verbis, *Secretum Samsonis Abbatis*, circumscriptis.

Eodem anno “*Hugonem* v. Abbatem *Cluniacensem* apud *S. Edmundum* hospitio excepit, “sed quod ei locum primum non daret, discuti diversi sentiebant, & multa multi locuti sunt:” ut inquit *Jocelinus de Brakelond* apud ² *Clementem Reynerum*, qui multis quoque de hoc facto disputat.

³ A. D. MCCX. IX. Kal. *Octobris* Turris Ecclesiæ *S. Edmundi* impulsu venti cecidit.

Monasterium ære alieno valde gravatum levavit summa, qua pollebat, in administrandis rebus temporalibus, prudentia. Obiit autem III. Kal. *Januarii* A. D. MCCXI.

¹ In Archiv. Eccl. *Christ. Cant.* ² *Reyncri Discept. Hist. de Antiquit. Benedictinorum* in *Anglia* p. 162, 163. ³ Suppl. ad *Flor. Wigorn.* MS.

H U G O II.

A B B A S XI.

“Mortuo Abbate *Samsone* Abbatia vacans
“commiffa est *Nicolao Tusculanenfi* Episcopo
“*Januarii* xxv. anno Regis *Joannis* xv. ' Anno
“autem mcccxi. à quibusdam *Hugo de North-*
“*wold in Northfolcia*, Monachus *S. Edmundi*
“à quibusdam *Robertus de Gravele* Sacrista ad
“Abbatiam fuerat electus. Hic vero *Rob-*
“*tus*, durante inter ipsos non modico tempore
“controversia memorata, utrique parti expen-
“sas invenit sufficientes; cum autem contra
“eundem *Robertum* processu temporis proces-
“sum fuisset, & in officium Sacristæ aliquanto
“tempore post definitivam sententiam stetit
“set, electus fuit ad Abbatiam de *Thorney*.”
Schisma propter *Hugonis* electionem factum
² tandem per Judices à Papa delegatos sopitum
est, ipsèque ab iisdem delegatis confirma-
tus: ³ eodem anno viii. (vel ut alius ⁴ Codex
tradit v.) Idus *Martii* accepit Benedictionem
à *Benedicto Roffensi* Episcopo.

¹ Monast. Vol. I. p. 301. ² Sc. A.D. 1215. ³ Monast. p. 295. ⁴ Reg.
Lakyngheth, & Suppl. ad *Flor. Wigorn.*

“*Hugo*

88 *Antiquitates S. Edmundi Burgi.*

“*Hugo* factus erat monachus die Assumptionis S. *Mariæ* A. D. MCCII.” Et in eodem Codice dicitur electus in Abbatem communiter ab omnibus Fratribus; “sed non multò post schisma in Conventu propter electionem factum esse; & eodem anno, quo benedictus est *Hugo*, ignem succensum magnam partem villæ S. *Edmundi* consumpsisse III. Non. *Junii*.”

² Erat *Hugo* unus è Conservatoribus, sive Executoribus Crucis, quibus commissa erat jurisdictio in negotio Crucesignatorum. Obtinuit ille ab *Honorio* III. Bullas frequentes: primam, ut Oblationes fidelium in Ecclesia factæ in pios honestatis usus, secundum Abbatum loci sententiam erogarentur, nec contra ejusdem loci approbatam & antiquam consuetudinem aliter temeritate cujuscumque expenderentur; secundam, qua præcedentium Pontificum Regumque indulta confirmat; tertiam, qua donatio villæ de *Berton*, per nobilem virum *Robertum* de *Hese* facta, roboratur: data est hæc Bulla Reate IV. Non. *Januarii* pontificatus anno X. id est circa annum MCCXXVI. Invenio etiam *Innocentii*

¹ Suppl. ad *Flor. Wigorn.* ² *Prim. Collect.* vol. III. *Lond.* 1668. p. 110.

iv. ¹ Bullam *Hugoni* datam, prolixiore scripto libertates ratas esse iubentem; sed pro *Hugone* reponendus est *Henricus*, nam diu ante *Innocentii* iv. pontificatum ad Episcopatum *Eliensem* promotus erat *Hugo*. Idem Abbas “² Gildam Pistoribus concedit, ita ut nemo, qui non est Frater istius Gildæ, sine eorum consensu panem facere præsumat ad vendendum sub poena xx. solidorum; & *Willielmo* filio *Ingeredi* & hæredibus suis concedit hujus Gildæ esse Aldermannos.”

Anno viii. *Henrici* iii. *Hugo* noster aderat in obsidione Castrî de *Bedford*, illis omnibus stipatus, qui Abbati, Foedorum gratia, servitium militare præstare tenebantur; ut ex notula constat, “de Serjantiis *S. Edmundi* quo tempore D. Abbas personaliter suum facit servitium D. Regi in suo exercitu;” quam è Registris ³ Appendix exhibet.

Cum autem servitium hoc præstaret *Hugo*, ⁴cautum est, ne gratia Regi facta in obsidione Castrî de *Bedford*, traheretur ad consuetudinem, vel debitum; in qua obsidione aderant *Stephanus* Archiepiscopus *Cantuariensis* & *S.*

¹ Reg. *Pinchbeck* fol. 15. ² Reg. Sacristæ fol. 61. p. 2. ³ Appendix N. xxiii. ⁴ Reg. Sacristæ fol. 33.

Romanæ Ecclesiæ Cardinalis, & sui Suffraganei; aderant & alii, quorum nomina in Chartæ subscriptione apparent; 'quam ideo in Appendice habes.

² *Rexit Ecclesiam S. Edmundi XIV. annos. A. D. MCCXXIX. Consecratus est Episcopus Eliensis IV. Id. Junii. Obiit VIII. Id. Augusti A. D. MCCLIV. Anno consecrationis suæ in Abbatem XL. Anno pontificatûs sui XXVI.*

R I C H A R D U S I.

A B B A S XII.

Richardus de Infula, five de Ely, primò Sacrista, five, ut volunt ³Annales Burtonienses, Prior S. Edmundi, deinde Abbas Burtoniæ, ad Abbatiam demum S. Edmundi electus est Non. Junii A. D. MCCXXIX. Confirmatus est ab Hugone Eliensi. ⁴Installatus in die S. Edmundi, præsentibus Richardo magno Cantuariensi Archiepiscopo, Hugone Eliensi, ac quam pluribus aliis Episcopis, & Magnatibus Angliæ.

¹ Append. N. xxiv. ² Monast. p. 295. ³ Ad A. D. 1229. ⁴ Ibidem.

¹ *Henricus* III. *Angliæ* Rex *Richardo* Charta sua concedit, “quod placita Coronæ ubi vita, vel
“membrum jacet, quæ per sectam in Curia
“ipsius Abbatis versus appellatum consueverunt
“deduci & terminari per iudicium ignis & a-
“quæ, (quod modo locum non habet) de cæ-
“tero deducantur, & terminentur in eadem
“Curia per inquisitionem faciendam per sacra-
“mentum proborum & legalium hominum ma-
“nentium infra libertatem ejusdem Abbatis
“&c.” T. H. de *Burgo* Com. *Cant.* Justicia-
“rio nostro &c. Dat. per manum venerabilis
“Patris *Radulphi Cicesfriensis* Episcopi Can-
“cellarii, apud *Wodestock* Maii iv. Anno Regni
“xv. Quin & ² Protectionem eidem dedit *Ja-*
“*nuar.* xxx. apud *Westmonast.* anno eodem.
Rexit Ecclesiam v. annos. Obiit. vi. Kal. *Sep-*
tembris MCCXXXIV. ³

H E N R I C U S I.

A B B A S XIII.

⁴ *Henricus* Prior *S. Edmundi* electus est in
Abbatem in die SS. *Cosmi & Damiani*, & sus-
cepit Benedictionem ab *Hugone Eliensi* Epi-

¹ Reg. Sacristæ p. 31. ² Ibidem. ³ Monast. p. 295. ⁴ Ibidem.

scopo in die Purificationis B. *Mariæ* A. D. MCCXXXIV. apud *Hatfield* Episcopi ¹quo tempore *Gregorius* factus est Prior S. *Edmundi*.

Henricus tertius *Angliæ* Rex Charta sua concedit, quod *Henricus* Abbas ²habeat duas Ferias, unam extra portam Aquilonarem ad Hospitale S. *Salvatoris* in vigilia, & in die, & in crastino Transfigurationis Domini: aliam extra portam Australem in vigilia, in die, & in crastino Translationis S. *Edmundi*. T. H. *Eliensi* Episcopo &c. Dat. per manum venerabilis Patris *Richardi Cicestriensis* Episcopi Cancellarii, apud S. *Edmundum Martii* XIX. anno Regni XIX. ³Nec non Mercatum apud suum manerium de *Meleford* singulis diebus *Jovis*, & Feriam trium dierum, videlicet in vigilia, in die, & in crastino S. *Trinitatis*. His testibus venerabilibus Patribus *Richardo Dunelm.* *Johanne Bathon.* & *Willielmo Carleil.* Episcopis. Dat. per manum venerabilis Patris *Richardi Cicestriensis* Episcopi Cancellarii, apud *Westmonasterium Julii* VIII. Anno regni XIX.

⁴Nec Papa defuit in exornando privilegiis

¹ Suppl. ad *Flor. Wigorn.* ² Reg. Sacristæ f. 32. ³ Ibidem. ⁴ Ibidem fol. 17. ⁵ Ibidem fol. 18.

Monasterium *S. Edmundi*: *Gregorius* enim ix. Bulla *Laterani* data vii. Idus *Maii* Pontificatûs sui anno vii. Abbati & Conventui libertates, & immunitates à *Romanis* Pontificibus, & Principibus Monasterio concessas, ac rationabiles ipsius consuetudines antiquas, & ad id tempus pacificè observatas, nec non redditus, possessiones, decimas, & alia bona, sicut ea omnia justè & pacificè obtinebant, eis, & per eos Monasterio, auctoritate Apostolica confirmavit. Quin & alia ' Bulla idem inhibuit, ne quis nisi *Romanus* Pontifex, vel Legatus ipse, in villa *S. Edmundi*, aut infra iv. Cruces uno milliaro ex partibus quatuor à villa distantes, prout ante concessum fuerat ab *Alexandro* II. & cæteris Prædecessoribus suis, potestatem aut jus aliquod sibi valeat vindicare, vel publicas Missas, aut Conventum, aut Oratorium, seu Capellam ædificare, aut Synodum seu quælibet officia Episcopalia exercere. Bulla hæc data est *Laterani* xvi. Kal. *Maii*, pontificatûs anno xii.

Hæc, ut non à nobis gratis dicta, ita nec à Pontifice *Romano* gratis facta fuisse, docebit sequens *Innocentii* iv. Bulla *Henrico* data.

' *Inno.*

¹ *Innocentius* Episcopus, Servus Servorum Dei. Dilectis filiis Abbati & Conventui S. *Eadmundi Norwicensis* Diœceseos, Salutem & Apostolicam Benedictionem. Illam de vestræ sinceritatis affectibus spem gerimus, & fiduciam obtinemus, ut, quotiens Sedi Apostolicæ matri vestræ necessitatis articulus imminet, ad vos tanquam dilectos ejus filios, & devotos pro ipsius oneribus relevandis, incunctanter recurrere valeamus. Cum igitur Sedes ipsa, per ea quæ piæ memoriæ *Gregorii* Papæ Prædecessoris nostri auctoritate in *Anglia*, aliisque regnis populi *Christiani*, pro ejusdem sedis subsidio sunt collecta, non adhuc à debitorum suorum, quæ pro Catholicæ fidei, Ecclesiasticæ libertatis, & patrimonii sui defensione contraxit, onere valeat relevari; ad vestræ devotionis affectum necessitate cogente fiducialiter recurrentes, universitatem vestram de consilio fratrum nostrorum rogamus attentius & monemus, per Apostolica vobis scripta præcipiendo mandantes, quatenus præscriptæ necessitatis instantiam, qua *Romana* Ecclesia graviter perurgetur, affectione pensantes, ut convenit, filiali, & com-

¹ Ex Originali in Archivis *Lambeth*, cui gemina extat apud *Mat. Paris.* p. 642. anno priori data.

passionem super hoc habentes debitam erga ipsam, nobis & sibi pro solutione debitorum illorum, in ea subvenire curetis; pecuniæ quantitatem, quam dilectus filius Magister ¹ *Martinus* Camerae nostræ Clericus vobis ex parte nostra duxerit exprimendam, eamque sibi aut ipsius nunciis infra terminum, quem idem vobis præfixerit, assignetis; preces nostras taliter implaturi, quod nos devotionem vestram merito commendare possimus, & super hoc aliter procedere non cogamur. Dat. *Lugduni* XIII. Kal. *Januarii* pontificatus nostri anno II.

“² A. D. MCCXL. Abbas noster unà cum Ab-
bate de *Bello* Regem accedunt vultu flebili
“& capite demisso, super exactionibus Curiae
“*Romanæ* querentes; quos torvo vultu Rex
“intuens, Legato (qui tum forte aderat) vo-
“ciferans dixit, Ecce Domine mi Legate, isti
“miseri seductores pandentes secreta papalia
“obloquuntur, voluntati vestræ non adquies-
“centes: facite de ipsis quod vobis placet; ec-
“ce accommo vobis unum de melioribus ca-
“stris meis, ut eos in eo carcerali custodiæ
“mancipetis. Quod cum audiissent Abbates,

¹ Vide de hoc *Martino* Antiq. *Britan.* in *Benif.* Archiepiscopo. ² *Mat. Paris.* p. 534.

“supra

96 *Antiquitates S. Edmundi Burgi.*

“supra quam dici possit confusione perculsi re-
“cesserunt, Legato pro voto satisfacturi.”*

Rexit Ecclesiam annos xv. obiit xiiii. Kal.
Julii A.D. MCCXLVIII†.

E D M U N D U S

A B B A S XIV.

¹ *Edmundus* de *Walpoole* Monachus *S. Edmundi*, Doct̃or in Decretis, anno secundo à sus-
ceptione habitûs electus est in Abbatem, No-
nis *Julii* A.D. MCCXLVIII. Benedictus est ab
Hugone Eliensi v. Kal. *Octobris*.

“² Quem ut Papa confirmaret, miserunt ex
“Fratribus sui ordinis tres *Romam*; qui, ele-
“ctione Papæ præsentata, cum sine ulla con-
“tradictione celebrata esset, expectabant, ut
“sine controversia confirmaretur: sed Papa,
“fictis in Electum querelis, sine ulla inquisitio-
“ne, ex potestatis suæ plenitudine electionem

* Quamvis præcedens *Innocentii* iv. Bulla ostendat, qualem devotio-
nem Papæ ab illis expectarent, qui privilegia & immunitates à sede *Ro-*
mana sibi concedi voluerunt; notandum tamen est, quod hanc Abbatum
querelam extorserit ipsius *Gregorii* ix. exactio, *Petro Rubeo* ea de causa in
Angliam legato.

† Quomodo Rex vacante sede nummos extorserit, vide *Matt. Paris.*
i Monast. vol. i. p. 295. 2 *Matt. Paris.* p. 755. & *Parkeri Antiq. Britan.*
Hannoviae 1605. p. 183.

“cassavit

“cassavit, & electum rejecit. Monachi tristes
“decedere parati sunt, quos tanta mœstitia
“affectos & abeuntes Papa revocavit, dicens;
“*Cum miseri misericordia indigeant, ex mera*
“*gratia nostra vobis Electum vestrum concedi-*
“*mus, illi ipsum cœnobium liberè ac liberali-*
“*ter conferendo: veruntamen respiciat in oētin-*
“*gentis marcis, quas tali Mercatori, cui nos*
“*tantum debemus, solvat.* Monachi ex im-
“pudenti avaritia tantam ægritudinem conce-
“perunt, ut eorum unus *Lugduni*, alter *Do-*
“*veriae*, cum essent in itinere, ex tanto dolore
“interirent; tertius æger & ægrotus super-
“stes fuit, ut tam indignum Papæ facinus Fra-
“tribus referret.”

Cum circa prima *Edmundi* tempora quidam Monasterium *S. Edmundi* visitare vellent (‘*Bonifacium Archiepiscopum Cantuariensem* hic innui suspicor,) *Innocentius* IV. Bulla ad Abbatem *S. Albani* data, quam in ² Appendice habes, id fieri vetuit.

Cum autem à quibusdam, qui lætantur cum male fecerint, Monasterium multipliciter molestaretur, idem *Innocentius* IV. Abbati *West-*

¹ Vide *Parkeri Antiqu. Britan.* p. 183. ² N. XXIII.

98 *Antiquitates S. Edmundi Burgi.*

monasteriensi, & Priori *S. Trinitatis Londonien.* per scripta Apostolica data *Laterani* x. Kal. *Februarii* pontificatûs sui anno xi. mandat, “¹ quatenus Abbati & Conventui *S. Edmundi* Apostolicæ defensionis præsidio efficaciter assistentes, non permetterent eos contra indulta privilegiorum Sedis Apostolicæ ab aliquibus indebitè molestari, molestatores hujusmodi per censuram Ecclesiasticam, appellatione postposita, compescendo: non obstante, si ab eadem Sede sit quibusdam personis indultum, quod excommunicari, suspendi vel interdici non possint, per Literas Apostolicas; quæ de indulto hujusmodi plenam & expressam, ac de verbo ad verbum, seu de prohibitione regia, non fecerint mentionem.”

Hic capitalem juratumque *S. Edmundi* hostem, *Richardum Gloverniæ* Comitem indigitari patet per ² Bullam aliam sequenti die datam sub hac forma.

Innocentius Episcopus, Servus Servorum Dei, venerabilibus fratribus Archiepiscopo *Cantuariensi*, & Episcopo & dilecto filio Decano de *Arcubus*, Salutem, & Apostolicam Benedictio-

¹ Ex Originali in Archiv. *Lambeth.* ² Ibidem.

nem. Dilecti filii, Abbas & Conventus Monasterii *S. Edmundi* ad *Romanam* Ecclesiam immediatè spectantis, Ordinis *S. Benedicti*, gravem ad nos querimoniam destinârunt; quod nobilis vir, Comes *Gloverniæ*, non ut suam justitiam prosequatur, sed ut ipsi fatigati laboribus & expensis vel compellantur juri suo cedere, vel cum ipso damnosam pactionem inire, dictos Abbatem & Conventum coram Justiciariis charissimi in *Christo* filii nostri Regis *Angliæ* illustris, super diversis quæstionibus ad Ecclesiasticum forum spectantibus, & plerumque personalibus malitiosè trahit in causam; & ut apertè ipsius nobilis injuriosa intentio cognoscatur, animalia ejusdem Monasterii, & suorum hominum, ad castra sua frequenter abducit in prædam, libertates & immunitates ipsius Monasterii temere infringendo, propter quod iidem dampna gravia & expensas non modicas incurrisse noscuntur. Volentes igitur super his eidem Monasterio salubri remedio providere, Discretioni vestræ per Apostolica scripta mandamus, quatenus prædictos Abbatem & Conventum non permittatis, ab eodem Comite coram aliquibus judicibus secularibus vel Delegatis eorum, super his aliquatenus conveniri,

100 *Antiquitates S. Edmundi Burgi.*

niri, contradictores per censuram Ecclesiasticam, appellatione postposita, compescendo; non obstante, si dicto Comiti, vel etiam aliis à Sede Apostolica sit indultum, quod excommunicari, aut eorum terra supponi Ecclesiastico interdicto non possint, absque speciali mandato ipsius Sedis faciente plenam & expressam, ac de verbo ad verbum de indulto hujusmodi mentionem. Nolumus autem quod præfato Regi per præsentis literas aliquod præjudicium generetur. Quod si non omnes his exequendis poteritis interesse, duo vestrum ea nihominus exequantur. Dat. *Laterani* IX. Kal. *Februarii* pontificatûs nostri anno XI.

¹ Rexit Ecclesiam IX. annos, & obiit II. Kal. *Januarii* A. D. MCCLVI.

S I M O N

A B B A S XV.

Simon de *Lutene* five *Luton* five *Luyton*, primo ² Sacrista fuit S. *Edmundi*, vir prudentissimus & circumspèctus; qui, id officium gerens, fundi fecit Campanam, quæ dicitur *Luy-*

¹ Monast. vol. I. pag. 295. ² Monast. vol. I. p. 301.

ton. ¹ Dein anno MCCLII. in vel post x. Kal. *Novembris* Prioratum accepit; primus qui per scrutinii electionem (Abbate *Edmundo* & duobus Monachis, uno per Abbatem altero per Conventum electis, & unà cum Abbate vota singulorum audientibus) in Priorem electus est. Et demum in Abbatem A. D. MCCLVII. XIX. Kal. *Februarii*. Post Confirmationem directi sunt Monachi ad Sedem Apostolicam: sed eis infecto negotio redeuntibus, ² eo quod statutum fuit de novo, omnes exemptos ad Curiam *Romanam* in propria persona venire, idem Electus iter arripuit versus Curiam *Romanam* III. Kal. *Augusti*, & benedictus est ab *Alexandro* IV. Papa apud *Viterbium* XI. Kal. *Novembris*. Iste Abbas fuit primus, qui Curiam *Romanam* adivit pro Confirmatione & Benedictione sua ex omnibus Abbatibus *Angliæ* exemptis; Curia in duobus millibus *Sterlingorum* visitata.

Statim post Abbatis *Edmundi* obitum Fratres Minores in villa *S. Edmundi* locum quaerunt; cujus rei narrationem, ³ Monachi cujusdam verbis descriptam, sic habeto.

¹ Suppl. ad *Flor. Wigorn.* ² De hac constitutione Curiae *Romanæ* vide sententiam *M. Paris.* p. 951. ³ Reg. *Worketon.*

Cum religiosi ac venerabiles viri, Fratres scilicet Minores, in Municipio B. Martyris locum sibi diutino astu obtinere invigilâssent, nec id assequi valerent, tandem à D. Papa *Alexandro* IV. quoddam privilegium, juxta ipsius nominis etymologiam, cumulado *non obstante* multipliciter vallatum nacti sunt: videlicet, “ut si ex pia fidelium collatione ibidem fundus eis concederetur, irrequisita Abbatis & Monachorum conniventia, eundem locum ad inhabitandum, & ædificandum ingrederentur.” Qua auctoritate freti in cujusdam Municipis prædium à Boreali civitatis climate situm, circumventa possessoris religione A. D. MCCLVII. x. Kal. *Julii* clanculò se ingesserunt; ubi moræ impatientes, sub furvo noctis gallicinio, in loco non sanctificato, imò divinis Mysteriis tractandis inhonestissimo, applicato super fœdissimam arcam Altari portatili, Missarum solemniam celebrare præsumpserunt. Quorum intrusionem perculsi Monachi ingemiscabant, eò præcipuè, quod (orbata Ecclesia per decessum *Edmundi* Abbatis) Pastoris consilio & auxilio funditus destituebantur. Quamobrem Officiales Monasterii, suam libertatem zelantes, Fratres modestè super ausu temerario arguunt,

guunt; monentes, quatenus recedant quanto-
cius: quod ultro nolentes, mox diruto à Mo-
nachorum clientela idoleo, in quo celebrave-
rant, unà cum adjacentibus ædificiis, omnes
fine violentia, etsi non fine ignominia, digre-
diuntur extorres. Post autem Curiam *Roma-*
nam adeunt, contra Monachos actionem inju-
riarum deponunt, & in omnibus exauditi, in
tantum Pontificis animum contra Monachos
instigant, ut eis rescribens filios maledicentiæ,
hæreticos, & Apostatas denominaret, & Do-
mino *Cantuariensi* & Decano *Lincolniensi* re-
scriberet; quatenus, non obstante aliquo privi-
legio seu appellationis remedio, Fratres in pos-
sessionem alterius areæ infra Burgum *S. Ed-*
mundi in parte Occidentis introducerent. Cum-
que præfati Executores, *Cantuariensis* per Com-
missarium, Thesaurarium scilicet *Herefordien-*
sem, Decanus personaliter, ad exequendum
mandatum *S. Edmundi* villam accessissent, &
Capitulum ingressi Monachos ad suscipiendos
Fratres frustra suasissent; deinde in parochiali
Ecclesia *B. Mariæ* sedentes, post longas utrin-
que inter partes altercationes, auditis argu-
mentis hinc inde propositis, ut in favorem Fra-
trum negotium maturarent, prædictam aream
adeunt,

adeunt, & Decanus evulso statim de terra brevi furculo Fratres autoritate delegata investivit. Monachi incontinenter appellant, quinimo tam ipsos delegatos, quam Fratrum Conventiculum, vix manibus innocentes, abigunt. Fratres Monachos coram diversis Judicibus conveniunt, & ad loca remotissima in jus vocant. Cum diu altercatum esset, Fratres causæ suæ jacturam timentes, spreta Judicum suorum jurisdictione ad regium subpedium se conferunt; Judices eremodiciū contrahere non morantes, Monachos ab observatione judicii absolutos decernunt. *Henricus* III. Rex, utpote vir pietatis obsequiis passim intentus, & à Fratribus sæpius interpellatus, datis ad Abbatem & Conventum literis, pro Fratribus intercedit; Regina insuper & Dominus *Edwardus* Regis primogenitus, & quamplures *Angliæ* magnates, tam precibus quam minis idem agunt, sed frustra. Rex ergo Fratrum suggestionibus, aliorum instinctu, præcipuè verò Reginae importunitate subactus, Justitiarium suum ad *S. Edm.* mittit, qui regali potestate Fratres in possessionem areæ prædictæ induceret A. D. MCCLVI. in vigilia Translationis *S. Edmundi*: quo in lo-

co plurima ¹competentia religioni suæ ædificia construentes, sex annos commorati sunt. De-functo autem *Alexandro* Papa, qui Fratrum ex-titerat currus & auriga, & substituto *Urbano* iv. missis ad Curiam nunciis, derogationem privilegiorum, & gravamina, quæ per Præde-cessoris literas passi sunt, exponunt. *Urbanus* factum sui Antecessoris revocat, mandatque ip-sis in virtute obedientiæ Provincialis, & aliis Fratribus in *Anglia* commorantibus, quatenus, non obstante impetratione prædicta, dirutis æ-dificiis omnibus à loco recederent. Ii man-dato obtemperantes, missis ad Monachos qui-busdam discretis Fratribus, in præsentia D. Abbatis & totius Conventûs loco prænominato & omni juri suo totaliter renunciant in vigilia passionis *S. Edmundi*. Pace facta, Abbas & Conventus Fratribus locum ad inhabitandum in possessione Monasterii extra septa suæ juris-dictionis gratuitò concedunt, qui venustis æ-dificiis opulenter redimitus jam efficitur ædes Sacrorum, qui prius extiterat pascua brutorum. Hæc in scriptis redacta sunt A. D. MCCLXII. Kal. *Decembris*.

¹ Qualia ædificia construxerint, vide *M. Par.* p. 986.

Negotium Fratrum Minorum amovendorum *Urbanus* IV. Pontificatûs sui anno secundo apud Urbem Veterem Episcopo *Carleolensi* & Abbati *S. Augustini Cantuariæ* delegavit per Bullam datam Kal. *Junii*; cujus virtute cum ad aliquos actus ab Executoribus processum esset, Episcopus *Carleolensis* Coexecutori suo *Richardo* Abbati *S. Augustini* vices suas commisit, datis ad eum literis die *S. Michaelis* A. D. MCCLXIII. Abbas *S. Augustini* Ministrum Minorum in *Anglia* & cæteros Fratres monuit, ut infra mensem locum, quem in villa *S. Edmundi* inhabitare cœperant, omnino dimitterent, & ab ulteriori ædificatione omnino cessarent: cui monitioni si parere recusarent, eos ex tunc à divinis suspendit, quam suspensionem, post mensem non parentes, incurrerent ipso facto. Nomina suspensorum hæc erant. Minister & Frater *Petrus de Bristowe*, *Thomas de Fordham*, *Galfridus de Neketone*, *Willielmus de Graham*, *Joannes de Staneforth*, *Henricus Doly*, *Robertus de Clare*, *Joannes de Wadeshille*, & *Henricus de Tenet*. Datae sunt hæc Literæ monitoriæ die *Veneris* proximè post Festum *S. Michaelis* A. D. MCCLXIII. Demum Abbas *S. Augustini* vices suas Præcentori Ecclesiæ *Elensis*,
sis,

sis, Magistris *Bartholomæo* de *Reynvile* D. Papæ Capellano, & *Adæ* de *Phileby* Canonico *S. Mariæ Staffordiæ* committit, eosque Subexecutores constituit. MCCLXIII. Subexecutores viz. Præcentor & Papæ Capellanus, cum Fratres monitis non paruiſſent, Decano *S. Edmundi* in mandatis dant, excommunicationis majoris ſententia eos innodatos denunciaret, niſi intra octo dies imperata faciant. Datæ ſunt hæ Subexecutorum Literæ in vigilia *S. Clementis* MCCLXIII. Decanus Fratres primò, ſecundò, tertio, monet, dicto audientes eſſent. Ii, quoad loci diſmiſſionem recedentes parent, quoad operis incœpti demolitionem nihil penitus faciunt. Invocant ergo brachii Secularis auxilium Subexecutores, Majori & Ballivis *S. Edmundi* præcipiunt, locum accedentes demoliri faciant. Datum erat illud præceptum in craſtino *S. Catharinæ* MCCLXIII. Subjungam hic ex eodem Registro regium Breve in eodem Negotio.

Henricus Dei gratia Rex *Angliæ*, Dominus *Hiberniæ*, Dux *Normanniæ* & *Aquitaniæ*, & Comes *Andegaviæ*, Dilecto ſibi in *Chriſto* *Simoni* Abbati *S. Edmundi*, Salutem. A veſtra non credimus memoria excidiſſe, qualiter dilectos

108 *Antiquitates S. Edmundi Burgi.*

nobis in *Christo* Fratres ordinis Minorum ob Dei honorem, & Apostolicæ Sedis reverentiam, pro nostra nostrorumque salute in fundo nostro proprio, quem nobis dederunt *Ludowycus de Gerardi villa & Petronella* uxor ejus in villa vestra *S. Edmundi*, per *Gilbertum de Preston* Justiciarium nostrum, ad hoc cum literis nostris missum, anno Regni nostri XLII. collocavimus ad manendum, pro quibus etiam in eandem villam benignè suscipiendis scivimus Conventum vestrum antea Apostolica mandata, & districta obedientiæ præcepta recepisse. Nunc autem vobis constare facimus, quod habita deliberatione Concilii nostri, ex communi juratorum nostrorum Consiliariorum consensu, & approbatione, memoratum factum nostrum ratificamus; nec volumus illud infirmari aliquatenus aut mutari, sed de die in diem usque ad prosperum consummationis finem promoveri, & per Hæredes & Successores nostros, Reges *Angliæ*, illud manuteneri volumus & foveri. Si quos vero dictis Fratribus, aut loco prædicto impedimentum, aut gravamen inferentes audierimus, congruo & justo modo sine difficultate, coerceri pariter, & puniri faciemus. Quocirca devotionem vestram rogamus,
&

& requirimus ex affectu, quatenus dictos Fratres, & locum prædictum sic diligere, fovere, promovere & protegere, ac amicis & benefactoribus eorum vos amabiles & placidos exhibere studeatis, ut ex hoc Dominicæ benedictionis abundantiam, & regii favoris gratiam plenior meritò possitis obtinere. Teste Meipso apud *Westmonast.* xxiii. die *Februarii* anno regni nostri xliii.

Similes eodem anno & die Aldermanno & Ballivis datæ sunt literæ.

In primo suo ad *S. Edmundum* adventu insolentius se gessisse Fratres autoritate Pontificæ fretos ex sequenti Bulla conijcere licet: quam, etsi longiusculam, hic tamen apponam; quoniam eam '*Lucas Waddingus*, nescio an volens, omisit.

Alexander Episcopus Servus Servorum Dei, Dilectis Filiis Ministro Provinciali & Fratribus Ordinis Minorum de *Anglia* Salutem, & Apostolicam Benedictionem. Intellecto dudum ex insinuatione vestra, quod Dilecti Filii Conventus Monasterii *S. Edmundi*, Ordinis *S. Benedicti*, *Norwicensis* Dioceſeos, Vobis super quodam fundo vestro Ordini ex cuiusdam nobilis liberalitate in villa *S. Edmundi* concesso,

diversas & enormes injurias irrogârant; Nos ad instantiam vestram super injuriis hujusmodi ad certos Judices sub certa forma in favorem vestrum direxisse meminimus Scripta nostra: licet igitur Ordinem vestrum, ex eo potissimè, quod olim, dum in minore essemus officio constituti, curæ nostræ fuit ab Apostolica Sede commissus, charitate præcipua diligamus, & vos tanquam prædilectos & singulares filios intra mentis ubera carius amplexemur: licet etiam favoris Apostolici sinum vobis in hoc, & in aliis quæ ipsius vestri Ordinis incrementa respiciant, manu munifica duxerimus explicandum; nostræ tamen intentionis extitit & existit, sic ad vestrum commodum hujusmodi vobis exhibere favorem, quod in aliorum præjudicium minimè convertatur; quia quanto sinceriori affectu vos prosequimur, tanto ardentius cupimus vos ea semper agere, per quæ famæ vestræ præservetur integritas, & status vestri Ordinis firmitus & solidius roboretur. Cum itaque ille, quo vos in Christo complectimur, Charitatis Zelus id egerit, ut super his præsens ad vos pagina emanaret, universitatem vestram monemus, rogamus, & hortamur attentè, per Apostolica vobis scripta mandantes, qua-

quatenus maturitatem debitam, erga præfatum Monasterium (præsertim cum sit *Romanæ* Ecclesiæ speciale, ac propter hoc ipsius jura teneamur ex Apostolatûs officio specialius defendere,) in hujusmodi negotio conservare curetis, ut ab ipsius Monasterii molestiis & injuriis, sicut vos decet, penitus abstinendo, nihilque contra privilegia, indulta, libertates & immunitates ac jura ipsius Monasterii attemptando, ita quod scandala, quæ prædicti occasione negotii orta jam in illis partibus esse dicuntur, sopiantur omnino, murmurantium clamores queruli conticescant, & detrahentium vobis linguæ mordaces taciturnitatis nexibus vinciantur, ac in vobis, tanquam virtutum limpidi speculo, grex Dominicus salubriter dirigatur; Nos quoque, vestrorum laudabilium operum odore percepto, multa exinde in Domino perfusi lætitia, dulcia Sedis Apostolicæ ubera, quæ copiosè hætenus in multorum beneficiorum perceptione fuxistis, vobis, vestris exigentibus meritis, affectuosius porrigamus. Dat. *Viterbii* v. Id. *Novembris*, pontificatûs nostri anno tertio.

Quantas turbas molestiasque creaverint Fratres Abbati & Conventui, audi ' *Matthæum*

Paris. "Sub eorundem," inquit, "temporum
 "voluminibus, Fratres Minores auctoritate
 "Papali sese ingesserunt & intruferunt in ci-
 "vitate S. *Edmundi* Regis & Martyris, invi-
 "tis & contradicentibus ejusdem loci Abbate
 "& Conventu, & introducti sunt & instituti
 "violenter per Laicorum manum, viz. Comi-
 "tis *Gloverniæ*, quem constat esse dictorum
 "Abbatis & Conventûs adversarium, & *Gile-*
 "*berti de Præstona*. Paucis autem præceden-
 "tibus diebus venerat Abbas à Curia, qui sibi
 "præcavens in futurum contra impetum dicto-
 "rum Fratrum scripto Papali præmunierat:
 "sed illico postea impetrarunt Fratres in con-
 "trarium per hanc adjectionem, *non obstante*.
 "Unde hoc audientes universi non poterant
 "satis admirari, quod tam sancti viri, qui spon-
 "taneam paupertatem elegerunt, contempto
 "Dei timore, & tam reverendi Martyris; &
 "hominum oblocutione; & privilegiorum ac
 "conservatorum tuitione; violenter illius no-
 "bilis Ecclesiæ statum perturbarent; quam
 "certum est esse magnæ dignitatis & antiqui-
 "tatis. Nec sic angebat Abbatem totus labor
 "*Transalpinus*, vel debita quibus involvebatur
 "inæstimabilia: & ad cumulum angustiarum
 "sua-

“fuarum arctatus placito Comit^{is} *Gloverniæ*
“languoris elegit dilationes.

¹ A. D. MCCLIX. vel paulò ante, Papa concessit Regi decimas bonorum Baron^{ia}e S. *Edmundi* pro quinquennio.

Circa A. D. MCCLXIV. Lis inter Abbatem & Conventum & Burgen^{ses} exorta est de Janitoribus ad portas villæ constituendis, & de Aldermanno ad custodiam villæ præficiendo. Cujus litis processum *Walterus Pinchbeck* S. *Edmundi* Monachus in ² Registro Vestiarii descriptum nobis reliquit.

³ A. D. MCCLXVII. Summonet Rex omnes militare servitium sibi debentes, ut apud S. *Edmund.* equis & armis sufficienter instructi convenirent, ad impetendum eos qui contra pacem regiam occupaverant Insulam *Eliensem.*

⁴ Ipse autem VIII. Id. *Februarii*, videlicet Dominica die post Purificationem, venit apud S. *Edmund.* & die sequenti *Octobonus* Legatus venit ibidem cunctis Prælat^{is} & Proceribus regni ex utrorumque edicto ad locum prælibatum convocatis. Legatus siquidem die S. *Petri* in cathedra ibidem Concilium celebravit, ex-

¹ Reg. Nigrum & Reg. *Pinchbeck* fol. 189. ² Fol. 1. ³ *Mat. Paris.* p. 1002. A. 8vo. H. 3. ⁴ Reg. in Archivis Archidi. *Sudb.*

114 *Antiquitates S. Edmundi Burgi.*

hæredatos, Insulam admonitionibus præmissis, publicè excommunicavit, Rege sibi præsentē, nisi infra quindenam sequentem regiæ paci se supponerent. Nocte autem proximè sequente quidam occulti rumores Legatum & suos vehementer terrentes, ipsum in crastinum quasi inopinatè iter versus *Londoniam* arripere fecerunt. Quo die etiam Dominus Rex *S. Edmund.* relinquens apud *Cantebregge* cum exercitu suo castra metavit, ibique totum jejunium quadragesimale in Insulæ *Eliensis* obsidione consummavit.

¹ Idem Rex, cum aliquot post annos in tumultuantes *Norwicenses* animadversione facta *Londinum* rediret, apud *S. Edmund.* villam gravi languore correptus est, qui eum non deseruit usque ad vitæ ² finem.

¹ *Mat. Paris.* p. 1009. ² Obiit *Henricus III.* x. Kal. *Decembris* A. D. *MCCLXXII.* Abbatum reliquorum catalogum *Append.* exhibet.

APPENDIX

Ad Antiquitates S. Edmundi Burgi.

N. I.

Camdenus in *Suffolciæ* descriptione de villa nostra hæc tradit.

INterius oppidum est *S. Edmundi* celeberrimum, quod *Saxonico* sæculo *Bede* *Bedric-gueord*, & *Britannico*, ut videtur, *Villa Faustini*, cujus meminit *Antoninus*; sic enim existimavit *Talbottus*, vir antiquitatis bene peritus, & in hac *Angliæ* parte versatissimus: distantiae etiam ratio tam ab *Iciani* quam à *Colonia* apud *Antoninum* satis convenit; utque *Villa* Latinis nobilis cujuspian domum in fundo locatam significat, ita *Gueord* idem *Anglis* denotavit. Abbo enim ille *Bedric-gueord*, *Bederici cortis*, id est, villa, interpretatur. Præterea *Angli* vim verbi in suam linguam transfudisse videntur: etenim ut *Faustinus* Latinè prosperitatis sensum in se habet, ita *Germanicè* *Bederic*, ut scribit literatissimus ille *Hadrianus Junius*; ubi *Betoricis* nomen, qui apud *Strabonem* *Meloni Sicambri* filius erat, fælicitatis & favore plenum interpretatur. Sin diversi hi fuerint, libenter me nescire fateor, quis ille *Faustinus*, & quis hic *Bedericus*. *Faustini* illius villam, quam *Martialis* libro Epigrammatum tertio depingit, non fuisse certe scio. Et *Berici* ejus fuisse, qui è *Britannia* exturbatus, ut author est *Dio*, *Claudio* Imperatori bellum in *Britannos* movere persuasit, si dicerem, ipse mihi nequiquam crederem. Quæcunque vero fuerit, si *Faustini* villa non sit, celebris tamen fuisse vide-

tur, quum enascente in hoc tractu religione *Christiana Sigebertus* Rex ædem sacram hic posuerit, & *Abbo* Villam regiam vocarit. Verum cum *Edmundi Christianissimi* Regis corpus, quem *Dani* exquisitis suppliciis trucidârunt, huc transtulisset populus, & in ejus honorem permaximam miro ligneo tabulatu ecclesiam construxisset: *Edmundi* Burgus, vulgo *St. Edmondsbury* & contractè *Bury* dici cœpit, mirumque in modum floruit; præcipuè vero, ex quo *Canutus* Rex, ut patris *Sueni* sacrilegam in hanc ecclesiam impietatem expiaret, novo opere instauraverit, opibus referferit, coronam suam *S. Martyri* obtulerit, Monachos cum suo Abbate induxerit, prædia multa & magna, & inter alia ipsum oppidum integrum donaverit. Cui ipsi Monachi per suum Seneschallum præfuerunt, & jus dixerunt. Unde *Jocelinus* de *Branklond*, hujus loci Monachus; "Homines tam
 "extra Burgum, quam infra, nostri sunt, & omnes infra
 "Bannam Leucam eadem libertate fruuntur." Postea *Hervæus* è *Normannico* genere Abbas muro, cujus pauculæ supersunt reliquiæ, cinxit. Pontifices *Romani* maximis immunitatibus dotarunt, & inter alia concesserunt, "Ut nulli
 "Episcopo locus ille subderetur in aliquo, in legitimis Archiepiscopi nutum spectaret." Quod adhuc observatur. Jamque Monachi divitiis circumfluentes novum magnifica structura templum erexerunt, & indies novis ædificiis auxerunt, dumque, *Edwardo* Primo regnante, sacelli novi fundamenta ponerent, inventi sunt (ut inquit *Everfdenus* hujus loci Monachus) muri veteris cujusdam ecclesiæ rotundæ ita constructæ, quòd altare quasi in medio fuerit: & credimus (inquit) illam fuisse, quæ ad opus *S. Edmundi* primo fuit constructa. Quale vero sit hoc Oppidum, & quantum fuerit Monasterium, dum stetit; audi, qui vidit, *Lelandum*; "Sol non vidit urbem situ elegantiozem, sic molli delicata
 "pendet in clivo, & rivulus ad Orientem defluit; aut cœnobium illustrius, sive quis dotationem, seu amplitudinem, aut magnificentiam incomparabilem æquis rationibus expendat. Diceres planè Cœnobium urbem esse:
 "tot portæ, partim etiam æneæ, tot turres, & templum,
 "quo

“quo nullum magnificentius, cui alia †tria egregio opere nitentia uno & eodem cœmiterio sita subserviunt.” Si quantæ fuerint opes, requiras, non facile quis dixerit, quot donaria uni *Edmundi* Mausolæo appensa, & sexaginta supra mille quingentas libras quotannis ex redditibus, & latifundiis collegit. Si tumultus inter cives & Monachos (qui civibus per suum Seneschallum præfuerunt) subinde exortos, & quanta cum rabie ad mutuam internecionem concurrerint, sigillatim narrarem, omnem fidem superaret narratio. Verum huic operi tanto tempore surgenti, & opibus tot annos congelitis finem attulit *Henricus* Octavus, cum Monasteria subrueret, ab iis persuasus, qui privatas rationes, & suam opulentiam Principis & patriæ, imo & Dei gloriæ, specioso restaurandæ religionis obtentu, prætulerunt. Pristinæ tamen vetustatis non deforme cadaver jacet, sed ruina sanè splendida, quam quicumque intueatur, & admiretur, & simul commifereatur. Jacturam, ut hoc etiam obiter adnotem, si unquam aliàs in homine, hoc in loco fecit *Anglia* maximam. Verus enim ille pater patriæ *Humfredus* Dux *Glocestriæ*, iusti pervicax, & qui illustre ingenium altioribus studiis excoluerat, cum regnum viginti quinque annis sub *Henrico* Sexto summa cum laude ita gubernâisset, ut nec boni quod quererentur, nec mali quod calumniarentur, haberent, hîc è medio sublatus, invidia *Margaretæ Lotharingæ*. Quæ, cum regem *Henricum* Sextum maritum minuti & angusti animi videret, ut ad se rerum summam traheret, hoc nefarium facinus concepit; verum suo & hujus regni malo maximo. *Normannia* enim cum *Aquitania* statim amissa; & plusquam civilia in *Angliâ* bella erant suscitata.

N. II.

Corruptum *Joannis Wallingford* locum de S.S. *Botulfo* & *Edmundo* ita edidit *Galæus* inter xv. Scriptores. *Lond.* 1691.

Solent quidam ad hunc Sanctum Regem retorquere satis accommodè quoad tempora, & quod narratum est superius

† Nunc tantum duo.

de Sancto *Bothulfo*, sicut hic invenio *Eadmundum*, ita in patris *Egberti* nomine *Alcmundum*, & in Legenda Sanctorum *Ethelmundum*; potestque facere de nomine dissonantia.

N. III.

Fragmentum de vita S. *Ethelberti*, (quod in Registro Rubro occurrit,) præter ea quæ ante edita sunt. p. 10. rem nostram spectantia hæc habet.

Hoc eidem regno [*Orientalium Anglorum*] novimus accidisse, quod per annos plus quam sexaginta, usque ad tempus quo regnare S. *Edmundus* incepit, sine Regibus instabile per Subregulos fuit. Passus est autem idem S. *Ethelbertus* sive *Ethelbritus* A. D. DCCVIII. xxº. die *Maii*. S. vero *Edmundus* natus est in civitate regia *Saxonum*, quæ *Nor-humbergis* nuncupatur A. D. DCCCXLI. Coronatus est autem in regem *Esstangliæ* A. D. DCCCLVI. & anno ætatis suæ xv. Sed passus est idem S. *Edmundus* A. D. DCCCLXV. & anno ætatis suæ tricesimo; & sic fluxerunt inter passionem S. *Ethelbrithi*, & primum annum, quo regnare cœpit S. *Edmundus*, anni ferine 63.

N. IV.

Registrum *Curteys*.

Quia quidam voluntariè ignari, & male intelligentes, astruunt & affirmant, quod Monasterium S. *Edmundi* ante editionem sive compilationem Decretorum non fuit ab omni jurisdictione Episcopali exemptum, venerabilis Pater *Wil-lielmus Curteys* martyrium S. *Edmundi* compendiosè compilatum hic inferi fecit. Post cujus Martyrii finem manifestè colligitur, quod R. Pater *Ailwinus Elmamensis* Episcopus Monasterium S. *Edmundi* exemit ab omni ejus jurisdictione, ac Successorum suorum, & plenissimè libertate donavit. Quas quidem exemptionem & libertatis donationem ab *Ailwino* factas de consensu unanimi Archiepiscoporum, Episcoporum, Abbatum ac aliorum quam plurimorum Ecclesiæ Anglicanæ Prælatorum, Ducum, Comitum, Baronum, Militum, Armigerorum, una cum maxima Populi multitudine ad tunc ibidem congregatorum confirmavit, & quoad temporalem

poralem jurisdictionem illud multo ampliori libertate dotavit Rex *Canutus* filius Regis *Svani* in suo Parlamento, propter hoc specialiter convocato: quod quidem Parliamentum per centum & triginta annos ante Decretorum & aliorum quorumcunque Canonum compilationem fuerat celebratum.

Vita & Passio S. *Edmundi* Regis abbreviata
& sumpta de proluxa vita ejusdem Sancti.

A. D. DCCCXLI. S. *Edmundus* Filius *Alkmundi* Regis *Saxonie* natus est apud *Northemberges* in *Saxonia* de matre Regina nomine *Sivara*. Post modicum tempus *Offa* Rex *Est-Anglie* carens hærede iter arripuit per *Saxoniam* versus terram sanctam, ut à Deo hæredem impetraret. Veniens autem ad Regem *Alkmundum*, qui erat ejus consanguineus, filium ejus *Edmundum* elegit in hæredem. Deinde propositum iter accelerat, & tandem sancta *Hicrosolymorum* loca juxta votum attigit. Quibus expletis regreditur, & ad locum qui *Bracchium S. Gregorii* dicitur veniens, gravi infirmitate corripitur. Mox accersito consilio *Edmundum* filium Regis *Saxonie* suum designavit esse Successorem; jussitque ut annulum suum sibi deferrent, quem acceperat ab Episcopo in Regni *Eftanglorum* promotione. Quo tandem mortuo *Angli* redeuntes per Regem *Saxonie* filium ejus *Edmundum* postulant, & accipiunt in Regis *Offe* Successorem. Intrantes autem *Angliam* apud *Hunstanton* applicuerunt, & deduxerunt eum ad civitatem antiquam, quæ dicebatur *Attelburg*; ubi per annum integrum deguit, psalmis & orationibus diligenter vacans: in quo spatio Psalterium, quod in *Saxonica* ceperat, perdidit. Post annum vero finitum ductus est ad *Suffolchiam*, & in villa de *Bures* ab *Humberto Elmamensi* Episcopo die Natali Domini in Regem *Eftanglie* coronatur. Æt. xv. A. D. DCCCLVI. Cumque S. *Edmundus* culmen regiminis esset adeptus, humani generis Inimicus quosdam ex suis membris ei adversarios immisit. Fuerunt eidem adversarii, *Ingwar* & *Ubba* gentiles, & pagani,

ni, filii.¹ *Lothbroci* Regis *Danorum*. Quibus pater eorum una die exprobrando dixit; Quid dignum adquisitis memoria, inter tot praeliorum vestrarum discrimina? certe quidam juvenis *Edmundus* à *Saxonica* descendens regnum *Esfangliæ* pro velle disponit. Quid vos unquam simile peregistis? Illi vero indignati ab illo die machinabantur, si quando opportunitas se obtulerit, B. *Edmundum* aut suæ potentiae subjugare, aut trucidare. Postea quadam die *Lothbrocus* cum accipitre solus naviculam ingressus, ut in insulis maris, & terræ vicinis aucuparet, suborta tempestate intra maris latitudinem raptus, & tandem in *Angliam* projectus, in provincia *Esfanglorum*, quæ *Norfolch* dicitur, apud *Redham* villam applicuit, & ab hominibus regionis cum accipitre Regi *Esfanglorum* *Edmundo* præsentatur. Susceptus igitur cum honore rogabat S. *Edmundum*, ut sibi liceret aliquandiu in ejus Curia demorari. Quo libenter concesso, junxit sese venatori S. *Edmundi*, nomine *Berno*, ut venationem cum ipso frequentaret: erat enim in aucupatione & venatione gratiofus, & à S. *Edmundo* bene dilectus. *Berno* autem Regis venatore ei tandem invidente, dum venatum irent furtivo impetu interficitur, & in silva absconditur. Nutrierat autem idem *Lothbrocus* Leporarium quendam, qui solus cum corpore Domini sui remansit. Coactus tandem fame Leporarius regiam ingreditur aulam, & Regi maximè adulando cauda applaudit, ac satiatus rediit. Factumque est ita sæpius, quousque insequentes corpus exanime reperirent, & cuncta Regi referrent. Examinataque rei veritate S. *Edmundus* decrevit, ut *Bernus* Venator suus in illa navicula, in qua *Lothbrocus* applicuit in *Angliam*, poneretur & in medio maris solus sine omni instrumento navali dimitteretur. Dimissus igitur in mari post dies paucos, in *Daniam* projectus est. Cognoscentes vero *Dani* naviculam, exegerunt ab illo, quid de Rege eorum actum esset. *Bernus* quoque, graviter afflictus, fingens mendacium dixit; quod Pater eorum & Rex, cum applicuisset in

¹ Legitur *Bothbroci* in Cod. *Lambethano*.

Angliam, jubente Rege *Eftanglorum Edmundo* fuerat interfectus. At illi de morte patris turbati, & aliàs ex paterna exprobratione & invidia inflammati, juraverunt per omnipotentes deos, quod mortem illam & exprobrationem non relinquerent impunitam. *Bernum* quoque venatorem ductorem eorum constituerunt, ut se in Regem *Eftangliæ* vindicarent. Anno igitur DCCCLXV. & anno Regni S. *Edmundi* x. *Ingvar* & *Ubba* cum *Berno*, comitantibus Regibus paganis *Halfdene*, *Oskitel*, *Bagseg*, *Hoften*, *Eowils*, *Hamund* & *Guthrum*, cum viginti millibus armatorum mare cum navibus ingressi versus *Eftangliam* vela direxerunt, ut se in Regem *Edmundum* ultum irent. Sed ventis in contrarium classẽ implentibus, in *Scotia* apud *Berwyk* super *Twedam* applicuerunt. Ubi præmeditatam sæviendo depopulationem inchoaverunt; pueros & senes quoscunque sibi obvios jugulaverunt; Sanctimoniales Virgines & Matronas ludibrio tradiderunt; Ecclesias, Monasteria, & Ministros eorum, ferro & flammis consumpserunt. Omnis quippe, qui *Christum* confitebatur, erat illis quasi publicus hostis, qui in fidem Catholicam grassabantur; & quos Dei cultores esse noverant, omnino delere, aut servituti eos subjugare nitebantur. Deinde circa annum xi. regni S. *Edmundi* ad *Eftangliam* navigio pervenientes, & per totum annum nunc mari, nunc terra circumeuntes, Monasteria, Civitates, & Villas incendiis & cædibus devastabant. Equos vero de exercitu S. *Edmundi* & de provincialibus sibi rapientes equestres facti sunt, & prout audebant discurrentes, cuncta pessum dabant. Ex his tamen quotidie plures validè ab exercitu S. *Edmundi* interficiebantur. Quadam namque vice cum quidam illorum S. *Edmundum* in quodam Castro suo residere cognoscerent, castrum statim volentes evertere obsederunt; cum vero in obsidione obfessi & obsidentes dira fame laborarent, ne inopiam suorum Pagani perciperent, S. *Edmundus* multum frumentum projici præcepit, & taurum quendam, qui pinguis infra castrum pascebatur frumento mundo saturari, & bene pastum ultra muros statim Paganis ad diripiendum jussit exponi: & hoc avidè rapto, dum taurus discif-

fus

fus, & pâne crudus Paganis famelicis devorandus aptaretur, recenti frumento intestina tauri repleta reperierunt; astimantes igitur obseffos omni copia ciborum abundare, utpote qui animalia sua frumento pascerent, clam timidi discefferunt; quos S. Rex cum suo exercitu inseguens plures eorum interfecit. Alia vice cum Pagani in abditis sylvarum locum, quo S. *Edmundus* subitò venerat, undique circumdedissent, cum vix suorum aliquem secum haberet, sylvisque ac aquis vel paludibus profundis undique circumdaretur, juxta fluvium quo erat, quatuor venæ aquarum semper fluentes eruperunt; deinde Rex per vadum ante incognitum, quod modo ¹ *Berneford* dicitur, transiit, sicque ad suos veniens ipsos coadunavit, celeriterque super incredulos irruit, & eos prostravit. Item relatione plebis refertur, quod dum vice quadam in quodam municipio suo forti moraretur, exercitus Paganorum illuc advolant, & castrum obsident; prospicientes verò, quòd castrum eis inexpugnabile esset, recedere decreverunt; sed quidam Latomus præ senectute cæcus, quem inter Præbendarios suos Rex pascebat, mercede ductus infirmiores locum castrum, quo murus facilius insultantibus cederet, indicavit, quoniam ipse olim constructioni muri illius præpositus fuerat. Cum ergo S. Rex machinis impellentibus murum cadere cognosceret, equo veloci per portam inter turmas Paganorum exiit; cum ergo insequerentur à longè, ab eis inquisitus, ubi Rex esset, respondit, velociter redite, quia cum ego in Castello eram, tunc Rex ibi erat. Hoc audientes eum insequi omiserunt, & celeriter ad perscrutandum Castellum pro captione Regis redierunt. Quem cum minimè reperissent, tunc primò recognoverunt, quod ipse Rex locutus eis esset: cujus timore statim discedere paraverunt; quoniam ejus reditum cum exercitu collecto exterminabilem sibi formidaverunt. Et cum furtim inde se subtraherent, Rex cum suo exercitu rediit, & omnes male dilaceravit, nisi qui fugæ præsidio se salvare potuerunt. Sicque post

¹ Legitur *Dernford* in codice *Lambeth*.

varios eventus bellorum, & magnos sudores Sancti, & exercitûs ejus, ab illa regione discedere coacti sunt. Postea de Orientali *Anglia* tertio adventûs sui anno ad *Eboracum* per mare migraverunt, & illic pars maxima *Northanhumbrensum*, duobus Regibus *Osbrichto* & *Alla* occisis, occubuit. Qui vero evaserunt, pacem cum Paganis pepigerunt. Quarto autem anno *Northanhumbros* relinquentes *Snotingham* & *Merciam* adierunt, ubi per annum hyemantes loca Sanctorum, & Monasteria fervorum & ancillarum Dei deprædantes combusserunt. S. vero *Ebbam* Abbatissam cum Virginibus suis in Monasterio suo concremaverunt. Combusserunt insuper *Lindisfarnense*, *Tynmuense*, *Girvense*, & *Weremuthense* & *Streneshalense*, nobilissima Monasteria. Et iterum anno quinto *Eboracum* redierunt, ibique, per annum manserunt, infanientes, debacchantes, & plures viros ac mulieres occidentes. In sexto namque anno adventûs illorum, i. e. anno xv. regni S. *Edmundi* versus *Est-Angliam* repedantes, ut se in S. *Edmundum* vindicaret, Monasteria *Crulandiæ*, *Thorney*, *Burg' S. Petri*, *Ramesey*, *Seham*, & *Ely*, cum omnibus qui intus erant, flammis & ferro destruxerunt. Cumque maximas partes ab Occidentali Aquilone depopulando peragrâssent, relicto *Ubba* ad sarcinas cum spoliis & prædis innocentium, *Ingvar* cum multitudine armatorum ad *Est-Angliam* perveniens ad quandam civitatem S. *Edmundi*, *Thefordiam* nomine, castra metatus est; quam latenter introgressus ignibus cremandam dedit, pueros, senes cum junioribus obviam factos jugulat, & matronalem seu virginalem pudicitiam ludibrio tradendam mandat. Audiens autem quod Rex eorum apud *Eglesden* eo tempore moram faceret, misit ad eum, ut spreto Deo suo idololatriæ se dedat, & thesauros sub eo regnaturus dividat. Quo audito per nuncium, S. *Edmundus* cum exercitu suo processit in hostes, & non longe ab urbe *Thefordia* contra eos sibi obviam venientes grave commisit prælium: nempe cum à mane diei usque ad vesperam mutud se prostravissent, & pro nimia intersectorum multitudine sanguine loca certaminis rubuissent,

Rex *Edmundus* non solum ex strage commilitonum suorum, pro gente, & fide *Christi* decertantium, quos jam martyrio coronatos agnovit, condolebat, verum etiam pro nece paganorum ad infernum detrusorum amarè lugebat. Recedentibus itaque primitus paganis, *S. Edmundus* cum suis qui superstites erant ad *Eglesdene* reversus est, statuens in animo suo se nunquam de cætero contra paganos pugnaturum; sed hoc solummodo sibi videbatur fore necessarium, ut solus moreretur pro populo, & pro fide *Jesu Christi*. *Ingvar* igitur cum de strage suorum anxietur, venit ad eum apud urbem *Theford* *Ubba* cum x. millibus armatorum, & sic junctis viribus ad *Eglesdene* venientes *S. Edmundus* martyrizaverunt. &c. [ut in Historia & Legenda de capite asportato, & reportato, & corpori juncto, & de sepultura utriusque.] Occubuit autem *S. Edmundus* A. D. DCCCLXX. ætatis suæ XXIX. & regni sui XV. Indictione III. Feria II. Luna XXII. XII. Kal. *Decembris*, sepultus vero fuit in eodem loco, ubi occubuit; & jacuit ibidem in terra defossus per XXXIII. annos. Cæco igitur ibi sanato, & multis jam factis miraculis, multitudo populi, non solum vulgi, sed etiam nobilium, construxit in villa de *Bedricesworth* permaximam ligneo tabulatu Basilicam; ad quam cum Clero & Pontifice transtulit eum de loco, in quo sepultus erat post martyrium; cujus corpus cum capite corpori unito ita incorruptum est repertum, ac si eodem die fuisset sepultum. Cujus incorruptionis testis postmodum erat quædam devota, *Osiven* nomine, quæ circa dictæ translationis primordia ad Sancti tumbam multa transegit annorum curricula; quæ etiam patefacto Sepulchro in Cæna Domini consuevit singulis annis capillos & ungues *S. Regis* præscindere, & in capsella devotè recondere.

Tempore igitur Regis *Ethelstani* circa A. D. DCCCCXXV. perpendentes quidam Clerici Martyrem magni esse meriti sub ejus patrocinio devoverunt se Deo perpetuò famulari. Fuerunt enim in principio VII. vel. VIII. progressu verò temporis multiplicati sunt ad numerum XIX. viventes de præbendis suis, & oblationibus à fidelibus eidem loco collatis.

latis. Clarefcentibus igitur miraculis multa eidem Cœnobio Clericorum ob amorem S. *Edmundi* collata funt beneficia. Inter quæ Rex *Edmundus*, filius Regis *Edwardi* primi, & *Edgari* Regis pater, dedit S. *Edmundo* & Clericis fuis villam de *Bedriceſworthe*, cum Charta, quæ incipit, "Quamvis decreta &c." A. D. DCCCCXLV. *Theodredus* intuper *Elmanenſis* Epifcopus *, (qui teſtis de incorruptione corporis Martyris prælibati erat veraciſſimus; quippe, tri-duano expleto jejunio, aperto locello, vidit & reperit corpus integrum, tetigit ac lavit, & rurfum novis veſtibus indutum locello re-poſuit) ſuſpendi fecit latrones, qui S. *Edmundi* Eccleſiam voluerunt infregiſſe, ſed miraculoſè per Sanctum fuerunt præpediti. Progreſſu vero temporis quidam nobilis, *Leofftanus* nomine, de incorruptione Martyris dubitans, arroganter juffit locellum aperiri, ut videret corpus Sancti; quo ad imperium ejus aperto, ſanctum corpus vidit, ac reperit incorruptum; & ſtatim arreptus à dæmone miſerabiliter exſpiravit.

A. D. MX. & anno Regis *Ethelredi* xxx. S. *Edmundus* propter infeſtationem *Turkilli* Comitis *Danorum* *Londoniam* eſt ab *Ailwino* tranſlatus, ſed tertio anno ſequentē ad *Bedriceſworthe* eſt reverſus.

† Anno ab Incarnatione MXIII. cum *Sweyn* *Danorum* Rex *Angliam* ſubjugando, generale tributum ſibi ſolvi præcepiſſet, acceſſerunt Epifcopatus *Eſtængliæ* parochiarum tam de *Norfolk* quam de *Southfolk* ad S. *Edmundum*, flebiliter orantes ut eos à tam crudeli oppreſſione potenter eriperet: admonitus igitur *Aylwinus* in ſompniis à S. *Edmundo* *Swanum* pro populo ex parte ejusdem Sancti rogaturus adiit, ſed non exaudivit cum mœrore multo rediit. Exaudivit religioſos *Edmundus*, populum exaudivit, & Deus orantem *Edmundum*: nocte enim Purificationis B. *Mariæ*

* Codex *Lambethanus* poſt hæc verba "*Elmanenſis* Epifcopus" addit "& poſtea *Londonienſis*." † Cum ea quæ de *Swano* in Registro *Curiey* occurrunt, propter Abbreviatoris vel Exſcriptoris incuriam mutila ſint & obſcura, ſupplet hic Paragraphus, quæ de ipſo Monachi legenda tradunt è Codice *Lambethano*, qui S. *Edmundi* Vitam iſdem (ſi pauca excipias) verbis abbreviatam continet.

S. *Edmundus* ipsum *Swanum* apud *Gaynesburgh* lancea sua transverberans interfecit. Quo divulgato miraculo populus exultavit tripudio, volentes quoque S. *Edmundo* grates rependere, de qualibet carucata terræ in toto episcopatu IV. denarios annuos in perpetuum conferre Sancto decreverunt, quod ea de causa *Carucagium* appellatur; quodque postea tempore Monachorum per *Herbertum* Episcopum *Normicensem* fraudulentè ab Ecclesia S. *Edmundi* est alienatum, & Ecclesiæ *Normicensi* appropriatum.

A. D. MXX. & à passione S. *Edmundi* anno CL. Rex *Canutus* filius *Swani* anno regni sui VI. ad magnam solertemque instantiam *Ailwini* Præsulis *Elmanensis*, (cujus sedes Episcopalis postea ad *Thetford* per *Arfastum*, & tandem per *Herbertum Thetfordensem* Episcopum, usque ad *Normicum* extitit translata) Clericis, qui ad tunc apud *Bedricesworth*, (quæ nunc Villa S. *Edmundi* nuncupatur,) vitam æstibant minus regularem, abinde expulsis & ejectis, Monachos Ordinis S. *Benedicti*, regulariter professos, Abbatem nomine *Uvium* eis præficiendo, ibidem introduxit. Per CCCLXXXIII. annos, postquam *Sigebertus*, Rex *Estanglorum*¹, [qui] apud *Bedricesworth* prædictum Monasterium construxerat; in quo, accepta tonsura monachica, æterno Regi *Christo* per multorum annorum curricula defervivit; & tandem A. D. DCXXXVII. à Rege *Merciorum Penda* nomine, pagano & sacrilego, fuerat interemptus. per CCXXXIV. annos ante passionem S. *Edmundi*. Quibus Abbati & Monachis, sic ad dicti Præsulis instantiam ibidem introductis, idem Præsul munificus ad tunc exemptionem concessit specialem, omne, videlicet, jus suum ac jurisdictionem, nec non omnibus dictum oppidum sive in ejus circuitu per unius stadii ambitum inhabitantibus ab ipsius Episcopi Successoribus, aut à quibuscunque aliis E-

¹ Si vocem [qui] sensum planè turbantem delendam esse concedas, 383. annorum spatium ex ipsius sententiæ structura ad Ecclesiæ foundationem referendum intelliges, ut Autor pag. 7. monet, ubi eadem verba è Chronicis *Crolandiæ* & *Cestriæ* citantur; licet error de anno, quò *Sigebertus* interfectus est, supererit.

piscopis jussu & legitimè creatis & ordinatis licentiam recipiendi omnia Episcopalia Sacramenta liberè concedendo: nec non idem Monasterium, Abbatem, Monachos, & Oppidum, cum omnibus & singulis in eodem Oppido commorantibus, à sua jurisdictione Episcopali & omnium Successorum suorum, pro perpetuis ex tunc futuris temporibus gratanter eximendo. Hic insuper *Ailwinus* anno primo immediatè sequente post introductionem Monachorum apud S. *Edmund.* anno videlicet mxxi. construere cepit Ecclesiam S. *Edmundi* in eodem loco, in quo per *Sigebertum* Regem antedictum primitus constructum erat Monasterium; (in quo idem Rex devotus, habitu tectus monachico, vitam duxit Regularem, tempore *Felici* *Estantglorum* Episcopi; prout ex Chronicis *Crolandiæ* atque *Cestrie* colligitur manifestè.) Cujus constructionis sumptus à casu miraculoso contigit [scilicet *Carrucagii* oblatione S. *Edmundo Svani* interfectori concessa] ex qua quidem pecuniæ collecta incepta fuerat Ecclesia S. *Edmundi*, quæ anno ab inceptione ejusdem xii. videlicet A. D. mxxxii. ab Archiepiscopo *Agelnotho* in honore *Christi*, B. *Mariæ*, & S. *Edmundi* extitit dedicata: in qua ad feretrum Martyris gloriosi, ob ipsius reverentiam, plerique Reges *Angliæ* suas transmittere coronas persæpe consueverunt.

Cum autem hujus Præsulis magnifici factorum & operum fama ad aures prædicti Regis *Canuti* primò pervenisset, idem Rex *Canutus* prælibati Præsulis facta memoranda plurimum commendavit; ac non multis postea diebus interpositis, anno videlicet regni sui v. (videlicet per cxxx. annos ante compilationem Decretorum, quæ A. D. mcl. fuerant compilata: anno scilicet Pontificatus *Eugenii Papæ* iii. septimo, ac ante compilationem aliorum Canonum quorumcunque,) cunctos regni sui Prælatos Procereſque ac Magnates ad suum convocans Parliamentum, in suo publicè Parlamento, persistentibus personaliter in eodem *Helstano* & *Adelnotho* Archiepiscopis, & dicto *Ailwino*, & aliis Episcopis eorum Suffraganeis, vii. quoque Ducibus, cum totidem Comitibus, nec non diversorum Monasteriorum

non-

nonnullis Abbatibus, cum quam plurimis gregariis militibus, ac cum populi multitudine copiosa, ac omnibus, ad tunc in eodem Parlamento personaliter existentibus, votis Regiis unanimiter consentientibus, prædicti Præsulis *Ailwini* facta memoriæ comimendando, exemptionem videlicet, & alia per ipsum præfato Abbati & Monachis præconcessa gratanter confirmavit; ac insuper Fossatum terræ circumduxit, immunitatem ab omni præstatione concessit; Basilicam super corpus Martyris construxit: nec non eidem Monasterio plurima donavit prædia; præceptum insuper & decretum ad tunc & ibidem ordinans & constituens, quod prædictum Monasterium sit per omne ævum Monachorum gregibus deputatum, ad inhabitandum, & ab omni jurisdictione omnium Episcoporum Comitatus illius ex tunc & in perpetuum funditus liberum & exemptum; prout in Charta ejusdem Regis *Canuti*, impressione crucis signata pro sigillo (cui omnes & singuli tam Prælati quam Procures supradicti crucis signum similiter imprefferunt, ipsorumque omnium nomina, post Regis antedicti nomen prædicabile, in ipsa eadem Charta concorditer subscripserunt) cuilibet, ejusdem Chartæ tenorem sedulè intuenti, patet evidenter. Ut autem prædictorum Regis *Canuti* & Præsulis *Ailwini* præcepta & decreta unanimi, ut prædicatur, totius Parliamenti consensu & assensu veraciter roborata, perpetuis ex tunc futuris temporibus firma & stabilia atque infringibilia valerent perdurare, illustris Rex *Hardecanutus*, prædicti Regis *Canuti* filius, Hæres, & Successor, ac sui patris vestigiorum devotus imitator, increati Patris succensus amore, gloriosique Martyris *S. Edmundi* patrocínio gaudens, & honore; cum favore laudeque Ecclesiasticorum, videlicet *Agelnodi Dorobernensis*, nunc *Cantuariensis*, & *Alfrici Eboracensis* Archiepiscoporum, aliorumque Episcoporum, suorum Suffraganeorum, nec non cunctorum regni sui mundanorum Principum consilio, descriptum constituit roboravitque præceptum, ut nullus Archiepiscoporum aut Episcoporum, vel aliqua secundi ordinis eorum disciplinatus adhærentium personarum audens quoquo modo suæ

con-

constitutionis violare iudicium præsumeret; quicquam consuetudinis sive dominationis in prædicto Monasterio, & villa antedicta, sive super Monachos, Clericos, aut Laicos, proclamare, usurpare, iustitiam aliquam facere, aut Missas celebrare, nisi à præfati loci Abbate specialiter fuerit invitatus; poenam nimium formidabilem sub verborum serie subsequens firmiter injungendo: *Si quis, videlicet, posterorum Hardecanut præceptum aggressus fuerit temere calumpniari, decretumve infringere supradictorum Ecclesiasticorum Prælatorum, prolata excommunicationi subiaceat, & cum Juda traditore ignis tartarci pœnas indefinenter luat & sustineat: ac insuper Regis fisco xxx. auri talenta persolvat:* [quæ in pecunia numerata reddunt, & in se continent librarum x. millia] in qua pecuniæ summa quidam *Normicensis* Episcopus, prædictorum præcepti & decreti violator temerarius, suis exigentibus demeritis, quondam per placitum diuturnum, ac tandem per iudicium, fuerat condemnatus: prout per Chartam regiam eadem placitum & iudicium seriosè exemplificantem patet manifestè. Ex tunc autem prædictorum Regum nobilium Successores egregii, gloriosus videlicet Rex & Confessor *S. Edwardus, Willielmusque* Rex illustris & Conquestor *Angliæ*, ac nonnulli alii Reges Deo satis devoti, ante Decretorum sive aliorum Canonum quorumcunque, ut prædicitur, compilationem, præcepta & decreta antedicta benignè confirmaverunt; prout per tenorem Chartarum, scriptorum, & munimentorum eorundem, apparet evidenter. Ut insuper omnium Regum prædictorum præcepta & decreta, per quemlibet eorundem solidè confirmata, perpetuis ex tunc futuris temporibus infringibilia & inconcussa valerent perdurare, *Alexander* Papa II. anno pontificatus sui XI. videlicet A. D. MLXXI. ad instantiam præfati *Willielmi* Regis & Conquestoris, Regis *Willielmi* ac omnium aliorum Regum, suorum Prædecessorum prædictorum, præcepta & decreta benignè confirmavit, per LXXVIII. annos ante compilationem Decretorum, vel aliorum Canonum quorumcunque, ut est antedictum. Cujus Successor immediatus *Gregorius VII. Urbanusque*

nusque 11. & *Calixtus* 11. ac nonnulli alii *Romani* Pontifices præfati *Alexandri* 11. præcepta & decreta ante Decretorum, ut sæpe antedictum, compilationem de facto confirmaverunt : prout per ipsorum omnium Bullas patet satis clarè. Præterea *Alexander* Papa 111. anno pontificatus sui 111. videlicet A. D. MCLXIII. & anno post compilationem Decretorum XIII. omnium Prædecessorum suorum *Romanorum* Pontificum, ac etiam omnium Regum prædictorum præcepta & decreta, unà cum Regis *Henrici* II. ad tunc apicem Regni gubernantis præcepto & decreto, firmiter roboravit ; & suis Bullis authenticis de facto confirmavit ; nonnulla alia privilegia valde specialia insuper concedendo : prout ex ipsius *Medulla Bullarum* colligi potest evidenter. Processu vero temporis nonnulli, ac pene omnes ex tunc, Summi *Romani* Pontifices, tam Prædecessorum suorum prædictorum, quàm Regum superius memoratorum præcepta & decreta, firmiter suis Bullis roborantes, firmissimè confirmaverunt. Ac insuper omnes ex tunc *Angliæ* Reges nobilissimi omnium Progenitorum suorum prædictorum præcepta & decreta in firma permanere stabilitate per suas Chartas speciales verissimè decreverunt : quare ipsorum omnium memoria cum Sanctis Dei præelectis in laude sit perpetua. Amen.

Et sic per præmissa patet luculenter, quod prædictum *S. Edmundi* Monasterium à secundà introductione Monachorum ibidem per *Canutum* ab omni jurisdictione & dominatione tam Archiepiscoporum quam Episcoporum ac etiam omnium aliorum Principum mundanorum liberum extitit & exemptum, *S. Edmundi* intervenientibus meritis, qui post martyrii triumphum venerabilem accipere meruit à Deo coronam immarcescibilem ; cum quo vivit, & regnat, & imperat, quotidie magna faciens miracula his qui devotè ipsius humiliter postulant suffragia.

N. V.

Quæ de *Theodredo* Patrono suo Monachorum Registra tradunt, scilicet, non modo Parochiæ *Londinensi*, sed &
El-

Elmamenſi præſediſſe, qui ſuperſunt Epiſcoporum catalogi non confirmanſ: inter *Londinenſes* enim *Theodredi* nomen non occurrit, niſi illius qui cum *Athelſtano* ad bellum contra *Analaſum* profectus eſt, A. D. CMXXXVIII. inter Epiſcopos autem *Elmamenſes* *Theodredus* I. *Edgaro* demum regnante *Alfrico* Succeſſor Epiſcopatum adiit, annis poſt *Athelſtani* obitum fere xx. jam elapſis: hunc nodum igitur clarifiſ. *Whartonus* in *Historia de Epiſcopis Londinenſibus* &c. ita ſolvendum eſſe conjeſtatur; nempe ſedem *Elmamenſem* poſt *Wildredi* obitum aliquandiu vacâſſe, & durante hac vacatione Epiſcopos *Londinenſes* proximæ Diœceſeos *Elmamenſis* curam geſſiſſe; & *Theodredum Londinenſem* Epiſcopum hinc *Elmamenſem* etiam ab *Historicis* dictum fuiſſe: quocunque autem modo ſe res habet, ſive ſedes *Elmamenſis* Epiſcopi *Londinenſis* curæ aliquandiu commiſſa ſit; ſive Epiſcoporum *Elmamenſium* inter *Wildredum* & *Adulphum* nomina exſcriptorum incuria omiſſa ſint, ſive Monachi *Burienſes* Patronum Epiſcopi *Elmamenſis* titulo ſine cauſa honeſtârint; Ipſe *Theodredus* qui S. *Edmundo* maneria legavit, teſtimonio ſuo ſe Epiſcopum *Londinenſem* fuiſſe prodiſ; initium enim teſtamenti ſic ſe habet, *Îc Theodrede Lundenware Biſcope, Îc un that Lond at Newtune, & at Horningeſhirth, & at Ickworth, & at Wepſtede into S. Edmundes Kirke.*

N. VI.

Donationum & Privilegiorum Syllabus, quem opere conſecto Autor in Appendicem rejicere pollicitus eſt, inter deſiderata eſt habendus.

N. VII.

Licet *Caii* 2 ſententiam de Foſſato *Novomercatenſi Stovæus* (pag. 93. *Lond.* 1615.) amplexus ſit, patet tamen, tum ex *Sampſonis* Abbatis Charta de Burgenſium privilegiis in Reſgiſtro Nigro fol. 199. deſcripta, & in Appendice N. xxii.

edita, tum ex aliis ejusdem Registri partibus, quod Fossatis (licet eorundem vestigium nullum nisi extra portam Australem appareat) villæ pars maxima olim circumdata esset & munita.

N. VIII.

Charta *Canuti* è Registro Sacristæ fol. 20.

In nomine poliarchis *Jesu Christi* Salvatoris mundi totiusque creaturæ creatoris, cujus divino dominatui quæque dominationes debito servicio subnixè deferviunt, cujus etiam omnipotentatui universi potentatus obsecundari examussum properant, quia bonitatis ejus bonitas est incomprehensibilis, & miseratio interminabilis, dapfilitas bonitatis ineffabilis, longanimitas quoque super pravorum nequitias quantitatis prolixitate cujuslibet longior, qui cotidianis admonitionibus religiosam conversationem ducentes monet, ut piæ sectando justitiæ culturam non eam deferendo linquant, quin potius perseverabili instancia in ejus cultura ut permaneant, paterno affectu hortatur, qui nihilominus eadem affectione mandat peccatoribus ut recipiant à suis iniquitatibus convertentes, quia eorum execratur mortem. Ejus amoris stimulo & fide suffultus, cujus largiflua miseratione Ego *Cnut* Rex totius *Albionis* insulæ aliarumque nationum plurimarum in Cathedra Regali promotus, cum consilio & decreto Archiepiscoporum, Episcoporum, Abbatum, Comitum, aliorumque omnium meorum Fidelium elegi fanciendum, atque perpetuo stabilimento ab omnibus confirmandum, ut Monasterium quod *Bedricefworth* nuncupatur, sit per omne ævum Monachorum gregibus deputatum, ad inhabitandum, & ab omni dominatione omnium Episcoporum Comitatus illius funditus liberum, ut in eo Domino servientes Monachi sine ulla inquietudine pro statu regni Dominum valeant precari. Placuit etiam mihi hanc optionis electionem roborare privilegio isto, in quo videre præcepi libertatis donum, quod jam olim *Eadmundus*

mundus Rex Occidentalium *Saxonum* largitus est suo Equivoco pro nanciscenda ejus gratia & mercede æterna: scilicet *Eadmundo* Regi & Martyri, quod bonæ voluntatis voto augere cupimus, quatenus ejus promereri precibus merear porcionem ejus beatitudinis post hujus cursum vitæ. Tali libertate concedo fundo frui illi, in quo idem Sanctus pausat, ut quociens populus universus persolvit censum *Danis*, vel ad naves, seu ad arma, persolvant inhabitantes in ipso fundo eadem ad usus, quos elegerint Fratres illius loci. Sitque nobis remedio hoc, mihi quippe atque Reginæ meæ *Aelfgife*, ac filiis nostris, omnibusque qui pridem ei hoc contulerunt. Huic libertati concedo additamentum, scilicet maritimos pisces qui mihi contingere debent annualiter per thelonei lucrum, & piscationem quam *Ulfkitel* habuit in *Wylle*, & omnia jura quarumcunque causarum in villis quæ Monasterio adjacent, & quæ adjiciendæ sunt per gratiam Dei. Dedi quoque Reginæ meæ assensum, concedens ei pro sua eleemosina dare iv. millia anguillarum cum muneribus quæ pertinent ad illas pro annuali censu in villa quæ cognominatur *Lackyngheth*.

Si quislibet, quod absit, istam libertatem quoquoque conatu nititur Servitutis jugo subigere, vel prava intentione transmutare, ut rursus Clericos in eo collocet, sit addictus captivitati æternæ, carens sempiterna libertate, & mancipatus servitio Diaboli, ejusque consortio sit inextricabilibus habenis constrictus, nisi satisfactio ejus erratui subveniat; quod prorsus optamus.

+ Ego *Cnut* Rex gentis *Anglorum*, aliorumque nihilominus, hoc privilegium jussi componere, & compositum cum signo Dominicæ crucis confirmando impressi. + Ego *Aelfisa* Regina omni alacritate mentis hoc confirmavi. + Ego *Wlstanus* Archiepiscopus consensi. + Ego *Althelnothus* Archiepiscopus confirmavi. &c.

N. IX.

Charta *Edwardi* Regis & Confessoris de monetario habendo, è Registro Sacristæ fol. 23.

Edward King gret *Aylmer* Bisscop, & *Girth* Erl, & *Toly* & all mine Theynes on *Eftangle* frendlike. And Ic kithe ihu that Ic hadde unnen *Baldewine* Abbot one munetere with innen Seynt *Edmunds Biri*, also frelike on alle thing to hebben, also me mine on hande stonden ower on ani mine burgh aldrefrelikest. God se ihu alle frend.

N. X.

Cum Tractatus, cui titulus *Omnia tangencia cuneum Monasterii S. Edmundi*, quem in Registro suo *Walterus* de *Pinchbeck* fol. 212. &c. descripsit, præter Regum Chartas, Baronum de Scaccario Brevia, & Abbatum Literas rem monetariam spectantes, continet aliqualem consuetudinum in Cambiis *Angliæ* illis temporibus usitatarum Historiam, Lectori non ingratum erit, quod eandem in compendium redactam possit consulere; quam ita orditur Registri Autor. fol. 213. p. 2.

Quamquam causæ & rationes monetæ faciendæ & censura examinis apud nonnullos difficiles subtileque reputentur, illam tamen materiam, prout parvitas ingenii mei administrat, in scriptis sub compendio declarabo.

Fertur enim, quod quidam *Numus Pompeyus Romanorum* Imperator primus omnium monetam fieri imperavit, à cuius nomine *Nummi* nuncupantur: factis itaque nummis cupreis, argenteis, aureis, quòd singuli nummi argentei valebant decem nummos cupreos, & singuli nummi aurei valebant decem nummos argenteos, ideo à numero *Denarii* sunt vocati; & ab illo huc usque utitur, ut omnis nummus *Denarius* appelletur: sed moneta *Angliæ* fertur dicta fuisse à nominibus opificum, ut *Floreni* à nominibus *Florentiorum*, ita *Sterlingi* à nominibus *Esterlingorum* nomina sua contraxerunt

xerunt, qui hujusmodi monetam in *Anglia* primitus componebant. Verumptamen quia de Obolo, vel Ferlinges, loqui non indiget, quia tantummodo in Cambio *Londoni* componuntur, & non alibi; tamen de denariis, qui vulgariter *Sterlingi* vocantur, perloquamur.

Inchoandum imprimis est de Ministris cujuscunque Cambii, & de eorum officiis, pertractare: sciendum est autem, quod in omni Cambio tria officia sunt necessaria, viz. Magistri, monetæ Custodis, & Campforis sive Assayatoris. Ad Magistrum autem pertinet tam argenti transmarini vel cismarini, quam billionis cognitio, & ejusdem emptio & assayatio, ac omnimoda monetæ dispositio, necnon Operariorum & Monetariorum, ac suorum subditorum gubernatio, & coherctio; idem quoque Magister tam pro se quam pro omnibus Monetariis & Operariis suis, pro omnimodis expensis, & custagiis suis, ac etiam pro decasu argenti de singulis libris per ipsum monetatis vd. tantummodo accipere debet; & si ipse Custos cum ipso Magistro pro minori convenire possit, bene licet. Ad Custodem vero pertinet peritia computandi, assayandi, & omnium aliorum officiorum cognitio, per quæ sufficientia monetæ probari valeat; quod si Custos hoc ignoret, habeat quempiam ad hoc idoneum in loco suo, qui in illo officio sit circumspexitus. Item ad ipsum Custodem summopere pertinet cuneos sculptos, tanquam sigillum regium, diligenter custodire, & videre, quod in ipsis cuneis per Monetarios illi officio deditos apertè & aptè absque defectu denarii monetentur; & ut summam, quam cum quolibet cuneo fecerit, Custodi cuneorum D. Regis correspondere sciat †.

† In Cambio *Londoni* ad cuneos Regis custodiendos duo sunt intendentes: unus viz. ex parte Regis, qui ferrum & asserum emere debet, & à fabro usque ad manus sculptoris lamina ferrea formata portare, ipsosque cuneos sculptos, & rite paratos, quotiens cudere & monetare necesse fuerit, deliberare; & Monetarios, ut apertè scilicet cudant, supervidere; & alius ex parte D. *Johannis de Burtons* qui habet in uxorem filiam & heredem *Thomæ filii Ottonis*, cujus est de secundo cudere cuneos Regis, qui deserviunt per totam *Angliam*, qui capit pro sculptura & fabricatura cujuscunque duodenæ *viii.* cujus vero officium est cuneos
usi-

Custos (monetatione & dealbatione peractis) denarios cum omni diligentia conservare tenetur, ne à sua custodia usquequaque transferantur, donec per examinationem idoneam fuerint assayati; & sit idcirco Campsor circumspectus in qualibet examinatione monetæ faciendæ ed tene-rius, quia unde Magister in examinatione exoneratur, inde tam Campsor quam Custos totaliter oneratur; ita sc. quod post deliberationem Magister non tenetur respondere, præterquam in Pyxidis suæ examinatione: in potestate vero Custodis, vel officio Campsoris existit, monetam, quam invenerit idoneam, deliberare, ac etiam non idoneam reprobare, ac ipsam monetam reprobata ad funditorium remittere, si necessitas exegerit, totaliter de novo reformandam.

Restat videre, qualiter monetæ examinatio sit agenda.

Cum Magister monetæ denarios monetatos, dealbatos, præparatos, in examinationis locum, ut in Cambio, portaverit, singulos simul super scaccarium canobo coopertum reponat, inde denariis per manus Magistri monetæ, & ipsius Campsoris, multipliciter mixtis, capiat Campsor manum suam plenam è medio cumuli, usque dum percepit vi. libras; postea disponat eas in quatuor partes bis aut ter, ita ut mixtura bene fiat; deinde ponderet de istis libris sic mixtis & revolutis tres libras bene & subtiliter cum stand-ardo xx^s. * quod efficitur per rectitudinem granorum; & sic singulis libris singulanter, prout rectius poterit, ponde-

usitados desorare, ne amplius deserviant, & penes se omnes veteres cuneos ad opus Domini, ut pro sædo suo, retinere. Quamvis autem inter istos duos cuneorum Magistros tam de novis cuneis, quam de veteribus & usitatis, & tam de liberationibus quam de restitutionibus eorundem indentura facta sit, & ipsis restet respondere Baronibus de Scaccario D. Regis, & Custodi suo, quantæ libræ fuerint monetatæ cum quolibet cuneo usitato *Londonii, Cantuariæ, S. Edmundi, Lincoln.* & alibi per totam *Angliam*; tamen expediens est, ut Custos cujusque Cambii, quotiens *Londoniam* pro cuneis habendis miserit, & ab ipsis cuneorum Custodibus novos cuneos perceperit, & veteres restituerit, diem receptionis novorum, & restitutionis veterum irrotulet, & fuminam, quæ cum illis fuerit monetata, in quantum poterit memorari.

* Libra argenti ponderat xii. Unc. Uncia ponderat xx. Den. Denarius xxiv. Grana.

ratis, tradat unam libram Custodi computandam, & aliam Magistro monetæ, tertiam alicui assidenti, aut sibi ipsi; & computentur diligenter; & si unus ipsorum inveniatur xx^s. & 11^d. ultra, alius 11^d. & tertius 111^d. ponendi sunt in indentura, & computo per 11^d. ob. & semper sunt deliberabiles; cum justum est, quod quilibet Mercator habeat ad quamlibet libram pro incremento suo 111^d. Et si unus inveniatur xx^s. & ultra 111^d. alius 111^d. & tertius 1111^d. ponendi sunt per 111^d. & ob. Et si unus inveniatur xx^s. & ultra 111^d. & alius 1111^d. & tertius 1111^d. ponendi sunt per 1111^d. Et si casu aliter acciderit, ut semel in anno, quod unus inveniatur xx^s. & ultra 1111^d. alius 1111^d. & tertius v^d. reprobi sunt & indeliberabiles, tamen quia semel, vel raro acciderit, ponendi sunt per 1111^d. & rarius possunt deliberari †. Caveat tamen omnino Campfor, ne monetam excedentem ultra quatuor denarios ad libram deliberet; quia hoc foret dampnum Regi & regno suo, eò quod incrementum excedens ultra xx^s. per computum incurrit in avantagium Mercatorum argentum suum deferentium tantummodo.

De supradictis tunc libris sic computatis capiat Campfor xx^s. & quilibet denarius in subtilibus balanciis singulariter ponderetur; primò cum debili denario, & si inveniatur 111. den. debiles in una libra, impediatur deliberatio, ut fiat emendatio, i. e. ut mixta cum alia fortiori moneta, iterum ponderata & examinata possit deliberari: similiter quilibet denarius cum iisdem balanciis singulariter ponderetur cum forti denario, & si inveniatur 11. denarios fortes in una libra, impediatur deliberatio, quousque mixta cum alia debiliori

† Ne Libra argenti ad Cunei usum in folium fabricata in partes ultra 17. supra xx^s. i. e. in Denarios ultra CCXLIV. dividatur, vel nequa pars, si fieri possit, à granorum xxiv. pondere distet, foliorum scissio debet fieri per certos Compararios deditos ad monetam, per quos etiam præparatur fabricando, recoquendo & in stodonibus disponendo: iisdem quoque Operarii dietas suas Magistro monetæ restituentes pro unaquaque libra 11^d. ob. à Magistro suo percipere debent, Magister vero eosdem stodones faciat candidari, quos ad cudendum Monetario deliberabit, qui etiam monetatione completa pro qualibet Libra 1^d. ob. à Magistro pro stipendio suo recipiet.

moneta, iterum ponderata & examinata, ut supra dicitur, possit deliberari *.

Et si aliqui denarii inepti usui discernuntur propter fortitudinem aut debilitatem, ita quod multum distant à moneta deliberabili, tunc, si aliter emendari non possunt, erit tota illa moneta fundata tanquam reprobata; & ad cultus Magistri totaliter renovanda remittetur.

Deinde de denariis approbatis ad quamlibet deliberationem capiat Campsor de singulis x. libris unum den. & de c. libris x. den. semper secundum quantitatem deliberationis; (quia de minori quam x. libris non potest Pyxis fieri, nec denarius capi) & in quadam cincia de *line* panno 1. den. de x. libris, vel x. de c. libris quadam parva schedula his verbis intitulet, "Hic est unus Denarius captus de decem libris:" aut, "Hic sunt decem Denarii capti de centum libris Sterlingorum, deliberatorum die tali, mense tali, anno tali &c." supra quam cinciā Magister monetæ apponat sigillum; & contra Pyxidem capiat Magister monetæ, aut Cambsor ad quamlibet deliberationem unum assayum aut duos, si fieri possit, unde Pyxidem suam, quotiens necesse fuerit, possit probare.

Et portentur † tales cinciæ in quadam Pyxide sub tribus ferruris, de qua Custos habeat unam clavem, Magister monetæ aliam, & Campsor seu Examiner tertiam; quia ibidem latet periculum & iudicium de vita & membris. Pyxis vero, in qua tales cinciæ recluduntur, ad hoc deservit, ut cum D. Rex monetam in regno suo fabricatam, & usui liberatam per communem Assayatorem examinare voluerit,

* Denarius iustus ponderat xxiv. grana. Den. fortis xxv. grana & dimid. debilis xxii. grana & dimid. & secundum usum Cambii *Londinensis* (ut ex Memorandis Scaccarii de anno regni Regis *Edwardi filii Henrici viii.* in mense *Junii* Registri Auror asserit) vi. Den. debiles, & vi. Den. fortes, qui intra unum granum & dimid. à iusto xxiv. granorum pondere distant in qualibet Libra possunt præteriri: vix igitur satis sibi constare videtur, cum deliberationem impediendam esse tradit, modo 111. den. debiles vel 11. fortes in eadem libra inveniantur.

† In hac sententia supplendum videtur [ad Regis Scaccarium]

per examen earundem cinciarum, & chirographi, vel indenturæ inter Custodem & Magistrum monetæ, de liberationibus monetæ per dietas factis, possit probare & recognoscere numerum librarum & sufficientiam ab ultima examinatione usque tunc, & judicialiter discernere.

De hujusmodi examinatione publica hæc tradit Registri Autor fol. 216.

Si fiat examinatio per Assayatorem publicum Regis de Pyxide, sumendum est assayum de omnibus denariis totius Pyxididis simul mixtis: inauditum est enim omnibus ubique monetariis, quod alicubi iudicium Pyxididis aliter unquam fuerit terminatum, semper enim licitum est unam monetam in eadem Pyxide per aliam emendare, & ad hoc suffragatur consuetudo communis tam in regno *Angliæ*, quam in aliis regnis hætenus approbata.

Aut igitur Assayum rite factum invenitur sufficiens aut deficiens: si sufficiens, tunc quietus erit Magister omnino; si deficiens, aut defectus ille erit infra terminum limitatum, infra quem Pyxis monetæ est deliberabilis secundum constitutionem Principis, & tunc in deliberatione Pyxididis præcipietur Magistro, quod meliorem monetam faciat, & aliter non erit inde quietus, quousque emendatio plenariè compleatur; aut defectus ille erit extra terminum limitatum, extra quem Pyxis monetæ non erit deliberabilis secundum eandem constitutionem Principis, & tunc, cum non sit locus emendationi, Magister monetæ erit ad gratiam & voluntatem Principis de vita & membris; Princeps vero considerabit utrum ille defectus sit mediocris vel enormis; ac etiam, si Pyxis effecta sit de paucis dietis, vel de pluribus, & utrum casualiter, vel studio fraudis acciderit, & sic, consideratis circumstantiis, vel remittendum discernet delictum cum laude misericordiæ, vel plectendum cum rigore justitiæ.

Sin autem utroque modo fiat examinatio viz. antequam denarii deliberentur, & iterum certo Terminò de Pyxide

[in Scaccarium delata] tunc prima examinatio dematur, & secunda examinatio, sc. de Pyxide, erit per iudicium terminanda; Justitia enim non patitur, quod duplex feratur iudicium in idipsum.

† Memorandum quod die Lunæ proxima post O&tab. Purificationis B. Mariæ, Anno R. R. Edw. filii Regis Edw. XII^o. viz. XII. die Febr. coram Magistro Joanne de Everdon Barone Scaccarii, Augustino Le Waleys Custode Cambii Londoniensis, Joanne de Cockermouth Clerico Thesaurarii & aliis de Saccario præsentibus, aperta fuit quædam Pyxis, in qua

reperi^M sunt LIX^s. IIII^d. capti de VII. CXX^l. de moneta monetata in Cambio infra libertatem de S. Edmundo, quibus denariis mixtis, & libris inde ponderatis, inventa est libra recti ponderis; & captis inde & cissis LXI. Den. factum est inde assayum per Regis Assayatorem, & concordat cum standardo Regis Londonii, & moratur in Baga in quadam Pyxide.

Quæ Registri Autor tradit de emptione argenti, & de allaii proportionem, quam monetæ Magister laminis cudendis admiscere tenebatur, licet obscura sint & imperfecta; hæc tamen de consuetudinibus jam olim usitatis colligi possunt.

Purissimum, quod à Mercatoribus deferebatur, argentum ejus pretii erat, ut pro metalli pondere monetæ Custos idem Sterlingorum cuforum pondus redderet, nihil plus pro Operariorum expensis retinens, quam argenti pondus, cujus quantitas secundum Principis constitutiones eodem allaii pondere supplenda erat: quod si minus defæcatum esset argentum, Custos secundum æstimationem valoris duos, denarios, tres vel plures de qualibet libra in Fisci usum subtraxit, & pro argento delato idem Sterlingorum pondus exceptis his duobus, tribus vel quatuor denariis red-

† E Rotulis in rotunda Baga de Assaiis monetæ Angliæ in Scaccario D. Regis Anno XII. R. Edw. II. Term. Hilarii.

dere pollicitus est, & hoc argentum per retentionem duorum, trium vel quatuor denariorum emptum dicebatur.

Posito igitur, quod argentum delatum sit argentum de *Gant*, quod sæpius emitur per *111d.* ad libram, Clericus irrotulabit hoc argentum in Rotulo emptionis hoc modo; "De tali Mercatore, die tali, mense tali, c. libras per "*111d.*" deinde subtrahet Clericus de qualibet libra *111d.* qui tres denarii de c. libris faciunt *xxv^s*. & remanet Tallia *11cl. xv^s*. Tunc Clericus componet Mercatori argentum deferenti billam de prædicta Tallia in hunc modum "Cambium talis

"loci debet tali Mercatori ^{xx} *111. xviii. xv^s*. ponderat. die tali, mense tali, & anno regni Regis *Edm. &c.*" & hæc billa valebit Mercatori tanquam scriptum obligatorium: & è ponderibus, quibus argentum emitur, eisdem restituitur Mercatoribus pecunia cusa, extractione Talliæ excepta.

Deinde facta indentura inter Custodem & Magistrum monetæ de argento ad monetandum liberato, & in eadem indentura intrato, liberet Custos Magistro monetæ argentum, quod accipiens Magister accedat ad funditorium, & in suum periculum asseyet: & si sit argentum de *Gant*, & emptum per retentionem trium denariorum, ponet Magister ad quamlibet libram, è qua *111d.* in Cambii usum sunt detracti, *viii^{d.}* ob. allaii de cupro, ita quod computatis prædictis tribus denariis prius in usum Cambii detractis, & *viii^{d.}* ob. quorum quantitas eodem allaii de cupro pondere suppletur, restant *x1d.* ob. in Fiscum ex argento à Mercatore delato redacti, quos D. Rex percipit de qualibet libra emptæ per *111d.* & monetata in Cambiis suis; de quibus solvit Magistro monetæ pro monetatione denariorum *†vd.* ob. & sic remanet Regi de singulis Libris *vi^{d.}* de quibus solvit vadia Custodi, Clerico, Campfori, Custodi Cuneorum, & Ostiario*.

† Hinc forte corrigendus est Registri Autor cum pag. 133. dixerit, "de singulis libris per ipsum monetatis Magister *vd.* tantummodo recipere debet." * Secundum usum Cambii *Londonensis* anno R. *Edm.* I. octavo de qualibet libra argenti

Sequitur in Registro fol. 216. exscriptum ex Rotulo emptionis secundum usum Cambii *London.* per quod patet, quod argentum purissimum ad Cambium delatum per Talliam ejusdem ponderis Sterlingorum emendum esset, minus purum autem variis pretiis, à retentione unius denarii argenti, ad retentionem sex denariorum.

N. XI.

Hermannus Archidiaconus de ultione facta in *Arfastum* Episcopum *Estangliæ* per *S. Edmundum* tempore *Baldvini* tertii Abbatis, & ab ingressu Monachorum ibidem anno 11^o. è Registro Rubro B. fol. 38. pag. 2.

Quidam Episcopus *Estanglorum*, *Arfastus* nomine, propter cupiditatem possessionum apud Monasterium *S. Edmundi* volebat sedem suam Episcopalem constituere, quærens injustè potius præesse, quam secundum Deum, ut debuit, prodesse: contra quod Abbas *Baldvinus* pauca respondit, securus de Regum privilegiis Sibi ac suis Prædecessoribus Successoribusque concessis: nec propter hoc quievit Episcopus, sed Regis licentia Baculum quendam Episcopalem cujusdam sui Antecessoribus à Monasterio rapuit, putans sic per Baculum vindicare tanti loci participium. Orta igitur ex tali causa inter eos gravi contentione, *Baldvinus* Abbas consilio & auxilio Regis *Willielmi* I. *Romam* profectus est, ubi à Papa *Alexandro* II. honorificè susceptus in Vigilia Paschæ Presbyter ordinatus est [Sequitur summula Bullæ Papalis hanc rem spectantis, quam in spicilegio ad *Eadmerum Seldenus* edidit, & Altaris portatilis descriptio, quam, ut in hoc MS. occurrit, editam habes in *Baldvini* Vita pag. 47, 48.] Postea rediit Abbas domum privilegio munitus Apostolico secundum libertatem à Regibus *S. Edmundo* concessam. Sed Præsul magis exardescit, & conatur modis omnibus ibidem sedem suam collocare. Et quia omnia *Romæ* sint

genti purissimi (argenti sc. per xxs. empti & vulgariter argentum de *Guern-lane* dicti) detrahendi erant xviiiid. ob. qu. pro quo pondere argenti Magister idem altari pondus admiscere tenebatur.

venalia; ad hoc est audax promota Præfulis lingua, promittens Regi centum marcas auri, si sibi concederet placita communia enarrandi licentiam, nescius Sancti vindictam pro foribus esse præsentem. Interea Præful equitans in silva quadam die, dum de prædictis injuriosè cum suis sermonem faceret, ramus impegit ejus in oculis, Sancti videlicet ultione, ponens eum in inopinata passionis angorem, versis ambobus oculis in multiplicis sanguinis suffusionem. Visi sunt de intus oculi carnis putredine pleni, nec à quoquam viro valebat auxiliari. Jacet præful verè cæcus, tantillumque refrigerii potitur, quin sanguis purulentus ab oculis cum spica ordeï detrahitur, unde versus.

Arfaſtus ſedem ſibi vult fore Martyris Ædem.

Caſſatur niſus : privatur lumine viſus.

Hæc dum viderem quodam mane superveniens, tactus ejus miseratione dixi ad eum: Domine Præful, in vanum super te laboratur: nullum quippe collirium tibi prodesse videtur: sed gratiam Dei requiras devotè, simulque S. *Edmundum* qui in his Comitatibus patrocinator; dirige citiſſimè ad *Baldwinum* Abbatem, ut tibi per preces ad Deum & S. *Edmundum* velit medicamentum sanitatis impendere; cujus ipse primò desperat admonitionis conſilium propter injurias Abbati illatas; sed mox conſilium datum proſequi jubet. Imponitur ergo super me *Hermannum* talis legatio, quam & eadem die Feſto SS. Apoſtolorum *Symonis & Judæ* perfecì, memorato Abbate me ſui gratia luculenter ſuſcipiente, luculentius quoque coram teſtibus reſpondente, & luculiſſimè poſtulatà concedente: quibus benignè conceſſis, deſcendit ad Abbatiam Præful debilis; cum omni ſuſceptus eſt apparatu decoris; fruitur Abbatis alloquio ſalutari, commonentis eum, ſi quid offenſionis erga Deum & S. *Edmundum* ſua parte ſit, ſe debere præmeditari quatenus peccatis primò leniatus, impenſura medicinæ celerius foret alleviandus. Annuit Præful verbis boni conſili, & eo deducto in Eccleſiæ Veſtiarium, præſentibus ejuſdem loci ſenioribus Fratribus, & quibuſdam Regis Primoribus, *Hugone de Montfort, Rogero Bigot, & Ricardo filio Gilberti*

cum

cum aliis pluribus, in quorum audientia præfert Episcopus causam suæ necessitatis, memoratur injuriæ, quam erga locum sanctum fecerit injustè vicibus multis; verbo, se dicit, & velle, in Deum & S. *Edmundum* peccasse, & ablationis Baculi pastoralis superius dicti reminiscitur; pro quo *Thetfordiam* confestim mittitur; in omnibus se fatetur culpabilem; clamat in audientia locum esse quietum & liberalem; damnat sub anathemate, quos consiliarios habuerat inde, & voto se constringit tale quid à modo repudiare. Sic publicè confessus cum fletibus & gemitu, ad Martyris altare progreditur; & ibi pro dictis offensionibus Episcopalem ponit Baculum, scilicet duplicis causæ vadium; tum pro reddendo memorato Baculo pignoris certitudinem; tum Deum & Martyrem impetrans offensæ remissionem. Ad Altaris crepidinem deinde prosternitur psallendo septem Psalmos; ab Abbate cum Fratribus absolvitur; tandem medicinam Abbatis expertus, & ut vidi, cauteriationibus & colliriis usus peropportunis, etiam Fratrum precibus apud Deum, & S. *Edmundum* adjutus, infra breve tempus sospitati redditur, quadam tamen obscuritate in medio pupillæ unius oculi pro signo remanente: Et hoc est, quod canitur in Festo Translationis S. Edmundi, *Ad sedandum consilium discordiæ conantis honorem alienum invadere Edmundus digna Sanctione Pontificem percussit cecitate, sed penitenti penæ partem donavit, partem pro audacia eidem servavit.* Deinde Præsul idem in die festo S. Edmundi de recuperatione sua verbum fecit ad populum; invitans eum ad ejusdem Sancti devotionem: Deumque & S. Martyrem orationibus, delictique sui confessione, causæ etiam suæ resignatione placans, ad propria cum gaudio reversus est.

Sed postea (quod sibi pejus erat) omnem promissionem suam fregit, restitutus enim pro magna parte sanitati, calumpniam suam renovat; & iterum clamat Abbatiam S. *Edmundi*; igitur A. D. MLXXXI. ventilatur hæc attestatio ex præcepto Regis apud *Wintoniam*, præsentibus Archiepiscopis, Episcopis Abbatibus, Comitibus, & multis aliis regni Nobilibus, ubi Præsul suum facundè fecit clamorem; sed
scriptis

scriptis & testimoniis omnimodo vacuum. Abbas vero è contra ; quomodo *Canutus* Rex cum consilio Archiepiscoporum, Episcoporum, & Optimatum suorum Monachos in eadem villa posuerit, mediante & auxiliante *Aylwino* Præsule tunc Dioecesano, qui quidem Præsul ob devotionem, quam erga S. *Edmundum* habuerat, totum jus suum ac jurisdictionem & Episcopalia Sacramenta intra idem Monasterium & oppidum & in circuitu ejus præfato Monasterio concessit, nec ad illorum ingressionis officia, nec ad Benedictionem Abbatis interesse voluit ; & quod primus Abbas loci ab Episcopo *Londinensi*, secundus ab Episcopo *Wintoniensi*, & ipse *Baldwinus* tertius Abbas ab Archiepiscopo *Cantuariensi* fuerit confirmatus : & quod per LII. annos sine alicujus Episcopi jam dicti *Arfaſti* Prædecessoris contradictione, Monachi prædicti loci, à quibus voluerunt Episcopis ordines susceperunt, ex ordine luculenter enarravit ; ostendit denique præcepta *Canuti* Regis, atque gloriosissimi Regis *Edvardi*, quibus ab omni dominatione omnium Episcoporum *Estangliæ* funditus sæpe dictam Ecclesiam liberam esse perpetualiter ipsi Reges concesserunt. Quod *Cantuariensis* Archiepiscopus *Lanfrancus*, & *Thomas Eboracensis* Archiepiscopus, & alii Episcopi, cæterique Principes regni, qui aderant, audientes censuerunt tanti loci tantam auctoritatem inviolatam usque in finem seculi debere permanere. Quorum judicio pariter & consilio placuit prædicto Regi *Wilhelmo* roborare præcepto, ut ab *Arfaſti* Episcopi, omniumque sibi per tempora succedentium Episcoporum subjectione, ipsa Ecclesia, & villa, in qua sita est eadem Ecclesia, sit in perpetuum libera ; & ut hæc auctoritas suis & futuris temporibus circa ipsum Sanctum locum, perhenniter firma & inviolata permaneat, hanc Charta sua decrevit roborare & impressione sigilli sui firmare.

N. XII.

Testimonium Sententiæ latæ contra *Arfastum*
Episcopum. E Registro Sacristæ fol. 24.

Willielmus Rex Anglorum Fidelibus suis Salutem. Sciatis quod de calumpnia & querimonia quam *Arphastus* Episcopus faciebat *Baldvino* Abbati, viz. de Ecclesia *S. Edmundi*, & de Villa, in qua eadem Ecclesia sita est, meo præcepto coram me Archiepiscopi, Episcopi, Abbates, Comites, alii-que mei Proceres iudicium inter Episcopum & Abbatem tenuerunt, & justè judicaverunt, & assenserunt unanimitè, quod *Arphastus* Episcopus prædictam Ecclesiam & Villam injustè requirebat, & Abbas ea justè habere debebat, & quod *Arphastus* Episcopus neque Successores ejus, de præfata Ecclesia & Villa nihil exclamare debeant, quod sic stare, & firmiter inviolatum manere præcipio.

Idem Rex *W. I.* Abbatia exemptionem ab Episcoporum jurisdictione, & Regum Chartas prius concessas Charta secunda plenius confirmavit, quæ in Monastico edita est.

N. XIII.

Tractatus de iis, qui in Ecclesia sepulti sunt, inter desiderata censendus est; de S.S. autem *Botulpho* & *Firmino* hæc traduntur.

S. Firminus, five *Jurminus* unà cum *S. Botulpho* & *Edwoldo* in ¹ Litaniis pro defunctis invocatur. ² Erat autem Sanctus ille *Jurminus* *S. Etheldridæ* frater; ita enim ³ *W. Malmshurienfis*; "Jacent in Ecclesia duo Sancti *Jurminus* & *Botulfus*, quorum gesta nec ibi, nec alibi haberi meminimus, nisi quod primus frater *S. Etheldrithæ*, secundus E-

¹ In Officio pro defunctis MS. penes Autorem. ² MS. *J. Craddock*. ³ Pag. 137.

“piscopus fuisse asseritur.” + *Thomas Eliensis* etiam in Vita *Etheldrithe* ita scribit “apud *Bledburch* sepultus est filius “*Anna* Deo acceptus *Jurminus*, sed apud *Bedrichesworth*, “quod nunc S. *Edmundi* appellant, postea translatus est, & “honorificè collocatus.”

N. XIV.

E Monastico Vol. 1. pag. 300.

Anselmo Abbatiae præsidente *Radulphus* & *Hervæus* Sacristæ murorum ambitum circa atrium Ecclesiæ fecerunt, ut & Ecclesiam B. *Mariæ* cum Turri sua, & Clocharium, & deintus Cymbala bene sonantia; & Turrim S. *Jacobi*, Valvas etiam duplices in fronte Ecclesiæ insculptas digitis Magistri *Hugonis*. Murorum item ambitum circa Villam S. *Edmundi* [fecit + *Hervæus*] qui, cum in aliis operibus omnes alios vicerit, in hoc opere mirificè vicit seipsum, quia libere-tenentes de honore S. *Edmundi* ad *Hervæi* comparationem in murorum ædificatione quasi rivuli fuerunt, ipse fons fuit. Redditus quos ex antiquo jure Sacrista habuit in villa S. *Edmundi* *Hervæus* comparavit, & terram *Thomæ Noel* de *Hawsted*. Ille *Hervæus* frater *Taleboti* Prioris omnes expensas invenit fratri suo Priori in scribendo magnam Bibliothecam, & manu Magistri *Hugonis* incomparabiliter fecit depingi; qui, cum non inveniret in partibus nostris pelles vitulinas, in *Scotiæ* partibus parchamentum comparavit. Pitantias etiam, quas habemus annuas in anniversariis eorum, ipse instituit, & pretio dato redditus comparavit.

1 In Actis Benedict. † *Hervæus* hic Sacrista idem videtur, quem pag. 116. *Camdenus* laudans Abbatem fuisse tradidit.

N. XVI.

E Registro Nigro fol. 99. & Reg. Sacristæ
fol. 25. pag. 2.

Stephanus Rex Anglorum Archiepiscopis, Episcopis, Abbatibus, Comitibus, Justiciariis, Vicecomitibus, Ministris, & omnibus Fidelibus suis *Francis & Anglis* totius *Angliæ*, Salutem. Sciatis me dedisse & concessisse *Ordingo* Abbati *S. Eadmundi* Abbatiam *S. Eadmundi*; quare volo, & firmiter præcipio, quod bene, & in pace, & quietè, & honorificè teneat & possideat, sicut *Baldvinus* Abbas, vel aliquis Abbas post eum melius, & quietius, & liberius, & honorificentius eam tenuit, in bosco & plano, in pratis & pasturis, & in Ecclesiis, in Burgo & extra, in aqua & extra, in molendinis & stagnis, in vivariis, & piscariis, & turbariis, & mariscis, in via & semitis & omnibus locis, & universis redditibus, cum *Soka*, & *Saka*, & *Thol*, & *Theam*, & *Infangenetheof*, & *Flemdetheof*, & *Grihtbrece*, & *Fichtwite*, & *Ferdwite*, & *Forestal*, & *Hamsocna*, & *Borrham*, & *Heberetheof*, & *Warpeni*, & *Averpeni*†, & cum omnibus consuetudinibus & quietationibus, & liberationibus suis, sicut Rex *Eadwardus* ea omnia *S. Eadmundo* dedit, & Rex *Willielmus* avus meus, & postea Reges *Will.* & *Henricus* avunculi mei concesserunt, & per Chartam suam confirmaverunt: & prohibeo, ne aliquis de his omnibus quicquam præsumat capere, vel minuere, vel molestare, nisi per *S. Eadmundum* & Abbatem suum *Ordinum*. Teste *Theobaldo* Archiepiscopo &c.

† Consuetudines hæ *Saxonice* plenius recensentur in Charta *Henrici* II. de octo Hundredis & dimidio, quæ in Registro de *Bury* in Officio Ducatus *Lancastrie* apud Hospitium *Grayense* comprehenditur; & in Reg. Sacristæ Fol. 26, 27.

N. XVII.

N. XVII.

E Registro Nigro fol. 56, 57.

Eugenius Episcopus Servus Servorum Dei, dilecto filio *Helyæ* Sacristæ Monasterii S. *Eadmundi* Salutem & Apostolicam Benedictionem. Quæ ad honorem & utilitatem alicujus Ecclesiæ Rectoris sui provisione rationabiliter statuuntur in sua debent firmitate persistere, ac ne processu temporis aliqua præsumptione turbentur, auctoritate nostræ paginæ communiri. Dilecto filio nostro *Ordingo* Abbate tuo per sua scripta nobis indicante accepimus, quoniam Burgum totum in quo antedicta Ecclesia sita est, & redditus, qui inde proveniunt, servitio Altaris ejusdem Ecclesiæ ac Sacristæ ministerio deputantur, ut ea, quæ ad idem officium pertinent exinde honore debito peragantur: quoniam igitur hoc assertionem scripti nostri petiit confirmari, & nos quod in aliqua Ecclesiarum ad decorem ejus, & honorem Dei statutum fuerit inconcussam obtinere volumus firmitatem, id auctoritate Sedis Apostolicæ confirmamus, & futuris temporibus ratum & inconcussum permanere sancimus: nulli ergo omnino hominum liceat hanc paginam nostram confirmationis infringere, vel ei ausu temerario contraire; si quis autem hoc attemptare præsumpserit, & secundò tertiove commonitus temeritatem suam satisfactione condigna non correxerit, indignationem Omnipotentis Dei, & Beatorum *Petri* & *Pauli* Apostolorum ejus, se noverit incursum. Datum *Laterani* iv. Id. *Martii*.

N. XVIII.

Quomodo Moniales S. *Gregorii* de *Thetford* ingressum habuerunt in *Thetford*. E Registro Rubro B. folio 20.

Hugo Dei gratia Abbas Ecclesiæ S. *Edmundi*, & totus ejusdem loci Conventus omnibus S. Matris Ecclesiæ Filiis
Salu-

Salutem. Scimus, quia inter actus humanos nihil ita laudabile, nihil ita stabile invenitur, quod non facile excidat ex hominum memoria, nisi scripto memoriali teneatur: facit hoc nimirum rerum gestarum mutabilitas, sed & temporum diuturnitas, & humanæ vitæ brevitās; hinc instigante pacis perturbatore, & discordiæ seminatore Diabolo sæpe filii post patres suscitandæ litis sumunt occasionem, & quod à senioribus justè & religiosè actum est, juniores in irritum revocare non trepidant; ibi maximè, ubi rei gestæ veritas neque viva voce testium claret approbata, neque scripti testimonio stat corroborata: simile aliquid super introductione Sanctimonialium de *Linges* in Monasterium *S. Georgii* de *Thefford* in posterum evenire posse non dubitantes, sed ne eveniat præcavere volentes, rationem & ordinem introitus earum in ipsum Monasterium scripto nostro perpetuæ memoriæ mandare curavimus; ut si qui forte in processu temporis litem adversus eas suscitare, & quasi minus canonicum habuerint ingressum, eas in causam trahere attemptarint, sit hoc monumentum, quo veritatis certitudo teneatur; sit etiam munimentum, quo se innocentium innocentia tueatur; & instrumentum, quo iniqua insurgentium malignitas repellatur.

Cum Canonici, qui multis annis ipsum Monasterium *S. Georgii* tenuerunt, unus post unum fere omnes cessissent in fata, & super hoc bona Ecclesiæ in eorum temporibus ita essent dissipata & dilapidata, & quasi ad nihilum redacta, ut tum pro raro habitatore, tum pro tenui possessione, magis videretur domus deserta, quam à viris religiosis frequentata, duo quos solos ex multis in ipso Monasterio mors adhuc superstites reliquerat, *Folcardus* viz. & *Andreas*, intolerabili tandem paupertatis angustia constricti, ad nos usque venerunt, & gravem, qua angebantur, inediam lamentabiliter exposuerunt; & adjecerunt, quia locum ipsum ultra inhabitare neque volebant, neque valebant, eò quod sicut censis, sic & sensus inopes se sentirent; nobis autem huic eorum proposito, quantum potuimus, renitentibus, & ut starent, prout scivimus, exhortantibus: providebamus enim

nim scandalum, quod inde nasci poterat, si locus ille, tam longo tempore haud intermissè à religiosis inhabitatus, in diebus nostris ex toto à religione destitueretur; illi è contra non solum in incepto acrius perstabant, sed hoc in petitione sua addebant, ut eis cedentibus Sanctimonialiales quasdam fœminas, quæ tunc apud *Linges* in *Norfolk.* manebant in loco suo admitteremus; quatenus illis ibidem religiosam vitam actitantibus, & possessiunculas quas sparsim aliis plerisque in locis habebant, illuc simul comportantibus, eo modo posset domus & à paupertate relevari, & ad religionis normam revocari. Nos autem loci emendationem multùm desiderabamus, sed Fœminas tamen illas, pro quibus rogabant, in locum tam subito suscipere detractabamus; multùm quidem quia *Fœminæ*; cò quod huic sexui locus ille minus fuerat assuetus; maximè tamen quia de vita & moribus earundem nihil certum haberemus: sed quantò eramus ad assensum tardiores, tantò eos in rogando sensim mollestiores, cumque ad extremum minus per se proficere se cernerent, quæsierunt sibi & adquisierunt adjuutores viros magni nominis, & nobis amicissimos, quorum mediante interventu obtinerent, quod per seipsos nequiverant; intercessit pro eis Vir venerandæ memoriæ, & sanctitatis memorandæ *Willielmus* tunc *Norwic.* Episcopus, qui præfatarum Sanctimonialium vitam & conversationem usque adeo nobis commendabat, ut non solum rogare pro eis, sed etiam consulere nobis securè auderet, quatenus eas in loco Canonorum admitteremus; noverat enim eas quasi discipulas suas, quæ & de manu sua religionis habitum susceperant, & à suscepto in Parochia sua, sicut testabatur ipse, religiosè victitaverant: intercesserant quoque pro eis *Gaufridus* tunc Archidiaconus *Cantuar.* & Sigillarius Regis: & *Willielmus* de *Cam.* tunc Vicecomes *Norfol.* atque *Suffol.* qui etiam Sanctimonialibus ipsis omnis honestatis testimonium perhibebat, quasi illis, quas & sub habitu religionis, & antequam illam susciperent, noverat, ut asseruit, absque omni nota dissolutionis in terra sua conversatas, & de eleemosinis suis sustentatas: erant & alii multi, quos longum esset

set in charta signare ; licet igitur multum reluctati essemus, eò tamen ad ultimum res devoluta est, ut hinc Canonico-
rum ipsorum instanti protervitate vexati, hinc tot & tanto-
rum pro eis intercessorum auctoritate devicti, cederemus. Præfiximus itaque diem quo simul in Cameram nostram
venirent Canonici & Sanctimonialiales, illi viz. ut cederent,
istæ ut succederent ; veniente die venit pars utraque, &
ne ordine incongruo res ageretur, imprimis, nobis omni-
bus præsentibus, Canonici Monasterium *S. Georgii de Thef-*
ford cum omnibus mobilibus, quæ eo die erant Monaste-
rii, & quæcunque cum ipso Monasterio tenuerant ipsi, sive
Antecessores sui, in pratis, in pascuis, in terris arabilibus,
& in redditibus in Burgo sive extra Burgum, & quicquid
juris in omnibus habuerant, vel habere se debere æstima-
verant, omnia in manus nostras sponte resignaverunt &
tactis sacrosanctis Evangeliiis in perpetuum abjuraverunt,
ita ut ab illo die in posterum nihil sibi juris in his vendi-
carent ; neque per se, neque per aliam personam, sive con-
tra nos, sive contra Sanctimonialiales, quæ illis erant in Mo-
nasterium successuræ, litem suscitarent : hoc facto, ibidem
continuo ipsis Canonicis assistantibus, & non solum non re-
clamantibus, sed, ut ita fieret, affectuosissimè deprecanti-
bus, ipsum Monasterium, sicut id jam vacabat, sæpe dictis
Sanctimonialibus, in manu *Ceciliæ* Priorissæ earum, & sibi
in eodem loco successuris, perpetuò inhabitandum conces-
simus, & quæcunque eodem die ad Monasterium quocun-
que in loco pertinuerunt, vel pertinere debuerunt, omnia
simul cum ipso Monasterio eis in liberam & perpetuam e-
leemosinam concessimus : præter hæc autem concessimus
etiam eis duas Ecclesias parochiales, quas habuimus in vil-
la de *Thefford*, unam viz. *S. Benedicti*, & alteram omnium
Sanctorum, cum omnibus pertinentiis earum, & quicquid
juris Ecclesia nostra habuit, vel habere debuit in campo
quam appellant *Favertunefelde*, & quicquid eodem die ad
Ecclesiam pertinebat, in territorio de *Thefford*, in Burgo
& extra Burgum, in tustis, in domibus, in pascuis, & in
terris arabilibus, & in omnibus rebus, ad tenendum de Ec-
clesia

clesia nostra perpetualiter sub annuo canone 1v. solidorum solvendorum ad duos terminos in anno, *Pascha* viz. & Festum S. *Michaelis*, Illi, de Fratribus nostris, cui cura & custodia Fratrum infirmorum erit commissa: accepimus itaque cautionem juratoriam à supra nominata *Cecilia*, quod ipsa jam dictum canonem sine dolo, & sine fraude nobis fideliter persolveret, neque opere, neque consilio, sive per se, sive per aliam personam machinaretur, quo à jure quod nostræ Ecclesiæ esse debet, in his, quæ sibi & Consonoribus suis sub hoc canone tenenda concessimus, seu in vita sua, seu post decessum suum fraudaremur: & quia sæpe memoratum Monasterium S. *Georgii* usque ad illum diem membrum Ecclesiæ nostræ fuisse constabat, ne forte videremur in hoc facto membrum à corpore abscidisse, hoc etiam juramento eam signanter adjicere fecimus, *quod fidelis & obediens nostræ Ecclesiæ, quasi matri Ecclesiæ suæ existeret; salvo jure & honore Monasterii, & salva obedientia Episcopo Norvic. quasi patri Spirituali debita; in cujus parochia illud fundatum esse constabat.* Hujus rei testes sunt *Hugo* tunc Prior Ecclesiæ nostræ &c.

N. XIX.

Samsonem Abbatem *Norfolciensem* fuisse id palam indicat, quod, cum de eo in Abbatem eligendo ageretur in Capitulo, quidam Monachus exclamaret (ut ex Chron. *Jocelini* de *Brakelond* constat) à bonis clericis libera nos, Domine, & à baratoribus de *Northfolke* nos conservare digneris, te rogamus, audi nos.

N. XXI.

E Monastico Vol. 1. pag. 198.

Hugo Sacrista, qui *Willielmo Wardell* successit Turrim magnam versus Occidentem tecto appposito & plumbato consummavit, D. *Samfone* laquearia, & tigna, & quicquid ibidem ligneum est, impendente; Turrim etiam juxta Ca-

U

pellam

pellam S. *Fidis* plenè quoad opus lapideum consummavit, in alia Turre juxta Capellam S. *Catharinæ* una istoria consummata; Infirmary novum temporibus *Willielmi* Sacristæ procurante Magistro S. & Capellam S. *Andree* pro majori parte ædificavit, & consummavit prædictus *Hugo*, D. Abbate *Samfone* de boscis suis tigna, & quicquid ibidem ligneum est, ministrante; Pulpitum in Ecclesia ædificavit magna cruce erecta, & imaginibus B. *Mar.* & S. *Joan.* * * * * Sedem Abbatis in Choro, manu *Simonis* pictoris ad hoc defudante, reddidit conspicuam; Capas brullatas, quamlibet ad valentiam LX. marcarum; & calicem aureum v. marcarum pondere. Idem Sacrista Aulam hospitem, & Balneatorium plenariè perfecit, D. Abbate S. affluenter largiente de boscis suis quæ necessaria erant ad prædictarum domorum contignationem, in actis tamen suis prædictus Sacrista de receptis & expensis neminem voluit habere conscium, cum D. Abbas in pleno Capitulo id præcepisset, sed solus quæ agenda erant fideliter & feliciter consummavit.

Ejus Successor *Walterus* de *Banham*, qui primò *Henrico* I. Eleemosynarius fuit, Aula D. Abbatis antiqua diruta novam consummavit. Aquæductum à capite & fonte distantem duobus milliaribus plumbo inclusit, & usque ad Claustrum per occultos terræ meatus derivavit. Lavatorium morte præventus non consummavit, sed tamen quicquid ibi videmus in marmore, aut imaginibus, aut opere cementario factum, totum fecit; quia in vita sua expensas omnimodas erogavit; centum marcas de plata & eo amplius, & duas marcas auri ad tabulam faciendam devotè contulit. Tabulam magnam super Altare in Choro, cum mole illa lapidea cui trabes innituntur, consummavit, magno Candelabro deaurato & laminis aureis innovato, decies xx. tignis in Coemeterio relictis, quæ dictus D. Abbas *Samson* contulit viz. quater xx. de Bosco de *Werlingworth*, & sexies xx. de Boscis de *Meleford*, ad innovationem Ecclesiæ satis accomodis.

Rbertus de *Gravele* locum Vineæ emit, & muro lapideo inclusit ad solatium infirmorum, & amicorum: Navem Ecclesiæ

clesiæ de novo contignavit, & celeuram ultra S. *Edm.* fecit, & picturæ varietate decoravit.

N. XXII.

E Registro Nigro fol. 199.

Samson Dei gratia Abbas S. *Edm.* omnibus Baronibus & Hominibus de honore S. *Edm.* *Francis* & *Anglis* omnibusque Successoribus suis, Salutem. Notum vobis facimus, quod hæ consuetudines sint, quas Burgenses S. *Edm.* dirationaverunt in Curia S. *Edm.* coram Prædecessoribus meis, ut à Chartis eorum accepi, se habuisse tempore *Edwardi* Regis, & temporibus *Willielmi* Regis, & filiorum ejus *Willielmi* & *Henrici*, & temporibus *Baldwini* Abbatis, & ceterorum Abbatum, & quas ego eis concessu Conventûs concessi, & confirmavi. Est ergo Consuetudo illorum invenire viii. homines per annum de iv. Custodiis per singulas noctes ad Villam custodiendam; & in Festo S. *Edmundi* xvi. homines ad iv. Portas custodiendas, sc. duos homines ad quamlibet Portam in die, & totidem in nocte; & similiter per xii. dies Natalis Domini; invenient etiam iv. Janitores per annum ad iv. Portas; quinta autem Porta (viz. Orientalis Porta) est in manu Abbatis; si autem opus fuerit, Sacrista invenient materiem Portarum, & Burgenses parabunt eas: quod si Fossatum quo Villa circundatur reparari debeat, si Milites de Abbatia & liberi Socmanni ibi operentur, tunc Burgenses ibi operabuntur, sicut Milites sive Socmanni, quod illud opus non pertinet magis ad Burgenses quam ad Milites. Quicumque habet in Villa S. *Edm.* Mansuras de Burgali terra, pro singulis Mansuris dabit per annum duos Ferthingos, unum ad *Pentecosten* & unum ad Festum S. *Martini*. Præterea non debent ire extra Villam S. *Edm.* ad Hundredum, nec ad Comitatum, neque ad ullum placitum ut implacitentur, nisi ad suum *Portmannemot*. Si quis Burgensium habet terram in Villa S. *Edm.* vel si emerit eam, vel alio modo adquisierit legaliter in Villa vel in Foro, & illam tenuerit uno anno & uno die sine calumpnia, & hoc possit diratio-

nare per testimonium Burgenfium, poſt non reſpondebit inde alicui calumpniatori ex diverſo venienti: hanc autem neceſſitate cogente (ſi non habet filium, vel proximum vel parentem, qui voluerit & poterit ei dare tantum pro ea, quantum aliquis alius) vendet cui voluerit infra feodam S. *Edm.* ſine omni licentia Præpoſiti, Uxoris, Filiorum & Parentum. Si quis accomodaverit ſuam pecuniam alicui extra vel infra Villam, & non poterit eam habere ad terminum ſtatutum, & hoc fuerit recognitum in ipſa Villa, accipiet pro illa namam; ſi autem inde vadimonium habuit, & hoc tenuerit per integrum annum & unum diem, & debitor illud deguajare, ſive deliberare noluerit, & hoc fuerit recognitum, vendet vadimonium coram bonis teſtibus pro quanto poterit, & inde ſuam pecuniam capiet, ſi quid autem ſuperfuerit, reddet illi; ſi vero inde totam ſuam pecuniam habere non poterit, iterum namam capiet pro eo, quod ſibi deeſt. Si quis adquiſerit terram in eadem Villa, quæ fuiſſet de Burgali conſuetudine, quicumque ille ſit, faciet conſuetudinem, quam illa terra facere conſuevit.

Quapropter volo, & hac mea Charta confirmo, quod ipſi bene, & honorificè debeant omnes prædictas conſuetudines, & omnes libertates, quas habuerunt in temporibus *Henrici* Regis, & Prædeceſſorum ſuorum. Hujus meæ confirmationis & conceſſionis hi ſunt teſtes, *Robertus* Prior, & multi alii.

N. XXIII.

E Reg. *W. Pinchbeck* fol. 116. p. 2.

A. D. mccc. Regiſtri hujus (ut videtur) Autor juſſu *Joannis* de *Norwold* Abbatis, feoda & ſervitia militaria tenentium de honore S. *Edmundi* in ſimul collegit, & in ſex partes digeſſit, 1^o. oſtendens nomina tenentium eadem feoda 2^{do}. feoda & numerum feodorum, 3^{io}. *Wardam* ad Caſtrum *Normicenſ.* & cætera ſervitia ibidem debita, 4^{to}. Fines inde levatos in Curiis Regis. 5^{to}. extenſas ſpeciales; aut generaliter per ſeoffamenta Abbatis *Baldvini*, aut per librum deſcriptionis Regni *Angliæ*. 6^{to}. Fines eorundem tenentium

nentium factos coram Abbate *Simone* de *Luton* tempore primæ guerræ *Walliæ*. Post fines autem factos cum *Simone* Abbate notula, quam Autor pag. 89. citat, traditur sub his verbis fol. 123. p. 2. De Serjanciis S. *Edmundi*, quæ respiciunt D. Regem & suum exercitum, quo tempore D. Abbas personaliter suum facit servitium nondum plenè scire potui veritatem; plures tamen sunt Serjanciæ tales infra S. *Edm.* & specialiter in Hundred. de *Blackburn*, quarum tenentes debent in comitiva Abbatis in exercitu Regis quærere & deferre victualia eidem Abbati & suis, & cariare; quidam eorum per carrectas, & quidam per equos, faggos & brochos, & quidam eorum ad tergum. — Et notandum quod D. *Hugo* de *Normold* Abbas, postea Ep. *Ehensf.* qui fecit personaliter suum servitium ad obsidionem Castrî de † *Berford*, fuit plenè feistus ibidem de omnibus hujus servitiis anno R. *Hen.* III. octavo.

In Margine ab eadem manu additur; Istæ Serjanciæ sunt quasi feoda militaria, unde mulieres dotantur de tertia parte terrarum, & D. Abbas *Wardam* habet.

N. XXIV.

Ne Gratia Regi facta in obsidione Castrî de *Bedeford* trahatur ad consuetudinem vel debitum. E Reg. Sacristæ fol. 33.

Henricus III. Dei gratia &c. Omnibus ad quos præsentēs Literæ pervenerint, Salutem. Cum propter graves & manifestos excessus *Fak.* de *Breaute*, quibus nos & regnum nostrum multipliciter perturbavit, de consilio fidelium nostrorum Castrum de *Bedeford* obsidemus, venerabilis Pater *Stephanus Cantuar.* Archiepiscopus, & Suffraganei sui, qui nobiscum gratis venerint ad exercitum, alique Prælati Provinc. *Cantuar.* qui de mera gratia & libertate sua auxilium providerint nobis faciendum ad tantos excessus fortius & facilius corrigendos, ordinantes per seipsos singuli dictorum Archiepiscopi, Episcoporum, & aliorum Prælatorum, qui

† Ita in MS. sed legendum videtur *Bedeford*, ut infra.

separatas habent portiones à Conventibus suis, ut de singulis carucatis terrarum, quas tenent in dominio, daretur nobis dimidia marca; & de carucatis militum & libere-tenentium & rusticorum prædictorum Archiepiscopi, & Suffraganeorum, & aliorum Prælatorum memoratorum, & de carucatis similiter eorum, qui tenent de militibus, & libere-tenentibus ipsorum, duo nobis solidi conferrentur; de carucatis autem Abbatum, Priorum, & aliorum Prælatorum, qui non separatas portiones à Conventibus suis, & militum, & libere-tenentium & rusticorum suorum, & similiter de carucatis eorum qui tenent de dictis militibus & libere-tenentibus darentur nobis duo solidi. Præterea de sola gratia & mera liberalitate sua concesserunt, quod homines de dominiis, & feodis suis venirent in exercitum, ad negotia, quantum in eis esset, expedienda, quæ ad expugnandum Castrum necessaria viderentur: qui quidem per Ballivos nostros alicubi infra libertates Ecclesiæ, & ipsorum Prælatorum, aliter quam hætenus fieri consuevit, summoniti fuerint & compulsi (ut accepimus) ad hoc faciendum; nos igitur nolentes occasione gratiæ & libertatis nobis, ut diximus impensæ, Ecclesiæ Dei, vel Archiepiscopo, vel aliis Prælati prædictis, vel Successoribus suis, terris feodis vel hominibus eorum præjudicium libertatis suæ, vel gravamen aliquod unquam generari, vel gratiam sic nobis exhibitam ad debitum, vel consuetudinem posse retorqueri, omnia præmissa per has Literas nostras patentes protestamur ex sola gratia & libertate processisse, & hoc nunquam occasione prædicta in consuetudinem trahi posse, vel debere: & in hujus rei testimonium has Literas nostras inde fieri fecimus patentes, & Sigillo nostro signari. Teste meipso apud *Bedeford Aug.* xviii. A. R. viii. præsentibus *H. de Burgo Justic. W. Com. Sarum. W. Com. War. G. Com. Glouc. & Hertford. W. de Maundevill. Com. Effex. Com. H. Le Bigot. Com. Hereford. Com. Warwick. Constablar. Cestr. W. Brimere. P. fil. Hereberti. W. de Albinac. Thoma de Muleton. J. de Monem. Robto. de Curtenay. Joh. fil. Robti. Richardo de Munfichet. P. de Brus. Richardo de Percy. W. de Ross, & aliis.*

N. XXV. pag. 97.

Ex Originali in Archivis *Lambeth.*

Innocentius Episcopus, Servus Servorum Dei. Dilecto filio Abbati S. *Albani Lincolnensis* Dioceseos, Salutem. Paci & tranquillitati dilectorum filiorum Abbatis & Conventus Monasterii S. *Edmundi* in *Anglia*, ordinis S. *Benedicti*, ad *Romanam* Ecclesiam nullo medio pertinentis, volentes sollicitudine providere, ut aliquem Visitatorem Monasterium eorum visitare volentem, seu Episcopum, vel Archiepiscopum, aut quemlibet alium, nisi specialiter deputatum Visitatorem à nobis, vel præsidentes Capitulo generali, recipere minimè teneantur, eis auctoritate Apostolica duximus indulgendum: quocirca Discretioni vestræ per Apostolica scripta mandamus, quatenus memoratos Abbatem & Conventum non permittas super his, contra concessionis nostræ tenorem, indebitè molestari; molestatores hujusmodi per censuram Ecclesiasticam appellatione postposita compescendo, Dat. *Lugd.* v. Kal. *Apr.* pontificatus nostri anno VIII.

N. XXVI. pag. 113.

E Registro *W. Pinchbeck.*

A. D. MCCLXIV. *Hen.* tertii XLVIII^o. quidam juniores & minus discretiores Villæ S. *Edmundi*, quandam conspirationem suscitârunt, quam Gildam sub colore appellari fecerunt, cum quodam cornu erecto communi, cui intendere unanimiter præsumpserunt, cornu spreto totius communitatis antiquo, & à tempore de quo non extat memoria prius auctorizato; & diversas injurias attemptârunt contra D. *Simonem* Abbatem, necnon contra quosdam Villæ, in præjudicium non modicum Monasterii S. *Edm.* & Villatæ ejusdem; propter quod plures dissentiones inter præfatum D. Abbatem Conventum & suos, & Villatam memoratam sæpius suscitabantur; & præcipuè pro eo, quod iidem juniores unà cum suis complicibus eidem Abbati ad Portam Aquilonis vi & armis clausa janua resistentes, nec non insultum

tum aliquando facientes in Portas Abbatiae S. *Edm.* injurias & violentias sapius commiserint: unde præfatus D. Abbas habito consilio cum D. Rege & suis Consiliariis, Breve impetravit de inquirendo in hujusmodi transgressionibus &c. Majores vero & discretiores prædictæ Villæ, attendentes quod per talem actionem eis posset generari periculum de libertatibus suis à præfato Abbate & Conventu longo tempore obtentis & usitatis; per nobiles viros eidem Abbati supplicarunt, quod ab hujus prosecutione desisteret; ita viz. ut constituat sibi Judices, quos sibi placuerit, nisi ipsemet intronittere voluerit, & in Foro laicali, sive ecclesiastico inquiretur de omnimodis injuriis à *Pasch.* usque ad talem diem Abbati & Conventui factis, & quicumque invenietur culpabilis satisfaciet competenter, & qui noluerit satisfacere distringatur &c. insuper prædictam Gildam omnino adnihilabant præfati discretiores & majores, ita quod si quis eam de cætero teneat, extra communitatem ejusdem Villæ penitus ejiciatur, irreversurus nisi condignam pro meritis Abbati & Conventui fecerit satisfactionem. Hinc secuta est concordia talis; Quod cum Burgenses Portam Aquilonalem contra Abbatem, Portam Australem contra Sacristam & Cellarium clausas tenuissent, insultum ad magnam Portam Monachorum fecissent, Portam Cœmeterii fregissent, homines Monachorum usque ad Altare persecuti essent, & Gildam novam levassent &c. iidem Gildam illam dampnarent, & pro aliis gravaminibus Abbati illatis usque ad F. *Paschæ* MCCLXIV. eidem Abbati XL. libras argenti solverent, salvis Abbati actionibus quas habet contra singulares personas: de injuriis autem post *Pascha* prædictum illatis coram Abbate vel suo Justiciario respondebunt, & in forma juris parebunt, & si recusaverint, à communitate Villæ expellentur; ad quod fideliter exequendum xxiv. de majoribus pro se & hæredibus suis & successoribus corporale sacramentum præstiterunt; & scripto in modum Chirographi confecto sigilla sua apposuerunt.

Breve recognitionis hanc concordiam (ut videtur) confirmans extat in eodem Registro *W. Pinchbeck* fol. r.

Abba-

Abbatum qui post *Simonem* de *Luton* Ecclesiam rexerunt Catalogus è collectaneis *Jacobi Burrough* A. M. Collegii *Caio-Gonvillensis Cantabrigiæ* Socii.

Creati

	Anno Domini	Anno Regni	Rex ^t . Eccl.	Ob. annos A.D.
<i>Joannes</i> de <i>Norwold</i>	1279	7	<i>Edw.</i> I.	22 1301.
<i>Thomas</i> de <i>Tottington</i>	1301	29	<i>Edw.</i> I.	11 1312.
<i>Richardus</i> de <i>Draughton</i>	1312	6	<i>Edw.</i> II.	23 1335.
<i>Gulielmus</i> de <i>Bernham</i>	1335	9	<i>Edw.</i> III.	25 1361.
<i>Henricus</i> de <i>Hunstanton</i>	1361	electus sed obiit ante Confirmationem.		
<i>Joannes</i> <i>Brinkeley</i>		35	<i>Edw.</i> III.	17 1379.

Papa *Innocentius* contulit Abbatiam illi.

Vacavit per VI. annos.

<i>Joannes</i> <i>Tinnmouth</i>	1384	7	<i>Ric.</i> II.	7 1390.
<i>Gulielmus</i> <i>Cratefeld</i>	1390	13	<i>Ric.</i> II.	37 1427.
<i>Gulielmus</i> <i>Exeter</i>	1427	5	<i>Hen.</i> VI.	2 1429.
<i>Gulielmus</i> <i>Curtis</i>	1429	7	<i>Hen.</i> VI.	28 1457.

[*Gulielmus Babington*] Hujus nomen in Registris occurrit A.D. 1447 & 1453.

<i>Joannes</i> <i>Boon</i>	1457	35	<i>Hen.</i> VI.	18 1475.
[<i>Robertus</i> † <i>Ixworth</i>]		10	<i>Edw.</i> IV.	4 & dimid.
<i>Richardus</i> <i>Hengham</i>	1475	15	<i>Edw.</i> IV.	3 1478.
<i>Thomas</i> <i>Rattesden</i>	1478	18	<i>Edw.</i> IV.	36 1514.
[<i>Gulielmus</i> <i>Codenham</i>]	1508			
[<i>Gulielmus</i> <i>Bunting</i>]	1511			

Joannes *Reeve* al. *Melford*. 1514 5 *Hen.* VIII. Resignavit Conventum Pridie Non. Nov. Anno regni *Hen.* VIII. 31^o. A.D. 1539. Obit A.D. 1540.

† Prout in Reg. *Grosii* apparet. Vide etiam Lit. Attorn. *Roberti* Abbatis prope finem.

Abbatum, de quorum successione minus certa est autoritas, nomina uncis inclusimus, quæ in Catalogo MS. Charactere ab aliis diverso distinguuntur: omnes autem *Willisus* è collect. cl. *Tanneri* inseriit, & in additamentis suis MS. *Roberto* de *Ixworth* cognomen *Coot* tribuit.

Codices MSS. quibus in his Antiquitatibus Autor usus est.

Rubrum Registrum A. five Liber primus Allocationum.

Rubrum Registrum B. quod in *Notitia Monastica* Registrum rubeum contextum tempore Regis *Henrici VI.* nominatur.

Registrum Sacristæ.

Album Registrum Vestiarii.

Nigrum Registrum de Vestiario.

Registrum Alphabeticum.

Hos Autor interdum ut Codd. *J. Cradock* citat, penes quem olim erant, nunc autem in Bibliotheca regia *Cantabrigiæ* reponuntur.

Historiola *Galfridi* de *Fontibus* de pueritia *S. Edmundi*. In Bibliotheca publica Acad. *Cantab.*

Codex MS. pag. 3. citatus in Biblioth. Coll. *Trin. Cantab.*

Officium pro defunctis MS. olim penes Autorem.

Supplementum ad *Florentium Wigorniensem* in Biblioth. Coll. *Corporis Christi Cantab.*

Registrum *Will. Curteys* in Musæo Viri rev. *Cox Macro S.T.P.* de *Norton* juxta *Wolpet* in Com. *Suffolc.*

Codex *Lichfeldensis* continens *W. Malmesburiensis* Vitas Pontificum. Idem fortasse quem cl. *Whartono* communicavit *Lancelotus Addison S.T.D. Lichfeldensis* Decanus; in quo, ut *Whartonus* in Præfatione ad *Angliæ Sacræ* Vol. 1. pag. xxxvi. tradit, intermiscetur Historia Regum *Merciorum, Anglorum, & Normannorum.*

Registra in Archivis *Buriensibus*, in Officio Registrarii *Buriensis*, & in Archivis Archidiaconi *Sudburie.*

Registrum *Lakingbeth*, & Chronicon *Jocelini* de *Brakelond*; qui, ut Antiqui Codd. alii olim penes dignissimum Præfulem *Edw. Stillingfleet* Episcopum *Wigorniensem*, cum cæteris ejusdem Præfulis MSS. in Bibliotheca *Harleyana* servantur;

In qua etiam Bibliotheca.

Registrum *Croftis*, Reg. *Worketone* & Reg. *Swaffham*.

In Bibliotheca *Cottoniana*.

Jo. de Oxenedes de Successione Abbatum *Hulmensium*.
Nero D. II. 3.

Gulielmus Croilandenfis. Vitellius D. 14.

In Bibliotheca *Lambethana*.

Autor Vitæ & Passionis S. *Edmundi* abbreviata &c.
Chronicon *Eliense*.

Tho. Rudburn.

Continuator Chronici *Mariani Scoti*.

In Archivis Ecclesiæ *Christi Cantuarie*.

Registrum Ecclesiæ *Christi Cantuar.* de rebus extra *Cantuar.*

Registrum de privilegiis &c.

Arbitrium originale de lite inter Archiepiscopum *Cantuariensem* & Canonicos *Lambethanos* terminanda.

Qui cætera scripta Antiquitates *Burienses* spectantia confulere velit, cl. *Tanneri Notitiam Monasticam Londini* A.D. 1744. editam adeat; in qua omnium sedes quasi digito indicantur; nisi quod iv. Volumina, quæ *Notitiæ* Editor inter dignissimi Præsulis MS. in Bibliotheca *Bodleiana* reservata esse credidit, (viz. Rubrum Registrum B, Registrum Sacristæ, Album Registrum Vestiarii, & Nigrum Registrum de Vestiario) ex decreto Visitatorum Bibliothecæ *Bodleianæ* Academiæ *Cantabrigensi* reddita sint, & in Bibliotheca regia ibidem quærenda.

Chartæ

Chartæ *Edwardi* Regis & Confessoris p. 134.
vernaculè editæ Versio *Latina*.

Edwardus Rex salutat *Aylmerum* Episcopum, & *Girthum* Comitem, & *Toly*, & omnes meos Thanos in Orientali *Anglia* amicè. Notifico autem vobis quod dederim *Baldwino* Abbati unum Monetarium intra *S. Edmundi* Burgum, tam liberè in omni re habendum, quam ego meos [monerarios] usquam in quovis meorum Burgorum habeo, omnium liberrimè. Deus sit vobis omnibus amicus.

Notulæ *W. Worcestre* de Area & Ædificiis Monasterii *S. Edmundi*, regnante *Henrico* VI. (ut creditur) conscriptæ. E codice MS. in Bibl. Coll. *Corporis Christi Cantabrigiæ*.

Longitudo Curie magnæ infra præinctum Monasterii de *Bery* continet 240 gressus meos. Latitudo ejus 120 gressus.

Longitudo & Latitudo quadrangularis Claustrii *Bury* continet ex omni parte 80 gressus.

Longitudo Navis Ecclesiæ Monasterii de *Bery* continet 150 gressus meos, Longitudo Campanilis in medio Ecclesiæ Navis à dicto numero 150 gressuum continet 20. gressus. Latitudo Brachii Meridionalis Ecclesiæ à pede Campanilis ad Portam Meridionalem continet 43 gressus. Longitudo Chori à pede Orientali Campanilis prædicti usque ad Capellam *B. Mariæ* continet 70. gressus meos. Et sic tota Ecclesia Monasterii cum Choro & Campanile à Capella *B. Mariæ* ad Portam Occidentalem continet 240 gressus.

Longitudo Capellæ *B. Mariæ* ex parte Boreali Chori, ubi *Tho. Beauford* jacet sepultus continet 40 gressus. Latitudo ejus continet 21 gressus.

Longitudo de *Le Chapter House* continet 50 gressus. Latitudo ejus 50. gressus.

Longitudo Cryptæ *B. Mariæ* subtus Scrinio *S. Edmundi* continet 50 gressus. Latitudo ejus continet 40 gressus. Est ibi fons pulcherrimus, & in dicto spatio sunt 24 Columnæ.

xx

Longitudo de *Le Frayter* continet VIII XI. (i. e. 171.) pedes, vel 90 gressus Latitudo 21 gressus, vel 40 pedes.

Ex his Autoris verbis constat, quod in parte Monasterii *Le Frayter* dicta, ipsius gressus 2 pedibus demptâ sesquiunciâ fere æquales fuerint; in Ecclesia autem dimetienda gressus singuli 2 pedibus additâ sesquiunciâ paulò longiores sunt, totam enim Ecclesiam 240 gressus continere tradit, quam longam fuisse pedes tantum 513 ejusdem vestigia, quæ hodie supersunt, ostendunt: cum in partibus igitur quarum longitudinem certam & definitam colligere licet, gressus à 2 pedum mensura vix ultra sesquiunciam hinc inde distent, si quis in reliquis partibus illos ad intermediam 2 pedum longitudinem revocet, à vera singularum magnitudine, quam rei Antiquariæ studiosi in hac Monasterii descriptione desiderari existimant, non multum aberrabit.

F I N I S.



